

ପ୍ରେରିତ ଶିକ୍ଷ୍ୟମାନଙ୍କ କାର୍ଯ୍ୟର ବିବରଣୀ ପ୍ରେରିତ ସିସ୍ତରମାନଙ୍କ ପରଚାର ତିନି ସାମୁଆଁ ପ୍ରେରିତ ବଇ ବିସୟରେ ଉଡ଼ିକ୍ରିଗ୍ ସାମୁଆଁ

ପ୍ରେରିତ ସାସ୍ତ୍ର ତିନିଟିଙ୍କେ ମଣ୍ଡଳିନେ ଆରାମ୍ ବାରି ତିରକମ୍ ଆକେନ୍ ଯିରୁସାଲାମ୍ ବାନ୍ ଜିଉଦା ସମରିଆ ବାରି ବାଏରେ ତିରକମ୍ ଉଡ଼ାତିଙ୍କେ । ଆକେନ୍ ଜିସୁନେ ସର୍ଗେ ଝେନେ ସେନୁଗ୍ ମେଁ ସିସ୍ତରଙ୍କେ ବାସଙ୍ଗବଗେ । ୧:୮ ପ୍ରେରିତ ସାସ୍ତ୍ର ଲୁକ୍‌ବାନ୍ ଗୁଆରଲେଃକେ ଜାଣ୍ଟେ କି ଲୁକ୍‌ନେ ଗୁଆର ମାପରୁ ସାମୁଆଁ ତିଗ୍ ଗୁଆରବଗେ । ମେଁ ମୁଇଂ ଗଦାର୍ ଲେଃଗେ ବାରି ନିର୍ଭୁଲ୍ ବାବରେ ଗୁଆରନେ ପରତୁମ୍ ଲେଃଗେ । ମେଁ ଯାକିଲିଗ୍ ମାପରୁନେ ସାମୁଆଁ ଆରି ପ୍ରେରିତ ସାସ୍ତ୍ରନ୍ନିଆ ଥୁଅପିଲକେ ଗୁଆରବାନ୍ ଆତରସାବଗେ ମେଁ ମୁଇଂ ଗ୍ରୀକ୍ ଲେଃଗେ । ସାସ୍ତ୍ର ଆଣ୍ଟେଙ୍ଗ୍ ମ୍ୟାୟା ଗ୍ରୀକ୍ ଆରି ଜିଉଦା ବଂସ ନସା ଲେଃଗେ ୧:୧ ।

ତିଙ୍ଗିୟା ତ ପ୍ରେରିତ ସାସ୍ତ୍ର ଜିସୁ କିସଟନେ ଜନମ୍ ତିଙ୍ଗିକ୍ ଇତିଙ୍ଗ୍ ୬୦ ରୁ ୬୪ କିସଟାବଦ ବିତରେ ଗୁଆର ବଗେ । ମେଁ ତାଗ୍‌ଲା ପାଉଲ୍ ବନ୍ଦିବାନ୍ ତାରନେ ସିସେବାନ୍ ଏନ୍ ଉଲିଆ ଗୁଆର ତା ଲେଃଗେ । ଲୁକ୍ ତିଗ୍ ପ୍ରେରିତ ପାଉଲ୍ ଏତେ ଅଲେଙ୍ଗ୍ ତିଙ୍ଗିଗେ ବାରି ଆକେନ୍ ସାସ୍ତ୍ରକେ ଆଡ଼ଗ୍‌ଆବାନ୍ ଗୁଆର ଆଣ୍ଟେଙ୍ଗ୍ ବ ତାଗ୍‌ତେ ବାସଙ୍ଗଆରଏ । ପ୍ରେରିତ ସାସ୍ତ୍ର ଲୁକ୍ ମାପରୁ ସାମୁଆନେ ନେଃଗାନେ ତିଙ୍ଗିଏ ଆକେନ୍ ଜିସୁନେ ସର୍ଗେ ଝେନେ ବାନ୍ ଆରାମ୍ ତିଙ୍ଗିତିଙ୍ଗିକେ । ଲୁକ୍ ଗୁଆରକ୍ ମାପରୁ ସାମୁଆଁ ବାରି ପ୍ରେରିତ ସାସ୍ତ୍ର ଗୁଆରନେ ଉଦେସ୍ ସମାନ୍ ଲେଃକେ । ମେଁ ଥୁଅପିଲକେ ଆରି ବୁଦି ବାଲେଃକେ କିସଟାନ୍‌କେ ତିତିଲାତିଗ୍

ବାନେ ଚାଏଁଡ଼ିଙ୍ଗକେ । ଆମେଇଂକେ ସିକ୍ୟା ବିବିଃନେ ବିସୟ୍ ଜିସୁ କିସଟନେ ଜିବନ୍ ସାମୁଆଁରେ ବାରି ଉଡ୍ରା ଆଡ଼ିଙ୍ଗମ୍ୟାଃକ୍ଲେ କିସଟାନଂନେ ବିସୟ୍ରେ ବୁଲ୍ଣୁଟ୍ଟୁନେ ଇସାବ୍ ବଆର୍ୟ । ପ୍ରେରିତ୍ ସାସ୍ତ୍ରନ୍ନିଆ ଅଃସେ ମାପ୍ତରୁନେ କୁଦାଂ କିସଟାଗରା ବିସ୍ବାସ୍ ବୁବନେ ନେଁ ନସା ଉଦାଅରନ୍ ସୁଗୁଆ ଆଦ୍ରିଗ୍ ଡିଙ୍ଗକେ । ପ୍ରେରିତ୍ଇଂନେ ଉଦାଅରନ୍ବାନ୍ ଆନେ ଆଃମ୍ୟାଃଏ ଜେ ଡିଡିରକମ୍ ପବିତ୍ର ଆମ୍ବାକେ ମାବଟେ ବିନ୍ରେଇଂ ଆଡ୍ରା ମାପ୍ତରୁନେ ବ୍ଲାଲିର୍ ବାସଙ୍ଗିଂଆରକେ ।

ସାସ୍ତ୍ର ବିତ୍ତେ ଲେଃକେ ସାମୁଆଁଇଂ

- ୧. ପବିତ୍ର ଆମ୍ବା ଜିଜାରନେ ବାରି ବିସ୍ବାସିଇଂନେ ମ୍ବାଃନେ । ୧:୧; ୮:୧
- ୨. ବିସ୍ବାସିଇଂ ନିନ୍ଦା ବାନେ ବାରି ମାପ୍ତରୁନେ ସାମୁଆଁ ଉଡ୍ରାଡିଂକେ । ୮:୨; ୧୨:୨୩
- ୩. ପାଉଲ୍ ନେ ପରତୁମ୍ ମିସ୍ନାରୀ କାମ୍ ଡିଂକେ । ୧୨:୨୪; ୧୪:୨୮
- ୪. ମିନେ ବିସ୍ବାସିଇଂନେ ଦରକାର୍ ଲେଃକେ ଆରି ଯିରୁସାଲାମ୍ନିଆ ସବା । ୧୫:୧-୩୫
- ୫. ପାଉଲ୍ ମ୍ବାଡତର ମିସ୍ନାରି କାମ୍ ଡିଂକେ । ୧୫:୩୬; ୧୮:୨୨
- ୬. ପାଉଲ୍ ଞିତର ମିସ୍ନାରୀ କାମ୍ ଡିଂକେ । ୧୮:୨୩; ୨୦:୩୮
- ୭. ପାଉଲ୍ ଯିରୁସାଲାମ୍ନିଆ ବନ୍ଦି ଡିଂକେ । ୨୧; ୨୬
- ୮. ପାଉଲ୍ ରୋମ୍ ଖେକେ । ୨୭; ୨୮

୧ *ଅ ଥିୟୋଫିଲସ୍ ନେଙ୍ଗନେ ପରତୁମ୍ ବଇନ୍ନିଆ ଜିସୁ ମେଁନେ କାମ୍ ମୁଲେକ୍ଲେ ଦିନ୍ବାନ୍

୨ ସର୍ଗେ ଖେକ୍ଲେ ବାନ୍ ଆଣ୍ଡିନ୍ ସାପା କାମ୍ ଡିଙ୍ଗବଗେ ଆରି ବୁଦି ବିବଗେ ଆଡେନ୍ ସାପା ବିସୟ୍ରେ ଗୁଆର୍ ମ୍ବାକେ । ସର୍ଗେ ଖେନେ ସେନୁଗ୍ ଜାଣ୍ଡେକେ ମେଁ ନିଜରନେ ସିସ୍ ରକମ୍ ସ୍ତ୍ରବଗେ ଆମେଇଂକେ ମେଁ ପବିତ୍ର ଆମ୍ବାନେ ବପ୍ତୁରେ ବୁଦି ବିବଗେ ।

୩ ଆଡେନ୍ ବେଲା ମେଁ ମ୍ବାଲେଃଗେ, ଏନ୍ ପାରୁମାନ୍ ଆଡିଙ୍ଗନ୍ସା ଆରି ସିସ୍ଇଂନେ ଡାଉଟ୍ ସ୍ଲୁ ଆଡିଙ୍ଗନ୍ସା ମେଁ ମେଁନେ ଗୁଏକ୍ଲେ ଇଡିଙ୍ଗ୍ ଚାଲିସ୍ ଦିନା ଜାକ ଗୁଲେତର ଆମେଇଂକେ ଦରସନ୍

* ୧:୧ ଲୁକ୍ ୧:୧-୪.

ବିଷବଗେ । ମେଇଁ ଜିସୁକେ କେଲେଃଆଗେ ଆରି ଜିସୁ ଆମେଇଁକେ
ଇସପରନେ ରାଜି ବିସୟରେ ଆଦିଗ୍ ବଗେ ।

୪ ✨ମେଇଁ ମୁଇଁନୁଗ୍ ରିସିଙ୍ଗଲେ କେଲା ଜିସୁ ଆମେଇଁକେ
ଆକେନ୍ ଆଦେସ୍ ବିକେ: “ଯିରୁସାଲାମ୍ କେ ଆଆଁନ୍ତାଗେପା । ଆବା
ଆପେକେ ମେଃନେ ମୁଃଏ ଡାଗ୍ରେ ସପଡ୍ ଡିଙ୍ଗବକେ ଆରି ଆଣ୍ଟିନେ
ଦାନ୍ ବିସୟରେ ନେଙ୍ଗ୍ ଆପେକେ ବାସଙ୍ଗ୍ମୁଗେ ଆତାନ୍ ବା ଜାକ
ଉରପା ।

୫ ✨ଜହନ୍ ଶ୍ରିଆନ୍ନିଆ ତୁବନ୍ ବିକେ ମାତର୍ ପେଇଁ ଉଡ଼ିଦିନା
ବିଡ଼ରେ ପବିତ୍ର ଆମ୍ବୁରେ ତୁବନ୍ ପେବାଏ ।”

ଜିସୁ ସର୍ଗେ ଝେକେ

୬ ମେଁସୁଆ ପ୍ରେରିତ୍ ସିସଇଁ ମୁଇଁନୁଗ୍ ଲେଃକେଲା ଜିସୁକେ
ସାଲିଆକୁକେ “ମାପରୁ ନା ମେଁନେ ଏବେଆ ଇଶ୍ରାୟେଲୀୟନେ
ରେମୁଆଁଇଁକେ ମେଇଁନେ ରାଜି ଆଆଁଣ୍ଟେ ନାବିଏ ?”

୭ ଜିସୁ ବାସଙ୍ଗ୍କେ, “ବେଲା ଆରି ସେଃମ୍ ନେଙ୍ଗ୍ ଆବା ମେଁ
ସାସନରେ ବକେ । ଆକେନ୍ ସାପା ଅଃନା ଗଟେଏ, ପେ ମ୍ୟାଃନେ
ଦରକାର୍ ଶୁ ।

୮ ✨ମାତର୍ ପେ ଆଡାତ୍ରା ପବିତ୍ର ଆମ୍ବୁ ଜାରଲା ପେ ବପୁ ପେଡିଙ୍ଗ୍ଏ
ଆରି ଯିରୁସାଲାମ୍ ସାପା ଜିଉଦା ପ୍ରଦେସ୍ ଆରି ଶମିରୋଶୀୟ ଆରି
ମଞ୍ଚପୁରନେ ଲିଙ୍ଗ୍ଡିଆଃକିଗ୍ ଜାକ ନେଙ୍ଗ୍ ନସା ପେ ସାକି ପେଡିଙ୍ଗ୍ଏ
।”

୯ ଆକେନ୍ ସାପା ସାମୁଆଁ ବାସଙ୍ଗ୍କେ ଇଡିଙ୍ଗ୍ ଜିସୁକେ ସର୍ଗେ
ଝେକ୍ ମେଇଁ କେକେ ଆରି ଟୁଡୁା ତ୍ରିଗ୍ଡ୍ୟାଃ ଡାଟେ ମେଁ
ଆମେଇଁକେ ମୁଆଃବାନ୍ ମାୟା ଡିଙ୍ଗ୍ଝେଗେ ।

୧୦ ମେଁ ଆଡାତ୍ରା ଝେକ୍ ଇଡିଙ୍ଗ୍ ଡିଗ୍ ମେଇଁ ମୁଇଁ ଲୟରେ
କିତଂଇନିକେ କେଲେଃଆଗେ । ତୁଲୁଏ ପାଟାଇ ସଃଲେକ୍ ମ୍ୟାୟା
ଙ୍ଗିରେ ଟାପନା ମେଇଙ୍ଗ୍ ଡାଗ୍ରା ପାଙ୍ଗ୍ରେ ତୁଆଁଟେ ବାସଙ୍ଗ୍କେ

୧୧ “ଅ ଗାଲିଲୀୟଇଁ ମେଃନସା ଆକ୍ଅରିଆ ତୁଆଁଟେ
କିତଂଇନିକେ କିକେ ପେଡିଙ୍ଗ୍କେ ? ଜିସୁ ପେବାନ୍ ଝେଟେ

✨ ୧:୪ ଲୁକ୍ ୨୪:୪୯. ✨ ୧:୫ ମାତିଉ ୩:୧୧; ମାର୍କ ୧:୮; ଲୁକ୍ ୩:୧୬; ଜହନ୍ ୧:୩୩.
✨ ୧:୮ ମାତିଉ ୨୮:୧୯; ମାର୍କ ୧୬:୧୫; ଲୁକ୍ ୨୪:୪୭,୪୮.

ସରଗେନ୍ନିଆ କଲେଃକେ । ମାତର ମେଁ ତିରକମ୍ ସରଗେ ଝେନେ ପେଇଂ ପେକେକେ ଚିକ୍ ଦେଡ଼ରକମ୍ ଆଃ ମେଁ ବାରି ଆଁଣ୍ଡେ ପାଙ୍ଗ୍ଏ ।”

ଜିଉଦାନେ ଜାଗାନ୍ନିଆ ମାତିଉକେ ସ୍ତ୍ରୀକେ

୧୨ ମେଁ ଇଡ଼ିଙ୍ଗ୍ ପ୍ରେରିତ୍ ସିସ୍ଇଂ ଜିତ କଣ୍ଡାବାନ୍ ଯିରୁସାଲାମ୍ ଆଣ୍ଡେ ଆଗେଁ । ଜିତ କଣ୍ଡା ସହର୍ବାନ୍ ମୁଇଂ କିଲମିଟର୍ ସ୍ଲୁଲେଃଗେ ।

୧୩ ✨ ଯିରୁସାଲାମ୍ ଝେତେ ମେଇଂ ଲେଃଠିଂକ୍ଲେ ଆଡ଼ାଡ଼ା ମହଲାନେ ବାକ୍ରାନ୍ନିଆ ଗାଆକେ । ଆତେନ୍ ପ୍ରେରିତ୍ ସିସ୍ଇଂ ଡିଙ୍ଗ୍ଡିଙ୍ଗ୍କେ ପିତର୍ ଜହନ୍ ଜାକୁବ୍, ଆଦ୍ରିୟ୍, ଫିଲିପ୍ପ, ଥୋମା, ବାର୍ଥଲମି, ମାତିଉ, ଆଲଫିନେ ଉଂଡେ ଜାକୁବ୍, ଦେସ୍ପେମି ଶିମୋନ ଆରି ଜାକୁବ୍ନେ ଉଂଡେ ଜିଉଦା ।

୧୪ ମେଇଂ ଉଃଡ଼ିଉଃଡ଼ି ବେଲା ମୁଇଂ ଦଲ୍ ଡିଙ୍ଗ୍ଡେ ପାରତନା ଡିଙ୍ଗ୍ନସା ମୁଇଂନୁଗ୍ ରିସିଂ ତିଂ ଆଗେଁ ଆରି ମେଇଂନେ ଏଡେ ଜିସୁନେ ଇୟାଙ୍ଗ୍ ମରିୟମ୍ ଆରି ବିନ୍ବିନ୍ ସେଲାମ୍ବୁଃ ରେମୁଆଁଇଂ ଆରି ଜିସୁନେ ବୟାଁଇଂ ଡିଗ୍ ଝେଲେଃଆରଗେ ।

୧୫ ଆତେନ୍ ଦିନା ଇଡ଼ିଙ୍ଗ୍ ପ୍ରାୟ୍ ମୁଇଂ ସହ ମୁଇଂକୁଡ଼ି ରୁଆ ବିସ୍ବାସି ବୟାଁଇଂନେ ମୁଇଂ କୁକପାରନ୍ନିଆ ପିତର୍ ତୁଆଁତେ ବାସଙ୍ଗ୍କେ:

୧୬ “ବୟାଁ ଆରି ତନାଇଂ ମୁଡ଼ି ଜିଉଦା ଜିସୁକେ ସାନ୍ସା ବିରଦ୍ ରେମୁଆଁଇଂକେ ଗାଲି ଆସୁଏବି ବଗେ ମେଁ ବିସୟ୍ରେ ଦାଉଦ୍ ପବିତ୍ର ଆମ୍ବାନେ ବାନ୍ ବବିସତ୍ ଇଲ୍‌ଏଁ ଆଃଅଁ ବଆଗେଁ । ଦରମ୍ ସାସ୍ତ୍ରର୍ ଗୁଆରକ୍ଲେ ଆତେନ୍ ସାମୁଆଁ ପୁରନ୍ ଡିଙ୍ଗ୍ନେ ଦରକାର ଲେଃଗେ ।

୧୭ ଡାଗ୍ଲା ମେଁ ନେଇଂନେ ବିଡ୍ରେ ମୁଇଂଡା ଡାଗ୍ରେ ଏଜାବଗେ ଆରି ଆକେନ୍ ସେବା ପଦ୍ନିଆ ଗାନ୍ ବାଲେଃଆରଗେ ।”

୧୮ ମେଁନେ ଅଦର୍ମନେ କାମ୍ ବାନ୍ ଜିଉଦା ବାଲେକ୍ଲେ ଡାବୁ ଏଡେ ମୁଇଂ ଲିଜ ବିଆର୍ ବଆଗେଁ ବାରି ଆତେନ୍ ଲିଜନ୍ନିଆ ଲଃତେ ମେଁ ଗୁଏକେ । ବାରି ମେଁନେ ସୁଲୁଏଃ ତେକ୍‌ପ୍ୟାଃତେ ସୁଲେଃରେ ତାର୍‌ଝେକେ ।

✨ ୧:୧୩ ମାତିଉ ୧୦:୨-୪; ମାରକ ୩:୧୬-୧୯; ଲୁକ ୬:୧୪-୧୬.

୧୯ ଯିରୁଶାଲମ୍‌ରେ ରେମୁଆଁଙ୍କଠାରେ ଆକେନ୍ ସାପା ମ୍ୟାଃରେ ଆଡେନ୍ ଲିଜକେ ମେଇଁନେ ବ୍ଲାସାରେ “ଆକେଲ୍ ଦାମା” ବା “ମିଆଁ ଲିଜ” ଭାଗ୍‌ରେ ମ୍ମି ବଆରକେ ।

୨୦ ପିତର ବାସଙ୍ଗତିଁକେ, “ଆକେନ୍ ବିସୟ୍‌ରେ ଗୀତସଂହିତା ବଇନ୍ନିଆ ଗୁଆର୍ ବକେ”

“ମେଁନେ ତୁଆ ରେମୁଆଁ ଗଣ୍ଡୁ ଆଲେଲେ
ଆଡ଼ଅରିଆ ଜାଡିଗ୍ ଆବାସାଲେ”
ବାରି ତିଗ୍ ଗୁଆର୍ ବକେ;

“ବିନ୍ ରେମୁଆଁ ମେଁନେ କାମ୍‌ନ୍ନିଆ ଗାଲେଃ ।”

୨୧ “ତେସା ମାପରୁ ଜିସୁନେ ଗୁଏତେ ତଡ଼୍ୟାକ୍ଲେ ସାକି ତିଙ୍ଗନ୍‌ସା ବାରି ମୁଇଁଜା ନେ ଏତେ ଲେଃନେ ଦରକାର୍ ।

୨୨ ଜିସୁ ଜହନ୍ ବାନ୍ ଶ୍ରିଆଦିକ୍ୟା ବାକ୍ଲେ ବେଲ୍‌ବାନ୍ ଆରାମ୍ ତିଙ୍ଗ୍‌ରେ ନେ ତାଗ୍ରାବାନ୍ ଗୁଏତେ ତଡ଼ିଆନେ ଦିନା ଜାକ ଉଡ଼ି ବେଲା ମାପରୁ ଜିସୁ ନେ ଏତେ ଅଲେଙ୍ଗ୍ ତିଙ୍ଗ୍‌ନେ ବେଲା ଆଡିନେ ରେମୁଆଁଙ୍କଠା ନେ ଦଲ୍‌ନ୍ନିଆ ଲେଃଆରକେ ମେଇଁନେ ବିତ୍ତେ ମୁଇଁଜାକେ ସାକି ଆଃଡିଙ୍ଗ୍ ପଡ଼େଏ ।”

୨୩ ଆଡ଼ବା ମେଇଁ ମ୍ମାୟାକେ ବା ଯୋସେଫ୍‌କେ ଆଜାକେ ବର୍ଗିବା ଭାଗ୍‌ରେ ବାସଙ୍ଗମ୍ୟାଃକେ ଆରି ଜାନେ ଖାନେ ମ୍ମି ଯୁସ୍ତ, ଆମେକେ ବାରି ମଥ୍‌ୟସ୍‌କେ ମ୍ମାର୍ ବାଗ୍ ଆଡିଙ୍ଗ୍‌ରେ ଦେକ୍ ରକମ୍ ପାରତନା ତିଙ୍ଗ୍‌ଆକେ

୨୪ ବାରି ପାରତନା ତିଙ୍ଗ୍‌କେ, ଏ “ମାପରୁ ନା ସାପାରେନେ ଚିନ୍ତା ମ୍ୟାନାଡିଁକେ । ଜିଉଦା ମେଁ ନିଜେ ସ୍ତ୍ରିବକ୍ଲେ ଜାଗାନ୍ନିଆ ଖେନ୍‌ସା ଆକେନ୍ ସେବା ଆରି ପ୍ରେରିତ୍ ପଦବି ବାନ୍ ଆନ୍ତାର୍ ଲେଃକେ

୨୫ ଜିଉଦା ପଦବିକେ ଗ୍ରାଅନ୍ ତିଙ୍ଗ୍‌ନେସା ଆକେନ୍ ମ୍ମାୟା ବିତ୍‌ରେ ବାନ୍ ନା ଆଜାକେ ସ୍ତ୍ରି ନାବକେ, ଆତାନ୍ ଆସୁଏ ବିଲା ।”

୨୬ ତେନ୍ ଇଡିଁ ମ୍ମାୟା ସିସ୍ ବିତ୍‌ରେ ବାନ୍ ମୁଇଁଜାକେ ସ୍ତ୍ରିନ୍‌ସା ଲେଟ୍‌ରିକ୍ ଲାଗିଆକେ । ଲେଟ୍‌ରିକ୍ ଲାଗିନ୍ନିଆ ମଥ୍‌ୟସ୍‌ନେ ମ୍ମିରେ ପୁଟେକେ, ଆଡ଼ଅରିଆ ମେଁ ଗୋମୁଇଁ ପ୍ରେରିତ୍‌ଇଁ ଏତେ ମିସୁକେ ।

୨

ପବିତ୍ର ଆତ୍ମା ପାଞ୍ଜନେ

^୧ ପେଣ୍ଡିକସ୍ ଦିନା କିସ୍ତ ବିସ୍ବାସି ସାପାରେ ମୁଇଂନ୍ତୁଗ୍ ରିସିଙ୍ଗ୍ ଲେଖଆଗେ ।

^୨ ଉଲୁସ୍ତେ ସାରସାଗାଚେ ଝେଡ଼ିଆ ପାଞ୍ଜନେ ଇଲ୍‌ସ୍ ରକମ୍ କିତଂଇନି ଆଡ଼ାଡ଼ା ବାନ୍ ମୁଇଂ ଇଲ୍‌ସ୍ ଡିଙ୍ଗକେ ଆରି ଆଣ୍ଡିନେ ତୁଆନ୍ନିଆ ମେଇଂ କଲେଖଆଗେ, ଆଡେନ୍ ଇଲ୍‌ସ୍ ତୁଆ ବିଡ଼ରେ ପାଞ୍ଜକେ ।

^୩ ତେନ୍ ଇଡ଼ିଂ ମେଇଂ କେକେ ଉଡ଼ି ସୁଗୁଆ ସୁଆ ତୁଆକ୍ନେ କ୍ଲିୟା ସାପାପାକା ବେପ୍ରେଚେ ଆଡ଼ଅରିଆ ଲେକ୍ନେ ସାପାରେ ବିଡ଼ରେ ଗାକେ ।

^୪ ମେଇଂ ସାପାରେ ପବିତ୍ର ଆତ୍ମାରେ ବପୁ ବାଆରକେ ଆରି ଆତ୍ମାନେ ଚାଲୁନାରେ ମେଇଂ ବିନ୍ ବିନ୍ ବ୍ଲାସାରେ ସାମୁଆଁ ବାସଙ୍ଗନେ ମୁଲେ ଆକେ ।

^୫ ଆକେନ୍ ବେଲା ପେଣ୍ଡିକଷ୍ଟ ପାଣ୍ଡୁୟୁଃ ପାଲନ୍ ଡିଙ୍ଗନେ ଉଦେସରେ କିତଂଇନି ଆଲ ଲେଆରକ୍ନେ ମଞ୍ଚପୁରନେ ବିନ୍‌ବିନ୍ ଦେସ୍‌ବାନ୍ ପାଞ୍ଜଲେକ୍ନେ ଜିଉଦି ବକ୍ତ୍ରଇଂ ଆଡେନ୍‌ବେଲା ଯିରୁସାଲାମ୍‌ନିଆ ଝେଚା ଲେଖଆରଗେ ।

^୬ ଆକେନ୍ ଇଲ୍‌ସ୍ ଅକ୍ନେ ଦାପ୍ରେ ମେଇଂନେ ବିଡ଼ରେବାନ୍ ଗୁଲେରୁଆ ପାଞ୍ଜଚେ ରିସିଙ୍ଗ୍ ଆକେ । ରେମୁଆଁଇଂ ବକ୍ତୁଆ ଡିଙ୍ଗ୍‌ଝେଆଗେ ଡାଗ୍ଲା ମେଇଂ ନିଜେ ଆଣ୍ଡିନେ ବ୍ଲାସାରେ ବ୍ଲାଇର୍ ବାସଙ୍ଗତିଂଆରଗେ ସିସିଇଂ ଡିଗ୍ ଆଡେନ୍ ବ୍ଲାସାରେ ବାଲିର୍ ବାଡା ଡିଙ୍ଗନେ ଅଆରକେ ।

^୭ ଆକ୍‌ବା ଜିଉଦିଇଂ ବକ୍ତୁଆ ଡିଙ୍ଗଚେ ମେଇଂ ବିଡ଼ରେ ବାଲିର୍‌ବାଡା ଆକେ “କେଲାପା ଦେକ୍‌ରକମ୍ ବ୍ଲାଇର୍ ବାସଙ୍ଗନେ ଆକେନ୍ ସାପା ରେମୁଆଁ ଗାଲିଲାୟନେ ଶୁକ୍ଳି ?

^୮ ତେଲା ନେ ସାପାରେ ଡିରକମ୍ ଆମେଇଂକେ ନେ ନିଜେ ନିଜେନେ ଜନମ୍ ତୁବନେ ବ୍ଲାସାରେ ବ୍ଲାଲିର୍ ବାସଙ୍ଗନେ ଅନେଲେକେ ?

୯ ନେ ପାର୍ତ୍ତିୟ ମାଦିୟ ଆରି ଏଲାନିୟ ବାରି ମେସପଗାନିୟା ଜିଉଦା ପ୍ରଦେସ୍ ଆରି କାସ୍ତାଦକିଆ ପନ୍ତୁ ଆରି ଆସିଆ

୧୦ ଫୁଗିଆ ଆରି ପଂପୁଲିୟା ମିସର୍ ଆରି କୁରୁଣୀ ଏରିଆ ତାଗ୍ରାନେ ଲିବିଆ ଦେସ୍ନିଆ ବାସା ଲେକ୍ସେ ରେମୁଆଁଇଂ ନେ ବାନ୍ ଉଡିଡୁଆ ରୋମ୍ ନଗର୍ ବାନ୍ ପାଙ୍ଗଲେକ୍ସେ ଜିଉଦି ଆରି ଜିଉଦି ଦର୍ମା ଗ୍ରଅନ୍ ଡିଙ୍ଗ୍ଟେ ବାସା ଲେକ୍ସଆରକ୍ସେ ରେମୁଆଁଇଂ;

୧୧ ଆରି ଜିଉଦି ବାରି ଅଣଜିଉଦି ମନ୍ ପରିବର୍ତ୍ତନ୍ ଡିଙ୍ଗ୍ଲେକ୍ସ ଆକେ ଆରି କ୍ରିତ ଆରି ଆରବିୟ ଦେସ୍ନେ ରେମୁଆଁ ଜେ ନେ, ନେ ନିଜେ ନିଜେନେ ବ୍ଲାସାରେ ଆକ୍ସେକ୍ଟକେ ଇସ୍ପରନେ ମ୍ବା ମ୍ବା କାମ୍ ଡିଙ୍ଗ୍ଟେ ବ୍ଲାଇର୍ ବାସଙ୍ଗନେ ଅଁନେଲେକେ ।”

୧୨ ମେଇଂ ସାପାରେ ବକୁଆ ଆରି ଆକ୍ଥାନ୍ତ୍ ଡିଙ୍ଗ୍ଟେ ମେଇଂମେଇଂ ବିଡ୍ରେ ସାଲିଆକୁନେ ଲାଗେକେ “ଆକ୍ସେନେ ଅର୍ଡ୍ ମେଁନେ ?”

୧୩ ମାତର୍ ବିନ୍ ରେମୁଆଁଇଂ ଏଲ୍ୟାଟେ ବାସଙ୍ଗ୍ ଆକେ “କ୍ସେକ୍ ମେ_ ଅକ୍ସର୍ ରସ୍ ଉଗ୍ଟେ ବୁସା ଲେକ୍ସଆରକେ ।”

ପିତର୍ନେ ପର୍ଗାର୍

୧୪ ତେନ୍ ଇଡିଂ ବିନ୍ ଗୋମ୍ବାର୍ କ୍ଲିଗ୍ ପ୍ରେରିତ୍ ସିସ୍ଇଂ ଏତେ ପିତର୍ ଦୁଆଁଟେ କିରଟେ ବାସଙ୍ଗକେ, “ଏ ଜିଉଦି ରେମୁଆଁଇଂ ଆରି ଯିରୁସାଲାମ୍ନିଆ ବାସା ଡିଙ୍ଗ୍ଆରକ୍ସେ ବଦ୍ର ମଣ୍ଡୁଲି ନେଙ୍ ବ୍ଲାଲିର୍ ଅଁପା, ନେଙ୍ ଆକେନ୍ ସାମୁଆଁ ଆଦ୍ରିଗ୍ଟେ ବାସଙ୍ଗମ୍ବିଏ ।

୧୫ ପେ ଜା ଅନ୍ମାନ୍ ଡିଙ୍ଗ୍ପେଡିଙ୍ଗକେ, କିମେଇଂ ଉଗ୍ସାରେ । ଶୁ କିମେଇଂ ଉଗ୍ସାରେ ଶୁ ମ୍ବାତର୍ ଏବେ ବେଲା ଞ୍ଜିର୍ ନଟା ଡିଙ୍ଗ୍ଲେକେ ।

୧୬ ମାତର୍ ବାବବାଦି ଯୋୟେଲ୍ ଆଣ୍ଡିନେ ଗର୍ନାନେ ବିସୟରେ ବବିସଡ୍ ସାମୁଆଁ ବାସଙ୍ଗବଗେ ଆକେନ୍ ଦେଡ୍ରେକମ୍ ମୁଇଂ ଗର୍ନା ।” ଯୋୟେଲ୍ ବାସଙ୍ଗବଗେ;

୧୭ ଇସ୍ପର୍ ବାସଙ୍ଗମ୍ୟାଃକେ: “ଡାନେ ଦିନାକେଲା ଆକେନ୍ ସାପା ଗଟେଏ:

ନେଙ୍ ସାପାରେନେ ଆଡାତ୍ରା ନେଙ୍ନେ ଆମ୍ବାକେ କିଗ୍ ମ୍ବିଏ ।

ପେନେ ଗୋ ଗିସିଆଇଂ ବାବବାନି ବାସଙ୍ଗଆର୍ଏ ।

ପେନେ ଙ୍ଗିରେଇଂ ଦିବ୍ୟ ଦର୍ସନ୍ ବାଆର୍ଏ

ବାରି ପେନେ ମ୍ଲରେଇଂ ମୁସୁଡ଼ିଙ୍ଗ୍ କେଆରଏ ।

୧୮ ଅଁ ନେଙ୍ଗ୍ନେ ଦାସ ଦାସୀଇଂ ଆଡ଼ାଡ଼ା

ଆଡେନ୍‌ବେଲା ନେଙ୍ଗ୍ ନେଙ୍ଗ୍ନେ ଆମ୍ବା କିଗ୍ ମ୍ଲିଏ;

ମେଇଂ ନେଙ୍ଗ୍ନେ ବାବବାନି ବାସଙ୍ଗ୍ ଅଲେଙ୍ଗ୍ ଆରଏ ।

୧୯ ନେଙ୍ଗ୍ କିତଂଇନି ଆଡ଼ାଡ଼ା ବୟଙ୍ଗାର୍ କାମ୍ ଶ୍ଟାସୁଏ୪ଏ

ଆରି ମାଞ୍ଚପୁର୍ ବୁୟେ ବୟଙ୍ଗାର୍ ଚିନ୍ ଶ୍ଟାସୁଏ୪ଏ ।

ମିଆଁ, ସୁଆ ଆରି କିତଙ୍ଗ୍‌ଇନି ମାଃସରେ ମାଞ୍ଚପୁର୍ ବରତି ଡିଙ୍ଗ୍‌ଏ;

୨୦ ମାପୁରୁନେ ମ୍ଲଃ ଗୌରବମୟ ଦିନ୍ ପାଙ୍ଗ୍ନେ ସେନୁଗ୍

ସ୍ମି ତାଙ୍ଗ୍‌କିଗ୍‌ଏ,

ଆରି ଆକେ ମିଆଁ ସୁଗୁଆ ଚି ନ୍‌ଏ ।

୨୧ ଆଡେନ୍‌ବେଲା ଜା ମାପୁରୁ ମ୍ଲିରେ ରକ୍ୟା ବାନ୍‌ସା ଝାଆରଏ, ମେଁ
ଉଦାର୍ ବାଏ ।”

୨୨ “ଏ ଇଶ୍ରାଏଲ୍‌ନେ ରେମୁଆଁଇଂ ଆକେନ୍‌ ସାପା ସାମୁଆଁ ଅଁପା
! ନାଜରିତ୍‌ୟ ଜିସୁ ଗୁଲେ ଇରିୟାଡୁଗ୍‌ନେ କାମ୍ ବୟଙ୍ଗାର୍ କାମ୍
ଆରି ଚିନ୍ ବାନ୍‌ ପେଡ଼ାଗ୍ ଇସପରନେ ପ୍ରେରିତ୍ ବାଏରେ ଡାଗ୍‌ରେ
ମ୍ୟାପେଲେ୪କେ ମେଁ ବାନ୍‌ ଇସପର୍ ଜେ ପେ ବିଡ଼ରେ ବାନ୍‌ ଆକେନ୍‌
ସାପା କାମ୍ ଡିଙ୍ଗ୍‌ବକେ ଆକେନ୍‌ ପେ ନିଜେ ନିଜେ ମ୍ୟା୪ପେଲେକେ;

୨୩ ☆ଆଡେନ୍‌ ରେମୁଆଁ ଇସପରନେ ତିଆର୍ ଆଡିଙ୍ଗ୍‌ବକ୍ଲେ ବେଲା
ବାରି ସିସେନେ ଗିଆନ୍‌ ଇସାବ୍‌ରେ ଆଃସାକେ, ପେ ଆମେକେ
ଅଦାର୍‌ମିକ୍‌ଇଂନେ ଛି ବାନ୍‌ କୁରୁସ୍ ଆଡ଼ାଡ଼ା ଆଡେତେ ବାଗୁଏ
ପେବଗେ ।

୨୪ ☆ମାଡର୍ ଇସପର୍ ଆକେନ୍‌ ସାପା ଗଟେଏ ଡାଗ୍‌ରେ ସେନୁଗ୍
ମ୍ୟା୪ଲେଗେ । ଆଡେନ୍‌ସା ମେଁ ଜିସୁକେ ଆଗୁଏକ୍ଲେ ବନ୍‌ବନ୍‌
ଆଡିକ୍‌ଚିରେ ଆମେକେ ବାରି ଆଃତଡ଼୍ୟା ବକେ, ଗୁଏନେ ଆମେକେ
ଗାଗଟେ ବ ଆୟାକେ ଶ୍ଟୁ ।

୨୫ ଦାଉଦ ମେଁ ବିସୟରେ ବାସଙ୍ଗ୍‌ବଗେ ।”

ନେଙ୍ଗ୍ କାଲାଆଃ ମାପୁରୁକେ ନେଙ୍ଗ୍ ସାମୁଆଁନ୍ନିଆ କେଲ୍ଲେ୪କେ ।

ମେଁ ଆନେଙ୍ଗ୍‌କେ ନିରାପଦ୍‌ରେ ବନ୍‌ସା ନେଙ୍ଗ୍‌ନେ ଇଞ୍ଚଙ୍ଗ୍‌ଡ଼ି
ପାକା ଲେ୪କେ ।

☆ ୨:୨୩ ମାଡିଉ ୨୭:୩୫; ମାରକ ୧୫:୨୪; ଲୁକ୍ ୨୩:୩୩; ଜହନ୍ ୧୯:୧୮. ☆ ୨:୨୪
ମାଡିଉ ୨୮:୫,୬; ମାରକ ୧୭:୨; ଲୁକ୍ ୨୪:୫.

୨୭ ତେସା ନେଙ୍ଗ ଜିବନ୍ ସାରଦାରେ ଲେଖକେ
 ଆରି ନେଙ୍ଗନେ ନ୍ଲିୟା ସାରଦାରେ କଲ୍‌ବଲେ ଡିଙ୍ଗକେ
 ଜଦି ତିଗ୍ ନେଙ୍ଗ ଗୁଏରେ ରକମ୍ ନ୍ଲେଖଏ
 ଆରି ନେଙ୍ଗନେ ଗାଗଡ଼େ ତିଗ୍ ମେଁନେ ଆସାରେ ବୁଆଏ

୨୮ ତାଗ୍ଲା ନା ନିନେ ଜିବନ୍‌କେ ନର୍କ କୁଣ୍ଡୁନ୍ନିଆ ନ୍ନାଆନ୍ତାର୍ ଶ୍ଟୁ
 ନା ନାନେ ବିସବାସ୍ ସେବକକେ ଆତିବକ୍ଲେ ତାଗ୍ଲା ମେଃଡ଼ିଗ୍
 କ୍ୟତି ଆଡିଙ୍ଗନେସା ଆନ୍ତାର୍ ଆବି ଶ୍ଟୁ

୨୯ ନା ଆନେଙ୍ଗକେ ଜିବନ୍‌ନେ ଗାଲି ଆକେ ନାବକେ ।
 ନା ପାଙ୍ଗନାଲେଲ୍ଲା ଆନେଙ୍ଗ ଜାବର୍ ସାରଦା ମିଲେଏ ।

୩୦ ଏ ଇସ୍ରାଏଲନେ ବୟାଁ ତନାଲ୍ ପୁର୍ ପୁରୁସ୍ ଦାଉଦନେ
 ବିସୟରେ ନେଙ୍ଗ ଆପେକେ କୁଲାକୁଲି ବାବ୍‌ରେ ବାସଙ୍ଗ୍ ଯାଏ ଜେ
 ମେଁ ଗୁଏକେ ଆରି ଆମେକେ ଆତି ଆକେ ଆରି ମେଁନେ ଗୁଡ଼ୁ
 ଏଃଜାକ ନେତାଗ୍ଲା ଲେଖକେ ।

୩୧ ମେଁ ମୁଇଁ ବାବବାଦି ଲେଖଗେ । ତେସା ମେଁ ଆଡ଼ାତ୍ରା
 ଇସ୍‌ପରନେ ପାର୍‌ମାନ୍ ତିଂକ୍ଲେ ସାମୁଆଁ ମ୍ୟାଃଲେଗେ । ଦାଉଦନେ
 ବଂସଦରବାନ୍ ମୁଇଁଜାକେ ଇଃସାଙ୍ଗ୍ ଆଡିଙ୍ଗ୍ ତାଗ୍‌ରେ ଇସ୍‌ପର୍
 ପାର୍‌ମାନ୍ ଡିଙ୍ଗବଗେ ।

୩୨ ଇସ୍‌ପର୍ ବବିସଡ଼ରେ ମେଁନେ ଡିଙ୍ଗନେ ଝେଡିଂକେ ଦାଉଦ୍
 ମ୍ୟାଃରେ କିସ୍‌ଟ ମସିହନେ ଗୁଏରେ ତଡ଼ିଆନେ ବିସୟରେ
 ବାସଙ୍ଗବକେ;

ମେଁ ଗୁଏଡିଙ୍ଗନେ ରେମୁଆଁଲନେ ନର୍କ କୁଣ୍ଡୁନ୍ନିଆ ଆଆଁନ୍ତାରକେ ଶ୍ଟୁ
 ମେଁନେ ଗାଗଡ଼େ ଆତିବକ୍ଲେ ତାଗ୍ଲା ତିଗ୍ ଆର୍‌ବୁଗ୍‌କେ ଶ୍ଟୁ

୩୩ ଇସ୍‌ପର୍ ଆକେନ୍ ଜିସୁକେ ଗୁଏକ୍ଲେ ବାନ୍ ଆତଡିଆ ବକେ । ନେ
 ସାପାରେ ଆକ୍ଲେନେ ସାକି ନେଲେକେ ।

୩୪ ଜିସୁ ମେଁନେ ଆବା ଇସ୍‌ପରନେ ଇଞ୍ଜିଙ୍ଗ୍‌ତି ପାକା ତଃଡ଼୍ୟା ଲେଖକେ
 ଆରି ଆବାନେ ପାର୍‌ମାନ୍ ତିଂକ୍ଲେ ଇସାବ୍‌ରେ ମେଁ ବାନ୍ ପବିତ୍ର ଆମ୍ବା
 ବା ଲେଖକେ । ଏବେ ପେ ମେଁନେ କିକେ ପେଡିଙ୍ଗକେ ଆରି ଅଁ
 ପେଡିଙ୍ଗକେ ଆତେନ୍ ମେଁନେ ଦାନ୍ । ଆତେନ୍ ମେଁ ନେ ଆଡ଼ାତ୍ରା କିଗ୍
 ବକେ ।

୩୫ ତାଗ୍ଲା ଦାଉଦ ନିଜେ କିତଂଇନି ଝେଆଲେଗେ;

ମାତର ମେଁ ନିଜେ ବାସଙ୍ଗବଗେ,
ଇସ୍ପର ନେଙ୍ଗନେ ମାପରୁକେ ବାସଙ୍ଗକେ,

୩୫ ନେଙ୍ଗ ପେନେ ସତୁଇଁକେ ପେନେ ଅରୁନ୍ଦେ ତୁଙ୍ଗମାପାଙ୍ଗ ଜାକ
ପେ ନେଙ୍ଗନେ ଇଅଙ୍ଗନ୍ତି ପାକା କ ଲାଲାପା ।

୩୬ “ଆଡେନ୍‌ସା ଇଶ୍ରାୟେଲୀୟଇଁ ସାପାରେ ସତ୍ ବାବରେ
ମ୍ୟାଃଆରଲେ ଜେ ମୁଡି ଜିସୁକେ ପେଇଁ କୁରୁସ୍‌ନିଆ ଆଡେତେ
ପେବାଗୁଏକେ ଇସ୍ପର ଆମେକେ ଆଃ ମାପରୁ ଆରି କିସ୍‌ଟ ମସିହ
ଆଡିଙ୍ଗବକେ ।”

୩୭ ରେମୁଆଁଇଁ ଆକେନ୍ ସାପା ସାମୁଆଁ ଅଁତେ ଜିବନ୍ ଦାଡୁକେ
ଝେକେ ଆରି ପିତର୍ ବାରି ବିନ୍ ପ୍ରେରିତ୍‌ଇଁ ସିସ୍‌ଇଁକେ ସାଲିଆକୁକେ
“ବୟାଁଇଁ ନେ ସାପାରେ ମେଁ ନେଡିଙ୍ଗପା ?”

୩୮ ପିତର୍ ଆମେଇଁକେ ଉତର୍ ବିକେ “ପେ ସାପାରେ ପାପ କାମ୍
ବାନ୍ ମନ୍‌କେ ପରିବର୍ତ୍ତନ୍ ଆଡିଙ୍ଗପା ପାପ ବାନ୍ କେମା ବାନ୍‌ସା ଜିସୁ
କିସ୍‌ଟନେ ମିରେ ତୁବନ୍ ତୁଁତଲାପା; ତେଲା ପେ ଇସ୍ପରନେ ଦାନ୍
ପବିତ୍ର ଆମ୍‌କେ ପେବାଏ ।

୩୯ ଡାଗ୍ଲା ଇସ୍ପରନେ ପାରମାନ୍ ତିଁକ୍ଲେ ପେ ଆଡାଡା ଆରି
ପେନେ ଗୋ ଗିସିଆଇଁ ଆଡାଡା ଆରି ଇସ୍ପର ବାନ୍ ପାଙ୍ଗଲେକ୍ଲେ
ରେମୁଆଁଇଁ ନ୍‌ସା ଆରି ସୁଲ ଲେଡିଙ୍ଗକ୍ଲେ ସାପା ରେମୁଆଁଇଁ ନ୍‌ସା
ମାପରୁ ଦରକାର ।”

୪୦ ପିତର୍ ଆମେଇଁକେ ଗୁଲେ ସାମୁଆଁରେ ସାକି ବିତେ ବାସଙ୍ଗକେ
“ଆକେନ୍ ଦଦ୍ୟା ରେମୁଆଁଇଁନେବାନ୍ ନିଜେକେ ରକ୍ୟା ଡିଙ୍ଗପା ।”

୪୧ ମେଇଁନେ ବାନ୍ ଗୁଲେରୁଆ ମେଁନେ ବ୍ଲାଲିରକେ ବିସ୍‌ବାସ୍
ଡିଙ୍ଗରେ ଶ୍ରୀଆଃନିଆ ଦିକ୍ୟା ତୁଁତନେ ମନ୍ ତିଁଆକେ । ଆରି ଆଡେନ୍
ଦିନା ପ୍ରାୟ୍ ଙ୍ଗି ଅଜାର୍ ରେମୁଆଁ ମଣ୍ଡଲି ଏତେ କୁଡେ ଆକେ ।

୪୨ ଆଡେନ୍ ଦିନା ବାନ୍ ସିସ୍‌ଇଁ ଆମେଇଁକେ ଗ୍ୟାନ୍ ବିଆର୍‌କେ ।
ଆରି ମେଇଁ ଡ୍ରୁ ଚଙ୍ଗ୍‌ଉଗ୍ ବାରି ପାର୍‌ତନା ପାର୍‌ତନା ଡିଙ୍ଗନେ ବାନ୍
ସାପାରେ ମିସୁରେ ଲେଃଆର୍‌କେ ।

ବିସ୍‌ବାସିଇଁନେ କାଲାଆଃ ବୁଆନେ ଜିବନ୍

୪୩ ପ୍ରେରିତ୍ ସିସ୍ତ୍ରିଂ ଗୁଲେ ବପୁନେ ଆରି ଇରିଆତୁଗ୍ ରକମ୍ନେ କାମ୍ ତିଙ୍ଗିଆକେ ବାରି ସାପାରେ ଆକେନ୍ ଚିନ୍ କେଚେ କାବା ତିଆରକେ ।

୪୪ ☆ ବିସ୍ବାସିକ୍ ମେଇଂମେଇଂ ଏତେ କୁଡ଼େମାଡ଼େ ଆକେ ବାରି କୁଡ଼େଚେ ମେଇଂନେ ସାପା ଲିଜବ୍ରି ଆବା ଆକେ ।

୪୫ ମେଇଂ ନିଜେ ନିଜେନେ ଲେକ୍ଲେଡିଗ୍ ଆରି ଶ୍ରି ଶ୍ରିକ୍ ଲିଜବ୍ରିକେ ସଃଚେ ଲେକ୍ଲେ ଲିଜବ୍ରି ସାପାରେନେ ମାବାନେ ଇସାବ୍ରେ ମେଇଂମେଇଂ ବିଡ଼ରେ ବିଃଆକେ ।

୪୬ ମେଇଂ କାଲାଆଃ ମନ୍ଦିର୍ନିଆ ମୁଇଂ କୁଦା ସୁଗୁଆ ମୁଇଂନିଆ ରିସିଂ ତିଂ ଆକେ ବାରି ସାରଦା ମନ୍ରେ ବାରି ସାଦୁରେ

୪୭ ଇସ୍ପରକେ ପ୍ରସଂସା ତିଙ୍ଗିଚେ ମୁଇଂଜା ବିନ୍ ରେମୁଆଁନେ ତୁଆ ଅରିଆ ଉଗ୍ଟକ୍ ଆର୍ ତିଙ୍ଗିଗେ । ବାରି ସାପା ରେମୁଆଁକ୍ନେ ନିଜର୍ ଉଂଡେ ତିଡିଙ୍ଗିଡିଙ୍ଗି ଆରଗେ ବାରି, ମାପୁରୁ, ପରିତ୍ରାନ୍ ବବାଡିଙ୍ଗିକ୍ ରେମୁଆଁକ୍ନେ କାଲାଆଃ ମଣ୍ଡଲି ଏତେ ଆକୁଡ଼େ ତିଡିଙ୍ଗିଡିଙ୍ଗିଗେ ।

୩

ମୁଇଂ ଚଟା ନିମାଣ୍ଡା ତିଙ୍ଗିକେ

୧ ମେସୁଆ ପିତର୍ ଆରି ଜହନ୍ ପାର୍ତନା ତିଙ୍ଗିନେ ବେଲା ଲମ୍ଡିଗ୍ ତିନ୍ଟା ବେଲା ପାର୍ତନା ତିଙ୍ଗିନେ ମନ୍ଦିର୍ନିଆ ଝେଡିଂଗେ ।

୨ ଆଡ଼ଅରିଆ ମୁଇଂ “ସୁନ୍ଦର୍” ମିକ୍ଲେ ଶ୍ରିସାଙ୍ଗ୍ ତାଗ୍ରା ମୁଇଂ ରେମୁଆଁ ଲେଃଗେ । ମେଁ ଇୟାଙ୍ଗ୍ଡେନେ ସୁଲୁଏଃବାନ୍ ଆଃ ଚଟା ତିଙ୍ଗିଚେ ଜନମ୍ ପାଙ୍ଗ୍ଲେଗେ । ମନ୍ଦିର୍ନିଆ ଝେଡିଂକ୍ଲେ ରେମୁଆଁକ୍ନେବାନ୍ ବିକ୍ ସାଲିଆନ୍ସା କାଲାଆଃ ମେଁ ଶ୍ରିସାଙ୍ଗ୍ ତାଗ୍ରା ଆମେକେ ତୁଙ୍ଗିଚେ ଆଡ଼ଅରିଆ ଏବ ତିଙ୍ଗିଆଗେ ।

୩ ପିତର୍ ଆରି ଜହନ୍କେ ମନ୍ଦିର୍ ବିଡ଼ରେ ଝେନେ କେଚେ ମେଁ ଆଡେନ୍ ମାୟାକେ ବିକ୍ ସାଲିଆକେ ।

୪ ପିତର ବାରି ଜହନ୍ ମେଇଂ ଆଡାତ୍ରା ନିମାଣ୍ଡା ବାବ୍ରେ କେକେ ପିତର୍ ବାସଙ୍ଗିକେ “ନେ ପାକା କେଲା !”

☆ ୨:୪୪ ପ୍ରେରିତ୍ ୪:୩୨-୩୫.

୫ ତେସା ମେଁ ମେଇଁନେ ବାନ୍ ମେଠିଗ୍ ବାନେ ଆସାରେ ମେଇଁନେ ପାକା କିକେ ଲେଠଗେ ।

୬ ମାତର୍ ପିତର୍ ଆମେକେ ବାସଙ୍ଗକେ “ନେଙ୍ଗ୍ ତାଗ୍ରା ସୁନା କି ରୁପା ଶୁ ମାତର୍ ମେଁନେ ଲେଠକେ ନେଙ୍ଗ୍ ଆନାକେ ବିଶ୍ୱିକେ: ନାଜରିତିୟ ଜିସୁ କିସ୍ତନେ ମ୍ନିରେ ନେଙ୍ଗ୍ ଆଦେସ୍ ବିଶ୍ୱିକେ ତଠଡ଼ିଆଚେ ଅଲେଙ୍ଗ୍ !”

୭ ଆକେନ୍ ବାସଙ୍ଗଚେ ମେଁ ଇଞ୍ଜଙ୍ଗ୍ଟି ସାଚେ ଆତଡ଼ିଆକେ । ଆତେନ୍ ଦାପ୍ତେ ଆତେନ୍ ରେମୁଆଁନେ ପାଦ୍ ଞ୍ଚ ଆରି ଞ୍ଚନେ ମାଣ୍ଡି ଗଚିଇଁ ତାଟାମ୍ ତିଙ୍ଗକେ

୮ ମେଁ ପୁଏଚେ ତୁଆଁକେ ଆରି ଅଲେଙ୍ଗ୍ନେ ମୁଲେକେ । ତେନ୍ଇଡ଼ିଁ ମେଁ ଅଲେଙ୍ଗ୍ ଅଲେଙ୍ଗ୍ ଆରି ପୁଏ ପୁଏଚେ ଇସ୍ପର୍ଚ୍ଚନେ ପ୍ରସଂସା ତିଙ୍ଗ୍ ତିଙ୍ଗ୍ ମେଇଁ ଏତେ ମନ୍ଦିରନ୍ନିଆ ଝେକେ ।

୯ ଆଡ଼ଅରିଆ ଲେଙ୍ଗ୍ ରେମୁଆଁ ସାପାରେ ଆମେକେ ଅଲେଙ୍ଗ୍ନେ ଆରି ଇସ୍ପର୍ଚ୍ଚକେ ପ୍ରସଂସା ତିଙ୍ଗ୍ନେ କେକେ;

୧୦ ଆମେକେ ମନ୍ଦିରନେ ସୁନ୍ଦର୍ ଶୁସାଙ୍ଗ୍ ତାଗ୍ରା କଲେଠକ୍ସେ ବିକାରି ତାଗ୍ରେ ସାମୁଆଁ ଆକେ ଆରି ମେଁ ଆଡ଼ାତ୍ରା ମେଁନେ ଗଚେ ଲେଠଗେ ସାପା ମ୍ୟାଠଚେ ମେଇଁ ଇରିୟାଠଡ଼ୁଗ୍ରେ କାବା ତିଙ୍ଗ୍ଝେଆଗେ ।

ପାର୍ତନା ମନ୍ଦିରନ୍ନିଆ ପିତର୍ନେ ବାସଙ୍ଗ

୧୧ ଆତେନ୍ ରେମୁଆଁ ପିତର୍ ଆରି ଜହନ୍ ଏତେ ଲେଠନେ କେଚେ ରେମୁଆଁଇଁ ବକ୍ତୁଆ ତିଙ୍ଗ୍ରେ ଶଲୋମନ୍ନେ ପ୍ଲେଡ଼ିଆ ତାଗ୍ରା ଝିର୍ ତୁଂଝେଆଗେ ।

୧୨ ପିତର୍ ଆମେଇଁକେ କେଚେ ବାସଙ୍ଗକେ “ଏ ଇଗ୍ରାଏଲ୍ନେ ବୟାଁଇଁ ପେ ମେସା ଆକ୍ଅରିଆ ବକ୍ତୁଆ ତିଙ୍ଗ୍ରେ ନେପାକା ଦେକ୍ ରକମ୍ କେପେଲେକେ ? ପେ ମେଁନେ ବାବେ ପେଡ଼ିଙ୍ଗ୍କେ ଜେ ନେ ନିଜେ ବପୁରେ ଆରି ଇସ୍ପର୍ଚ୍ଚନେ ବକ୍ତିରେ ନେ ଆକେନ୍ ରେମୁଆଁକେ ଅଲେଙ୍ଗ୍ନେ ବପୁ ବିଠନେବକେ ?

୧୩ ଅବ୍ରାହାମ୍ ଇସ୍ହାକ୍ ଆରି ଜାକୁବ୍ନେ ଇସ୍ପର୍ଚ୍ଚ ନେନେ ଡ୍ରା ଞ୍ଚାଇଁ ଇସ୍ପର୍ଚ୍ଚ ମେଇଁନେ ସେବକ୍ ଜିସୁକେ ଗୌରବ୍ନିତ୍ ଆଡ଼ିଙ୍ଗ୍ବକେ; ଆତେନ୍ ଜିସୁକେ ପେଇଁ ଆଠସା ପେବିକେ ଆରି

ଅନାବେଲା ପୀଲାତ ଆମେକେ ଆନ୍ତାର ନ୍ୟା ରାଜି ଡିଙ୍ଗଲେଗେ । ଆତେନ୍‌ବେଲା ଆମେକେ ଯେ ପୀଲାତନେ ସାମ୍‌ନେ ଅବିସ୍‌ବାସ୍‌ ଯେଡିଙ୍ଗକେ ।

୧୪ ☆ ମୈଁ ମୁଇଁ ଦାର୍‌ମିକ୍ ଆରି ପବିତ୍ର ରେମୁଆଁ; ମାତର୍ ଯେ ଆମେକେ ଅବିସ୍‌ବାସ୍‌ ଯେଡିଙ୍ଗକେ ଆରି ମୈଁ ବାଦୁଲ୍ ମୁଇଁ ରେମୁଆଁ ବାଗୁଏରେକେ ଆନ୍ତାରନ୍‌ସା ପିଲାତକେ ପାର୍‌ତନା ଯେଡିଙ୍ଗକେ ।

୧୫ ଜା ଜିବନ୍‌ନେ ଗାଲି ଆସୁଏ ଡିଙ୍ଗକ୍ଲେ ରେମୁଆଁକେ ଯେ ଯେବାଗୁଏକେ ମାତର୍ ଇସ୍‌ପର୍ ଆମେକେ ଗୁଏକ୍ଲେ ବାନ୍ ଆଃତଡ଼୍ୟା ବକେ । ନେ କ୍ଲେନେ ସାକି ନେଲେକେ ।

୧୬ ଆକେନ୍ ମୁଡି ରେମୁଆଁକେ ଯେ କିକେ ଯେଡିଙ୍ଗକେ ଆରି ସାମୁଆଁ ଯେଲେକେ ମୈଁ ଜିସୁ ମିରେ ବପୁ ବାଟେ ଅଲେଙ୍ଗ୍ ଇୟାକେ । ଜିସୁନେ ମିରେ ନେନେ ବିସ୍‌ବାସ୍‌ ଲେଃକେ । ଆରି ଜିସୁ ଆଡ଼ାଡ଼ା ଲେକ୍ଲେ ବିସ୍‌ବାସ୍‌ ଆଃ ପୁରାପୁରି ବାବ୍‌ରେ ନିମାଣ୍ଡା ଆଡିଙ୍ଗ ବିକେ ଆରି ଆତେନ୍ ଯେ କେପେଲେକେ ।”

୧୭ “ଆ ଇସ୍ରାଏଲନେ ବୟାଁଇଁ ଆରି ତନାଇଁ ଯେ ଆରି ଯେନେ ନେତାଇଁ ଜିସୁ ଆଡ଼ାଡ଼ା ମୈଁନେ ଯେଡିଙ୍ଗକେ ଆତେନ୍ ମାମ୍ୟାତେ ଡିଙ୍ଗ୍‌ପେବକେ ଆକେନ୍ ନେଙ୍ଗ୍ ମ୍ୟାଃକ୍ଲେକେ ।

୧୮ ଇସ୍‌ପର୍ କିସ୍‌ଟ୍ ଦୁକ୍ ବଗେନେ ବିସ୍‌ୟରେ ଅଃସେ ବାନ୍ ଆଃ ସାପା ସାମୁଆଁ ବାବବାଦିଇଁନେ ତୁମୁଆଃବାନ୍ ବାସଙ୍ଗ୍ ଆଡା ବଗେ । ଏବେ ପର୍‌ମେସର୍ ଆକେନ୍ ସାପା ଗର୍‌ନା ଆଃଗଟେ ଡିଙ୍ଗକେ ।

୧୯ ଆତେନ୍‌ସା ଯେ ମନେ ଏତେଟେ ଇସ୍‌ପର୍ ପାକା ଆଣ୍ଡେ ପାଙ୍ଗ୍‌ଲା । ତେଲା ମୈଁ ଯେନେ ପାପ୍ କେମା ଡିଙ୍ଗ୍‌ଏ

୨୦ ଦେକ୍ ରକମ୍ ଯେଡିଙ୍ଗ୍‌ଲା ମାପୁରୁ ଆପେକେ ଆମ୍‌ନେ ସାନ୍ତି ବିଏ, ମୈଁନେ ମନନିଡ୍ କିସ୍‌ଟ୍ ଜିସୁକେ ଡିଗ୍ ମୈଁ ଯେ ଡାଗ୍ରା ବେ ବିଃଏ ।

୨୧ ବାର୍‌ମୁଇଁତର୍ ସାପା କାମ୍ ଡିଙ୍ଗ୍ ଜାକ ଜିସୁ କିତଂଇନି ଲେଃ ପଡ଼େଏ । ଆକେନ୍ ସାମୁଆଁ ବିସ୍‌ୟରେ ଇସ୍‌ପର୍ ପୁର୍ବେକାଲନେ ପବିତ୍ର ବାବବାଦିଇଁ ବାନ୍ ବାସଙ୍ଗ୍‌ବଗେ ।

୨୨ ମୋଗା ବାସଙ୍ଗ୍‌ବଗେ, ‘ମାପୁରୁ ଇସ୍‌ପର୍ ଯେନେ ବୟାଁଇଁନେ

☆ ୩:୧୪ ମାଡିଉ ୨୭:୧୫-୨୩; ମାର୍କ ୧୫:୬-୧୪; ଲୁକ୍ ୨୩:୧୩-୨୩; ଜହନ୍ ୧୯:୧୨-୧୫.

ବିତ୍ତେବାନ୍ ଯେ ନ୍ୟା ନେଙ୍ଗ ରକମ୍ ମୁଇଁ ବାବବାଦିକେ ବେଏ ।
ଆତେନ୍ ବାବବାଦି ଯେ ବିତ୍ତରେ ବାନ୍ ପାଙ୍ଗ୍ । ମେଁ ନେଙ୍ଗ୍ ସୁଗୁଆ
ଡିଙ୍ଗ୍ । ମେଁ ମେଁନେ ବାସଙ୍ଗ୍ ଆତେନ୍ ଯେ ମାନେଃ ପଡ଼େଏ ।

୨୩ ମାତର୍ ତେକ୍‌ରକମ୍ ଗଟେଏ ଜେ ମୁଡ଼ି ରେମୁଆଁ ଆତେନ୍
ବାବବାଦିନେ ସାମୁଆଁ ଆମାନେ ଆମେକେ ଇସ୍‌ପର୍‌ନେ
ରେମୁଆଁଇଁନେବାନ୍ ବିନେ ଆଡ଼ିଂରେ ବିନସ୍ ଆଡ଼ିଂଏ ।

୨୪ ଏବେ ଜା ଗଟେ ଡିଙ୍ଗ୍‌କେ ଶାମୁୟେଲ୍ ଆରି ମେଁ ଇଡ଼ିଙ୍ଗ୍
ପାଙ୍ଗ୍‌ଲେକ୍‌ନେ ସାପା ବାବବାଦିଇଁ ଆତେନ୍ ବିସୟରେ ବାଲିର୍ ବଗେ
।

୨୫ ବାବବାଦିଇଁନେ ସାରମୁଆଁ ଇସ୍‌ପର୍ ଆଡ଼ିନେ ସାପା ପାର୍‌ମାନ୍
ଡିଙ୍ଗ୍‌ବକେ ଆତାନ୍ ପେଇଁ ନ୍ୟା ଦରକାର୍ ବାରି ଇସ୍‌ପର୍ ପେଇଁନେ
ଅଃସେ ଛା ଞ୍ଜା ଇଁନେ ଏତେ ଆଡ଼ିନେ ନିୟମ୍ ତିଆର୍ ଡିଙ୍ଗ୍‌ବକେ
ପେଇଁ ଆଡ଼ିଆ ବାଗିଦାରି । ଇସ୍‌ପର୍ ଅବ୍ରାହାମ୍‌କେ ବାସଙ୍ଗ୍‌ବକେ
ପେଇଁନେ ବସ୍‌କୁଲ୍ ଇଁ ବାନ୍ ନେଙ୍ଗ୍ ମଞ୍ଚ୍‌ପୁର୍‌ନେ ସାପା ଜାତିକେ
ଆସିର୍‌ବାଦ୍ ଶ୍ରିଙ୍ଗ୍ ।

୨୬ ପର୍‌ମେସର୍ ଆପେକେ ଆସିର୍‌ବାଦ୍ ଡିଙ୍ଗ୍‌ନ୍‌ସା ସେନୁଗ୍
ନିଜେନେ ସେବକ୍ ଜିସୁକେ ବେବକେ । ଯେ ଜେନ୍‌ଜିକି ଦଦ୍ୟା କାମ୍
ପେଡ଼ି ଆତେନ୍‌ସା ମେଁ ଦେକ୍‌ରକମ୍ ବାସଙ୍ଗ୍‌ବକେ ।”

୪

ଜିଉଦି ମ୍ଲାଃ କୁକପାର୍‌ନିଆ ପିତର୍ ଆରି ଯହନ୍

୧ ପିତର୍ ଆରି ଯହନ୍ ରେମୁଆଁଇଁକେ ଦେକ୍‌ରକମ୍ ବୁଦି
ବିଡ଼ିଙ୍ଗ୍‌ନେ ବେଲା ମାନ୍‌ନିରେ ଉଡ଼ିରୁଆ ପୁଜାରି ମାନ୍‌ର୍
ଉର୍‌ଶ୍ଟେଇଁନେ ସେନାପତି ଆରି ଉଡ଼ିରୁଆ ସାଦୁକାଈଁ ପିଙ୍ଗ୍‌ରାଆକେ
।

୨ ମେଇଁ ରିସାଡିଙ୍ଗ୍ ଝେଲେଆର୍‌ଗେ ଡାଗ୍ଲା ପିତର୍ ଆରି
ଯହନ୍ ରେମୁଆଁଇଁକେ ସିକ୍ୟା ବିଡ଼ିଙ୍ଗ୍‌ଗେ ଆରି ଜିସୁନେ ସାମୁଆଁ
ସାଃରେ ଗୁଏକ୍‌ ରେମୁଆଁଇଁବାନ୍ ଗୁଏରେ ତଃଡ଼୍ୟାନେ ବିସୟରେ
ବାସଙ୍ଗ୍‌ଡ଼ିଂଗେ ।

୩ ତେସା ମେଇଂ ଜେଲ୍‌କାନାନ୍ନିଆ ପିତର୍ ଆରି ଯହନ୍‌କେ ବନ୍ଦି ଆଡିଙ୍ଗି ଆକେ । ଆତେନ୍ ଦିନା ଜାବର୍ ଜିଲମ୍ ଡିଙ୍ଗି ଝେଲେଲା ଆମେଇଂକେ ମାର୍ତତଡେ ଜାକ ଜେଲ୍‌କାନା ବିଡରେ ବଆର୍‌କେ ।

୪ ମାତର୍ ଗୁଲେ ରୁଆ ମେଇଂନେ ବୁଦି ଦ୍ରିଗ୍‌ତେ ବିସ୍‌ବାସ୍ ଡିଙ୍ଗିଆକେ ଆରି ଜିଂରେଇଂନେ ସଂକ୍ୟା ମ୍ଲାରେ ପ୍ରାୟ୍ ମାଲ୍ ଅଜାର୍ ଡିଙ୍ଗିକେ ।

୫ ମାର୍ତତଡେ ଜିଉଦି ନେତାଇଂ ମନ୍ଦିର୍ ବିନ୍‌ବିନ୍ ରେମୁଆଁଇଂ ବାରି ଦରମ୍ ଗୁରୁଇଂ ଯିରୁସାଲାମ୍ ମୁଇଂ ଅରିଆ ଡିଙ୍ଗିଆକେ ।

୬ ମେଇଂ ହାନାନ କୟାଫା ଜହନ୍ ଆଲେକ୍‌ଜାଣ୍ଡାର୍ ବାରି ମ୍ଲା ପୁଜାରି ତୁଆଣ୍ଟେନେ ବିନ୍‌ରେକେ କୁଡେ ଆକେ ।

୭ ମେଇଂ ପ୍ରେରିତ୍ ସିସ୍‌ଇଂକେ ସାମ୍‌ନେ ଆଡୁଆଁରେ ସାଲିଆକୁଆକେ, “ଜାନେ ବପୁରେ ବା ଜା ମ୍ଲିରେ ଆକେନ୍ ଡିଙ୍ଗିପେଡିଙ୍ଗି?”

୮ ପିତର୍ ପବିତ୍ର ଆମ୍‌ନେ ବପୁ ବାରେ ଆମେଇଂକେ ଉତର୍ ବିକେ “ଜିଉଦି ଜାତିନେ ଇଃସାଙ୍ଗି ଆରି ଦର୍ମ ନେତାଇଂ !

୯ ଜଦି ଏକେ ନେ ଆକେନ୍ ଚଟା ନ୍‌ସା ଡିଙ୍ଗି ନେବକ୍ଲେ ବଲ୍ କାମ୍ ବିସ୍‌ୟରେ ପେଇଂ ପ୍ରସନ୍ ଡିଙ୍ଗିପେଡିଙ୍ଗି ଆରି ମେଁ ଡିରକମ୍ ନିମାଣ୍ଡା ଡିଙ୍ଗିକେ ତାଗ୍‌ରେ ମ୍ୟାଃନ୍‌ସା ଚାଏଁପେଡିଙ୍ଗିକେ ।

୧୦ ତେଲା ପେ ଆରି ଇଣ୍ଡାୟେଲାୟନେ ସାପା ମ୍ୟାନ୍‌ସା ଦରକାର୍ ଜେ ପେ ସାମ୍‌ନେଆ ତୁଆଁ ଲେକ୍ଲେ ଆକେନ୍ ରେମୁଆଁ କେବଲ୍ ନାଜରିତିୟ୍ ଜିସୁ କିସ୍‌ଟନେ ମ୍ଲିନେ ବପୁରେ ପୁରାପୁରି ନିମାଣ୍ଡା ଡିଙ୍ଗିଲେକେ । ଆତେନ୍ ଜିସୁକେ ପେ କୁରୁସ୍‌ନ୍ନିଆ ଆତେତେ ପେବାଗୁଏକେ । ମାତର୍ ଇସ୍‌ପର୍ ଆମେକେ ଗୁଏକ୍ଲେ ବାନ୍ ଆଡଡିଆବକେ ।

୧୧ ଜିସୁନେ ବିସ୍‌ୟରେ ଆଃ ଦର୍ମସାସ୍ତ୍ରନ୍ନିଆ ଗୁଆର୍‌ବକେ, ଆଣ୍ଟିନେ ବ୍ରିକେ ତୁଆ ଆରେଡ୍ରେ ଆମେକେ ଦରକାର୍ ଶୁଭାଗ୍‌ତେ ଜଗ୍‌କାଗ୍‌ବଗେ ।

ମାତର୍ ଆତେନ୍ ବ୍ରି ଏକେ କନ୍‌ନେ ମୁଲ୍ ବ୍ରି ଡିଙ୍ଗିଲେକେ ।

୧୨ ଆମେ ଆନ୍ତାରଲା ଆରି ଜାତାଗ୍ରା ଉଦାର୍ ଶୁଭାଗ୍ଲା ଜାନେ ବାନ୍ ଆନେକେ ଉଦାର୍ ବାନେ ଡିଏ କିତଂଇନି ଆଲ ରେମୁଆଁଇଂନେ

ବିତ୍ତେବାନ୍ ଆରି ମେଃଡ଼ିଗ୍ ମ୍ନି ବିଆବକେ ଶୁ ।”

୧୩ ପିତର ଆରି ଜହନ୍ ଅସିକିଡ଼ ଆରି ସାଦାସିଦା ରେମୁଆଁ ଲେଃଗେ ଡାଗ୍ରେ ମ୍ନାଃ କୁକପାର୍ରେନେ ସଦସ୍ୟଇଂ ମ୍ୟାଃଲେଆର୍ଗେ । ତେସା ମ୍ୟାୟା ସିସ୍ନେ ସାହାସ୍ କେଚେ ମେଇଂ ବକୁଆ ଡିଙ୍ଗ୍‌ଝେଆର୍ଗେ । ବାରି ମେଇଂ ମ୍ୟାଃଲେଆର୍ଗେ, ଆତେନ୍ ମ୍ୟାୟା ଜିସୁ ଏତେ ଲେଆର୍ଗେ ।

୧୪ ମାତର୍ ମେଇଂ ବିରଦ୍ ଡିଙ୍ଗ୍‌ଚେ ମେଃଡ଼ିଗ୍ ବାସଙ୍ଗ୍ ଆୟାଆକେ ଶୁ; ତାଗ୍ଲା ମେଁ ନିମାଶ୍ତା ଡିଙ୍ଗ୍‌ଲେକ୍ସେ ରେମୁଆଁକେ ପିତର୍ ଆରି ଯହନ୍ ଏତେ ତୁଆଁଲେକ୍ସେ କେକେ ।

୧୫ ମେଇଂ ସବାବାନ୍ ତାର୍‌ଝେ ନ୍‌ସା ଆଦେସ୍ ବିଃଆରକେ । ତେନ୍ ଇଡ଼ିଂ ନେତାଇଂ ମେଃ ଡିଙ୍ଗ୍‌ଆର୍‌ଏ, ଆତେନ୍ ବିସୟ୍ରେ ମେଇଂ ବିତ୍ରେ ବାଲିର୍ ବାତା ଡିଙ୍ଗ୍ ଆକେ ।

୧୬ ମେଇଂ ବାସଙ୍ଗ୍‌ଆକେ “ନେ ଆକ୍ସେଇଂ ଆଡ଼ାତ୍ରା ମେଃ ନେଃଡ଼ିଂପା ? କିମେଇଂ ଡିଙ୍ଗ୍‌ବକ୍ସେ କାବା କାମ୍ ବିସୟ୍ରେ ଯିରୁଗାଲମ୍‌ନେ ସାପାରେ ମ୍ୟାଃଲେଆର୍ଗେ । ଆକେନ୍ ସଡ଼କେ ନେ ଆରି ଅବିସ୍‌ବାସ୍ ଡିଙ୍ଗ୍ ନେୟା ଶୁ ।

୧୭ ମାତର୍ ଆକେନ୍ ବ୍ଲାଇର୍ ଜେଡ଼ିକି ରେମୁଆଁଇଂ ତାଗ୍ରା ଜାବର୍ ଉତ୍ରା ଆଡିଙ୍ଗ୍ ଆରି ଜିସୁନେ ମ୍ନିରେ ଜା ତାଗ୍ରା ଡିଗ୍ ମେଃଡ଼ିଗ୍ ମାବାସଙ୍ଗ୍ ନ୍‌ସା ଆକ୍ସେଇଂକେ ନେ ସାବ୍‌ଦାନ୍ ଆଡିଙ୍ଗ୍ ନେବିପା ।”

୧୮ ତେସା ମେଇଂ ପିତର୍ ଆରି ଯହନ୍‌କେ ବାର୍‌ମୁଇଂତର୍ ବିତ୍ରେ ଖାଆକେ ଆରି ଅନାଡିଗ୍ ଜିସୁନେ ମ୍ନିରେ ମେଃଡ଼ିଗ୍ ସାମୁଆଁ ମାବାସଙ୍ଗ୍ ନ୍‌ସା ଆରି ସିକ୍ୟା ମାବିନ୍‌ସା ତରକ୍ ଆଡିଙ୍ଗ୍‌ବି ଆକେ ।

୧୯ ମାତର୍ ପିତର ଆରି ଜହନ୍ ଆମେଇଂକେ ଉତର୍ ବିଃକେ, “ପର୍‌ମେସର୍‌ନେ ଆଦେସ୍ ଆନ୍ତାରିଚେ ପେନେ ଆଦେସ୍ ପାଲନ୍ ଡିଙ୍ଗ୍‌ନେ ନେନେ ଟିକ୍ କି ଶୁ, ଆତେନ୍ ପେ ବିଚାର୍ ଡିଙ୍ଗ୍‌ପା ।

୨୦ ନେ ମେଃନେ କେନେଲେକେ ଆରି ଅଁନେଲେକେ ଆତେନ୍ ରେମୁଆଁକେ ମାବାସଙ୍ଗ୍‌ଚେ ଲେଃନେୟା ଶୁ ।”

୨୧ ଆଡ଼ବା ମେଇଂ ରେମୁଆଁକେ କେଚେ ଆମେଇଂକେ ଡ଼ଣ୍ଡ୍ ବିନେ ମେଃଡ଼ିଗ୍ ଉପାୟ୍ ମାବାଚେ ଆମେଇଂକେ ଅବିକ୍ ଆପ୍‌ଚେ ଆନ୍‌ଡାବ୍‌ବି ଆକେ ତେସା ମେଃନେ ଗଚେ ଲେଃଗେ ଆତେନ୍‌ସା

ରେମୁଆଁ ସାପାରେ ଇସପରନେ ମଇମା ଡିଙ୍ଗୁଆରକେ ।

୨୨ ମୁଡ଼ି ରେମୁଆଁ କାବା କାମରେ ନିମାଣ୍ଡା ଡିଙ୍ଗୁଲେଗେ ମେଁନେ ବୟସ୍ ଚାଲିସ୍ ମୁଆଃବାନ୍ ଅଦିକା ଲେଃଗେ ।

ସାହାସ୍ ବାନ୍ସା ପାରତନା

୨୩ ପିତର ଆରି ଯହନ୍କେ ଆନ୍ତାରବିନେ ସଙ୍ଗେ ସଙ୍ଗେ ମେଇଁନେ ଦଲ୍ଲୁଆ ଆଣ୍ଡେ ଝିଗଗେ ଆରି ମ୍ବା ପୁଜାରି ଆରି ଦର୍ମ ନେତାଇଁ ମେଃନେ ବାସଙ୍ଗବଗେ ଆଡେନ୍ ଆମେଇଁକେ ଆମାଃକେ ।

୨୪ ବିସ୍ବାସିଇଁ ସାପା ସାମୁଆଁ ଅଁକ୍ଲେ ଇଡ଼ିଙ୍ଗୁ ସାପାରେ ମୁଇଁନୁଗ୍ ରିସିଙ୍ଗେ ଇସପରତାଗା ଆକେନ୍ ପାରତନା ଡିଙ୍ଗୁଆକେ “ଏ ମାପୁରୁ ! କିତଂଇନି ମଞ୍ଚୁପୁର କେଣ୍ଡିଆ ଆରି ଆଡ଼ ଅରିଆ ଲେଡ଼ିଙ୍ଗୁକ୍ଲେ ସାପା କିଚି ତିଆର ତିଙ୍ଗୁ ନାବକେ !

୨୫ ନେନେ ଅଃସେଣ୍ଡେ ଦାଉଦ ନାନେ ସେବକ୍ ଲେଃଗେ । ମେଁ ପବିତ୍ର ଆମ୍ବାନେ ବାନ୍ ଆକେନ୍ ବ୍ଲାଇରୁ ଗୁଆର ବକେ “ଆକେନ୍ ଅଣଜିଉଦିଇଁ ମେଃନସା ଝିଙ୍ଗୁଆଃ ରିଙ୍ଗୁଆ ଡିଙ୍ଗୁ ଆର ଡିଙ୍ଗୁକେ ?

ଆକେନ୍ ମଞ୍ଚୁପୁରନେ ରେମୁଆଁଇଁ ମେଃନସା ପରମେସର୍ ବିରଦ୍ରେ ଦଦ୍ୟା ଚିନ୍ତା ବାବେ ତିଙ୍ଗୁ ଆରକେ ? ଆକେନ୍ ସାପା ଦରକାର୍ ଶୁ ।

୨୬ ମାପୁରୁନେ ବିରଦ୍ରେ

ଆରି ମେଁନେ ମସିହନେ ବିରଦ୍ରେ ମଞ୍ଚୁପୁରନେ ଇଃସାଙ୍ଗୁଇଁ ତୁଆଁ ଆରକେ

ଆରି ସାସନ୍ ତିଂଣ୍ଡେ ମୁଇଁନୁଆ ରିସିଙ୍ଗୁ ଆକେ ।’

୨୭ ☆ଡାଗ୍ଲା ନାନେ ମୁଃଡ଼ି ପବିତ୍ର ଦାସ୍ ଜିସୁକେ ନାଁ ନାସିକେ ପକ୍‌ରୁଦ୍ରେ ଆକେନ୍ ନଗରିନୁଆ ହେରୋଦ ଆରି ପତ୍ରିୟ ପାଲାତ ଅଣଜିଉଦି ଆରି ଇଣ୍ଡାୟେଲ୍‌ୟନେ ରେମୁଆଁଇଁ ଏତେ କୁଡ଼େତେ ପେବାନ୍ ବାଚେ ପେବକ୍ଲେ ଜିସୁକେ ପେନେ ପବିତ୍ର ଦାସ୍‌ନେ ବିରଦ୍ରେ ଜଜ୍‌ନା ପେଡ଼ିଙ୍ଗୁକେ ।

☆ ୪:୨୨ ଲୁକ୍ ୨୩:୭-୧୧; ମାତିଉ ୨୭:୧,୨; ମାର୍କ ୧୫:୧; ଲୁକ୍ ୨୩:୧; ଜହନ୍ ୧୮:୨୮,୨୯.

୨୮ ଯେନେ ବପୁ ଆରି ଯେନେ ଇକତାରେ ଜା ସାପା ଆଃଗଟେ ନ୍‌ସା ଯେ ତିଆର୍ ଆଡ଼ିଙ୍ଗ୍ ଯେବଗେ ମେଇଂ ରିସିଙ୍ଗ୍‌ଟେ ଆଡେନ୍ ସାପା ଡିଙ୍ଗ୍‌ନ୍‌ସା ଲାଗେ ପଡ଼େଆକେ ।

୨୯ ଅ ମାପୁରୁ, ଏବେ ମେଇଂ ଆନେକେ ଡିରକମ୍ ଦମକ୍ ବିବକେ, ନା ଆଡେନ୍ ବିସୟରେ ଦ୍ରିଗ୍ ଆରି ଦାସ ଦାସୀଇଂକେ ବରକସ୍ ବାବ୍‌ରେ ନାନେ ବ୍ଲାଇର୍ ବାସଙ୍ଗ୍ ଅଲେଙ୍ଗ୍ ନ୍‌ସା ବପୁ ବିଲା ।

୩୦ ନାନେ ବପୁ ଆନେକେ ଆସୁଏ ଜାଣ୍ଡେଃବାନ୍ କି ନେ ସାଆସ୍‌ରେ ନାନେ ପବିତ୍ର ଦାସ୍ ଜିସୁନେ ମ୍‌ରେ ରଗିଇଂକେ ନିମାଣ୍ଡା ଆଃଡ଼ିଙ୍ଗ୍ ନ୍‌ସା ଗୁଲେ ଚିନ୍ ଆସୁଏ ନ୍‌ସା ଆରି କାବା ରକମ୍ କାମ୍ ଡିଙ୍ଗ୍ ନେୟାଏ ।”

୩୧ ପାରତନା ଡାକ୍ତେ ଇଡ଼ିଙ୍ଗ୍ ଆଣ୍ଡିନ୍ ଡୁଆନ୍‌ଥା ପାରତନା ଡିଙ୍ଗ୍‌ଆର୍ଡ଼ିଙ୍ଗ୍‌ଗେ ଆଡ଼ଅରିଆ ସାପାରେ ରିସିଙ୍ଗ୍‌ଲେ ଆଗେ । ଆଡେନ୍ ଡୁଆ ଲିଗିର୍ ଝେକେ । ମେଇଂ ସାପାରେ ପବିତ୍ର ଆମ୍ବା ବାଟେ ପର୍‌ମେସର୍‌ନେ ସାମୁଆଁ ସାହାସ୍‌ରେ ବାସଙ୍ଗ୍ ଅଲେଙ୍ଗ୍‌ନ୍‌ସା ମୁଲେକେ ।

ବିସ୍‌ବାସିଇଂ ମେଇଂମେଇଂ ବିତ୍‌ରେ ଲିଜବ୍‌କେ କୁଡ଼େଟେ ସ୍ନେଆର୍‌କେ

୩୨ ☆ ବିସ୍‌ବାସ୍ ଡିଙ୍ଗ୍‌ଲେ ଆର୍‌କ୍ଲେ ରେମୁଆଁଇଂନେ ମୁଇଂ ମନ୍ ମୁଇଂ ଆମ୍ବାରେ ଲେଃଆର୍‌ଗେ । ମେଇଂନେ ବିତ୍‌ରେ ଜାଡ଼ିଗ୍ ମେଁ ଜିନିସ୍‌କେ ଡିଗ୍ ନିଜେନେ ଡାଗ୍‌ଟେ ବାସଙ୍ଗ୍ ଆଡ଼ିଙ୍ଗ୍ ଆର୍ ଶୁ । ମେଇଂ ଡାଗ୍‌ା ମେଁନେ ଲେଃଗେ ଆଡ଼ଅରିଆ ସାପାରେନେ ବାଟା ଲେଃଗେ ।

୩୩ ମାପୁରୁ ଜିସୁ ଜା ସତ୍‌ରେ ଗୁଏଟେ ତଃଡ଼୍ୟା ଲେଃକେ ଆକେନ୍ ପ୍ରେରିତ୍ ସିସ୍‌ଇଂ ମ୍‌ ବପୁରେ ସାକି ବିଆର୍‌କେ । ପର୍‌ମେସର୍ ସାପା ବିସ୍‌ବାସିଇଂକେ ଗୁଲେ ଅନୁଗ୍ରଥ ବିକେ ।

୩୪ ମେଇଂନେ ବିତ୍‌ରେ ଆଜାକେ ଡିଗ୍ ଅବାବ୍ ଆଲେଗେ ଶୁ । ଜାନେ ଡୁଆ ବା ଲିଜ ଲେଃଗେ ମେଁ ଆଡେନ୍ ସାପା ସଟେ ଡାବୁ ଡୁଂପାଙ୍ଗ୍‌ଟେ,

୩୫ ମେଇଂ ଆଡେନ୍ ସମ୍‌ତିକେ ପ୍ରେରିତ୍ ସିସ୍‌ଇଂନେ ଞ୍ଚିଆଲ ବଡ଼ିଙ୍ଗ୍‌ଆଗେ । ସାପାରେକେ ନିଜେନେ ଉଡ଼ି ଦରକାର୍ ଅଃକେନ୍ ଇସାବ୍‌ରେ ଡାବୁ ବାଟା ବିଡ଼ିଙ୍ଗ୍‌ଗେ ।

☆ ୪:୩୨ ପ୍ରେରିତ୍ ୨:୪୪,୪୫.

୩୭ ଯସେପ୍ ମ୍ନିରେ ମୁଇଂ ବିସ୍ବାସ୍ ରେମୁଆଁ ଲେଃଗେ । ପ୍ରେରିତ୍ ସିସ୍ଇଂ ଆମେକେ “ବଣ୍ଟିବା” ମ୍ନିରେ ଖାଡ଼ିଙ୍ଗ୍ ଆଗେ । ଆକେନ୍ ମ୍ନିନେ ଅରତ “ସାଇଜ ଡିଙ୍ଗ୍‌ଣ୍ଡେ” ମେଁ ସାଇପ୍ରସ୍ ମ୍ନିକ୍ଲେ ଜାଗାନ୍ନିଆ ମୁଇଂ ଲେବୀୟ୍ ବଂସନ୍ନିଆ ଜନମ୍ ଡିଙ୍ଗ୍‌ଲେଃଗେ ।

୩୮ ଯସେପ୍‌ନେ ଇକ୍କୁଡ଼ା ଲିଜ ଲେଃଗେ । ମେଁ ଆମେକେ ସ ଜଗ୍‌ଲ୍ଲାଗ୍‌ରେ ସକ୍ଲେ ସାପା ତାରୁ ତୁଂପାଙ୍ଗ୍‌ରେ ପ୍ରେରିତ୍ ସିସ୍ଇଂକେ ବିଃକେ ।



ହନନିୟ୍ ଆରି ଶଫୀରା

୧ ହନନୀୟ୍ ମ୍ନିକ୍ଲେ ମୁଇଂ ରେମୁଆଁ ଆରି ମେଁନେ କୁନେଡ଼େ ଶଫୀରା ମେଇଂନେ ଲିଜ ବ୍ରି ସବିଆକେ ।

୨ ମାତର୍ କୁନେଣ୍ଡେନେ ଦନ୍ ସମ୍ପତି ତୁଂଝେରେ ହନନିୟା ସକ୍ଲେ ଉଡ଼ି ଦନ୍ ନିଜେ ଆଡ଼ଲା ବରେ ବାକି ସାପା ପ୍ରେରିତ୍ ସିସ୍ଇଂକେ ବିକେ ।

୩ ପିତର୍ ଆମେକେ ବାସଙ୍ଗକେ “ହନନୀୟ୍ ନା ମେନ୍‌ସା ସଇତାନ୍ ନା ଜିବନ୍ ଅରିଆ ପୁରାପୁରି ବାବ୍‌ରେ ଅଦିକାର୍ ଡିଙ୍ଗ୍‌ବକେ ? ନେ ସାମୁଆଁ ସାରେ ଲିଜ ବ୍ରି ସଃରେ ଆଡ଼ବା ବାନାଲେକ୍ଲେ ତାରୁବାନ୍ ଉଡ଼ି ସୁଗୁଆ ନା ଆଡ଼ଲା ବରେ ପବିତ୍ର ଆମ୍‌ ତାଗ୍ରା ମିର୍ ନାବାସଙ୍ଗକେ ?

୪ ଦନ୍ ସମ୍ପତି ସନେ ସେନ୍ନୁଗ୍ ଆଡେନ୍ ନାନେ ଲେଃଗେ; ସନେ ଇଡ଼ିଙ୍ଗ୍ ଡିଗ୍ ଆଡେନ୍ ମେଁନେ ନାନେ ଆଲେଗେ ? ତେଲା ନା ମେଃନ୍‌ସା ଦେକ୍‌ରକମ୍ କାମ୍ ଡିଙ୍ଗ୍‌ନ୍‌ସା ମନ୍ ନାବାବେକେ ? ନା ରେମୁଆଁକେ ନାଜଟେକେ ଶ୍ଟୁ ମାତର୍ ଇସ୍‌ପର୍ ତାଗ୍ରା ମିର୍ ବାସଙ୍ଗ ନାବକେ ।”

୫ ହନନୀୟ୍ ଆକେନ୍ ସାମୁଆଁ ଅଁକ୍ଲେ ଦାପ୍ରେ ତୁବଃନ୍ନିଆ ଲଃରେ ଗୁଃଝେଗେ । ଆକେନ୍ ସାମୁଆଁ ଅଁରେ ରେମୁଆଁକ୍ ଜାବର୍ ବୁଟମେଗ୍ ଝେଆରକେ ।

୬ ତେନ୍ ଇଡ଼ିଂ ଜିରେଇଂ ହନନିୟାନେ ଗୁଃକ୍ଲେ ଗାଗ୍‌ଡ଼େକେ ପାଟାଇ ଏତେ ତାରେ ପାଦାପାକା ତୁଂଝେରେ ଆତି ବିଃଆକେ ।

୭ ଙ୍ଗି ଗଣ୍ଡା ଇଡ଼ିଙ୍ଗ୍ ହନନିୟାନେ କୁନେଣ୍ଡେ ପିଙ୍ଗ୍‌ରାକେ । ମେଁ ଆକେନ୍ ଗର୍‌ନା ବିସ୍‌ୟ୍‌ରେ ମ୍ୟାଃଆଲେଃଗେ ।

୮ ପିତର ଆମେକେ ସାଲିଆକୁକେ “ନା ଆରି ନା ଆଣ୍ଡା ଆଣ୍ଡିନେ ଲିଜ ବ୍ରି ପେସକେ ଆତେନ୍ ମେନେ ଅଃକେନ୍ ଦାମ୍ରେ ପେସକେ କି ?” ମେଁ ଉତର ବିକେ “ଅଁଃ ଅଁ ଅଃତେନ୍ ଦାମ୍ରେ ସ ନେବକେ ।”

୯ ପିତର ଆମେକେ ବାସଙ୍ଗକେ, “ମାପୁରୁନେ ଆମ୍ବାକେ ପରିକ୍ୟା ଡିଙ୍ଗନେସା ନା ଆରି ନା ଆଣ୍ଡା ମେଃନ୍ସା ରାଜି ପେଡିଙ୍ଗକେ ? ଜାଣ୍ଡେଇଁ ନା ଆଣ୍ଡାକେ ଆଡି ଆକେଁ ମେଇଁ ଏବେ ଶୁଁସାଙ୍ଗ୍ ଡାଗ୍ରା ଝେଟାଆଗେ । ଆନାକେ ଡିଗ୍ ମେଇଁ ପାଦାପାକା ଗୁଃ ତୁଁଝେଆରୁଏ ।”

୧୦ ଆତେନ୍ ସେଲାମ୍ବୁଃ ଡିଗ୍ ମେନେ ଞ୍ଚରୁଦେ ଲଃତେ ଗୁଏଃଝେଗେ । ତେନ୍ ଇଡିଁ ଜାଁରେଇଁ ବିଡରେ ପାଙ୍ଗରେ ଆମେକେ ଗୁଏ ଲେକ୍ସେ କେତେ ଆମେକେ ତୁଙ୍ଗ ରାଙ୍ଗ୍ଝେଆରୁଗେ ଆରି ମେନେ ଆଣ୍ଡାଣ୍ଡେକେ ଆଡିବକ୍ସେ ଡାଗ୍ରା ଆମେକେ ଆଡି ଆକେଁ ।

୧୧ ମଣ୍ଡାଲିନେ ସାପା ବିସ୍ବାସି ଆରି ବିନ୍ ସାପା ରେମୁଆଁ ଜାଣ୍ଡେଇଁ ଆକେନ୍ ସାମୁଆଁ ଅଁ ଆରକେ ମେଇଁ ଜାବର ବୁଟମେଗ୍ ଆକେଁ ।

ବୟଙ୍ଗାର କାମ୍ ଆରି ଇରିଆତୁଗ୍ନେ କାମ୍

୧୨ ପ୍ରେରିତ୍ ସିସ୍ଇଁନେ ଛି ବାନ୍ ରେମୁଆଁଇଁ ବିଡରେ ଜାବର ଚିନ୍ ଆରି କାବା କାମ୍ ଡିଙ୍ଗାଆକେଁ । ଆରି ସାପା ମଣ୍ଡାଲି ମୁଇଁ ଉଦେସରେ ଶଲୋମାନ୍ନେ ମଣ୍ଡାପ୍ଲିଆ ରିସିଙ୍ଗ୍ ଆକେଁ ।

୧୩ ମେଇଁ ଏତେ କୁଡେତେ ତୁଆଁ ନସା ଜାଡିଗ୍ ସାହାସ ଆଡିଙ୍ଗାଆରୁଗେ ଶୁ । ସାପାରେ ପ୍ରେରିତ୍ଝକେ ମାଲେ ପ୍ରସଂସା ଡିଙ୍ଗାଆକେଁ ।

୧୪ ଇସ୍ପରଡାଗ୍ରା ବିସ୍ବାସି ଡିଙ୍ଗାଣ୍ଡେଇଁ ଗୁଲେ ଜାଁରେ ଆରି ସେଲାମ୍ବୁଃ ମାପୁରୁନେ ଏତେ ଦଲ୍ଲନ୍ଦିଆ କୁଡେ ଆକେଁ ।

୧୫ ଆରି ବିସ୍ବାସି ଡିଙ୍ଗାଣ୍ଡେଇଁ ଦିନକେ ଦିନ୍ ମ୍ଲାନେ ଲାଗେକେ । ତେସା ରେମୁଆଁଇଁ ରଗ୍ ସା ଲେଃକେଣ୍ଡେଇଁକେ ଗାଲିଡାଗ୍ରା କଟ୍ଟିଆ ତୁଙ୍ଗପାଙ୍ଗ୍ ଆକେଁ ଜେଡିକି ପିତରନେ ଲୁଡିଆ ଝେ ଝିଗ୍ କେଲା ରଗ୍ ସାଃଲେକ୍ସେ ରେମୁଆଁଇଁନେ ଆଡାଡା ଆତେନ୍ ଲୁଡିଆ ବାଏ ଆରି ଆତେନ୍ ଲୁଡିଆବାନ୍ ରଗିଇଁ ନିମାଣ୍ଡା ଡିଙ୍ଗାଆରୁଏ ।

୧୬ ଯିରୁଶାଲମ୍‌ରେ ତାଗ୍ରା ସହରଇଂବାନ୍ ରେମୁଆଁଇଂ ମେଇଂନେ ରଗ୍ ସାଃଲେକ୍ରେ ରେମୁଆଁଇଂକେ ଆରି ଜାଣ୍ଟେଇଂକେ ବୁଡ଼ ସାଲେଗେ ଆମେଇଂକେ ସାଚେ ତୁଙ୍ଗପାଙ୍ଗ୍ ଆର୍ ତିଙ୍ଗ୍‌ଗେ ଆରି ମେଇଂ ସାପାରେ ନିମାଣ୍ଡା ତିଙ୍ଗ୍‌ଚେ ଝେଡ଼ିଂଗେ ।

ପ୍ରେରିତ୍ ସିସ୍‌ଇଂ ଆଡ଼ାଡ଼ା ନିନ୍ଦା

୧୭ ତେନ୍ ଇଡ଼ିଂ ମ୍ଲା ପୁଜାରି ଆରି ମେଇଂନେ ସାପା ରେମୁଆଁଗଣ୍ଟୁଇଂ ଆରି ସାଦୁକୀ ଦଲ୍‌ନେ ରେମୁଆଁଇଂ ପ୍ରେରିତ୍ ସିସ୍‌ଇଂନେ ଆଡ଼ାଡ଼ା ଜାବର୍ ରିସାଡ଼ିଙ୍ଗ୍‌ଚେ ମେଇଂନେ ବିରଦ୍‌ରେ ତଡ଼ିଆ ଆକେ ।

୧୮ ମେଇଂ ପ୍ରେରିତ୍ ସିସ୍‌ଇଂକେ ଗାଗ୍‌ଚେ ତାଆଁ କଇଦ୍ ତୁଆ ବିଡ଼ରେ ବଆରକେ ।

୧୯ ମାତର୍ ମାପରୁନେ ମୁଇଂ ଦୁଡ଼ ମିଡ଼ିଗ୍‌ବ ଆତେନ୍ ଜେଲ୍‌କାନାନ୍‌ନେ ଶ୍ଟିସାଙ୍ଗ୍ ସାପା ରଃଚେ ଆମେଇଂକେ ଆତାର୍ ବିଚେ ବାସଙ୍ଗ୍‌କେ,

୨୦ “ତେ ମନ୍ଦିର୍‌ନ୍ଦିଆ ଝେଚେ ତୁଆଁପା ଆରି ରେମୁଆଁଇଂକେ ମାପରୁ ଜିସୁ ବିବକ୍ରେ ଆକେନ୍ ନୁଆଁ ଜିବନ୍ ସାମୁଆଁ ବାସଙ୍ଗ୍‌ପା ।”

୨୧ ଆକେନ୍ ଅଁଚେ ପ୍ରେରିତ୍‌ଇଂ ଝିର୍‌ନୁଗ୍ ମନ୍ଦିର୍ ଝେଚେ ରେମୁଆଁଇଂକେ ବ୍ଲାଇର୍ ଆଃ ଅଁକେ । ଆକେନ୍ ବେଲା ମ୍ଲା ପୁଜାରି ଆରି ମେଇଂନେ ରେମୁଆଁଗଣ୍ଟୁଇଂ ଆତେନ୍ ମନ୍ଦିର୍‌ନେ ବିନ୍ ତାଗ୍ରା ଝେଚାଚେ ଇଣ୍ଡାୟେଲୀୟନେ ମ୍ଲା ମ୍ଲା ରେମୁଆଁଇଂକେ ମୁଇଂ କୁକପାର୍ ଆଃକ ନ୍‌ସା ଝାକେ । ମେଇଂ ପ୍ରେରିତ୍‌ଇଂ ଜେଲ୍‌କାନାବାନ୍ ଝାଡୁଂପାଙ୍ଗ୍ ନ୍‌ସା ଉଡ଼ିରୁଆକେ ବେକେ ।

୨୨ ମାତର୍ ଆତେନ୍ ଚାକ୍‌ରିଆରେଇଂ ଜେଲ୍‌କାନା ବିଡ଼ରେ ପ୍ରେରିତ୍‌ଇଂକେ ମାଅବାଚେ ଝିଗ୍‌ଆଗେ ଆରି ମ୍ଲା କୁକପାର୍‌ନ୍ଦିଆ ଆମ୍‌ସାଃଆରକେ ।

୨୩ “ନେ ଜେଲ୍‌କାନା ବିଡ଼ରେ ନିମାଣ୍ଡା ବାବ୍‌ରେ କୁଚି ଜ୍ଲାଗ୍‌ବକ୍ରେ ନେକେକେ ଆରି ଉର୍‌ଣ୍ଟେଇଂକେ ଶ୍ଟିସାଙ୍ଗ୍ ତାଗ୍ରା ତୁଆଁ ଲେକ୍ରେ ତିଗ୍ ନେକେକେ । ମାତର୍ ନେ ଅନାବେଲା ଜେଲ୍‌କାନା ରଃଚେ ନେକେକେ ଆତେନ୍‌ବେଲା ଆଡ଼ ଅରିଆ ଜା ତିଗ୍ ଆଲେଗେ ।”

୨୪ ଆକେନ୍ ସାମୁଆଁ ଅଁରେ ମନ୍ଦିରନେ ମ୍ନାରେ ଆରି ମ୍ନା ପୁଜାରି ବକୁଆ ଡିଙ୍ଗ୍‌ଝେଆର୍ଗେ ଆରି “ଆକେନ୍ ଗଟ୍‌ନା ମେଠନେ ଡିଙ୍ଗ୍‌ଏ ଆକେନ୍ ବାବେରେ ସାପାରେ ବୁଦିବାନା ଡିଙ୍ଗ୍‌ଝେରେ ।”

୨୫ ଟିକ୍ ଆତେନ୍‌ବେଲା ଆଃ ମୁଇଂଜା ପାଙ୍ଗ୍‌ରେ ଆମେଇଂକେ ବାସଙ୍ଗ୍‌କେ “କେଲାପା ! ଯେ ଆଜାକେ ଜେଲ୍‌କାନା ବିତ୍‌ରେ ଗାଗ୍‌ରେ ଯେବକେ ମେଇଂ ମନ୍ଦିର ତାଗ୍‌ ତୁଆଁରେ ରେମୁଆଁଇଂକେ ମାପରୁ ସାମୁଆଁ ବାସଙ୍ଗ୍‌ଡିଙ୍ଗ୍‌କେ ।”

୨୬ ତେସା ସେନାପତି ଆତେନ୍ ଚାକ୍‌ରିଆରେଇଂକେ ୱା ତୁଂଝେରେ ପ୍ରେରିତ୍‌ଇଂକେ ୱା ତୁଂପାଙ୍ଗ୍‌ଆର୍କେ । ମେଇଂ ପ୍ରେରିତ୍‌ଇଂକେ ଜର୍ ଜବର୍ ଦସ୍ତି ଆଡିଙ୍ଗ୍‌ରେ ତୁଙ୍ଗ୍‌ଆପାଙ୍ଗ୍‌ ଆର୍କେ ଶ୍ଟୁ ତାଗ୍‌ ମେଇଂ ବୁଟ୍‌ମେଗ୍‌ ଆର୍କେ । ଜଦି ମେଇଂ ଦେକ୍‌ରକମ୍ ଡିଙ୍ଗ୍‌ଆର୍ଏ ତେଲା ରେମୁଆଁଇଂ ଡିଙ୍ଗ୍‌ଏତ ଆମେଇଂକେ ବ୍ରି ଟୁଆର୍ଏ ।

୨୭ ମେଇଂ ପ୍ରେରିତ୍‌ଇଂକେ ତୁଙ୍ଗ୍‌ପାଙ୍ଗ୍‌ରେ ମ୍ନା କପାର୍‌ନେ ସେନୁଗ୍ ଆତୁଆଁଆର୍‌କେ । ମ୍ନା ପୁଜାରି ଆମେଇଂକେ ପ୍ରସ୍ତ ସାଲିଆକୁକେ

୨୮ ☆“ନେ ଆପେକେ ଜିସୁନେ ମ୍ନିରେ ବୁଦି ମାବିନ୍‌ସା କଡ଼ା ଆଦେସ୍ ବିନେବଗେ ମାତର୍ କେଲାପା ଯେ ମେଠନେ ଡିଙ୍ଗ୍‌ପେବକେ ! ଯିରୁଶାଲମ୍‌ନେ ପିତୁର୍‌ପାକା ଯେ ଆକେନ୍ ବୁଦି ଉଡ୍ରା ଆଡିଙ୍ଗ୍‌ ପେବକେ ବାରି ମେଁ ଗୁଏଙ୍ଗ୍‌ନ୍‌ସା ଯେ ଆନେକେ ଆନିନ୍‌ନ୍‌ସା ରେସ୍‌ଟା ଡିଙ୍ଗ୍‌ ପେଡିଙ୍ଗ୍‌କେ ।”

୨୯ ପିତର୍ ଆରି ବିନ୍ ସିସ୍‌ଇଂ ଉତର୍ ବିକେ “ନେ ଇସ୍‌ପର୍‌କେ ନେମାନେଏ ମାତର୍ ରେମୁଆଁଇଂକେ ଶ୍ଟୁ ।

୩୦ ଯେ ଆଣ୍ଡିନ୍ ଜିସୁକେ କ୍ନୁସ୍‌ସ୍‌ନ୍‌ଆ ଆଡେରେ ବାଗୁଏ ପେବକେ ଆମେକେ ନେନେ ଅଃସେରେଇଂନେ ପର୍‌ମେସର୍ ଗୁଏଙ୍ଗ୍‌ ବାନ୍ ଆଃତଡ଼୍ୟା ବକେ ।

୩୧ ଇଶ୍ରାୟେଲୀୟନେ ରେମୁଆଁଇଂକେ ମନେ ଏତେରେ ପାପ୍ କେମା ବାନେ ସୁଜଗ୍ ବିନ୍‌ସା ଇସ୍‌ପର୍ ଆମେଇଂକେ ନେତା ଆରି ଆମ୍‌ଣ୍ଡେ ଆଡିଙ୍ଗ୍‌ରେ ଆଡଡିଆବକେ ବାରି ମେଁନେ ନିଜେନେ ଇଞ୍ଜିଙ୍ଗ୍‌ତି ପାକା ବକେ ।

☆ ୫:୨୮ ମାଡିଉ ୨୭:୨୫.

୩୭ ନେ ଆକେନ୍ ସାପା ସାମୁଆଁନ୍ନିଆ ସାକି ନେଲେକେ । ଆରି ଆଣ୍ଡିନେ ପବିତ୍ର ଆମ୍ବୁକେ ଇସପର୍ ମେଁନେ ଆଦେସ୍ ମାନେଫମାଃକ୍ରେ ରେମୁଆଁଇଁକେ ଦାନ୍ ଡିଙ୍ଗ୍‌ବକେ ମେଁ ଡିଗ୍ ଆକେନ୍ ବିସୟରେ ସାକି ।”

୩୩ ମ୍ବାଃ କୁକପାର୍‌ନେ ସଦସ୍ୟଇଁ ଆକେନ୍ ସାମୁଆଁ ଅଁଚେ ଏଡ୍ରି ରିସାଡିଙ୍ଗ୍‌ଆଗେ ଜେ ମେଇଁ ସିସ୍‌ଇଁକେ ବାଗୁଏ ବିନ୍‌ସା ଚାଏ ଆକେଁ ।

୩୪ ମାତର୍ ମେଇଁନେ ବାନ୍ ଗମଲିଏଲ୍ ମିକ୍ରେ ମୁଇଁ ସନ୍‌ମାନ୍ ବାଡିଁକ୍ରେ ରେମୁଆଁ ଫାରୁଣୀ ଦର୍ମ୍ ଗୁରୁ ମ୍ବା କୁକପାର୍‌ନ୍ନିଆ ତୁଆଁଚେ ପ୍ରେରିତ୍ ସିସ୍‌ଇଁକେ ବାଏରେ ଆତାର୍‌ନେସା ଆଦେସ୍ ବିକେ ।

୩୫ ତେନ୍ ଇଡିଁ ମେଁ ଆମେଇଁକେ ବାସଙ୍ଗକେ “ଏ ଇଗ୍ରାଏଲ୍‌ନେ ରେମୁଆଁଇଁ ପେ ଆକେନ୍ ରେମୁଆଁଇଁ ନ୍‌ସା ମେଁ ଡିଙ୍ଗ୍‌ନ୍‌ସା ଚାଏ ପେଡିଙ୍ଗ୍‌କେ ଆଡେନ୍‌ସା ସାବ୍‌ଦାନ୍ ଲାଲାପା ।

୩୬ ଆକେନ୍ ସେନ୍‌ଗ୍ ଅଡଦା ମିକ୍ରେ ମୁଇଁ ରେମୁଆଁ ନିଜକେ ନେଙ୍ଗ୍‌ଆ ମ୍ବା ଡାଗ୍‌ଚେ ବାବେଡିଙ୍ଗ୍‌ଗେ । ପ୍ରାୟ୍ ଅଁ ଅଜାର୍ ରେମୁଆଁ ମେଁ ପ୍ଲା ଷ୍ଟେଡିଁଗେ । ମାତର୍ ଆମେକେ ବାଗୁଏଃ ବିଃଲା ମେଁନେ ସାପା ସିସ୍‌ଇଁ ଚିନ୍‌ଚତର୍ ଡିଙ୍ଗ୍‌ଚେ ଲାଗ୍‌ଡଆଗେ । ଆରି ମେଁନେ ଦଲ୍ ଲପ୍ ଡିଙ୍ଗ୍‌କେ ।

୩୭ ମେଁ ଇଡିଙ୍ଗ୍ ରେମୁଆଁ ଏଜେକ୍ଟେ ବେଲା ଗାଲିଲାୟ୍ ଦେସ୍‌ନେ ଜିଉଦା ମିକ୍ରେ ମୁଇଁ ରେମୁଆଁ ତାରକେ । ମେଁ ଡିଗ୍ ଉଡିରୁଆକେ ନିଜେନେ ସିସ୍ ଆଡିଙ୍ଗ୍‌କେ । ଆରି ଆମେକେ ଡିଗ୍ ବାଗୁଏଃ ବିଃଲା ମେଁ ପ୍ଲା ଷ୍ଟେଡିଁକ୍ରେ ସାପା ରେମୁଆଁଇଁ ଚିନ୍‌ଚତର୍ ଡିଙ୍ଗ୍‌ଚେ ଲାଗ୍‌ଡଆକେ ।

୩୮ ଏବେ ନେଙ୍ଗ୍ ଆପେକେ ବାସଙ୍ଗ୍‌ଣ୍ଡିଙ୍ଗ୍‌କେ ପେ ଆକେନ୍ ରେମୁଆଁଇଁ ଆଡାଡ୍ରା ମେଁ ଆଡିଙ୍ଗ୍‌ଚେ ଆମେଇଁକେ ଆନ୍ତାର୍ ବିଃପା । ଜଦି ମେଇଁନେ ଜଜ୍‌ନା ଆରି କାମ୍ ରେମୁଆଁଇଁନେ ବାନ୍ ଡିଙ୍ଗ୍‌ଲେଏ ତେଲା ଆଡେନ୍ ଡିଗ୍ ସରାଃ ଡିଙ୍ଗ୍‌ଏ ।

୩୯ ମାତର୍ ଆକେନ୍ ଜଦି ପର୍‌ମେସର୍ ବାନ୍ ଡିଙ୍ଗ୍‌ଲେଏ ତେଲା ପେ ମେଇଁନେ କାମ୍ ବନ୍ଦ୍ ଆଡିଙ୍ଗ୍ ପେୟା ଶ୍ଟୁ ପେ ନିଜେ ପର୍‌ମେସର୍‌ନେ ବିରଦ୍‌ରେ ରିଙ୍ଗ୍‌ନେ ପେକେଏ ।” ମ୍ବା କୁକପାର୍‌ନେ ରେମୁଆଁଇଁ

ଗମଲିଏଲ୍‌ନେ ଆଦେସ୍ ମାନେଃଆରକେ ।

୪୦ ଆରି ମେଇଁ ପ୍ରେରିତ୍ ସିସ୍‌ଇଂକେ ବିତ୍‌ରେ ଖାଚେ ଆମେଇଁକେ ଚାବୁକ୍ ଏତେ ବଗ୍‌ଆକେ ଆରି ଜିସୁନେ ମ୍ନିରେ ମେଃଡିଗ୍ ସାମୁଆଁ ମାବାସଙ୍ଗ୍ ନ୍‌ସା ଆଦେସ୍ ବିଚେ ଆନ୍ତତାର୍‌ବି ଆଗେ ।

୪୧ ଆଡ୍‌ବା ମେଇଁ ଆତେନ୍ ମ୍ନିନ୍‌ସା ଅପମାନ୍ ବଗେନ୍‌ସା ଜଗ୍ୟ ଡାଗ୍‌ରେ ଗଣିତ ଡିଙ୍ଗ୍‌ଲେଗେ ଆତେନ୍‌ସା ମେଇଁ ସାର୍‌ଦା ଡିଙ୍ଗ୍‌ରେ ମ୍ନାଃ କୁକପାର୍‌ବାନ୍ ତାର୍‌ଆକେ ।

୪୨ ଆରି ମେଇଁ କାଲାଆଃ ମନ୍ଦିରନ୍ନିଆ ଆରି ତୁଆ ତୁଆ ଆକେନ୍ ନିମାଣ୍ଡାସାମୁଆଁ ବିଆରକେ ଜେ ଜିସୁ ଡିଙ୍ଗ୍‌ଡିଙ୍ଗ୍‌କେ କିସ୍‌ଟ । ମେଇଁ ବାସଙ୍ଗ୍ କାମ୍ ବିଲ୍‌କୁଲ୍ ବନ୍ଦ୍ ଆରାଡିଙ୍ଗ୍ ଆକେ ।



ଗୁ ରୁଆ ସାଇଜ୍ୟ ଡିଙ୍ଗ୍‌ଶ୍ଟ୍ରେ

୧ ଆକେନ୍ ବେଲା ପ୍ରେରିତ୍ ସିସ୍‌ଇଂନେ ସଂକ୍ୟା ମ୍ନା ଖେଗେ । ଆତେନ୍‌ବେଲା ଗ୍ରୀକ୍ ବାସଙ୍ଗ୍‌ଶ୍ଟ୍ରେ ଜିଉଦିଇଁ ଏବ୍ରୀ ବାସାଶ୍ଟ୍ରେ ବାସଙ୍ଗ୍‌ନେ ଜିଉଦିଇଁନେ ବିରଦ୍‌ରେ ଦାବି ଡିଙ୍ଗ୍‌ଆକେ । ମେଇଁନେ ଗୁଏସାଙ୍ଗ୍‌କୁଏଇଁକେ ଉଡି ଦରକାର୍ ଅଃତେନ୍ ଇସାବ୍‌ରେ ବଲେ ବାଟା ଆବିଲା ଦେକ୍‌ରକମ୍ ନିନ୍‌ଆ ଆଡିଙ୍ଗ୍ ଆକେ ।

୨ ଆଡ୍‌ବିତ୍ରେ ଗୋମ୍ବାର୍ ରୁଆ ସିସ୍‌ଇଂକେ ଡାଗ୍ରା ଖାଚେ ବାସଙ୍ଗ୍‌କେ, “ପର୍‌ମେସ୍‌ରେନେ ସାମୁଆଁ ବାସଙ୍ଗ୍ ଇସ୍‌ପର୍‌ନେ ସ୍ନାଲିର୍ ବାରି ସେବା ଡିଙ୍ଗ୍‌ନେ ଆବଚେ ବିନ୍ କାମ୍ ଡିଙ୍ଗ୍‌ନେ ଟିକ୍ ଶୁ । ବଲେ ବାଟାନେ ଦିଆନ୍ ମାବିଚେ ବାସଙ୍ଗ୍ କାମ୍ ଚାଲେ ବନେ ନେଁ ମତରେ ବଲ୍ ଡିଙ୍ଗ୍‌ଏ ।

୩ ଆତେନ୍‌ସା ଏ ବୟାଁ ଆରି ତନାଇଁ ପେ ବିତ୍ରେବାନ୍ ଗୁ ରୁଆ ଲିରେକେ ବାଚେପା । ମେଇଁ ଜେଡିକି ରେମୁଆଁଇଁନେ ମୁଆଃବାନ୍ ନିମାଣ୍ଡା ଲେଃଏ ପବିତ୍ର ଆମ୍ବା ଆରି ବୁଦିରେ ନ୍ ଲେଃଏ । ନେ ଆମେଇଁକେ ଆକେନ୍ ସାପା ବିସୟ୍‌ରେ ଦାଇଡ୍ ନେବିଏ ।

୪ ତେଲା ନେ ପାର୍‌ତନାରେ ଆରି ବାସଙ୍ଗ୍ କାମ୍‌ରେ ପୁରାପୁରି ବାବ୍‌ରେ ସମୟ୍ ବିନେୟାଏ ।”

୫ ଆତନ୍ ଦଲ୍ଲନେ ସାପାରେ ପ୍ରେରିତ୍ ସିସ୍‌ଲ୍‌ନେ ସାମୁଆଁରେ ରାଜି ତିଙ୍ଗିଆକେ ଆରି ଆକେନ୍ କାମନ୍‌ସା ବିସ୍‌ବାସ୍ ଆରି ପବିତ୍ର ଆମ୍ବା ବାଲେଃକ୍ଲେ ସ୍ତ୍ରୀଫାନ ମ୍ଲିକ୍ଲେ ମୁଇଂ ରେମୁଆଁକେ ଆରି ଫିଲିପ୍‌ପ, ପ୍ରକର, ନିକାନର, ତିମନ୍, ପାର୍ମନା ଆରି ଅଃସେ ଜିଉଦି ଦର୍ମ ଦିକ୍ୟା ତିଙ୍ଗିଲେକ୍ଲେ ଆଣ୍ଟିୟକନେ ଆରି ଅଣାୟିଉଦି ନୀକଲାଇୟକେ ବାଚେ ଆକେ ।

୬ ପ୍ରେରିତ୍ ସିସ୍‌ଲ୍ ଆକେନ୍ ଗୁ ରୁଆ ଆଡ୍‌ଲା ଛି ବଚେ ପାରତନା ତିଙ୍ଗିକେ ।

୭ ଦେକ୍‌ରକମ୍ ପରମେସରନେ ସାମୁଆଁ ପିତୁରପାକା ଉତ୍ତାତିଙ୍ଗିକେ । ଯିରୁସାଲାମ୍‌ନିଆ ସିସ୍‌ଲ୍‌ନେ ସଂକ୍ୟା ଜାବର୍ ତିଙ୍ଗିକେ । ଦେକ୍‌ରକମ୍‌କି ଜିଉଦି ପୁଜାରି ଇଂନେବାନ୍ ଗୁଲେରୁଆ ବିସ୍‌ବାସ୍ ତିଙ୍ଗିଆକେ ଆରି ପାଲେ ଆକେ ।

ସ୍ତ୍ରୀଫାନକେ ଗାଗ୍ ଆକେ

୮ ସ୍ତ୍ରୀଫାନ ପରମେସର ବାନ୍ ଅନୁଗ୍ରଥ ଆରି ବପୁ ବାଚେ ରେମୁଆଁଇଂ ଡାଗ୍ରା ବିନ୍‌ବିନ୍ ରକମ୍ କାବା କାମ୍ ଆରି ଚିନ୍ ତିଙ୍ଗିତିଂଗେ ଆରି ଇସ୍‌ପରନେ ବପୁରେ ପାରାମାନ୍ ବିତିଙ୍ଗିଗେ ।

୯ ମାତର କୁରୁଣୀ ଆରି ଆଲେକ୍‌ଜାଣ୍ଡିଆନେ ଚାକରବାନ୍ ମୁକ୍ତି ବାଲେଃକ୍ଲେ ଜିଉଦିଇଂକେ ତୁଙ୍ଗିକେ ରାସିଙ୍ଗିବକ୍ଲେ ପାରତନା ତୁଆନ୍ନିଆ ଲେକ୍ଲେ ଉଡ୍‌ଡିରୁଆ ରେମୁଆଁ । ବାରି କିଲିକିଆ ଆରି ଆସିଆ ଦେସ୍‌ନିଆ ବାସାଲେଃକ୍ଲେ ଉଡ୍‌ଡିରୁଆ ରେମୁଆଁନେ ତଡ୍‌ଡିଆଚେ ସ୍ତ୍ରୀଫାନ ଏତେ ଜୁକ୍ତାଜୁକ୍ତି ତିଙ୍ଗିଆକେ ।

୧୦ ମାତର ପବିତ୍ର ଆମ୍ବା ସ୍ତ୍ରୀଫାନକେ ଏକ୍ତି ଜ୍ଞାନ ବିକେ ଜେ ଜା ତିଗ୍ ମେଁନେ ବାସଙ୍ଗନେ ସାମୁଆଁକେ ଉଲ୍‌ଟା ସାମୁଆଁ ବାସଙ୍ଗ ଆୟାକେ ଶୁ ।

୧୧ ତେନ୍ ଇଡ୍‌ଂ ମେଇଂ ଉଡ୍‌ଡିରୁଆକେ ଲାଖ୍ ବିଚେ ଆକେନ୍ ବାଲିରନ୍‌ସା ବାସଙ୍ଗ ଆକେ “ନେ ଆମେକେ ମୋଣାନେ ଆରି ଇସ୍‌ପରନେ ବିରଦ୍‌ରେ ଦଦ୍ୟା ସାମୁଆଁ ବାସଙ୍ଗନେ ନେଅଁକେ ।”

୧୨ ଦେକ୍‌ରକମ୍ ମେଇଂ ରେମୁଆଁଇଂକେ ଦର୍ମ ନେତାକେ ଆରି ଦରମ୍ ଗୁରୁଇଂକେ ଆତେ ବିଃ ଆଗେ ଆରି ସ୍ତ୍ରୀପାନକେ ସାତେ ମ୍ଲାଃ ବିଚାରନ୍ନିଆ ତୁଂଝେଆରକେ ।

୧୩ ତେନ୍ ଇଡ଼ିଂ ମେଇଂ ମେଁ ବିରଦ୍‌ରେ ମିର୍ ସାକି ବାସଙ୍ଗ୍ ନ୍‌ସା ଉଡ଼ିରୁଆକେ ବିଡ଼ରେ ତୁଂପାଙ୍ଗ୍ ଆକେ । ମେଇଂ ବାସଙ୍ଗ୍‌କେ “ଆକେନ୍ ରେମୁଆଁ କାଲାଆଃ ନେନେ ପବିତ୍ର ମନ୍ଦିର୍ ଆରି ମସାନେ ନିୟମ୍ ବିରଦ୍‌ରେ ସାମୁଆଁ ବାସଙ୍ଗ୍‌ତିଂକେ ।

୧୪ ନାଜରିତିୟ ଜିସୁ ମନ୍ଦିର୍‌କେ ପାକ୍ତି ବିଏ ଆରି ମୋଶାବାନ୍ ବାଲେଃକ୍ଲେ ସାପା ନିୟମ୍ ବଲ୍ଲେ ବିଏ ତାଗ୍‌ତେ ଆକେନ୍ ରେମୁଆଁ ବାସଙ୍ଗ୍‌ନେ ନେ ଅଁନେଲେକେ !”

୧୫ ଆତେନ୍‌ବେଲା ଆଡ଼ଅରିଆ କଲେଃକ୍ଲେ ସାପାରେ ମୁଇଂ ମୁଆଃରେ ସ୍ତ୍ରୀପାନପାକା କେଆକେ ଜେ ମେଁନେ ସାମୁଆଃ କିତଂ ଦୁଡ଼ନେ ସାମୁଆଃ ରକମ୍ ନାଡ଼ିଂଗେ ।



ସ୍ତ୍ରୀପାନନେ ବ୍ଲାଲିର୍

୧ ମ୍ଲା ପୁଜାରି ସ୍ତ୍ରୀପାନକେ ସାଲିଆକୁକେ, “ଆକେନ୍ ମେଃନେ ସଡ଼ ?”

୨ ସ୍ତ୍ରୀପାନ ଉତର୍ ବିଃକେ, “ଏ ନେଙ୍ଗ୍‌ନେ ବୟାଁ ଆରି ଆବାଇଂ, ଦୟା ଡିଙ୍ଗ୍‌ତେ ଅଁପା, ନେନେ ଅଃସେଣ୍ଡେ ଅବ୍ରାହାମ୍ ହାରଣନ୍ନିଆ ବାସା ନ୍‌ସା ଝେନେ ସେନ୍‌ଗ୍ ଗୌରବ୍‌ମୟ ଇସ୍‌ପର୍ ମେସପଟାମିୟାନ୍ନିଆ ଦର୍ସନ୍ ବିତେ ଆମେକେ ବାସଙ୍ଗ୍‌କେ,

୩ ‘ନାନେ ରେମୁଆଗଣ୍ଡୁ ଆରି ଦେସ୍‌କେ ଆନ୍ତାର୍‌ତେ ନେଙ୍ଗ୍ ଆଣ୍ଡିନେ ଦେସ୍ ଶ୍ଟାଃସୁଏଃଏ, ଆତେନ୍ ଦେସ୍ ଝେଲା ।’

୪ ତେସା ମେଁ କଲଦାୟଇଂନେ ଦେସ୍ ଆନ୍ତାର୍‌ତେ ହାରଣନ୍ନିଆ ବାସା ନ୍‌ସା ଝେକେ । ଅବ୍ରାହାମ୍‌ନେ ଆବାଡ଼େ ଗୁଏକ୍ଲେ ଇଡ଼ିଙ୍ଗ୍ ପେ ଏବେ ଆଣ୍ଡିନ୍ ଦେସ୍‌ନ୍ନିଆ ବାସା ପେଡ଼ିଙ୍ଗ୍‌କେ, ଇସ୍‌ପର୍ ଆମେକେ ଆତେନ୍ ଦେସ୍‌ନ୍ନିଆ ତୁଙ୍ଗ୍‌ପାଙ୍ଗ୍‌କେ ।

୫ ପର୍‌ମେସର୍ ଆମେକେ ମେଃଡିଗ୍ ଆବିକେ ଶ୍ଟୁ, ଦେକ୍‌ରକମ୍‌କି ମୁଇଂ ପୁର୍ ଜାଗା ଡିଗ୍ ଶ୍ଟୁ, ଆତେନ୍‌ବେଲା ମେଁନେ ମେଃଡିଗ୍ ଗୋ

ଗିସିଆଃ ଆଲେଗେ ଶୁ । ପରମେସର୍ ଆମେକେ ଆରି ମେଁନେ ବବିସତ୍ ଉଙ୍ଗଡେକେ ଆକେନ୍ ତୁବକେ ଅଦିକାର୍ ତିଙ୍ଗନ୍‌ସା ମ୍ବିଏ, ଭାଗରେ ପାର୍‌ମାନ୍ ତିଙ୍ଗବଗେ ।

୬ ପରମେସର୍ ଆମେକେ ଆକେନ୍ ସାମୁଆଁ ବାସଙ୍ଗବଗେ, ‘ନାନେ ଗୋ ଗିସିଆଇଁ ବିଦେସନ୍ନିଆ ଝେରେ ଗତି କାମ୍ ତିଙ୍ଗିଆରୁଏ । ଆରି ଆଡ଼ଅରିଆ ଲେଃତିଂକ୍ଲେ ରେମୁଆଁଇଁ ଆମେଇଁକେ ୪୦୦ ମୁଆଁ ଜାକ ଦଦ୍ୟା ବେବଆର୍ ତିଙ୍ଗିଆରୁଏ ।

୭ ପରମେସର୍ ବାସଙ୍ଗକେ, ଜାଣ୍ଡେଇଁ ଆମେଇଁକେ ଚାକର୍ ଆଃତିଂରେ ବଆରକେ, ନେଙ୍ଗ ଆଡେନ୍ ରେମୁଆଁଇଁନେ ବିଚାର୍ ଶ୍ରିଏ, ତେନ୍‌ଇଡିଂ ନାନେ ବଂସ ରେମୁଆଁଇଁ ଆଡେନ୍ ଦେସ୍‌ବାନ୍ ପାଙ୍ଗିଆରୁଏ ଆରି ଆକେନ୍ ଜାଗାନ୍ନିଆ ନେଙ୍ଗନେ ପୁଜା ତିଙ୍ଗିଆରୁଏ ।

୮ ତେନ୍ ଇଡିଂ ଇସପର୍ ଅବ୍ରାହାମ୍ ଏଡେ ନିୟମ୍ ଚିନ୍ ରକମ୍ ପବିତ୍ର ନିୟମ୍ ଆଃରେଆକେ । ତେସା ମେଁନେ ଉଂଡେ ଇସହାକ୍ ଜନମ୍‌ନେ ମୁଇଁ ସାନ୍ତା ଇଡିଂ ଅବ୍ରାହାମ୍ ଆମେକେ ପବିତ୍ର ଆଡିଙ୍ଗକେ; ଇସହାକ୍ ମେଁନେ ଉଂଡେ ଜାକୁବ୍‌କେ ବାରି ଜାକୁବ୍ ମେଁନେ ଗମ୍ବାର୍ ଉଂଡେ ବାରି ନେ ଜାତିନେ ବିକ୍ୟାତ ଅସେନେ ଛା ଝାଃଇଁକେ ପବିତ୍ର ତିଙ୍ଗିଆକେ ।”

୯ “ଜାକୁବ୍‌ନେ ଉଂଡେଇଁ ମେଇଁନେ ବୟାଁ ଯୋସେଫ୍‌କେ ରିସା ତିଙ୍ଗିରେ ଆମେକେ ମିସର୍ ଦେସ୍‌ନେ ମୁଇଁ ଗତିରେ ରକମ୍ ସ ବିଃଆକେ । ମାତର୍ ପରମେସର୍ ଯୋସେଫ୍ ଏଡେ ଲେଃଗେ ।

୧୦ ମେଁ ଆମେକେ ସାପା ଦୁକ୍ କସ୍‌ବାନ୍ ରକ୍ୟା ତିଙ୍ଗକେ । ଉଡିବେଲା ଯସେପ୍ ମିସର୍‌ନେ ଇଃସାଙ୍ଗ୍ ଫାରୋଡାଗ୍ରା ପିଙ୍ଗିଚାକେ ଇସପର୍ ଆମେକେ ଅନୁଗ୍ରଅ ଆରି ଜ୍ଞାନ୍ ବିକେ ଆରି ଇଃସାଙ୍ଗ୍ ଯୋସେଫ୍‌କେ ମିସର୍ ଦେସ୍‌ନେ ସାସନ୍ ତିଂଶ୍ଟେ ଆରି ନିଜର୍ ସାପା ତୁଆନେ ସାସନ୍ ତିଂଶ୍ଟେ ରକମ୍ ସିକେ ।

୧୧ ଆଡେନ୍‌ବେଲା ସାପା ମିସର୍‌ଦେସ୍ ଆରି କିଶାନ ଦେସ୍‌ନିଆ ମୁରଡି ତିଙ୍ଗିଲା ରେମୁଆଁଇଁ ଜାବର୍ କସ୍ ବାଆରକେ । ନେନେ ପୁର୍ବ ପୁରୁସ୍‌ଇଁକେ ଚଙ୍ଗନେ ମେଃଡିଗ୍ ଆମିଲେକେ ଶୁ ।

୧୨ ମିସର୍‌ନିଆ ରୁକଃ ଲେକ୍ଲେ କବର୍ ଅଁରେ ଜାକୁବ୍ ପର୍‌ତୁମ୍ ମେଁ ଉଂଡେଇଁ ଆରି ଅଃସେରେଇଁକେ ଆଡ଼ଅରିଆ ବେକେ ।

୧୩ ମେଇଂ ବାର୍ମୁଇଂଡର ଝେକ୍ଲେ ବେଲା ଯୋସେଫ୍ ମେଁନେ ନିଜେନେ ବୟାଂଇଂ ତାଗ୍ରା ଆମ୍ମାମୁଆଃକେ ଆରି ମିସରନେ ଇଃସାଙ୍ଗ୍ ଫାରୋ ଯସେପ୍ନେ ତୁଆ ବିସୟରେ ମ୍ୟାଃକେ ।

୧୪ ତେନ୍ ଇଡିଂ ଯୋସେଫ୍ ମେଁ ଆବାଡେ ଜାକୁବ୍ କେ ଆରି ମେଁ ତୁଆନେ ପଞ୍ଚସ୍ତୁରୁ ରୁଆ ଜାତି କୁଟୁମ୍ ସାପାରେକେ ମିସର୍ ପାଙ୍ଗନ୍ ସା କବର୍ ବେକେ ।

୧୫ ତେନ୍ ଇଡିଂ ଜାକୁବ୍ ମିସର୍ ଦେସ୍ ଝେକେ । ଆଡ୍ ଅରିଆ ମେଁ ଆରି ମେଁ ଉଂଡେଇଂ ଗୁଏ ଆକେ ।

୧୬ ତେନ୍ ଇଡିଂ ମେଇଂନେ ଗୁଏକ୍ଲେ ଗାଗ୍ ଡେକେ ସିକିମ୍ ନିଆ ତୁଙ୍ଗ୍ ଝେରେ ରାଃତ୍ୟାନ୍ନିଆ ଆଡି ବିଃଆକେ । ସିକିମ୍ ନେ ଆକେନ୍ ରାଃତ୍ୟାମ୍ ଜାଗାକେ ଅବ୍ରାହାମ୍ ହାମୋରନେ ଉଂଡେଇଂ ବାନ୍ ଉଡି ରୁପା ତାରୁ ବିଃରେ ବିଆର୍ ବଗେ ।”

୧୭ “ଆଡ୍ ବା ମିସର୍ ଦେସ୍ ନେ ଇସ୍ରାଏଲ୍ ରେମୁଆଁଇଂନେ ସଂକ୍ୟା ମ୍ମାନେ ଲାଗେକେ । ପର୍ମେସର୍ ଅବ୍ରାହାମ୍ କେ ଆଣ୍ଡିନ୍ ସାପା ପାର୍ମାନ୍ ଡିଙ୍ଗ୍ ବଗେ ଆଡେନ୍ ସଡ୍ ଡିଙ୍ଗ୍ କେ ।

୧୮ ଆଡେନ୍ ବେଲା ବାରି ମୁଇଂ ଇଃସାଙ୍ଗ୍ ମିସର୍ ଦେସ୍ କେ ସାସନ୍ ଡିଙ୍ଗ୍ ନେ ଆରାମ୍ ଡିଙ୍ଗ୍ କେ । ମେଁ ଯୋଷେଫ୍ କେ ମ୍ୟାଃଆଲେଃଗେ ଶୁ ।

୧୯ ମେଁ ନେନେ ଅଃସେରେଇଂନେ ଆଡାଡା ନିସ୍ତୁର୍ ଆରି ଦଦ୍ୟା ବେବଆର୍ ଡିଙ୍ଗ୍ କେ ମେଇଂନେ ଚିର୍ଲାଅଇଂକେ ବାଗୁଏଃ ନସା ଆରି ପାଦା ଜଗ୍ ଲାଗ୍ ନସା ଆମେଇଂକେ ବାଦ୍ୟ ଡିଙ୍ଗ୍ ଆକେ ।

୨୦ ଆକେନ୍ ବେଲା ମୋଗା ଜନମ୍ ଡିଙ୍ଗ୍ କେ । ମେଁ ଇସ୍ ପର୍ନେ ନ୍ମୁଆଃନିଆ ଜାବର୍ ସୁନ୍ଦର୍ ଲେଃଗେ । ଆମେକେ ମେଁ ଆବାଡେ ତୁଆ ଙ୍ଗି ଆକେ ଜାକ ଆବାଡେନେ ତୁଆ ଲାଲନ୍ ପାଲନ୍ ଡିଙ୍ଗ୍ ଆକେ ।

୨୧ ଆରି ଉଡିବେଲା ଆମେକେ ପାଦା ବେବିଆର୍ଗେ ଫାରୋ ଇଃସାଙ୍ଗ୍ ନେ ଉଂଡେ ଆମେକେ ତୁଙ୍ଗ୍ ଝେରେ ନିଜେନେ ଉଂଡେ ରକମ୍ ବିଃଚଙ୍ଗ୍ କେ ।

୨୨ ମୋଗା ମିସର୍ ନେ ସାପା ଜାନ୍ରେ ବୁଦି ବାକେ ମେଁନେ ବ୍ଲାଇର୍ ଆରି କାମ୍ରେ ମୁଇଂ ମ୍ମା ରେମୁଆଁ ରକମ୍ ଆମ୍ମାମୁଆକେ ।”

୨୩ “ଆମେକେ ଚାଲିସ୍ ମୁଆଁ ବୟସ୍ ଡିଙ୍ଗ୍ ଲା ମେଁ ନିଜେ

ବୟାଁଲକେ ଆରି ଇଶ୍ରାୟେଲୀୟନେ ରେମୁଆଁଲନେ ଆଡ଼ାଡ଼ା
ଡିରକମ୍ ବେବଆର୍ ତିଙ୍ଗବଆର୍ଗେ ଆତେନ୍ ମ୍ୟାଃ ନ୍ୟା ଇକ୍ତା
ଡିଙ୍ଗକେ ।

୨୪ ମୋଶା ଆଡ଼ଅରିଆ ମୁଇଂଜା ମିସରନେ ମୁଇଂ ଜିଉଦି ଏତେ
ଅନ୍ୟାୟ୍ ତିଙ୍ଗଡିଙ୍ଗନେ କେକେ । ତେସା ମେଁ ମୁଇଂ ଜିଉଦିରେକେ
ରକ୍ୟା ତିଙ୍ଗନେ ଝେଚେ ମିସର ରେମୁଆଁକେ ତଣ୍ଟ ବିକେ । ମେଁ
ଆମେକେ ଦେକରକମ୍ ବଗ୍‌କେ ଜେ ମିସରନେ ମୁଇଂଜା ଆଡ଼ଅରିଆ
ଗୁଏଃଝେକେ ।

୨୫ ମୋଶା ଏତେକେ ଜେ ପରମେସର ମେଇଂନେ ଉଦାର୍ ନ୍ୟା
ଆମେଇଂକେ ଆକେନ୍ କାମ୍‌ନିଆ ଆକୁଡ଼େ ବକେ ଆତେନ୍ ମେଇଂନେ
ଯିଉଦିୟ ବୟାଁଲ ଦ୍ଵିଗ୍‌ଆର୍ଏ ମାତର୍ ମେଇଂ ଆତେନ୍ ଆବୁଜେକେ
ଶୁ

୨୬ ଆମାର୍‌ତଡ଼େ ଆତେନ୍ ମ୍ୟାୟା ଯିଉଦି ରିଙ୍ଗୟା ତିଙ୍ଗନେ କେକେ
ଆରି ଆମେଇଂକେ ମେଁ ସାକ୍ତି ଆଃଡିଙ୍ଗନେସା ଚେସ୍‌ଟା ତିଙ୍ଗକେ । ମେଁ
ବାସଙ୍ଗକେ “ଅଁପା ପେ ମ୍ୟାୟା ତ ବୟାଁ ବୟାଁ । ପେ ମୋସା ପେପେ
ବିଡ଼ରେ ଅନ୍ୟାୟ୍ ତିଂପେଡିଙ୍ଗକେ ?”

୨୭ ଆକେନ୍ ଅଁଚେ ତୁଆଣ୍ଡେ ଆଡ଼ାଡ଼ା ଅନ୍ୟାୟ୍ ତିଙ୍ଗଡିଙ୍ଗକେ
ରେମୁଆଁ ମୋଶାକେ ଟମେଗ୍‌ଚେ ବାସଙ୍ଗକେ “ଆନା ଜା ଆନେକେ
ସାସନ୍ ତିଂଣ୍ଡେ ଆରି ବିଚାର୍ ତିଙ୍ଗନ୍‌ସା ବେବକେ ?” ମେଁ ସାଲିଆକୁକେ
।

୨୮ ତୁଗୁଆ ଶ୍ଵିଗ୍ ଡିରକମ୍ ମିସରିୟ ରେମୁଆଁକେ ନାବାଗୁଏକେ
ଆନେଙ୍ଗ୍ ମେଁନେ ଦେଡ଼ରକମ୍ ବାଗୁଏଃ ନ୍ୟା ଚାଏଁ ନାଡିଙ୍ଗକେ ?

୨୯ ମୋଶା ଆକେନ୍ ଅଁଚେ ମିସରବାନ୍ ଲାଗ୍‌ତକେ ଆରି ମିଦିୟନ୍
ଦେସ୍‌ନିଆ ବାସାକେ । ଆଡ଼ଅରିଆ ମେଁନେ ମ୍ୟାକ୍‌କ୍ ଉଂଡେ ଜନମ୍
ଡିଙ୍ଗକେ ।”

୩୦ ପାକାପାକି ଚାଲିସ୍ ମୁଆଁ ତିଙ୍ଗନେ ଇଡିଙ୍ଗ୍ ମୁଇଂ କିତଂ ଦୁଡ଼
ସୀନୟ କଣ୍ଡା ଡାଗ୍ରା ଲେକ୍‌କେ ବାଲିଲନ୍‌ନିଆ ମୁଇଂ ଲାଟାନ୍‌ନିଆ ସୁଆ
ଆଡୁଆଚେ ମଶାକେ ଦର୍ସନ୍ ବିକେ ।

୩୧ ମୋଶା ଆକେନ୍ କେଚେ ବକୁଆ ତିଙ୍ଗଝେଗେ । ବାରି ଇଃକ୍‌କ୍‌ଡ଼ା
ଆମେକେ ନିମାଣ୍ଡା ବାବ୍‌ରେ କେନ୍‌ସା ଲାଟା ଡାଗ୍ରା ଝେକେ । ମାତର୍

ମେଁ ମାପରୁନେ ସାମୁଆଁ ଅଁକେ:

୩୨ “ନେଙ୍ଗ୍ ପେ ଅଃସେରେଇଁନେ ପର୍ମେସର୍ । ଅବ୍ରାହାମ୍ ଇସ୍ହାକ୍ ଆରି ଜାକୁବ୍ନେ ପର୍ମେସର୍ ।” ଆକେନ୍ ଅଁଚେ ମୋଶା ବୁଟ୍ରେ ଜୁର୍କେ ଆରି ବାର୍ମୁଇଁତର୍ କେନ୍ସା ସାହାସ୍ ତିଙ୍ଗ୍ଆୟାକେ ଶୁ ।

୩୩ ତେନ୍ ଇତିଁ ମାପରୁ ଆମେକେ ବାସଙ୍ଗ୍କେ, “ନା ଅବାନ୍ ଜୁତା ତବି ତାଗ୍ଲା ଆଣ୍ଡିନ୍ ଜାଗାନ୍ନିଆ ନା ତୁଆଁ ନାଲେଃକେ ଆତେନ୍ ପବିତ୍ର ତୁବଃ ।

୩୪ ନେଙ୍ଗ୍ ମିସର୍ଦେସ୍ନିଆ ନେଙ୍ଗ୍ ରେମୁଆଁଇଁକେ ଆତିଙ୍ଗ୍ତିଙ୍ଗ୍ଲେ ସାପା ଦଦ୍ୟା ବେବଆର୍ କିକେ ନ୍ଲେକେ । ନେଙ୍ଗ୍ ମେଇଁ ଅଃକ୍ଲେ ଡକେ । ନେଙ୍ଗ୍ ଆମେଇଁକେ ରକ୍ୟା ଆତିଙ୍ଗ୍ନେସା ଜାର୍ ନ୍ଲେକେ । ଆତେନ୍ସା ନା ପାଙ୍ଗ୍ଲା ନେଙ୍ଗ୍ ଆନାକେ ମିସର୍ ଦେସ୍ ମ୍ଲେଏ ।”

୩୫ “ମୁଃଡି ମୋଶାକେ ମେଇଁ ଅମାନି ତିଙ୍ଗ୍ରେ ବାସଙ୍ଗ୍ବଗେ । ‘ଜା ଆନାକେ ସାସନ୍ କର୍ତ୍ତା ଆରି ବିଚାର୍ ତିଙ୍ଗ୍ଣେ ଡାଗ୍ରେ ବାଚେବକେ ?’ ଆତେନ୍ ମୋଶାକେ ଆଃ ଏବେ ପର୍ମେସର୍ ମେଇଁନେ ସାସନ୍ କର୍ତ୍ତା ଆରି ମୁକ୍ତି ଦାତା ଆତିଙ୍ଗ୍ରେ ବେକେ । ମୁଡି କିତଁ ଦୁଡ୍ ମୋଶାକେ ଲାଟା ବିଡ୍ରେବାନ୍ ଦର୍ସନ୍ ବିବଗେ ଆତେନ୍ କିତଁ ଦୁଡ୍ନେ ସାଇଜ୍ୟରେ ପର୍ମେସର୍ ମୋଶାକେ ବେକେ ।

୩୬ ତେସା ମୋଶା ମିସର୍ ଦେସ୍ନିଆ ଆରି ଲୋହିତ କେଣ୍ଡିଆଃନିଆ ଗୁଲେ ରକମ୍ କାବାତିଙ୍ଗ୍ନେ କାମ୍ ଆରି ଚିନ୍ ଆସୁଏଚେ ରେମୁଆଁଇଁକେ ମିସର୍ବାନ୍ ଆତାର୍ ତୁଁପାଙ୍ଗ୍ରେ ଚାଲିସ୍ ମୁଆଁ ଜାକ ବାଲିଲ ଅରିଆ ଆଅଲେଙ୍ଗ୍ ତୁଁଝେକେ ।

୩୭ ଆତେନ୍ ମୋଶା ଇଶ୍ଟାୟେଲୀୟନେ ବୟାଁଇଁକେ ବାସଙ୍ଗ୍କେ ‘ପର୍ମେସର୍ ପେ ବିଡ୍ରେବାନ୍ ନେଙ୍ଗ୍ ରକମ୍ ମୁଇଁ ବାବବାଦିକେ ତିଆର୍ ଆତିଙ୍ଗ୍ଏ ।’

୩୮ ଆତେନ୍ ମୋଶା ବାଲିଲ ଜାଗାନ୍ନିଆ ମୁଇଁତାଗ୍ରା ରିସିଙ୍ଗ୍ ଲେକ୍ଲେ ଇସ୍ରାଏଲ୍ ଇଁ ଏତେ ଲେଃଗେ । ମେଁ ସୀନୟ୍ କଣ୍ଡାତାଗ୍ରା ନେଁ ଅଃସେଣ୍ଡେଇଁ ଏଃତେ ଆରି ମେଁ ଏତେ ଅବାଲିର୍କ୍ଲେ କିତଁ ଦୁଡ୍ ଏତେ ଲେଃଗେ ଆରି ନେତାଗ୍ରା ବାସଙ୍ଗ୍ ନସା ମେଁ ଇସ୍ପର୍ବାନ୍ ବୁଆକ୍ଲେ ସ୍ତାଇର୍ ବାକେ ।”

୩୯ “ମାତର ନେନେ ଅଃସେଣ୍ଡେଇଂ ଆମେକେ ମାନେନ୍‌ସା ରାଜି ଆଡିଙ୍ଗିଆକେ ଶୁ ।” ମେଇଂ ଆମେକେ ଗ୍ରାଅନ୍ ଡିଙ୍ଗିନ୍‌ସା ମନା ଡିଙ୍ଗିକେ ଆରି ନିଜର୍ ନିଜର୍ ଜିବନ୍‌ନ୍ନିଆ ମିସର୍‌ନ୍ନିଆ ଆଣ୍ଡେ ଝେନ୍‌ସା ରାଜି ଡିଙ୍ଗିକେ ।

୪୦ ମେଇଂ ହାରୋଣକେ ଝେତେ ବାସଙ୍ଗକେ, “ନେନେ ଗାଲି ଆସୁଏନ୍‌ସା ଉଡି ଦେବତାଲଂକେ ଆରେ ବିଲା । ଆନେକେ ମିସର୍ ଦେସ୍‌ବାନ୍ ଆଃତାରତେ ତୁଙ୍ଗିପାଙ୍ଗିବକ୍ଲେ ଆତେନ୍ ମୋଶା ଆଣ୍ଡି ଝେଗେ ଆତେନ୍ ନେ ନେମିଫାଃକେ ଶୁ ।”

୪୧ ଆତେନ୍ ବେଲା ମେଇଂ ମୁଇଂ ଉଠିଆ ମୁତ୍ ଆରେତେ ଆତେନ୍ ମୁତ୍ ସେନ୍‌ଗ୍ ଗ୍ଲାଗଃ ବିଆରକେ । ମେଇଂ ନିଜେ ଡ୍ରିବାନ୍ ଆରେ ବକ୍ଲେ ଜିନିସକେ କେତେ ଜାବର୍ ସାର୍‌ଦା ଡିଙ୍ଗିଆକେ ।

୪୨ ମାତର ପର୍‌ମେସର୍ ମେଇଂବାନ୍ ଲାଗତକେ । ମେଁ ଆମେଇଂକେ କିତଂଇନିନେ ଚାଙ୍ଗୁଆ ଦେବତାଲଂକେ ପୁଜା ଡିଙ୍ଗିନ୍‌ସା ଆଡ୍ରାବିକେ । ଆକେନ୍ ବିସୟରେ ବାବବାଦିଇଂନେ ବଇନ୍ନିଆ ଗୁଆରବକେ,

“ଏ ଇଶ୍ଟାୟେଲୀୟନେ ରେମୁଆଁଇଂ

ପେ ୪୦ ମୁଆଁ ଜାକ ବାଲିଲ ଚିକ୍‌ରାନ୍ନିଆ

ନେଙ୍ଗ୍ ଉଦେସରେ ପସୁ ଗ୍ଲାଗ ପେବଗେ ବାରି ଦୁପ୍ ଆଃମଃଃ
ପେବଗେ ।

୪୩ ମାତର ପେ ପୁଜା ଡିଙ୍ଗିନ୍‌ସା ଆଣ୍ଡିନ୍ ମୁତ୍ ଇଂ ଆରେ ପେବଗେ
ଆତେନ୍ ମାଲେଖାନେ କୁଡିଆ

ଆରି ଚାଙ୍ଗୁଆ ଦେବତା ରମ୍ପାନେ ପ୍ରତି ମୁତ୍ କେ ତୁଙ୍ଗିରାଙ୍ଗିଝେ
ପେବଗେ ।

ଆତେନ୍‌ସା ନେଙ୍ଗ୍ ଆପେକେ ବାବିଲୋନ୍ ଦେସନେ ଇନୁମେତା
ବେମ୍ବିଏ ।”

୪୪ “ନେନେ ଅଃସେରେଇଂନେ ପବିତ୍ର କୁଡିଆ ଡିଗ୍ ବାଲିଲ ଚିକ୍‌ରାନ୍ନିଆ ଲେଃଗେ । ପର୍‌ମେସର୍ ମୋଶାକେ ମୁଇଂ ନକ୍‌ସା ଆସୁଏକେ ବାରି ମେଁ କେଲେକ୍ଲେ ନକ୍‌ସା ଇସାବରେ ଇସ୍‌ପରନେ ଲେଃଗେ ମୁଇଂ ସାକି କୁଡିଆ ଆରେନ୍‌ସା ଆମେକେ ବାସଙ୍ଗିବଗେ ।

୪୫ ଇଡିଙ୍ଗି ନେନେ ଅଃସେଣ୍ଡେଇଂ ମେଇଂନେ ଆବାଡେଇଂବାନ୍ ବା ଲେଃଆରକ୍ଲେ ଆତେନ୍ ତମ୍‌ବୁକ ଯିହୋଶୁୟନେ ଏତେ ତୁଙ୍ଗିତେ

ବଆରଣେ ଆରି ଇସପରନେ ବାନ୍ ତଲେଆରକ୍ଲେ ବିନ୍ ଜାତିଇଂନେ ଦେସ୍ ଦାଉଦନେ ବେଲା ଜାକ ଅଦିକାର୍ ତିଂଆରକେ ।

୪୭ ଦାଉଦ ଇସପରନେ ଘୁଆଃନ୍ନିଆ ଅନୁଗ୍ରଥ ବାଚେ । ଜାକୁବନେ ଆରି ଇସପରନେସା ତମ୍ବୁନେ ତୁଆ ତିଆର୍ ତିଙ୍ଗ୍ ନସା ପାର୍ତନା ତିଙ୍ଗ୍କେ ।

୪୭ ମାତର୍ ଶଲୋମନ୍ ମୈନ୍ସା ମୁଇଂ ମନ୍ଦିର୍ ତୁଆ ଆରେକେ ।”

୪୮ “ମାତର୍ ସାପାରୁ ମ୍ଲ ପରମେସର୍ ରେମୁଆଁଇଂନେ ବାନ୍ ଆରେ ବକ୍ଲେ ମନ୍ଦିର୍ ତୁଆନ୍ନିଆ ଆବାସା ଶୁ ବାବବାଦି ଦେକରକମ୍ ଗୁଆର୍ ବକେ

୪୯ ମାପରୁ ବାସଙ୍ଗତିଙ୍ଗ୍କେ

କିତଂଇନି ନେଙ୍ଗ୍ନେ ସିଂଆଁସନ ଆରି ମଞ୍ଚପୁର୍ ନେଙ୍ଗ୍ନେ ଥ ବନେ ଜାଗା

ପେ ନେଙ୍ଗ୍ସା ତିରକମ୍ ମନ୍ଦିର୍ ପେରାରେଏ ?

ନେଙ୍ଗ୍ ବିସ୍ତାମ୍ ତୁଂତନ୍ସା ଜାଗା ଆଣ୍ଡିଅରିଆ ?

୫୦ ମନେ ବପା ଜେ ନେଙ୍ଗ୍ ଆକେନ୍ ସାପା ତିଆର୍ ତିଙ୍ଗ୍ମୁକେ ?”

୫୧ ସ୍ତ୍ରୀପାନ୍ ବାସଙ୍ଗକେ, “ପେ ଉଡି ଅମାନି, ପେନେ ଜିବନ୍ ଉଡି ଦଦିଆ । ପେ ମୈନେ ସାମୁଆଁ ଅନ୍ସା ମନା ତିଙ୍ଗ୍ପେତିଙ୍ଗ୍କେ । ପେ କାଲାଆଃ ପବିତ୍ର ଆମ୍ବାକେ ବିରଦ୍ ତିଙ୍ଗ୍ପେତିଙ୍ଗ୍ । ପେ ସାପାରେ ପେନେ ଛା ଞ୍ଜାଇଂ ସୁଗୁଆ ତିଙ୍ଗ୍ପେତିଙ୍ଗ୍ ।

୫୨ ବାବବାଦିଇଂବାନ୍ ଆଜାକେ ତିଗ୍ ପେନେ ଛା ଞ୍ଜାଇଂ ତାଡନା ତିଙ୍ଗ୍ ଆଲେଃଗ୍ଲେ ଲେଃଆରକେ ଲେଃ ? ଜାଣ୍ଡେଇଂ ଆତେନ୍ ଦାର୍ମିକ୍ ରେମୁଆଁ ପାଙ୍ଗ୍ନେ ବିସୟରେ ଅଃସେ ଆଃ ବାସଙ୍ଗବଗେ ଆମେଇଂକେ ମୈଇଂ ବାଗୁଏ ଆକେ; ଏବେ ପେ ଆମେକେ ବିରଦ୍ ରେମୁଆଁଇଂନେ ତ୍ରିନ୍ନିଆ ସର୍ପେଚେ ପେରାବାଗୁଏକେ ।

୫୩ ପେ ପରମେସର୍ନେ ତୁଡବାନ୍ ମୋଗାକେ ବିବକ୍ଲେ ନିୟମ୍ କାନୁନ୍ ବା ପେଲେକେ ତେଲାତିଗ୍ ପେ ଆତେନ୍ ପେ ପାଲନ୍ ପେତିଙ୍ଗ୍କେ ଶୁ”

ବ୍ରି ଏତେ ସ୍ତ୍ରୀପାନ୍କେ ବାଗୁଏଆକେ

୫୪ ମ୍ଲ କୁକପାରନେ ରେମୁଆଁଇଂ ଆକେନ୍ ଅଁଚେ ସ୍ତ୍ରୀପାନ୍ ଆଡାଡା ଜାବର୍ ରିସା ତିଙ୍ଗ୍ଚେ ଗ୍ଲି ଗେରିଃଚି ଆକେ ।

୫୫ ମାତର ସ୍ତ୍ରୀପାନ୍ ପବିତ୍ର ଆତ୍ମା ବାରେ କିତଂଇନି ତାଣ୍ଡେରେ କେକେ । ଆଡ଼ଅରିଆ ମେଁ ପର୍ମେସର୍ନେ ମଇମା କେକେ । ମେଁ ଜିସୁକେ ଗୌରବମୟ ପର୍ମେସର୍ନେ ଇଞ୍ଜିପାକା ତୁଆଁ ଲେକ୍ନେ କେକେ ।

୫୬ ସ୍ତ୍ରୀପାନ୍ ବାସଙ୍ଗକେ, “କେଲାପା ନେଙ୍ଗ କିତଂଇନି ରଞ୍ଜନେ ଆରି ପର୍ମେସର୍ନେ ଇଞ୍ଜିପାକା ରେମୁଆଁ ଉଠେ ତୁଆଁ ଲେକ୍ନେ କେଣ୍ଡିଙ୍ଗକେ ।”

୫୭ କିରତେ ମ୍ନା କୁକପାରନେ ସଦସ୍ୟଇଂ ଆକେନ୍ ସାମୁଆଁ ମାଆଁନ୍ସା ବୁଗ୍ନିଆ ଡ୍ରି ତାଙ୍ଗତା ଆକେଁ । ତେନ୍ ଇଡ଼ିଂ ମେଁଇଂ ଏକ୍ଜୁର୍ଡ଼ ଡିଙ୍ଗରେ ସ୍ତ୍ରୀପାନ୍ ପାକା ଝିର୍ ତୁଂପାଙ୍ଗ ଆକେଁ ।

୫୮ ସଅର୍ ବାଏରେ ଆମେକେ ଗୁଃ ତୁଂଖେରେ ମେଁ ଆଡ଼ାତ୍ରା ବି ନୁରେ ବାଗୁଏଆକେଁ । ସାକିରେ ଶାଉଲ ମିକ୍ନେ ମୁଇଂ ଛାରେ ଡାଗ୍ରା ମେଇଂନେ ସକା ପାଟାଇ ବଆରକେ ।

୫୯ ଉଡ଼ିବେଲା ମେଁଇଂ ସ୍ତ୍ରୀଫାନକେ ବି ଏତେ ତଆର୍ଡ଼ିଂଗେ, ଆତେନ୍ବେଲା ମେଁ ମାପୁରୁକେ ପାର୍ତନା ଡିଙ୍ଗରେ ବାସଙ୍ଗକେ, “ଏ ମାପୁରୁ ଜିସୁ ନେଙ୍ଗନେ ଆମ୍ନେ ଗ୍ରଥନ୍ ଡିଙ୍ଗ !”

୬୦ ମେଁ ତେଙ୍ଗାରେ କିରତେ ବାସଙ୍ଗକେ, “ଏ ମାପୁରୁ ଆକେନ୍ ପାପ୍ ନସା ଆକ୍ନେଇଂକେ ବୁଲ୍ ଆସାଃଗେ ।” ଆକେନ୍ ବାସଙ୍ଗରେ ମେଁ ଗୁଏଃଖେଗେ । ସ୍ତ୍ରୀପାନ୍ ଗୁଏନେ ଡ଼ଣ୍ଡକେ ଶାଉଲ୍ ମୁଇଂ ଇକ୍ଟା ଡିଂବକେ ।

୮

ବିସ୍ବାସି ମଣ୍ଡଲି ଆଡ଼ାତ୍ରା ଶାଉଲନେ ବଗରୁ

୧ ଶାଉଲ ସ୍ତ୍ରୀଫାନନେ ଗୁଏନେ ଡାଗ୍ରା ରାଜି ଲେଃକେ । ଆତେନ୍ ଦିନାବାନ୍ ଯିରୁଶାଲମନେ ମଣ୍ଡଲି ଆଡ଼ାତ୍ରା ଜବର୍ କସ୍ତ ଆରାମ୍ ଡିଙ୍ଗକେ । ପ୍ରେରିତ୍ ସିସ୍ଇଂକେ ଆନ୍ତତାରରେ ବିନ୍ ସାପା ବିସ୍ବାସି ଜିଉଦା ପ୍ରଦେସ୍ ଆରି ସମରିଆ ଏରିଆ ଚିନ୍ତତର୍ ଡିଙ୍ଗ୍ଖେଆଗେଁ ।

୨ ଉଡ଼ିରୁଆ ଇସପର୍ନେ ବକ୍ତଇଂ ସାରସାଗାରେ ଅଁରେ ସ୍ତ୍ରୀଫାନନେ ଗୁଏକ୍ନେ ଗାଗ୍ଡେକେ ଆଡ଼ିବି ଆକେଁ ।

୩୩ ମାତର ଶାଉଳ ମଣ୍ଡଳିକେ ଦଂସ ଆଡ଼ିଙ୍ଗ ନସା ଚେସ୍ତା ଡିଙ୍ଗକେ ତୁଆ ତୁଆ ଖେଚେ କିସ୍ତ ବିସ୍ବାସ୍ ଜିରେ ସେଲାମ୍ବୁୟୁଃ ସାପାରେକେ ଗୁ ତୁଂପାଙ୍ଗଚେ ଜେଲକାନା ବିତ୍ତରେ ଆଗାଆକେ ।

ସମରିଆନ୍ନିଆ ନିମାଣ୍ଡା ସାମୁଆଁ ବାଲିରନେ

୪ ଚିନ୍ତତର ଡିଙ୍ଗଲେକ୍ଲେ ବିସ୍ବାସିକ୍ ପିତୁର୍ ପାକା ଖେଚେ ନିମାଣ୍ଡାସାମୁଆଁ ବାସଙ୍ଗ ଡିଙ୍ଗଆକେ ।

୫ ସମରିଆନେ ମ୍ଲା ନଗର୍ ଖେଚେ ଫିଲିପ୍ପ ଆଡ଼ଅରିଆନେ ରେମୁଆଁକ୍ ତାଗ୍ରା କିସ୍ତନେ ସାମୁଆଁ ବାସଙ୍ଗ ଡିଙ୍ଗଆକେ ।

୬ ଫିଲିପ୍ପନେ ସାମୁଆଁ ଅଁଚେ ଆରି ମେଁନେ ଇରିୟାଃତୁଗ୍ କାମ୍ ଆରି ଚିନ୍ ସାପା କେଚେ ରେମୁଆଁକ୍ ମେଁ ଆଡ଼ାତ୍ରା ଜାବର୍ ଦ୍ୟାନ୍ ବିଆର୍କେ ।

୭ ଗୁଲେ ରେମୁଆଁକ୍ନେବାନ୍ ବୁଡ଼କ୍ ସାରସାଗାଚେ ତାର୍ଖେଆକେ ଗୁଲେ ଇରିଃ ସାଃଲେକ୍ଲେ ରଗି ଆରି ଚଟାକ୍ ନିମାଣ୍ଡା ଡିଙ୍ଗଆକେ ।

୮ ଆକେନ୍ସା ଆତେନ୍ ନଗର୍ନିଆ ଜାବର୍ ସାରଦା ଡିଙ୍ଗକେ ।

୯ ଶିମୋନ ମ୍ଲିକ୍ଲେ ମୁକ୍ ରେମୁଆଁ ଏନ୍ ଅଃସେ ଆତାନ୍ ନଗର୍ନିଆ ଜାଦୁ କାମ୍ ଡିଙ୍ଗଚେ ନିଜେକେ ମୁକ୍ ମ୍ଲାଃରେମୁଆଁ ତାଗ୍ ବାସଙ୍ଗଚେ ଶମିରୋଶୀୟ ଜାତିକେ କାବା ଆଡ଼ିଙ୍ଗ ତିଂକେ ।

୧୦ ଇସ୍ପରନେ ଆଣ୍ଡିନ୍ ବପୁକେ ମ୍ଲା ତାଗ୍ଚେ ବାସଙ୍ଗମ୍ୟାଃକେ ତାଆଁ ବାନ୍ ମ୍ଲା ଜାକ ସାପାରେ କିମେ ଆତେନ୍ ରେମୁଆଁ ତାଗ୍ଚେ ବାସଙ୍ଗଚେ ଆମେକେ ମାନେଃ ଡିଙ୍ଗଆର୍ଗେ ।

୧୧ ଆତେନ୍ ଜାଦୁ ବିଦ୍ୟା ବପୁରେ ଗୁଲେଦିନା ସାଚେ ମେଁ ସମିରନିୟକ୍ ମେଁନେ ଞ୍ଚ ଆଲ ଆଡ଼ିଙ୍ଗବଗେ ।

୧୨ ମାତର ଫିଲିପ୍ପନେ ବାନ୍ ଇସ୍ପରନେ ରାଜି ଆରି ଜିସୁ କିସ୍ତନେ ବିସ୍ତରେ ନିମାଣ୍ଡା ସାମୁଆଁ ବାସଙ୍ଗକ୍ ଅଁପା ଆଡ଼ଅରିଆନେ ରେମୁଆଁକ୍ନେ ବିସ୍ବାସ୍ ଡିଙ୍ଗ ପାଙ୍ଗଆକେ ଆରି ଆତେନ୍ ଏରିଆନେ ସେଲାମ୍ବୁୟୁଃ ଆରି ଜିର୍ବଏଃ ସାପାରେ ଶ୍ରିଆନ୍ନିଆ ତୁବନ୍ ତୁଂତଆକେ ।

୧୩ ଆରି ଶିମୋନ୍ ନିଜେ ଆତେନ୍ ବ୍ଲାଇର୍ ଅଁରେ ବିସ୍ବାସ୍ ତିଙ୍ଗକେ । ଫିଲିପ୍ପବାନ୍ ତିଙ୍ଗଲେଃକ୍ଲେ କାବା କାମ୍ ଆରି ଇରିୟାତୁଗ୍ନେ କାମ୍ କେଚେ ମେଁ ଶ୍ରିଆନ୍ନିଆ ତୁବନ୍ ତୁଂଡରେ ଫିଲିପ୍ପନେ ଏତେ ଲେଃଗେ ।

୧୪ ସମରିଆନେ ରେମୁଆଁଇଁ ଇସ୍ପପର୍ନେ ବ୍ଲାଇର୍ ସାଆକେଁ ଡାଗରେ ଯିରୁସାଲାମନ୍ନିଆ ଲେଡିଙ୍ଗକ୍ଲେ ପ୍ରେରିତ୍ ସିସ୍ଲଁ ଅଁରେ ପିତର ଆରି ଜହନ୍କେ ମେଇଁ ଡାଗ୍ରା ବେକେ ।

୧୫ ମେଇଁ ଆଡ଼ଅରିଆ ଝେଚାକ୍ଲେ ଇଡିଙ୍ଗ୍ ସମିରନିୟ ବିସ୍ବାସିଇଁ ଜେନ୍ତିକି ପବିତ୍ର ଆମ୍ବା ବାଆର୍ଏ ଆତେନ୍ସା ପାର୍ତନା ତିଙ୍ଗ୍ଆକେଁ ।

୧୬ ଡାଗ୍ଲା ଆତେନ୍ ଜାକ ମେଇଁନେ ବାନ୍ ଜା ଆଡ଼ାତ୍ରା ତିଗ୍ ପବିତ୍ର ଆମ୍ବା ଜାର ଆଲେଗେ ଶ୍ରିୟୁ । ମେଇଁ ମାତର୍ ମାପ୍ତରୁ ଜିସୁ କ୍ରିଷ୍ଟନେ ମିରେ ଶ୍ରିଆନ୍ନିଆ ତୁବନ୍ ତୁଂଡ ବଆରକେ ।

୧୭ ପିତର୍ ଆରି ଜହନ୍ ମେଇଁ ଆଡ଼ାତ୍ରା ଛିବକ୍ଲେ ଦାପ୍ରେ ମେଇଁ ପବିତ୍ର ଆମ୍ବା ବାଆରକେ ।

୧୮ ଶିମୋନ କେକେ ଜେ ପ୍ରେରିତ୍ ସିସ୍ଲଁ ବିସ୍ବାସିଇଁନେ ଆଡ଼ାତ୍ରା ଛି ବଲା ମେଇଁ ପବିତ୍ର ଆମ୍ବା ବାଆରକେ । ଆତେନ୍ କେଚେ ମେଁ ପିତର୍କେ ଆରି ଯହନ୍କେ ଡାବୁ ଜାଚେଚେ ବାସଙ୍ଗକେ ।

୧୯ “ନେଙ୍ଗ୍ ଅଲ୍ଗାରେ ଆଡ଼ାତ୍ରା ଛି ବଲା ମେଇଁ ଜେନ୍ତିକି ପବିତ୍ର ଆମ୍ବା ବାଆର୍ଏ ଆନେଙ୍ଗ୍ ଆତେନ୍ ବପୁ ବିଲା ।”

୨୦ ମାତର୍ ପିତର୍ ଆମେକେ ବାସଙ୍ଗକେ, “ନା ଏତେ ନାନେ ଡାବୁ କାଲାଆଃ ନ୍ସା ନସ୍ ତିଙ୍ଗଲେ ଡାଗ୍ଲା ନା ନାବାବେକେ ଜେ ଇସ୍ପପର୍ନେ ଦାନ୍ ଡାବୁ ଏତେ ବିଆର୍ ତିଙ୍ଗ୍ଏ ।

୨୧ ନେ କାମ୍ନିଆ ନାନେ ମେଃଡିଗ୍ ବାଗ୍ ଶ୍ରିୟୁ ଡାଗ୍ଲା ଇସ୍ପପର୍ନେ ଆଡ଼ାତ୍ରା ନାନେ ଜିବନ୍ ସିଦା ଶ୍ରିୟୁ ।

୨୨ ତେସା ନାନେ ଜିବନ୍କେ ପରିବର୍ତ୍ତନ୍ ଆଡିଙ୍ଗ୍ ଆରି ନାନେ ଆକେନ୍ ଦଦ୍ୟା ଚିନ୍ତାବାନ୍ ଆଣ୍ଡେଚେ ମାପ୍ତରୁକେ ପାର୍ତନା ତିଙ୍ଗ୍ । ତିଙ୍ଗ୍ଏ ତ ପର୍ମେସର୍ ନାନେ ଜିବନ୍ନିଆ ଲେକ୍ଲେ ପାପ୍ ଚିନ୍ତାକେ କେମା ତିଙ୍ଗ୍ୟାଏ ।

୨୩ ନେଙ୍ଗ୍ କିକେ ଶ୍ରିଙ୍ଗକେ ଜେ ନା ମନ୍ ବିଡରେ ଇର୍ସା ନ୍ ଲେଃକେ ଆରି ପାପ୍ ନା ଆଡ଼ାତ୍ରା ସାସନ୍ ତିଙ୍ଗ୍ଡିଙ୍ଗକେ ।”

୨୪ ଶିମୋନ ପିତର ଆରି ଜହନକେ ବାସଙ୍ଗକେ, “ପେ ଜା ସାପା ପେବାସଙ୍ଗକେ ଆତେନ୍ ଜେଡ୍ରିକି ନେଙ୍ଗ୍ ଆଡ଼ାଡ଼ା ଆଗଟେ, ଆତେନ୍‌ସା ଦୟା ତିଙ୍ଗ୍‌ଟେ ମାପରୁ ଡାଗ୍ରା ପାରତନା ତିଙ୍ଗ୍‌ପା ।”

୨୫ ଦେକ୍‌ରକମ୍ ପିତର ଆରି ଯହନ୍ ସାକି ବିଟେ ଆରି ମାପରୁନେ ବ୍ଲାଲିର୍ ବାସଙ୍ଗଟେ ସମରିଆ ରେମୁଆଁ ଗୁଲେ ଇନି ନିମାଣ୍ଡାସାମୁଆଁ ବାସଙ୍ଗ୍ ତିଙ୍ଗ୍‌ଟେ ଯିରୁସାଲାମ୍ ଆଣ୍ଡେ ଝେଆର୍ଗେ ।

ପିଲିପ୍‌ପ ଆରି ଇତିଅପିଆନେ ଆଣ୍ଡାରି

୨୬ ମାପରୁନେ ମୁଇଁ ଦୁଡ୍ ପିଲିପ୍‌ପକେ ବାସଙ୍ଗକେ “ତିଆର୍ ତିଙ୍ଗ୍ ଦକିନ୍ ଦିଗ୍‌ପାକା ଆଣ୍ଡିନ୍ ଗାଲି ଯିରୁଶାଲାମ୍‌ବାନ୍ ଗଜ୍ଜା ପାକା ଝେଲେଃକେ ଆତାନ୍ ଗାଲି ପାକା ଝେଲା । ଆତାନ୍ ଆଃ ବାଲିଲ ।”

୨୭ ପିଲିପ୍‌ପ ତିଆର୍ ତିଙ୍ଗ୍‌ଟେ ତାରକେ । ଆତେନ୍ ଗାଲିପାକା ମୁଇଁ ଆଣ୍ଡାରିକେ ଅବାକେ । ଆତେନ୍ ଆଣ୍ଡାରି ଇତିଅପିଆବାନ୍ ପାଙ୍ଗ୍‌ତିଙ୍ଗ୍‌ଟେ । ମେଁ କୁସ୍ ଦେସ୍ ରେମୁଆଁଙ୍‌ନେ କାଣ୍ଡାକି ମ୍ରିକ୍ଟେ ରାନିନେ ମୁଇଁ ମ୍ଲା ପଦବିନ୍ନିଆ କାମ୍ ତିଙ୍ଗ୍‌ତିଙ୍ଗ୍‌ଟେ । ମେଁ ମେଁନେ ସାପା ଦନ୍ ସମ୍‌ତି ଆଡ଼ାଡ଼ା ଦାଇଡ୍‌ରେ ଲେଃଟେ । ଆତେନ୍ ଆଣ୍ଡାରି ପାରତନା ତିଙ୍ଗ୍‌ନ୍‌ସା ଯିରୁସାଲାମ୍ ଝେଡିଂଟେ ।

୨୮ ମେଁ ରଡ୍‌ନ୍ନିଆ କଟେ ଆଣ୍ଡେ ଝିଗ୍‌ନେ ବେଲା ବାବବାଦି ଯିଶାଈୟନେ ଉଲିଆ ଝାସାରଟେ ଲଃଡିଙ୍ଗ୍‌ଟେ ।

୨୯ ଆତେନ୍‌ବେଲା ପବିତ୍ର ଆମ୍ବା ପିଲିପ୍‌ପକେ ବାସଙ୍ଗକେ “ନା ଆତେନ୍ ରଡ୍‌ଡାଗ୍ରା ଝେଟେ ଆଡ୍‌ଅରିଆ ଲାଃଲା ।”

୩୦ ପିଲିପ୍‌ପ ରଡ୍‌ଡାଗ୍ରା ଝିର୍ ତୁଂଝେଟେ ମେଁ ଯିଶାଈୟ ବାବବାଦିନେ ସାସ୍ତର୍ ପଡେନେ ଅଁକେ । ମେଁ ଆମେକେ ସାଲିଆକୁକେ, “ନା ମେଃନେ ପଡେନାଡିଂକେ, ଆତେନ୍ ମେଃନେ ବୁଜେନାଡିଙ୍ଗ୍‌କେ ?”

୩୧ ଆତନ୍ ଆଣ୍ଡାରି ବାସଙ୍ଗକେ, “ଜା ତିଗ୍ ଆନେଙ୍ଗ୍‌କେ ଆଦ୍ରିଗ୍ ଆବିଲା ନେଙ୍ଗ୍ ତିରକମ୍ ଦ୍ରିଗ୍ ଯାଏ ?” ମେଁ ଏତେ ରଡ୍‌ଡାଗ୍ରା କୁକନ୍‌ସା ମେଁ ପିଲିପ୍‌ପକେ ଗୁଆରି ତିଙ୍ଗ୍‌କେ ।

୩୨ ମେଁ ଦରମ୍ ସାସ୍ତର୍‌ନ୍ନିଆ ଆକେନ୍ ପାଟ୍ ଲଃଡିଂଟେ:

“ଆମେକେ ମୁଇଁ ମେଣ୍ଡା ରକମ୍ ବାଗୁଏଃ ନ୍‌ସା ବାଗୁଏନେ ଜାଗାନ୍ନିଆ
ତୁଙ୍ଗ୍ ଝେଆକେ ।

ମୁଇଁ ଉଠେଣ୍ଡା ଡିରକମ୍ ଉର୍ବ ରେଦକ ସାମ୍‌ନାନ୍ନିଆ ବୁଙ୍ଗ୍
ଡିଙ୍ଗ୍‌ରେ ତୁଆଁ ମ୍ୟାକେ

ଦେଡ଼ରକମ୍ ମେଁ ବୁଙ୍ଗ୍ ଡିଙ୍ଗ୍‌ରେ ତୁଆଁକେ ।

୩୩ ମେଁ ଅପମାନ୍ ବାକେ ଆରି ନ୍ୟାୟବାନ୍ ବୁଆକେ ।

ମେଁ ବଂସଇଁନେ ବିସୟରେ ଜା ମେଃଡିଗ୍ ବାସଙ୍ଗ୍ ଆୟାଆର୍
ଶୁ

ତାଗ୍ଲା ମଞ୍ଜୁପୁରନ୍ନିଆ ମେଁନେ ଜିବନ୍ କାଲ୍ ତା ଲେଃକେ ।”

୩୪ ଆତେନ୍ ଆଣ୍ଡାରି ଫିଲିପ୍‌ପକେ ବାସଙ୍ଗ୍‌କେ, “ନେଙ୍ଗ୍ ଆନାକେ
ପାର୍‌ତନା ଡିଙ୍ଗ୍‌ଶ୍ରିଙ୍ଗ୍‌କେ । ବାବବାଦି ଜା ବିସୟରେ ଏନ୍ ସାମୁଆଁ
ବାସଙ୍ଗ୍ ଡିଙ୍ଗ୍‌କେ ? ନାଁ ବିସୟରେ ବାସଙ୍ଗ୍ ଡିଙ୍ଗ୍‌କେ ବାରି ଜା
ବିସୟରେ ବାସଙ୍ଗ୍‌ଡିଙ୍ଗ୍‌କେ ?”

୩୫ ଇଡିଙ୍ଗ୍ ଫିଲିପ୍‌ପ ଦରମ୍ ସାସ୍ତ୍ରରେ ଆତେନ୍ ସାମୁଆଁବାନ୍
ମୁଲେରେ ଜିସୁନେ ନିମାଣ୍ଡାସାମୁଆଁ ଜାକ ଆମେକେ ବାଲିରକେ ।

୩୬ ମେଁଇଁ ଗାଲି ଗାଲି ଝେଡିଂକ୍ଲେ ବେଲା ମୁଇଁ ଶ୍ରିଆ ଲେକ୍ଲେ
ଜାଗାନ୍ତୁ ଝେଚାଆକେ । ଆତେନ୍ ଆଣ୍ଡାରି ବାସଙ୍ଗ୍‌କେ “କେଲା
ଆକ୍‌ଅରିଆ ତ ଶ୍ରିଆ ଲେଃକେ । ଏବେ ନେଙ୍ଗ୍ ଆକ୍‌ଅରିଆ ତୁବନ୍
ତୁଙ୍ଗ୍‌ତଲା ମେଁନେ ଅସୁବିଦା ଡିଙ୍ଗ୍‌ଏ କି ?”

୩୭ ଫିଲିପ୍‌ପ ବାସଙ୍ଗ୍‌କେ “ନା ଜଦି ସାପା ମନ୍ ଏଡେ ବିସ୍‌ବାସ୍
ନାଡିଙ୍ଗ୍‌ଏ ତେଲା ଡିଙ୍ଗ୍ ନାୟାଏ । ଆଡ଼ବା ମେଁ ଉତର୍ ବିକେ
ଜିସୁ କିସର୍ ଜେ ଇସ୍‌ପରନେ ଉଠେ ଆକେନ୍ ନେଙ୍ଗ୍ ବିସ୍‌ବାସ୍
ଡିଙ୍ଗ୍‌ଶ୍ରିଙ୍ଗ୍‌କେ ।”

୩୮ ତେନ୍ ଇଡିଂ ମେଁ ରଡ଼କେ ଆତୁଆଁନ୍‌ସା ବାସଙ୍ଗ୍‌କେ । ଫିଲିପ୍‌ପ
ଆରି ଆଣ୍ଡାରି ମ୍ବାୟା ଶ୍ରିଆନ୍ନିଆ ଗା ଆକେ ବାରି ପିଲିପ୍‌ପ ଆମେକେ
ତୁବନ୍ ବିକେ ।

୩୯ ମେଁଇଁ ଶ୍ରିଆ ବିଡ଼ରେବାନ୍ ତିତାର ପାଙ୍ଗ୍‌କ୍ଲେ ଇଡିଙ୍ଗ୍ ମାପ୍‌ରୁନେ
ଆମ୍ବା ଫିଲିପ୍‌ପକେ ତୁଙ୍ଗ୍‌ତଗେ । ଆତେନ୍ ଆଣ୍ଡାରି ଆରି ଆମେକେ
କିକେ ଆୟାକେ ଶୁ । ମେଁ ସାର୍‌ଦାରେ ମେଁ ଗାଲିପାକା ଅଲେଙ୍ଗ୍
ଝେକେ ।

୪୦ ଉଡ଼ି ଦିନା ଇଡ଼ିଙ୍ଗ ଫିଲିପ୍ସ କେକେ ଜେ ମେଁ ଅସଦୋଦନ୍ନିଆ ପିଙ୍ଗିଚାଲେକେ । ଆଡ଼ବା ମେଁ କାଇସରିୟା ଝେକେ ଆରି ଗାଲି ଆଣ୍ଡେଙ୍ଗ୍ ଲେକ୍ଲେ ସହର୍ନିଆ ନିମାଣ୍ଡାସାମୁଆଁ ବାସଙ୍ଗ୍ ଡିଙ୍ଗ୍ କେ ।



ଶାଉଲନେ ମନ୍ ବଦ୍ଲେନେ

(ପ୍ରେରିତ୍ ୨୨:୬-୧୬; ୨୬:୧୨-୧୮)

୧ ଆକେନ୍ ବେଲା ଶାଉଲ ମାପୁରୁନେ ସିସ୍ଲଂକେ ବାଗୁଏଆର୍ଏ ଡାଗ୍ରେ ଦମକ ବିଚେ ମ୍ଲା ପୁଜାରି ଡାଗ୍ରା ଝେକେ

୨ ଦାମାସ୍ସନେ ପାରତନା ତୁଆଇଁ ଡାଗ୍ରା ମାପୁରୁନେ ଗାଲି ଝେଡ଼ିଂକ୍ଲେ ସେଲାମ୍ସୁ ଆରି ଜିରେଇଁକେ ପେଅବାଲା ଗାଗ୍ରେ ଯିରୁସାଲାମନ୍ନିଆ ସାଚେ ତୁଙ୍ଗପାଙ୍ଗନ୍ସା ମ୍ଲା ପୁଜାରିବାନ୍ ଆଦେସ୍ ଉଲିଆ ସାଲିଆ ଆକେ ।

୩ ସାଉଲ୍ ଦାମାସ୍ସ ସହର୍ ଡାଗ୍ରା ଡେପିଙ୍ଗାକ୍ଲେ ବେଲା ଉଲୁସ୍ତେ କିତଂଇନିବାନ୍ ମୁଇଁ ତାରାସ୍ ମେଁ ପିତୁର୍ପାକା ତାକିଁ ଗ୍ ଝେକେ ।

୪ ମେଁ ତୁବନ୍ନିଆ ଲଃଚେ ମୁଇଁ ସାମୁଆଁ ଅଁକେ “ଶାଉଲ ଶାଉଲ ନା ଆନେଙ୍ଗ୍ କେ ମେଁସା ତାଡ଼ନା ଡିଙ୍ଗନାଡିଙ୍ଗ୍ କେ ?”

୫ ସାଉଲ୍ ବାସଙ୍ଗ୍ କେ, “ମାପୁରୁ ନା ଜାଣ୍ଡେ ?” ମେଁ ବାସଙ୍ଗ୍ କେ “ଆଜାକେ ନା ତାଡ଼ନା ଡିଙ୍ଗନାଡିଙ୍ଗ୍ ନେଙ୍ଗ୍ ଆଡେନ୍ ଜିସୁ ।

୬ ଏବେ ତଡ଼ିଆ ଆରି ସହର୍ନିଆ ଝେଲା । ଆଡ଼ଅରିଆ ଆନାକେ ମେଁ ଡିଙ୍ଗ୍ ନେ ଆଡେନ୍ ଆନାକେ ମୁଇଁଜା ବାସଙ୍ଗ୍ ଏ ।”

୭ ସାଉଲ୍ ଏଡେ ଝେଡ଼ିଂକ୍ଲେ ରେମୁଆଁଇଁ କାବା ଡିଙ୍ଗ୍ ଚେ ତୁଆଁ ଆକେ । ମେଇଁ ଆକେନ୍ ସାମୁଆଁ ଅଁଆକେ ମାତର୍ ଆଜାକେ ଡିଗ୍ ଆଡ଼ଅରିଆ ଆକେଆକେ ଶୁ ।

୮ ବାରି ଶାଉଲ ତୁବବାନ୍ ତଡ଼୍ୟାଚେ ମ୍ଲୁଆଃ କେକେ, ମାତର୍ ଆମେକେ ମେଃଡିଗ୍ ଆନାକେ ଶୁ । ତେସା ରେମୁଆଁଇଁ ମେଁ ଜିକେ ସାଚେ ଦାମାସ୍ସ ଜାକ ତୁଂଝେଆକେ ।

୯ ମେଁ ଜିର୍ସି ଜାକ ମେଃଡିଗ୍ କିକେ ଆୟାକେ ଶୁ ଆରି ଆଡ଼ବାନ୍ ମେଃଡିଗ୍ ଆଚଙ୍ଗ୍ ଆଉଗ୍ କେ ।

୧୦ ଦାମାସ୍କସନ୍ନିଆ ହନନୀୟ ମ୍ନିକ୍ସେ ମୁଇଂ ସିସ୍ ରେମୁଆଁ ଲେଃଗେ । ମାପୁରୁ ଆମେକେ ଦର୍ସନ୍ ବିଚେ ବାସଙ୍ଗକେ “ହନନୀୟ” ମେଁ ଉତର୍ ବିକେ “ଏ ମାପୁରୁ ବାସଙ୍ଗ ।”

୧୧ ମାପୁରୁ ଆମେକେ ବାସଙ୍ଗକେ “ତଡ଼ିଆ ବାରି ସିଦା ମ୍ନିକ୍ସେ ଗାଲି ସାଚେ ଜିଉଦାନେ ତୁଆ ଖେଲା । ଆଡୁଅରିଆ ତାଷ୍ ସ୍‌ବାନ୍ ପାଙ୍ଗଲେଃକେ ଶାଉଲ ମ୍ନିକ୍ସେ ମୁଇଂ ରେମୁଆଁକେ ତୁର୍ । ଏବେ ମେଁ ପାରତନା ଡିଙ୍ଗିକ୍ସେ ।

୧୨ ହନନୀୟ ମ୍ନିକ୍ସେ ମୁଇଂ ରେମୁଆଁ ପାଙ୍ଗଚେ ନେଙ୍ଗ ଆଡାତ୍ରା ତ୍ରି ବଲା ନେଙ୍ଗ ମୁଆଁ କିକେ ଯାଏ ତାଗ୍‌ଚେ ଦର୍ସନ୍ କିକେ ଲେଃଗେ ।”

୧୩ ହନନୀୟ ଉତର୍ ବିକେ, “ମାପୁରୁ ଆକେନ୍ ରେମୁଆଁ ଯିରୁଶାଲମ୍ନିଆ ନାନେ ପବିତ୍ର ରେମୁଆଁକ୍ସେ ଆଡାତ୍ରା ଜାବର୍ ଅତ୍ୟାଚାର୍ ଡିଙ୍ଗିବକେ । ଆକେନ୍ ବିସୟରେ ଗୁଲେରେ ଆନେଙ୍ଗକେ ବାସଙ୍ଗ ବଆରକେ ।

୧୪ ଦମେସକନ୍ନିଆ ଉଡ଼ିରୁଆ ନା ମ୍ନିରେ ପାରତନା ଡିଙ୍ଗିଆରଡିଙ୍ଗିକେ ଆମେକ୍ସେ ଗାଗନ୍‌ସା ମେଁ ମ୍ନା ପୁଜାରିକ୍ସେ ବାନ୍ ଅଦିକାର୍ ବାଲେଃକେ ।”

୧୫ ମାପୁରୁ ଆମେକେ ବାସଙ୍ଗକେ, “ଖେଲା ଯିଉଦି ଅଣଜିଉଦି ଇଃସାଙ୍ଗ ଆରି ସର୍ତେ ଇଶ୍ରାୟେଲୀୟ ରେମୁଆଁକ୍ସେ ସେନୁଗ୍ ନେଙ୍ଗ ମ୍ନି ବାସଙ୍ଗ ଅଲେଙ୍ଗ୍ ନ୍‌ସା ଆରି ନେଙ୍ଗେନେ ସେବା କାମ୍ ଡିଙ୍ଗିନ୍‌ସା ନେଙ୍ଗ ଆମେକେ ସ୍ତ୍ରୀ ମ୍ନିକେ ।

୧୬ ନେଙ୍ଗ ମ୍ନିନ୍‌ସା ଆମେକେ ଉଡ଼ି କସ୍‌ଟ ବିଚେ ଖେନେ ପଡ଼େଏ ନେଙ୍ଗ ଆମେକେ ନ୍ନାଃମ୍ୟାଃଏ ।”

୧୭ ହନନୀୟ ଯିଉଦାନେ ତୁଆ ଖେଚେ ଶାଉଲ ଆଡାତ୍ରା ତ୍ରି ବକେ ଆରି ବାସଙ୍ଗକେ “ବୟାଁ ଶାଉଲ ! ମାପୁରୁ ଜିସୁ ନା ପାଙ୍ଗନେ ଗାଲି ଆନାକେ ଦର୍ସନ୍ ବିବଗେ ନା ଡିରକମ୍ କି ବାରି ମୁଇଂତର୍ କିକେ ନାୟାଏ ଆରି ପବିତ୍ର ଆମ୍ ବା ନାୟାଏ ।” ଆଚେନ୍‌ସା ମେଁ ଆନେଙ୍ଗକେ ବେବକେ ।

୧୮ ତେନ୍ ଦାପ୍ରେ ସାଉଲ୍‌ନେ ମ୍ନିଆଃବାନ୍ ଆଃଡ଼େନେ ଚାଲି ରକମ୍ ମେଁ ଆଃଡା ବୁନ୍ଦେ ପୁଏଃଚେ ଲଃକେ । ଆରି ମେଁ କିକେ ଯାକେ । ବାରି, ମେଁ ତଡ଼ିଆଚେ ତୁବନ୍ ବିକେ ।

୧୯ ବଲେ ଚର୍ଚ୍ଚକ୍ଷ୍ମେ ଇଡ଼ିଙ୍ଗ୍ ଆମେକେ ବପୁ ପାଙ୍ଗକେ । ମେଁ ଦାମାସ୍ତ୍ସ୍ ଇନିନ୍ନିଆ ସିସ୍ତ୍ ଶ୍ରେତେ ଉଡ଼ି ଗଣ୍ଟା ଦିନ୍ ଲେଃଗେ ।

ଦମେସକନ୍ନିଆ ସାଉଲ୍‌ନେ ମାପୁରୁ ସାମୁଆଁ ବାସଙ୍ଗନେ

୨୦ ତେନ୍ ଇଡ଼ିଂ ସାଉଲ୍ ସଏଡ଼ାଃ ଯିଉଦି ପାର୍ତନା ତୁଆଇନ୍ନିଆ ଖେଚାଚେ ଆଡ଼ଅରିଆ ଜିସୁନେ ସାମୁଆଁ ବାସଙ୍ଗ୍ ଡିଙ୍ଗକେ । ମେଁ ରେମୁଆଁଇଂକେ ବାସଙ୍ଗକେ “ଜିସୁ ପର୍ମେସର୍‌ନେ ଉଙ୍ଗତେ ।”

୨୧ ଆରି ଜାଣ୍ଟେଇଂ ମେଁ ସାମୁଆଁ ଅଆକେ ମେଇଂ ସାପାରେ କାବା ଡିଙ୍ଗରେ ବାସଙ୍ଗଆକେ ଆକେନ୍ ମି ସାଚେ ପାର୍ତନା ଡିଙ୍ଗମ୍ୟାଃକେ ରେମୁଆଁଇଂକେ ଜା ଯିରୁଶାଲମନ୍ନିଆ ତାଡନା ଡିଙ୍ଗତିଂଗେ “ଆକେନ୍ ରେମୁଆଁ ମେଃନେ ମେଁ ଶୁ ଆରି ଆମେଇଂକେ ଗାଗ୍‌ଚେ ମ୍ମା ପୁଜାରିନେ ତାଗ୍ରା ତୁଂଖେ ନ୍‌ସା ଆକ୍‌ଅରିଆ ପାଙ୍ଗ୍ ଆଲେଃଗେ ।”

୨୨ ମାତର୍ ଶାଉଲ୍‌ନେ ବାସଙ୍ଗ୍ ଜାବର୍ ବପୁ ଲେଃଗେ ଜିସୁ ଜେ କିସ୍ତ ବା ମସିହ୍ ଆକେନ୍ ବିସ୍ତ୍‌ରେ ମେଁନେ ପର୍ମାନ୍ ଅଃକେନ୍ ଜିଦ୍ ଲେଃଗେ ଜେ ଦାମାସ୍ତ୍ସ୍‌ନ୍ନିଆ ବାସା ଡିଙ୍ଗ୍‌ଆଡ଼ିଙ୍ଗକ୍ଷ୍ମେ ଜିଉଦିଇଂ ମେଁନେ ମେଃଡିଗ୍ ବ୍ଲାଇର୍‌ରେ ଉତର୍ ବିଃ ଆଡିଙ୍ଗ୍ ଆଗେ ଶୁ ।

୨୩ ଉଡ଼ିଦିନା ଖେକ୍ଷ୍ମେ ଇଡ଼ିଙ୍ଗ୍ ଜିଉଦିଇଂ ମୁଇଂତୁଗ୍ ରିସିଙ୍ଗଚେ ଶାଉଲ୍‌କେ ବାଗୁଏ ନ୍‌ସା ଉପାୟ୍ ତୁର୍ଆକେ

୨୪ ଜିଉଦିଇଂ ଆମେକେ ବାଗୁଏ ନ୍‌ସା ସ୍ତ୍ରି ମିଡିଗ୍ ନଗର୍‌ନେ ସାପା ଶୁସାଙ୍ଗ୍ ତାଗ୍ରା ଉର୍ ଆଡ଼ିଙ୍ଗଚେ । ମାତର୍ ଶାଉଲ୍ ଆକେନ୍ ମ୍ୟାଃକେ ।

୨୫ ମାତର୍ ମେସୁଆ ମିଡିଗ୍ ବେଲା ସାଉଲ୍‌ନେ ସିସ୍ତ୍ ଆମେକେ ମୁଇଂ ମ୍ମା ଆଣ୍ଟାନ୍ନିଆ ଆକଚେ କାନ୍ନେ ମୁଇଂ ରଃବକ୍ଷ୍ମେ ଗାଲିପାକା ବିଚେ ଆଲ୍ ଆଃଜାଡ୍ ବିଆଚକେ ।

ଯିରୁଶାଲମନ୍ନିଆ ସାଉଲ୍

୨୬ ସାଉଲ୍ ଯିରୁଶାଲମନ୍ନିଆ ଖେଚାଚେ ସିସ୍ତ୍ ଶ୍ରେତେ କୁଡେନ୍‌ସା ଚେସ୍‌ଟା ଡିଙ୍ଗକେ ମାତର୍ ମେଁ ମୁଇଂ ସିସ୍ ତାଗ୍‌ଚେ ମେଁଇଂ ବିଲ୍‌କୁଲ୍ ବିସ୍‌ବାସ୍ ଆଡିଙ୍ଗ୍ ଆକେ ଶୁ । ସାପାରେ ଆମେକେ ବୁଚମେଗ୍ ଡିଙ୍ଗ୍ ଆଚ୍‌ଚେ ।

୨୭ ମାତର୍ ଇଡ଼ିଙ୍ଗ୍ ବର୍ଣ୍ଣିବା ଆମେକେ ପ୍ରେରିତ୍ ସିସ୍‌ଇଂଡାଗ୍ରା ତୁଂଝେତେ ଦାମାସ୍‌ସ୍ ଗାଲିନ୍ନିଆ ସାଉଲ୍ ଡିରକମ୍ ମାପ୍‌ରୁନେ ଦର୍ସନ୍ ବାଲେଃରେ ଆରି ମାପ୍‌ରୁ ଡିରକମ୍ ଆମେକେ ସାମୁଆଁ ବାସଙ୍ଗ୍‌ବଗେ ଆକେନ୍ ସାପା ବିସୟ୍ ଆମେଇଂକେ ଆଦ୍ରିଗ୍‌ରେ ବାସଙ୍ଗ୍‌କେ । ଦାମାସ୍‌ସ୍‌ନିଆ ଜିସୁନେ ମ୍ନିରେ ସାଉଲ୍ ଡିରକମ୍ ବାବ୍‌ରେ ବାସଙ୍ଗ୍ ଡିଙ୍ଗ୍‌ବଗେ ଆମେଇଂକେ ବଲ୍ ବାବ୍‌ରେ ଆଦ୍ରିଗ୍ ବିକେ ।

୨୮ ତେନ୍ ଇଡ଼ିଂ ସାଉଲ୍ ପ୍ରେରିତ୍ ସିସ୍‌ଇଂ ଏତେ ଲେଃରେ ଯିରୁଶାଲମ୍‌ନେ ସାପା ଏରିଆ ଝେତେ ସାଆସ୍‌ରେ ମାପ୍‌ରୁନେ ମ୍ନିରେ ବାସଙ୍ଗ୍ ଡିଙ୍ଗ୍‌କେ ।

୨୯ ଆକେନ୍ ସାପା ବିସୟ୍‌ରେ ମେଁ ଗ୍ରୀକ୍ ବାସଙ୍ଗ୍‌ଣ୍ଡେ ଜିଉଦିଇଂ ଏତେ ବାଲିର୍ ବାତାକେ । ମାତର୍ ମେଇଂ ଆମେକେ ବାଗୁଏଃ ନ୍‌ସା ରେସ୍‌ଟା ଡିଙ୍ଗ୍‌ଆକେ ।

୩୦ ବୟ୍‌ଇଂ ଆକେନ୍ ମ୍ୟାଃରେ ଆମେକେ କାଇସରିୟା ନଗର୍‌ନ୍ନିଆ ତୁଙ୍ଗ୍‌ଝେତେ ତାଷ୍‌ସ୍ ନଗର୍‌ନ୍ନିଆ ବେବିଃଆରକେ ।

୩୧ ଜିଉଦା ପ୍ରଦେସ୍ ଗାଲିଲୀ ଆରି ସମରିଆନ୍ନିଆ ଲେଡିଙ୍ଗ୍‌କ୍ଲେ କିସ୍‌ଟିୟାନ୍ ମଣ୍ଡଲିଇଂ ନ୍‌ସା ଆତେନ୍‌ବେଲାନେ ଅବସ୍ତା ସାନ୍ତି ଲେଃରେ ଆରି ପବିତ୍ର ଆମ୍‌ନେ ସାଇଜ୍ୟରେ ମେଇଂନେ ରେମୁଆଁ ସକ୍ୟା ଜାବର୍ ଡିଙ୍ଗ୍‌କେ ଆରି ମେଁଇଂ ସାହାସ୍ ଡିଙ୍ଗ୍‌ଆକେ । କିସ୍‌ଟାନ୍ ବିସ୍‌ବାସିଇଂ ମାପ୍‌ରୁକେ ବୁଟମେଗ୍‌ରେ ବକ୍‌ତିରେ ବୁଆ ଆକେ ।

ଲୁଦା ଆରି ଜାପ୍‌ପନ୍ନିଆ ପିତର୍

୩୨ ପିତର୍ ଗୁଲେ ଏରିଆ ଅଲେଙ୍ଗ୍ ଅଲେଙ୍ଗ୍ ସାରାସାରି ଲୁଦ ନଗର୍‌ନ୍ନିଆ ଲେଡିଙ୍ଗ୍‌କ୍ଲେ ସାଦୁଇଂନେ ତାଗ୍ରା ପିଙ୍ଗ୍‌ଟାଆରକେ ।

୩୩ ଆଡ୍‌ଅରିଆ ମେଁ ଏନିୟ୍ ମ୍ନିକ୍ଲେ ମୁଇଂ ପକ୍ଷାଗାଡ୍ ରଗିକେ କେକେ । ମେଁ ମ୍ନାମୁଆଁ ଜାକ ସିଙ୍ଗ୍‌ଲାନିଆ ତୁଲେଗ୍‌ଲେଗେ ।

୩୪ ପିତର୍ ଆମେକେ ବାସଙ୍ଗ୍‌କେ, “ଏନିୟ୍, ଜିସୁ କିସ୍‌ଟ ଆନାକେ ନିମାଣ୍ଡା ଆଡିଙ୍ଗ୍‌ବକେ । ତଃଡ୍‌ମାଃ ନାନେଁ ସିଙ୍ଗ୍‌ଲା ସଜେ ।” ଆକେନ୍ ବାସଙ୍ଗ୍‌କ୍ଲେ ଦାପ୍ରେ ମେଁ ତଃଡ୍‌ମାଃକେ ।

୩୫ ଆକେନ୍ କେଚେ ଲୁଦ ଆରି ଶାରୋଶନ୍ନିଆ ବାସା ଡିଙ୍ଗିଆଡ଼ିଙ୍ଗିଙ୍ଗେ ରେମୁଆଁଇଂ ମାପରୁନେ ପାକା ଆଣ୍ଡେଆରକେ ।

୩୬ ଯାପପନ୍ନିଆ ଟାବୀଆ ତେମ୍ପିଙ୍ଗେ ମୁଇଂ ବିସ୍ବାସି ସେଲାମ୍ବୁଃ ବାସାଲେଃକେ । ମେଁନେ ଗ୍ରିକ୍ ମ୍ନି ଦର୍କାସ୍ ବା “ହରିଣି” ଲେଃକେ । ମେଁ କାଲାଆଃ ଅରକିଡ଼ ରେମୁଆଁଇଂକେ ଦାନ୍ ବିଡ଼ିଙ୍ଗିଙ୍ଗେ ଆରି ସଡ଼ କାମ୍ ଡିଙ୍ଗିଡ଼ିଙ୍ଗିଙ୍ଗେ ।

୩୭ ପିତର ଉଡ଼ିବେଲା ଲୁଦ ଇନି ଲେଃକେ ଆତେନ୍‌ବେଲା ଟାବୀଆ ଆଃସାଃବାଚେ ଗୁଏକେ । ରେମୁଆଁଇଂ ମେଁନେ ଗାଗ୍ଡେକେ ଗଡ଼ିଆଚେ ତୁଆନେ ଆଡ଼ାତ୍ରା ମହଲାନେ ବାକ୍ରାନ୍ନିଆ ଆଲୁଏଗ୍ ବିକେ ।

୩୮ ଯାପପନେ ବିସ୍ବାସିଇଂ ଅଁଆକେଁ ଜେ ପିତର ଲୁଦଇନି ଲେଃକେ । ଲୁଦ ଆରି ଯାପପ ତାଗ୍ରା ଲେଃକେ । ତେସା ମେଁଇଂ ମ୍ବାୟାକେ ପିତର ତାଗ୍ରା ବାସଙ୍ଗ୍ ବେଃକେ, “ଦୟା ଡିଙ୍ଗିରେ ଜିଆଃ ନେ ତାଗ୍ରା ପାଙ୍ଗିଲା ।”

୩୯ ପିତର ତିଆର ଡିଙ୍ଗିରେ ଆରି ମେଇଂ ଏତେ ଝେକେ । ଆଡ଼ଅରିଆ ମେଁ ଝେଚାଙ୍ଗେ ଦାପ୍ତେ ରେମୁଆଁଇଂ ଆମେକେ ଆଡ଼ାତ୍ରା ମହଲାନେ ବାକ୍ରାନ୍ନିଆ ତୁଂଝେ ଆକେଁ । ଆଡ଼ଅରିଆ ଗୁଏସାଙ୍ଗ୍‌କୁଏଇଂ ଆମେକେ ପିତୁରପାକା ଝାଚେ ଅଁ ଅଁଚେ ଦର୍କାସ୍ ବୁଆ ଲେଃକେଲା ତଗ୍‌ବଙ୍ଗେ ସକା ସେକ୍‌ପୁଆ ଆରି ସକା ପାଟାଇ ପିତରକେ ଆକେ ଆକେଁ ।

୪୦ ପିତର ସାପାରେକେ ବାକ୍ରା ବିଡ଼ରେବାନ୍ ପାଦା ବେଚେ ଆଣ୍ଡୁମାଡ଼େଚେ ପାରତନା ଡିଙ୍ଗିକେ । ତେନ୍ ଇଡ଼ିଂ ମେଁ ତର୍କାସ୍‌ନେ ଗୁଏକେ ଗାଗ୍ଡେପାକା ତାମ୍‌ଚେ ବାସଙ୍ଗ୍‌କେ “ଟାବୀଆ ତଃଡ଼୍ୟା !” ଆଡ଼ବା ମେଁ ମ୍ଲୁଆଃ କେକେ ଆରି ପିତରକେ କେଚେ ତଃଡ଼୍ୟା କକେ ।

୪୧ ପିତର ମେଁନେ ତ୍ରି ସାଚେ ଆଡ଼ଡ଼ିଆକେ ଆରି ବିସ୍ବାସିଇଂକେ ଆରି ଗୁଏସାଙ୍ଗ୍‌କୁଏଇଂକେ ବାକ୍ରାନ୍ନିଆ ଝାକେ ଆରି ଟାବୀଆ ମ୍‌ଲେଙ୍ଗେ ଆସୁଏକେ ।

୪୨ ଆକେନ୍ କବର ଯାପପନେ ସାପାପାକା ଉଡ଼ା ଡିଙ୍ଗିଝେକେ । ଆରି ଗୁଲେରୁଆ ମାପରୁକେ ବିସ୍ବାସ୍ ଡିଙ୍ଗିଆକେଁ ।

୪୩ ପିତର ଗୁଲେ ଦିନା ଜାକ ଯାପ୍ପଦନ୍ନିଆ ଶିମୋନ ମ୍ନିକ୍ଲେ ମୁଇଁ ଚାମାରନେ ତୁଆନ୍ନିଆ ଲେଃଗେ ।

୧୦

ପିତର ଆରି କର୍ଣ୍ଣଲିୟ

୧ କାକସରିୟା ନଗରନ୍ନିଆ କର୍ଣ୍ଣଲିୟ ମ୍ନିକ୍ଲେ ମୁଇଁ ରେମୁଆଁ ଲେଃଗେ ମେଁ ଇଟାଲୀୟ ମ୍ନିକ୍ଲେ ରୋମୀୟ ସନ୍ୟଦଲ୍‌ନେ ମୁଇଁ ସେନାପତି ଲେଃଗେ ।

୨ ମେଁ ମୁଇଁ ଦାର୍ମିକ୍ ରେମୁଆଁ ଆରି ମେଁ ତୁଆନେ ସାପା ରେମୁଆଁ ଇସ୍‌ପରକେ ବୁଟ୍ ଡିଙ୍ଗିଆଗେ । ମେଁ ଅରକିତ୍ ରେମୁଆଁକେ ଜାବର ଦାନ୍ ବିଡିଙ୍ଗିଗେ ଆରି କାଲାଆଃ ଇସ୍‌ପର୍ ତାଗ୍ରା ପାର୍ତନା ଡିଙ୍ଗିଆଡିଙ୍ଗିଗେ ।

୩ ମୁଇଁଦିନା ସ୍ଥି ପ୍ରାୟ ଙ୍ଗି ଗଣ୍ଟା ବେଲା ମେଁ ମୁଇଁ ମୁସୁଡିଙ୍ଗି ମାଣ୍ଡା ବାବ୍‌ରେ କେକେ ଜେ ଇସ୍‌ପରନେ ଦୁଡ୍ ପାଙ୍ଗିଟେ ଆମେକେ ଖାଡିଙ୍ଗିକେ “କର୍ଣ୍ଣଲିୟ ।”

୪ ମେଁ ବୁଟ୍‌ଟେ କିତଂ ଦୁଡ୍ ପାକା ତାମୁଁଟେ ବାସଙ୍ଗକେ, “ମାପୁରୁ ମେଁନେ ବାସଙ୍ଗନାଡିଙ୍ଗିକେ ?” କିତଂ ଦୁଡ୍ ଉତର ବିକେ “ଇସ୍‌ପର୍ ନାନେ ପାର୍ତନା ଆରି ଅରକିତ୍ ରେମୁଆଁକେ ଦାନ୍ ବିଃନାଡିଙ୍ଗିକେ ଆତାନ୍ ଡିଗ୍ ମେଁ କେଲେକେ । ତେସା ମେଁ ଆନାକେ ମନେ କ୍ଲୁଗ୍‌ଡିଙ୍ଗିକେ ।”

୫ “ଏବେ ଯାପ୍ପ ନଗରନ୍ନିଆ ନାଁ ନାଁନେ ରେମୁଆଁକେ ବେଟେ ଶିମୋନ ମ୍ନିକ୍ଲେ ମୁଇଁ ରେମୁଆଁକେ ଆଡୁବା ଖାଡୁଁ ପାଙ୍ଗିଲାପା । ଆଡେନ୍ ସିମନ୍ ପିତର ମ୍ନିରେ ଡିଗ୍ ସ୍ନାମୁଆଁ ।

୬ ମେଁ ମ୍ନା କେଣ୍ଡିଆ ଆଡାତାଗ୍ରା ବାସା ଡିଙ୍ଗିମ୍ୟାଃକ୍ଲେ ଶିମୋନ ମ୍ନିକ୍ଲେ ମୁଇଁ ଚାମାରନେ ତୁଆନ୍ନିଆ ଲେଃଡିଙ୍ଗିକେ ।”

୭ ଆକେନ୍ ବାସଙ୍ଗଟେ କିତଂ ଦୁଡ୍ ଲାଗ୍‌ଡେ । ଆକେନ୍ ଇଡିଙ୍ଗି କର୍ଣ୍ଣଲିଆ ମେଁ ତୁଆନେ ମ୍ନାୟା ଗଡିରେକେ ଆରି ଆମେକେ ସେବା ଡିଙ୍ଗିଡିଙ୍ଗିକ୍ଲେ ସନ୍ୟଇବାନ୍ ମୁଇଁ ଦାର୍ମିକ୍ ସନ୍ୟକେ ଖାକେ ।

୮ ମେଁ ଆମେକ୍‌କେ ସାପା ସାମୁଆଁ ଆମ୍ୟାଃଟେ ଯାପ୍ପଦନ୍ନିଆ ବେକେ ।

୯ ମାରତଡ଼େ ମେଁଇଂ ଯାପ୍ପ ନଗରତାଗ୍ରା ଝେରାଆକେ ଆତେନ୍‌ବେଲା ପିତର୍ ସ୍ତ୍ରୀ ବାରଟା ବେଲା ଲେସାଂ ଆଡ଼ାଡ଼ା ପାରତନା ଡିଙ୍ଗନ୍‌ସା ଝେଲେଗେ ।

୧୦ ଆମେକେ ଜାବର୍ କେଡ଼େସଃ ଡିଙ୍ଗଲା ମେଁ ଚଙ୍ଗନ୍‌ସା ଇକଟା ଡିଙ୍ଗଡିଙ୍ଗେ । ମେଁଇଂ ପିତର୍ ନ୍‌ସା ବଲେ ହୁଏନେ ବେଲା ମେଁ ମୁଇଂ ମୁସୁଡ଼ିଙ୍ଗ କେକେ ।

୧୧ ମେଁ କେକେ ଜେ କିତଂଇନି ରଃଝେ ଲେଃକେ ଆରି ମୁଇଂ ମ୍ନା ତଗ୍ରିଆ ଅଁ କନ୍ ପାକାବାନ୍ ଆଝେଜଙ୍ଗରେ ମଞ୍ଚପୁର୍ ଆଡ଼ାଡ଼ାପାକା ରେଃସ ହୁଂପାଙ୍ଗଡିଙ୍ଗକେ ।

୧୨ ଆତେନ୍ ବିଡ଼ରେ ମଞ୍ଚପୁରନେ ନାନା ରକମ୍‌ନେ ପସୁ, ବଃଗିଡ଼ିଆ ଆରି କିତଂଇନିନେ ପ୍ଲିଗ୍‌ଇଂ ଲେଃଆରକେ ।

୧୩ ଆରି ମେଁ ମୁଇଂ ଇଲ୍‌ଏଁ ଅଁକେ, “ପିତର୍ ତଃଡ଼୍ୟା ଆକେନ୍ ପସୁ ବିଡ଼ରେବାନ୍ ଆଣ୍ଡିନେ ଡିଗ୍ ବାଗୁଏଃରେ ଚଙ୍ଗ ।”

୧୪ ମାତର୍ ପିତର୍ ବାସଙ୍ଗକେ, “ଣ୍ଡୁ ମାପୁର୍ ନେଙ୍ଗ ନାୟା ଣ୍ଡୁ ! ନେଙ୍ଗ ଅଃନା ମେଃଡିଗ୍ ଅସୁଚି ଆରି ଅପବିତ୍ର ଜିନିସ୍ ନ୍ନାଚଙ୍ଗକେ ଣ୍ଡୁ ।”

୧୫ ବାରମୁଇଂତର୍ ମେଁ ଆକେନ୍ ଇଲ୍‌ଏଁ ଅଁକେ, “ପର୍‌ମେସର୍ ଆଜାକେ ପବିତ୍ର ଆଡିଙ୍ଗବକେ, ନା ଆମେକେ ଅଣ୍ଡୁଚି ଡାଗ୍‌ରେ ଆବାସଙ୍ଗେ ।”

୧୬ ଞ୍ଜିତର୍ ଦେଡ଼ରକମ୍ ଡିଙ୍ଗକ୍ଲେ ଇଡିଙ୍ଗ ଆତେନ୍ ତଗ୍ରିଆକେ କିତଂଇନି ଆଡ଼ାଡ଼ା ଆରି ଗୁରାଙ୍ଗଡକେ ।

୧୭ ପିତର୍ ମେଁନେ ମୁସୁଡ଼ିଙ୍ଗନେ ଅରତ ନ୍ନାଇର୍ ଏତେଚେ କାବା ଡିଙ୍ଗଝେଗେ । ଆକେନ୍ ବେଲା କଣ୍ଡୁଲିୟ ଆଜାକେ ବେବଗେ ମେଁଇଂ ଶିମୋନନେ ତୁଆ ତୁର୍ ଅଲେଙ୍ଗଡିଙ୍ଗ ଆଗେ ମେଁଇଂ ପାଙ୍ଗଚେ ଶ୍ଟିସାଙ୍ଗ ଡାଗ୍ରା ତୁଆଁ ଆକେ ।

୧୮ ମେଁଇଂ ସାଲିଆକୁକେ, ଶିମୋନ ଜାଣ୍ଡେ କି ପିତର୍ ଡାଗ୍‌ରେ ଡିଗ୍ ସ୍ନାମୁଆଁ ମେଁ ଆକ୍‌ଅରିଆ କୁଲା ପାଙ୍ଗଲେକେ କି ?

୧୯ ପିତର୍ ଆତେନ୍ ଜାକ ମୁସୁଡ଼ିଙ୍ଗନେ ଅରତ ଦ୍ରିଗ୍‌ନ୍‌ସା ଚେସଟା ଡିଙ୍ଗଡିଙ୍ଗେ ଅଃକେନ୍ ବେଲା ପବିତ୍ର ଆମ୍ନା ବାସଙ୍ଗକେ “କେଲା ଆକ୍‌ଅରିଆ ଞ୍ଜିରୁଆ ରେମୁଆଁ ଆନାକେ ତୁର୍‌ଆରଡିଙ୍ଗକେ ।

୨୦ ତୃତୀୟା ଆରି ଆଲ ଜାରଲା । ଆତେନ୍ ରେମୁଆଁଇଂ ଏତେ ଝେନ୍‌ସା ମ୍ପାରମନ୍ ଆଡ଼ିଙ୍ଗେ ତାଗ୍ଲା ନେଙ୍ଗ୍ ଆମେଇଂକେ ବେମ୍ବୁକେ ।”

୨୧ ପିତର୍ ଆଲ ଜାରତେ ଆତେନ୍ ରେମୁଆଁଇଂକେ ବାସଙ୍ଗକେ “ପେ ଆଜାକେ ତୁର୍ପେଡ଼ିଙ୍ଗକେ ନେଙ୍ଗ୍ ଆତେନ୍ ରେମୁଆଁ । ପେ ମେଁସା ପାଙ୍ଗ୍‌ପେଲେକେ ?”

୨୨ ମେଁଇଂ ଉତର୍ ବିକେ, “ସେନାପତି କର୍ଣ୍ଣୁଲିୟ ଆନେକେ ବେବକେ । ମେଁ ମୁଇଂ ଦାର୍‌ମିକ୍ ରେମୁଆଁ । ମେଁ ଇସପର୍‌କେ ବୁଟ୍ ମ୍ୟାଃକେ ଆରି ଜିଉଦିଇଂ ସାପାରେ ଆମେକେ ସନ୍‌ମାନ୍ ବିଃମ୍ୟାକେ । ଆନାକେ ମେଁ ତୁଆ ଖାଚେ ନାନେ ସ୍ନାଇର୍ ଅନ୍‌ସା ଇସପର୍‌ନେ ମୁଇଂ ଦୁଡ୍ ଆମେକେ ଆଦେସ୍ ବିବକେ ।”

୨୩ ତେସା ପିତର୍ ଆମେଇଂକେ ବିତ୍‌ରେ ଖାକେ ଆରି ଆତେନ୍ ମିଡ଼ିଗ୍ ଆଡ଼ଅରିଆ ତୁଲେଗନ୍‌ସା ବାସଙ୍ଗକେ । ଆମାରତଡେ ମେଁ ତିଆର୍ ତିଙ୍ଗ୍‌ଚେ ମେଇଂ ଏତେ ଝେକେ । ଆରି ଯାପପନ୍ନିଆ ବାସା ତିଙ୍ଗ୍‌ଆର୍କେ ବୟାଁଇଂ ବିତ୍‌ରେ ବାନ୍ ଉଡ଼ିରୁଆ ମେଇଂ ଏତେ ଝେଆର୍କେ ।

୨୪ ମାରତଡେ ମେଁଇଂ କାଇସରିୟାତାଗ୍ରା ଝେରାଆର୍କେ । ଆଡ଼ଅରିଆ କର୍ଣ୍ଣୁଲିୟ ନିଜର୍ ସାଙ୍ଗଇଂ ଏତେ ଆରି ତୁଆ ତାଗ୍ରାନେ ବନ୍ଧୁ କୁରୁମ୍‌ଇଂ ଏତେ ପିତର୍‌କେ ଉର୍‌ଲେ ଆର୍ଗେ ।

୨୫ ପିତର୍ ବିତ୍‌ରେ ଗାନେ ବେଲା କର୍ଣ୍ଣୁଲିୟ ଆମେକେ ଅବାଚେ ମେଁ ଅ ବୁମେ ଲଃଚେ ସାରଲକେ ।

୨୬ ମାତର୍ ପିତର୍ ଆମେକେ ଆଃତଡ଼ିଆଚେ ବାସଙ୍ଗକେ, “ତୃତୀୟା ନେଙ୍ଗ୍ ତିଗ୍ ନା ରକମ୍ ମୁଇଂ ରେମୁଆଁ ।”

୨୭ ପିତର କର୍ଣ୍ଣୁଲିଅ ଏତେ ବାଲିର୍ ବାତା ତିଙ୍ଗ୍ ବେଲା ତୁଆ ବିତ୍‌ରେ ଗାଆର୍କେ ଆରି ଆଡ଼ଅରିଆ ଗୁଲେ ରେମୁଆଁ ରିସିଙ୍ଗ୍ ଲେଃନେ କେଆର୍କେ ।

୨୮ ମେଁ ଆମେଇଂକେ ବାସଙ୍ଗକେ “ପେ ମ୍ୟାଃପେଲେକେ ଜେ ମୁଡ଼ି ଜିଉଦି ତିଗ୍ ବିନ୍‌ରେ ଏତେ କୁଡେନେ ଆରି ବିନ୍ ଜାତିନେ ରେମୁଆଁଇଂନେ ତୁଆ ଝେନେ ଜିଉଦି ରେମୁଆଁଇଂନେ ନିୟମନ୍ନିଆ ବିରଦ୍ । ମାତର୍ ମୁଡ଼ି ରେମୁଆଁ ତିଗ୍ ଅପବିତ୍ର ଆରି ଅସୁଚି ମାବାସଙ୍ଗ୍

ନ୍ୟା ଇସ୍ପର୍ ଆନେଙ୍କେ ଆସୁଏଃ ବିଃବକେ ।

୨୯ ତେସା ପେ ଅନାବେଲା ଆନେଙ୍କେ ପେଝାକେ ନେଙ୍ଗ୍ ମେଃଡିଗ୍ ଆପତି ମାଡିଙ୍ଗ୍ରେ ମାଙ୍ଗ୍କେ । ଆନେଙ୍କ୍ ଏବେ ବାସଙ୍ଗ୍ପା ପେ ମେଁସା ଆନେଙ୍କେ ଝାପେବରେ ?”

୩୦ କର୍ଣ୍ଣାଲିୟ ବାସଙ୍ଗ୍କେ “ନେଙ୍ଗ୍ ଟିକ୍ ଅଁସି ଦିନା ସେନ୍ନୁଗ୍ ନେଙ୍ଗ୍ ତୁଆ ସ୍ଥି ତିନଟା ବେଲା ପାରତନା ଡିଙ୍ଗ୍‌ଣ୍ଡିଙ୍ଗ୍ରେ । ଆଡେନ୍ ବେଲା ଉଲୁସ୍ତେ ମୁଇଁ କିତଂ ଦୁଡ୍ ତାରକିଗ୍‌କ୍ଲେ ସକା ସଃଲେକ୍ଲେ ମୁଇଁ ରେମୁଆଁ ନେଙ୍ଗ୍ ସେନ୍ନୁଗ୍ ତୁଆଁରେ ବାସଙ୍ଗ୍କେ;

୩୧ ‘କର୍ଣ୍ଣାଲିୟ ! ଇସ୍ପର୍ ନାନେ ପାରତନା ଅଁଲେକେ ଆରି ନା ଅରକିଡ୍ ରେମୁଆଁଙ୍‌କେ ବିଃନାବକ୍ଲେ ଦାନ୍‌ଡିଗ୍ ମନେ ବକେ ।

୩୨ ତେସା ଯାପ୍‌ପନ୍ନିଆ ରେମୁଆଁ ବେତେ ପିତର ମ୍ପିରେ ସ୍ମାମୁଆଃ ଶିମୋନକେ ଆକ୍‌ଅରିଆ ଝାପା । ମେଁ ମ୍ପା କେଣ୍ଡିଆ ଆଃଡ଼ାଃ ଚାମାର୍ ଶିମୋନନେ ତୁଆନ୍ନିଆ ଲେଃଡିଂକେ ।’

୩୩ ତେସା ନେଙ୍ଗ୍ ଆନାକେ ଜିଆ ଜିଆ ଝାନ୍‌ସା ମ୍ପେକେ । ବଲ୍ ଡିଙ୍ଗ୍‌ରେ ନା ଆକ୍‌ଅରିଆ ନାପାଙ୍ଗ୍‌କେ । ମାପ୍‌ରୁ ଆନାକେ ମେଃନେ ବାସଙ୍ଗ୍ ନ୍ୟା ଆଦେସ୍ ବିବକେ ଆଡେନ୍ ଦ୍ରିଗ୍‌ନ୍‌ସା ନେ ସାପାରେ ଆକ୍‌ଅରିଆ ଇସ୍ପର୍‌ନେ ସେନ୍ନୁଗ୍ ଉର୍‌ରେ ନେଲେକେ ।”

ପିତରନେ ସିକ୍ୟା

୩୪ ପିତର ବାସଙ୍ଗ୍‌ନେ ଆରାମ୍ ଡିଙ୍ଗ୍‌କେ “ନେଙ୍ଗ୍ ଏବେ ବୁଜେୟା ଶ୍ରିଙ୍ଗ୍‌କେ ଜେ ପକ୍‌ରୁଡ୍‌ରେ ଇସ୍ପର୍‌ନେ ମୁଆଃନ୍ନିଆ ସାପା ରେମୁଆଁ ସମାନ୍ । ମେଁ ତାଗ୍‌ ମେଃଡିଗ୍ ବେଦବାବ୍ ଶ୍ରିମୁ

୩୫ ମୁଡ୍‌ ରେମୁଆଁ ଡିଙ୍ଗ୍‌ଲେ ମାତର୍ ମାପ୍‌ରୁକେ ବୁଟ୍‌ରେ ପାରତନା ଡିଙ୍ଗ୍‌ଲା ଆରି ମେଁ ମୁଆଃନ୍ନିଆ ସଡ୍‌କାମ୍ ଡିଙ୍ଗ୍‌ଲା ମାପ୍‌ରୁ ଆମେକେ ଗ୍ରାନ୍ ଡିଙ୍ଗ୍‌ଏ ।

୩୬ ପେ ମ୍ୟାପେଲେଃକେ ଜେ ଇସ୍ପର୍ ଇଣ୍ଡାୟେଲୀୟ ରେମୁଆଁଙ୍‌ନେ ତାଗ୍‌ ଆଣ୍ଡିନେ ବ୍ଲାଲିର୍ ବେବରେ ଆଡେନ୍‌ଆ ଜିସୁବାନ୍ ବାଲିର୍‌ବକ୍ଲେ ସାନ୍ତିନେ ବ୍ଲାଇର୍ । ଆଡେନ୍ ଜିସୁ କିସ୍‌ଟ ଆଃ ସାପାରେନେ ମାପ୍‌ରୁ ।

୩୭ ଏନ୍ ଜିସୁ ସାପାରେନେ ମାପ୍‌ରୁ । ଜହନ୍ ମନ୍‌ବଦ୍‌ଲେଃ ନ୍ୟା ବାରି ଶ୍ରିଆଦିକ୍ୟାନେ ସାମୁଆଁ ବାସଙ୍ଗ୍‌କ୍ଲେ ଇଡିଙ୍ଗ୍ ଗାଲିଲୀବାନ୍

ଆରାମ ତିଜ୍ଞରେ ସାପା ଜିଉଦା ପ୍ରଦେସନ୍ନିଆ ମେଠନେ ସାପା ଗର୍ନା ଗଟେକେ ଆତେନ୍ ସାପା ପେ ମ୍ୟାପେଲେକେ ।

୩୮ ପେ ନାଜରିତ ଜିସୁନେ ବିସୟରେ ମ୍ୟାଠପେଲେକେ । ଇସପର ଆମେକେ ପବିତ୍ର ଆମ୍ବା ଆରି ବପୁ ବିଚେ କିସ୍ତରେ ଅବିସିକ୍ତ ଆତିଜ୍ଞବଗେ । ଜିସୁ ସାପାପାକା ଖେଚେ ରେମୁଆଁଲକେ ଉପକାର ଆତିଜ୍ଞତିଜ୍ଞଗେ । ଆରି ସୟତାନ୍ ଗାଗ୍ରେ ଲେକ୍ତେ ରେମୁଆଁଲକେ ନିମାଣ୍ଡା ଆତିଜ୍ଞକେ ମାତର୍ ଇସପର୍ ମେଁ ଏତେ ଲେଠଗେ ।

୩୯ ଜିଉଦିଲକେନେ ଦେସନ୍ନିଆ ଆରି ଯିରୁସାଲାମନ୍ନିଆ ମେଁ ଜା ସାପା କାମ୍ ତିଜ୍ଞକେ ନେ ଆତେନ୍ ସାପାନେ ସାକି ନେଲେଠକେ । ତେନ୍ ଇତିଁ ମେଁଲକେ ଆମେକେ କୁରୁସନ୍ନିଆ ଆତେଚେ ବାଗୁଏଠ ବିଠଆକେ ।

୪୦ ମାତର୍ ଇସପର୍ ଜିର୍ସି ବିଡରେ ଆମେକେ ଗୁଏକ୍ତେବାନ୍ ଆଠଡ଼ିଆଚେ ରେମୁଆଁଲକେନେ ତାଗ୍ରା ଆସୁଏକେ ।

୪୧ ମାତର୍ ଜିସୁ ସାପାରେକେ ଆରାସୁଏକେ ଶୁ । ଇସପର୍ ଜାଣ୍ଡେକେ ମେଁନେ ସାକି ରକମ୍ ପୁରବେବାନ୍ ସି ବଗେ ମେଲକେଆ ମାତର୍ ଆମେକେ କେଆକେ ଆତେନ୍ ନେ ସାକି ନେଲେକେ । ଜିସୁ ଗୁଏଚେ ତଠଡ଼ିଆକ୍ତେ ବାନ୍ ନେ ମେଁ ଏତେ ଚଞ୍ଚଠଗ୍ ନେଲେଗେ ।

୪୨ ରେମୁଆଁଲକେ ତାଗ୍ରା ନିମାଣ୍ଡା ସାମୁଆଁ ବାଲିର୍ ନସା ଆରି ଇସପର୍ ଜେ ଆମେକେ ମୁଁରେକେ ଆରି ଗୁଏରେକେ ବିଚାର ତିଜ୍ଞନ୍ସା ବାଚେ ବକେ ଆକେନ୍ ସାମୁଆଁରେ ସାକି ବିନ୍ସା ମେଁ ଆନେକେ ଆଦେସ ବିବକେ ।

୪୩ ଜା ତିଗ୍ ଆମେକେ ବିସ୍ବାସ୍ ତିଜ୍ଞଏ ମେଁନେ ମିନେ ବପୁରେ ମେଁନେ ପାପ୍ କେମା ବାଏ । ଆକେନ୍ ସାପା ବାବବାଦି ମେଁ ବିସୟରେ ସାକି ବିମ୍ୟାକେ ।”

ଅଣଜିଉଦିଲକେନେ ଆଡ଼ାଡ଼ା ପବିତ୍ର ଆମ୍ବା ପାଙ୍ଗକେ

୪୪ ପିତର ଆକେନ୍ ସାମୁଆଁ ବାସଜ୍ଞନେ ବେଲା ଜାଣ୍ଡେଲକେ ମେଁନେ ସାମୁଆଁ ଅଆର୍ଡିଂଗେ, ଆତେନ୍ ସାପାରେ ଆଡ଼ାଡ଼ା ପବିତ୍ର ଆମ୍ବା ପାଙ୍ଗକେ ।

୪୫ ଅଣଜିଉଦିଲକେନେ ଆଡ଼ାଡ଼ା ତିଗ୍ ଇସପର୍ ମେଁନେ ପବିତ୍ର ଆମ୍ବା ଦାନ୍ ବିବକ୍ତେ କେଚେ ପିତର୍ ଏତେ ପାଙ୍ଗଲେଆର୍କ୍ତେ ଯାପ୍ପନେ ଜିଉଦି ବିସ୍ବାସିଲକେ ତିଗ୍ ବକ୍ତୁଆ ତିଜ୍ଞଖେଆଗେ ।

୪୭ ମେଃଡାଗଲା ଯିଉଦି ବିସ୍ବାସିଇଂ ଇସ୍ପରକେ ପ୍ରସଂସା ଡିଙ୍ଗିଢିଙ୍ଗିକ୍ନେ ଆରି ବିନ୍ ବ୍ଲାସାରେ ବ୍ଲାଇର୍ ବାସଙ୍ଗିଆରକ୍ନେ ଅଁଆକେ ।

୪୭ ପିତର ବାସଙ୍ଗକେ, “ନେ ରକମ୍ ଆକେନ୍ ରେମୁଆଁଇଂ ଡିଗ୍ ପବିତ୍ର ଆମ୍ବା ବାଲେଆକେ । ତୁବନ୍ ତୁଂଡନ୍ସା ଜା ମେଁନେ ଆମେଇଂକେ କସ୍ତ ବିୟାଏ ?”

୪୮ ତେସା ମେଁ ଆମେଇଂକେ ଜିସୁ କିସ୍ତନେ ମ୍ନିରେ ତୁବନ୍ ତୁଙ୍ଗଡନ୍ସା ଆଦେସ୍ ବିକେ । ତେନ୍ ଇଡିଂ ରେମୁଆଁଇଂ ପିତରକେ ମେଇଂ ଏତେ ଉଡିଦିନା ସୁଗୁଆ ଲେଃନ୍ସା ବାସଙ୍ଗିଆକେ ।

୧୧

ଯିରୁସାଲାମ୍ନେ ମାପରୁଶ୍ଟେନ୍ନିଆ ପିତରନେ ମାପରୁ ସାମୁଆଁ

୧ ଅଣଜିଉଦିଇଂ ଡିଗ୍ ଇସ୍ପରନେ ସାମୁଆଁ ଗ୍ରଥନ୍ ଡିଙ୍ଗିଆରଲେକେ ଡାଗ୍ତେ ସିସ୍ଇଂ ଆରି ଜିଉଦା ପ୍ରଦେସ୍ନିଆ ଲେଃଡିଂକ୍ନେ ବିନ୍ ବୟାଈଂ ଅଁଆକେ ।

୨ ତେସା ପିତର ଯିରୁସାଲାମ୍ନିଆ ଝେଟାକ୍ନେ ଇଡିଙ୍ଗ୍ ପବିତ୍ର ଡିଙ୍ଗିଲେ ଆରକ୍ନେ ରେମୁଆଁଇଂ ଆମେକେ ବାଲିର୍ ବାଡାତେ ବାସଙ୍ଗକେ

୩ “ପେ ପବିତ୍ର ମାଡିଙ୍ଗଲେକ୍ନେ ରେମୁଆଁଇଂନେ ତୁଆ ଝେପେଡିଙ୍ଗକେ ଆରି ମେଇଂ ଏତେ ଚଙ୍ଗଡଗ୍ ପେଡିଙ୍ଗକେ ।”

୪ ମାଡର ମୁଲେବାନ୍ ମେଁ ମେଃନେ ଗଟେଲେଗେ, ପିତର ଆମେଇଂକେ ସାପା ଗଟ୍ନାଇଂ ଆଦ୍ରିଗ୍ତେ ବାଲିରକେ ।

୫ “ନେଙ୍ଗ୍ ଯାପ୍ପ ନଗରନ୍ନିଆ ପାରତନା ଡିଙ୍ଗକେଲା ମୁଇଂ ମୁସୁଡିଙ୍ଗ୍ କ୍ଳେକେ । ମୁଇଂ ତଗ୍ରିଆ ଅଁକନ୍ ପାକା ସାଃତେ କିତଂଇନିବାନ୍ ନେଙ୍ଗ୍ ପାକା ରେଃସତେ ଜାରନେ ନେଙ୍ଗ୍ କ୍ଳେକେ ଆତେନ୍ ନେଙ୍ଗ୍ ଡାଗ୍ରା ଅଟ୍ଟକେ ଝେକେ ।

୬ ନେଙ୍ଗ୍ ବଲ୍ ବାବ୍ରେ ଆତେନ୍ ବିଡ୍ରେ ନିମାଣ୍ଡାଃ କ୍ଳେଲା ଆତେନ୍ ମସ୍ତପୁର୍ ବିଡ୍ରେ ଅଁକ୍ଲିଗ୍ ଞ୍ଚଲେକ୍ନେ ପସୁ କଣ୍ଡାନେ ଜିବ୍ ଜନ୍ତୁ ବଃଗିଡିଆ ଆରି କିତଂଇନିନେ ପ୍ଲିଗ୍ଇଂ ଲେଃଆକେ ।

୭ ତେନ୍ ଇତିଂ ନେଙ୍ଗ୍ ମୁଇଂ ଇଲ୍‌ଏଁ ଡକେ ପିତର ! ତଃଡ଼୍ୟାଃ ଆରି ବାଗୁଏଃଚେ ଚଙ୍ଗ୍ ।

୮ ମାତର ନେଙ୍ଗ୍ ଉତର ମ୍ବିକେ, ଶ୍ରୁ ମ୍ବାପରୁ ! ନେଙ୍ଗ୍ ନ୍ନାୟା ଶ୍ରୁ ଏ ଜାକ ମେଃଡ଼ିଗ୍ ଅସୁଚି ବା ଅପବିତ୍ର ବଲେ ନେଙ୍ଗ୍ ଅଃନା ନ୍ନାଚଙ୍ଗ୍ ଶ୍ରୁ

୯ କିତଂଇନି ବାନ୍ ବାର୍‌ମୁଇଂତର ଆକେନ୍ ଇଲ୍‌ଏଁ ତିଙ୍ଗ୍‌କେ ଇସ୍‌ପର ଆଜାକେ ପବିତ୍ର ଆଡ଼ିଙ୍ଗ୍‌ବକେ ନା ଆମେକେ ଅଶ୍ରୁଚି ଆବାବେଗେ ।”

୧୦ ଙ୍ଗିତର ଦେକ୍‌ରକମ୍ ତିଙ୍ଗ୍‌କେ ସାରାସାରି କେଲା ଆତେନ୍ ସାପା ଜିବ୍‌ଇଂକେ ବାରି କିତଂଇନି ଆଡ଼ାତ୍ରା ଗୁ ତୁଂଡ ଆଗେ ।

୧୧ ଟିକ୍ ଆତେନ୍‌ବେଲା କାଇସରିୟାବାନ୍ ନେଙ୍ଗ୍‌ଡାଗ୍ରା ଙ୍ଗିରୁଆ ରେମୁଆଁଇଂ ନେଙ୍ଗ୍ ଆଶ୍ରିନ୍ ତୁଆ ଲେଣ୍ଟିଂଗେ ଆଡ଼ଅରିଆ ଙ୍ଗେଚାଆକେ ।

୧୨ ଆରି ମେଃଡ଼ିଗ୍ ମ୍ବାର୍‌ମନ୍ ମାଡ଼ିଙ୍ଗ୍‌ଚେ ମେଇଂ ଏତେ ଙ୍ଗେନ୍‌ସା ପବିତ୍ର ଆମ୍ବା ଆନେଙ୍ଗ୍‌କେ ବାସଙ୍ଗ୍‌କେ । ବାରି ଯାପ୍‌ପନେ ତୁରୁଆ ବିସ୍‌ବାସି ବୟାଁ ତିଗ୍ ନେଙ୍ଗ୍ ଏତେ କାଇସରିଆ ଙ୍ଗେଆକେ ବାରି ନେ ସାପାରେ କର୍ଣ୍ଣେଲିଅଇଂନେ ତୁଆ ନେଙ୍ଗେଚାକେ ।

୧୩ କର୍ଣ୍ଣେଲିଅ ତିରକମ୍ ମେଇଂ ତୁଆ ମୁଇଂ କିତଂ ଦୁଡ଼କେ କେକେ ଆତେନ୍ ସାପା ଆନେକେ ବାଲିରକେ । ଆକେନ୍ ଦୁଡ଼ ଆମେଇଂକେ ବାସଙ୍ଗ୍‌କେ, “ଯାପ୍‌ପ ନଗର ରେମୁଆଁ ବେଚେ ପିତର ମ୍ବିରେ ସ୍ବାମ୍‌ଆଃ ଶିମୋନକେ ତୁଙ୍ଗ୍‌ପାଙ୍ଗ୍‌ଲାପା ।

୧୪ ମେଁ ଆନାକେ ବାରି ଯେ ତୁଆ ଲେଡ଼ିଙ୍ଗ୍‌କ୍ଳେ ରେମୁଆଁଇଂକେ ସାମୁଆଁ ବାସଙ୍ଗ୍‌ଏ ଜାଣ୍ଟେଃସବାନ୍ କି ଯେ ସାପାରେ ଉଦାର୍ ଯେବାଏ ।”

୧୫ ବାରି ନେଙ୍ଗ୍ ଉଡ଼ିବେଲା ସାମୁଆଁ ବାସଙ୍ଗ୍‌ନେ ଆରାମ୍ ଶ୍ରୁଙ୍ଗ୍‌କେ ପରତୁମ୍ ପବିତ୍ର ଆମ୍ବା ତିରକମ୍ ନେ ଆଡ଼ାତ୍ରା ଜାର୍‌ଲେଗେ ଦେଡ଼ିରକମ୍ ମେଇଂନେ ଆଡ଼ାତ୍ରା ଜାର୍‌କେ ।

୧୬ ☆ତେନ୍‌ଇତିଂ ନେଙ୍ଗ୍ ମାପ୍‌ରୁନେ ଆକେନ୍ ସାମୁଆଁକେ ଇଏଁତେକେ: “ଜହନ୍ ଶ୍ରୁଆନ୍ନିଆ ତୁବନ୍ ବିକେ, ସଡ଼ ମାତର ଯେ ପବିତ୍ର ଆମ୍ବାବାନ୍ ତୁବନ୍ ଯେବାଏ ।

୧୭ ମାପ୍‌ରୁ ଜିସୁ କିସ୍‌ଟନ୍ନିଆ ବିସ୍‌ବାସ୍ ତିଙ୍ଗ୍‌ପେଲେଗ୍‌ସା ପରମେସର୍ ଆନେକେ ତିରକମ୍ ପବିତ୍ର ଆମ୍ବା ଦାନ୍ ବିବକେ

ଅଣଜିଉଦିଇଂକେ ଡିଗ୍ ଆଡେନ୍ ଦାନ୍ ବିବକେ; ନେଙ୍ଗ୍ ଜାଣ୍ଡେଃ ଚେଃ ଇସ୍ପରନେ ଆକେନ୍ କାମ୍କେ ପ୍ରତିରଦ୍ ଶ୍ରିଙ୍ଗ୍ଏ !”

୧୮ ମେଁଇଂ ଆକେନ୍ ଅଁକ୍ଲେ ଇଡ଼ିଂ ଆରି ଜୁକ୍ତି ତର୍କ୍ ମାଡ଼ିଙ୍ଗ୍ରେ ଇସ୍ପରକେ ପ୍ରସଂସା ଡିଙ୍ଗ୍ରେ ବାସଙ୍ଗ୍କେ “ଡେଲା ଇସ୍ପର ଅଣଜିଉଦିଇଂକେ ଡିଗ୍ ମନେ ଏଡେ ନସା ବାରି ବୁଆନ୍ସା ସୁଜଗ୍ ବିବକେ ।”

ଆଣ୍ଟିୟକନେ ବିସ୍ବାସି

୧୯ ✨ସ୍ରିଫାନ ଗୁଏକ୍ଲେ ଇଡ଼ିଙ୍ଗ୍ ଆଣ୍ଟିନେ ତାଡ଼ନା ଗଟେକେ ଆଡେନ୍ସା ବିସ୍ବାସିଇଂ ସାପାପାକା ଚିନ୍ତତର୍ ଡିଙ୍ଗ୍ଝେଆରକ୍ଲେ ବେଲା ମେଇଂନେ ବାନ୍ ଉଡ଼ିରୁଆ ଜିଉଦିଇଂନେ ତାଗ୍ରା ବାସଙ୍ଗ୍ରେ ପୈନିକିଆ ସାଇପ୍ରସ୍ ବାରି ଆଣ୍ଟିୟକ ଜାକ ଝେଆକେ ।

୨୦ ଆକେନ୍ ବିସ୍ବାସିଇଂବାନ୍ ଉଡ଼ିରୁଆ ସାଇପ୍ରସ୍ ଆରି କୁରୁଣୀନେ ରେମୁଆଁ ଲେଃଗେ ମେଁଇଂ ଆଣ୍ଟିୟକନ୍ନିଆ ପାଙ୍ଗ୍ରେ ଗ୍ରୀକ୍ ବାସଙ୍ଗ୍ଲେ ଜିଉଦିଇଂ ଡିଗ୍ ମାପରୁ ଜିସୁ କିସ୍ଟନେ ନିମାଣ୍ଡାସାମୁଆଁ ବାସଙ୍ଗ୍ ଡିଙ୍ଗ୍ଆକେ ।

୨୧ ଇସ୍ପରନେ ବପୁ ମେଇଂ ଏଡେ ଲେଃଗେ ଡେସା ଗୁଲେ ରେମୁଆଁ ବିସ୍ବାସ ଡିଙ୍ଗ୍ରେ ମାପରୁନେ ପାକା ମନ୍ ଆଆଁଣ୍ଡେ ଆକେ ।

୨୨ ଉଡ଼ିବେଲା ଆକେନ୍ କବର୍ ଯିରୁସାଲାମ୍ ମଣ୍ଡଲିନ୍ନିଆ ଝେଚାକେ ମେଁଇଂ ବର୍ଣ୍ଣବାକେ ଆଣ୍ଟିୟକ ବେକେ ।

୨୩ ମେଁ ଆଡ଼ଅରିଆ ଝେଚାଚେ ଇସ୍ପର ଆଡେନ୍ ରେମୁଆଁଇଂକେ ଡିଡ଼ି ରକମ୍ ଆସିରବାଦ୍ ବିଃବକେ ଆଡେନ୍ ଅନୁଗ୍ରଅ କେଚେ ସାରଦା ଡିଙ୍ଗ୍ଆକେ ଆରି ଜେଡ଼ିକି ମେଇଙ୍ଗ୍ ଜିବନ୍ନିଆ ମୁଇଙ୍ଗ୍ ମନ୍ରେ ମାପରୁ ଆଡ଼ାଡ଼ା ଡସେ ଲେଃଆରଏ, ଆଡେନ୍ସା ସାପାରେ ଆମ୍ନେଡ଼ିଆକେ ।

୨୪ ବର୍ଣ୍ଣବା ମୁଇଂ ଦାର୍ମିକ୍ ରେମୁଆଁ ଲେଃଗେ । ମେଁ ପବିତ୍ର ଆମ୍ବା ବାରି ବିସ୍ବାସରେ ନ୍ ଲେଃଗେ । ଡେସା ଗୁଲେରୁଆ ବାସଙ୍ଗ୍କେବାନ୍ ମାପରୁନ୍ନିଆ ବିସ୍ବାସ ଡିଙ୍ଗ୍ଆକେ ।

✨ ୧୧:୧୯ ପ୍ରେରିତ୍ ୮:୧-୪.

୨୫ ତେନ୍ ଇଡ଼ିଂ ବର୍ଣ୍ଣବା ଶାଉଲକେ ତୁରନ୍‌ସା ତାଷିସ୍ ନଗର୍ ଝେକେ ।

୨୬ ଆଡ଼ଅରିଆ ଆମେକେ ଅବାଚେ ଆଣ୍ଟିୟକନ୍ନିଆ ତୁଙ୍ଗପାଙ୍ଗଆକେ । ଶାଉଲ ବାରି ବର୍ଣ୍ଣବା ଆଡ଼ଅରିଆ ମୁଇଂ ମୁଆଁ ଜାକ ମଣ୍ଡଲିନେ ଏତେ ଲେଃରେ ବାରି ଉଡ଼ିତର୍ ବିସ୍‌ବାସିଇଂନେ ଦଲ୍ ମେଇଂ ତାଗ୍ରା ଝେଆକେ ମେଁଇଂ ଆମେଇଂକେ ଅବାକେ ବାରି ଗୁଲେ ରେମୁଆଁକେ ବୁଦି ବିକେ । ଆକେନ୍ ଆଣ୍ଟିୟକନେ ବିସ୍‌ବାସିଇଂକେ ରେମୁଆଁଇଂ ପର୍ତୁମ୍ କିସ୍‌ଟିୟାନ୍ ତାଗ୍‌ଚେ ମ୍ରି ବିଆରକେ ।

୨୭ ଆତେନ୍‌ବେଲା ଉଡ଼ିରୁଆ ବାବବାଦି ଯିରୁଶାଲାମ୍‌ବାନ୍ ଆଣ୍ଟିୟକନ୍ନିଆ ପାଙ୍ଗଆକେ ।

୨୮ ☆ମେଇଂ ବିତ୍‌ରେ ବାନ୍ ଆଗାବ ମ୍ରିରେ ମୁଇଂ ରେମୁଆଁ ପବିତ୍ର ଆମ୍‌ନେ ବପୁରେ ନ୍‌ଚେ ମଞ୍ଚପୁରନ୍ନିଆ ମୁଇଂ ବୟଙ୍କାର୍ ମୁର୍ଡ଼ି ତିଙ୍ଗ ତାଗ୍‌ଚେ ବବିସ୍‌ତ୍ ସାମୁଆଁ ଆଃଅଁକେ । ଆକେନ୍ ମୁର୍ଡ଼ି ଇଃସାଙ୍ଗ୍ କ୍ଲଡ଼ିୟସ୍‌ନେ ବେଲା ଗଟେଲେଗେ ।

୨୯ ଆଡ଼ବା ସିସ୍‌ଇଂ ସାପାରେ ନିଜେନେ କେମତା ଇସାବ୍‌ରେ ଜିଉଦା ପ୍ରଦେସ୍‌ନିଆ ବାସା ତିଙ୍ଗଆରକ୍ଲେ ବୟାଁଇଂନ୍‌ସା ସାଇଜ୍ୟ ବେନ୍‌ସା ଚିନ୍ତା ତିଙ୍ଗଆକେ ।

୩୦ ମେଁଇଂ ସାପା ତାରୁ ରାସିଙ୍ଗ୍‌ଚେ ଶାଉଲ ଆରି ବର୍ଣ୍ଣବାକେ ବିଆରକେ । ଶାଉଲ ଆରି ବର୍ଣ୍ଣବା ଆତେନ୍ ତାରୁକେ ତୁଙ୍ଗପାଙ୍ଗଚେ ମଣ୍ଡଲିନେ ସେବକଇଂନେ ତାଗ୍ରା ଆତେନ୍ ବେବିକେ ।

୧୨

ଜବର୍ ତଣ୍ଡ

୧ ଆକେନ୍ ବେଲା ଇଃସାଙ୍ଗ୍ ହେରୋଦ ମଣ୍ଡଲିନେ ଉଡ଼ିରୁଆ ରେମୁଆଁନେ ଆଡ଼ାତ୍ରା ଅତ୍ୟାଚାର୍ ତିଙ୍ଗନେ ଆରାମ୍ ତିଙ୍ଗକେ ।

୨ ମେଁ ଜହନ୍‌ନେ ବୟାଁ ଜାକୁବ୍‌କେ କାଣ୍ଡା ଏତେ ଆବାଗୁଏ ଆରକେ ।

୩ ଜିଉଦିଇଁକେ ଆଡ଼ବା ସନ୍ତସ୍ କେଚେ ମେଁ ପିତରକେ ଡିଗ୍ ଗାଗନ୍‌ସା ଝେଆକେ । ଆତେନ୍ ବେଲା ଖମିର ସୁନ୍‌ସ ରୁଟିନେ ପାଣ୍ଡୁ ଲେଖଗେ ।

୪ ପିତର ଆଗାଗଚେ କଇଦ୍ ତୁଆନ୍ନିଆ ଲେଖଗେ ବାରି ଅଁଣ୍ଡୁଆ ଅଁଣ୍ଡୁଆ ମନ୍ନିକେ ତୁଂଝେଚେ ଅଁ ରାସି ମନ୍ନିଇଁ ଆମେକେ ଉର୍ ଲେଖଆଗେ । ଉଦାର୍ ପାଣ୍ଡୁ ଇଡ଼ିଙ୍ଗ୍ ରେମୁଆଁଇଁନେ ତାଗ୍ରା ମେଁ ବିଚାର୍ ଡିଙ୍ଗ୍‌ନେ ହେରୋଦନେ ଉଦେସ୍ ଲେଖଗେ ।

୫ ପିତର କଏଦ୍ ତୁଆ ଲେଖକେଲା ମାଣ୍ଡୁଲିନେ ରେମୁଆଁଇଁ ମୁଇଁ ମନ୍‌ରେ ମେଁ ଆଡ଼ଲା ଇସପର୍ ତାଗ୍ରା ପାର୍ତନା ଡିଙ୍ଗ୍‌ଆର୍ଡ଼ିଂଗେ ।

କଇଦ୍ ତୁଆବାନ୍ ପିତର ତାରକେ

୬ ଆଣ୍ଡିନ୍‌ଦିନା ହେରୋଦ ପିତରକେ ରେମୁଆଁଇଁନେ ସାମ୍‌ନେ ତୁଂପାଙ୍ଗନ୍‌ସା ଜଜନା ଡିଙ୍ଗ୍‌ବଗେ ମେଁନେ ଝେକ୍‌କେ ମିଡିଗ୍ ପିତର୍ ମ୍ବାକିଲିଗ୍ ସିକ୍ଲି ଏତେ ଆଗାଗଚେ ମ୍ବାୟା ସନ୍‌ସଇଁନେ ମଜେ ଆଡୁଲେଗକେ । କଇଦ୍ ତୁଆନେ ଶ୍ଟିସାଙ୍ଗ୍ ତାଗ୍ରା ଜାଗୁଆଲ୍‌ଇଁ ଉର୍ ଲେଖଆଗେ ।

୭ ଟାପନା ମାପ୍‌ରୁନେ ମୁଇଁ ଦୁଡ୍ ପାଙ୍ଗଚେ ତୁଆଁକେ ବାରି ଆତେନ୍ ବାକ୍ରା ତୁଆ ତାରାସ୍ ବାଚେ ତାରକିଗ୍ ଡିଙ୍ଗ୍‌ଝେକେ । କିତଂ ଦୁଡ୍ ପିତରନେ ଜେବା ତାଗ୍ରା ଜାର୍‌ଚେ ଆମେକେ ତୁଲେଗ୍‌ଲେକ୍‌କେ ବାନ୍ ରୁଡୁଗଚେ ବାସଙ୍ଗକେ “ଜିଆ ତଃଡ଼ିଆ !” ଜିଆ ଜିଆ ପିତରନେ ଡିଙ୍ଗିଆ ଗାଗ୍‌ବକ୍‌କେ ସିକ୍ଲିଇଁ ପୁଏଃଚଗ୍ ଲଃକେ ।

୮ ତେନ୍ ଇଡ଼ିଙ୍ଗ୍ କିତଂ ଦୁଡ୍ ବାସଙ୍ଗକେ “ନ୍‌ସା ଗାଗ୍ କୁତା ତାଙ୍ଗ୍ ।” ପିତର ଆତେନ୍ ଡିଙ୍ଗ୍‌କେ ଇଡ଼ିଙ୍ଗ୍ କିତଂ ଦୁଡ୍ ବାସଙ୍ଗକେ “ଗାଗ୍‌ଡେନ୍ନିଆ ରାଗୁ କୁଇଚେ ନେଙ୍ଗ୍‌ନେ ପ୍ଲା ପାଙ୍ଗଲା ।”

୯ କିତଂ ଦୁଡ୍ ମେଁ ଡିଡିଙ୍ଗ୍‌ଡିଙ୍ଗ୍‌ଗେ ଆତେନ୍ ମୁଇଁ ସଡ୍ ଗର୍‌ନା ଲେଖ ଶ୍ଟି ପିତର ମ୍ୟାଃଆୟାକେ ଶ୍ଟୁ ମେଁ ମୁସୁଡ଼ିଙ୍ଗ୍ କିକେ ଡିଙ୍ଗ୍‌କେ ତାଗଚେ ବାବେକେ । ଏଲେଡିଗ୍ ପିତର କଇଦ୍ ତୁଆବାନ୍ ତାରଚେ କିତଂ ଦୁଡ୍‌ନେ ପ୍ଲା ଝେ ଆକେ ।

୧୦ ଉଡ଼ିବେଲା ମେଇଁ ପର୍‌ଡୁମ୍ ବାରି ବାର୍‌ମୁଇଁ ଜାଗୁଆଲ୍ ଦଲ୍‌ଇଁକେ ବିଚେ ଆଣ୍ଡିନେ ଗାଲି ବିଚେ ନଗର୍ ଝେ ଡିଙ୍ଗ୍‌ଏ,

ଆତେନ୍ ଡାଗ୍ରା ପାଙ୍ଗୁଆକେ ଆତେନ୍‌ବେଲା ଆତେନ୍ ଶୁଁସାଙ୍ଗୁ ମେଁ ମନ୍‌କେଆ ଶୁଁସାଙ୍ଗୁ ରଃଝେଗେ ବାରି ମେଇଁ ତାର୍‌ଝେତେ ମୁଇଁ ରାଜିନେ ମୁଣ୍ଡେସାଲ ଜାକ ଝେକ୍ଲେ ଇଡ଼ିଙ୍ଗୁ ଉଲୁସ୍ତେ ଆତେନ୍ କିତଂ ଦୁଡ଼ ମେଇଁନେ ବାନ୍ ମାୟା ଡିଙ୍ଗୁଝେଗେ ।

୧୧ ଆତେନ୍ ବେଲା ପିତର୍ ତେତା ବାତେ ବାସଙ୍ଗୁକେ, ମାପୁରୁ ଜେ ମେଁନେ ଦୁଡ଼କେ ବେତେ ହେରୋଦନେ ତ୍ରିବାନ୍ ବାରି ଜିଉଦି ରେମୁଆଁଇଁନେ ସାପା ଦଦ୍ୟା ଚିନ୍ତାବାନ୍ ଆନେଙ୍ଗୁକେ ରକ୍ୟା ଡିଙ୍ଗୁବକେ ଆକେନ୍ ସତେଆ ସଡ଼ ଡାଗ୍ରାତେ ନେଙ୍ଗୁ ଏବେ ମ୍ୟାକେ ।

୧୨ ନିଜର୍ ପରିସ୍ଥିତି ବିସୟରେ ସଚେତନ୍ ଡିଙ୍ଗୁତେ ମେଁ ଜହନ୍ ବାରି ମାରକନେ ଇୟାଙ୍ଗୁତେ ମରିୟମ୍‌ନେ ତୁଆ ଝେଆକେ । ଆଡ଼ୁଅରିଆ ଗୁଲେରୁଆ ମୁଇଁନୁଗ୍ ରିସିଙ୍ଗୁତେ ପାରତନା ଡିଙ୍ଗୁଡିଙ୍ଗୁଆଗେ ।

୧୩ ପିତର୍ ଶୁଁସାଙ୍ଗୁନେ କାପାଟ୍‌କେ ଟକ୍ ଟକ୍ ବଗ୍‌କେ ରୋଦା ମୁକ୍ଲେ ମୁଇଁ ଚାକରୁଏଃ କାପାଟ୍ ରଃଝନ୍‌ସା ପାଙ୍ଗୁକେ ।

୧୪ ମେଁ ପିତର୍‌ନେ ବ୍ଲାଇର୍ ମ୍ୟାଃତେ ଏନ୍ତି ସାର୍‌ଦାରେ ଡିଙ୍ଗୁକେ ଜେ ମେଁ କାପାଟ୍ ମାରଃତେ ବିଡ଼ରେ ଝିର୍ ତୁଂଝେତେ ଶୁଁସାଙ୍ଗୁ ଡାଗ୍ରା ପିତର୍ ତୁଆଁଲେକେ ଡାଗ୍ରାତେ ବାସଙ୍ଗୁକେ ।

୧୫ ମେଇଁ ଆମେକେ ବାସଙ୍ଗୁକେ, “ନା ବାଉଡ଼ି ଡିଙ୍ଗୁନାଲେକେ ।” ମାତର୍ “ଆକେନ୍ ସଡ଼” ଡାଗ୍ରାତେ ମେଁ ଡାଟାମ୍‌ରେ ବାସଙ୍ଗୁ ନ୍ୟା ଲାଗେକେ । ମେଇଁ ବାସଙ୍ଗୁକେ “ମେଁ ସଡ଼ରେ ପିତର୍‌ନେ ଦୁଡ଼ ।”

୧୬ ପିତର୍ ପ୍ରେକ୍‌ପ୍ରେକ୍ କାପାଟ୍‌ନିଆ ଟକ୍ ଟକ୍ ବଗ୍‌ଡିଙ୍ଗେ । ସାରାସାରି ମେଇଁ କାପାଟ୍ ରଃତେ ଆମେକେ କେତେ ବକ୍ତୁଆ ଡିଙ୍ଗୁଝେଆଗେ ।

୧୭ ମେଁ ତ୍ରିନିଆ ଚିନା ବିତେ ବୁଙ୍ଗୁ ଲେନ୍‌ସା ବାସଙ୍ଗୁକେ ବାରି ମାପୁରୁ ଆମେକେ ଡିରକମ୍ କଇଦ୍ ତୁଆବାନ୍ ଆତାର୍ ତୁଙ୍ଗୁପାଙ୍ଗୁକେ ଆତେନ୍ ବିସୟ ମେଇଁନେ ଡାଗ୍ରା ବାସଙ୍ଗୁବିକେ । ତେନ୍ ଇଡ଼ିଁ ଆକେନ୍ ସାପା ସାମୁଆଁ ଜାକୁବ୍ ବାରି ବିନ୍ ସାପା ବୟାଁଇଁକେ ଆଃମ୍ୟାଃନସା ଆଦେସ୍ ବିତେ ମେଁ ଆଡ଼ବା ବିନ୍‌ପାକା ଝେକେ ।

୧୮ ତୁଗୁଆ ମାର୍‌ତଡ଼େ ଞିର୍ ଡିଙ୍ଗୁଲା ପିତର୍ ଆଣ୍ଡି ଝେଗେ ଡାଗ୍ରାତେ ଜାଗୁଆଲିଇଁନେ ବିଡ଼ରେ କିରମର ଲାଗେକେ ।

୧୯ ହେରୋଦ ଆମେକେ ତୁରନ୍‌ସା ଆଦେସ୍ ବିକେ । ମାତର୍ ମେଇଂ ଆମେକେ ଆଅବାକେ ଶୁ । ସାରାସାରି ଜାଗୁଆଲୁଇଂକେ ପ୍ରସନ୍ ଡିଙ୍ଗ୍‌କେ ଇଡ଼ିଙ୍ଗ୍ ଆମେଇଂକେ ଗୁଏନେ ଡ଼ଣ୍ ବନ୍‌ସା ଆଦେସ୍ ବିକେ । ଆକେନ୍ ଇଡ଼ିଙ୍ଗ୍ ହେରୋଦ ଜିଉଦା ପ୍ରଦେସ୍‌ବାନ୍ ଝେତେ କାଇସରିୟା ଲେଃଆକେ ।

ହେରୋଦ ଗୁଏଗେ

୨୦ ଆତେନ୍ ବେଲା ହେରୋଦ ସୋର ବାରି ସିଦନନେ ରେମୁଆଁଇଂନେ ଆଡ଼ାଡ଼ା ଜାବର୍ ରିସା ଡିଙ୍ଗ୍‌ଲେଗେ । ମେଇଂ ଦଲ୍ ଦଲ୍ ଡିଙ୍ଗ୍‌ରେ ଆମେକେ କେନ୍‌ସା ପାଙ୍ଗ୍‌ଆକେ । ମେଇଂ ଇଃସାଙ୍ଗ୍ ତୁଲେଗ୍‌ନେ ତୁଆନେ ମୁଇଂ ଚାକ୍‌ରିଆ ହ୍ଲାଷ୍ଟ୍‌ସ୍‌ନେ ସାଇଜ୍ୟ ବାଆରକେ । ତେନ୍ ଇଡ଼ିଂ ମେଇଂ ହେରୋଦ ଏତେ ସାକ୍ତିରେ ଲେନ୍‌ସା ବିକ୍ ସାଲ୍ୟାଃଆକେ ଡାଗ୍ଲା ହେରଦନେ ରାଜ୍ୟବାନ୍ ମେଇଂନେ ଦେସ୍‌ନିଆ ରୁଚଙ୍ଗ୍‌ନେ ଜିନିସ୍‌ଇଂ ତୁଂପାଙ୍ଗ୍ ଆର୍ ଡିଙ୍ଗ୍‌ଗେ ।

୨୧ ହେରୋଦ ମୁଇଂ କାମ୍ ଶୁଣୁନେ ଦିନା ଆମେଇଂକେ କେନ୍‌ସା ମନ୍ ପାଞ୍ଜେକେ । ଆତେନ୍ ଦିନା ମେଁ ଇଃସାଙ୍ଗ୍ ରକମ୍‌ନେ ସକା ସଃତେ ବିଚାର୍ ତୁଆନ୍‌ନିଆ କତେ ରେମୁଆଁଇଂକେ ବାଲିରଡ଼ିଂକେ ।

୨୨ ରେମୁଆଁଇଂ କିରତେ ବାସଙ୍ଗ୍‌କେ, “ଆକେନ୍ ଇସ୍‌ପର୍‌ନେ ହ୍ଲାଲିର୍ ରେମୁଆଁନେ ଶୁ ।”

୨୩ ହେରୋଦ ନିଜେନେ ଆକେନ୍ ପ୍ରସଂସା ଅଁକେ ମାତର୍ ମେଁ ପର୍‌ମେସ୍‌ରକେ ମେଁନେ ସନ୍‌ମାନ୍ ଆରାଃମ୍ୟାକେ ଶୁ । ତେସା ମାପୁରୁନେ ମୁଇଂ ଦୁଡ଼ ମାରିଆଃତୁର୍ ଆମେକେ ବଗ୍‌କେ ବାରି ମେଁନେ ଗାଗ୍‌ଡ଼େକେ ବିଂବିଂଇଂ ଚଙ୍ଗ୍‌ଆକେ । ସାରାସାରି କେଲା ମେଁ ଗୁଏଞ୍ଜେଗେ ।

୨୪ ଆକେନ୍ ବେଲା ବିଡ଼ରେ ଇସ୍‌ପର୍‌ନେ ସାମୁଆଁ ମ୍ବାଃତେ ପିତୁର୍ ପାକା ବେପ୍ରେ ଝେଗେ ।

୨୫ ବର୍ଣ୍ଣିବା ବାରି ଶାଉଲ ମେଇଂନେ ସେବା କାମ୍ ଆଡ଼ାତେ ମାର୍‌କ ମିରେ ସ୍ମାମୁଆଃ ଜହନ୍‌କେ ସାତେ ଯିରୁଶାଲାମ୍‌ବାନ୍ ଆଣ୍ଡେ ଝିଗ୍‌ଆଗେ ।

୧୩

ବର୍ଣ୍ଣିବା ବାରି ସାଉଲ୍ ମନନିତ୍ ତିଜ୍ଠେ ବେକେ

^୧ ଆଣ୍ଟିୟକ ମଣ୍ଡଳିନ୍ନିଆ ଉଡ଼ିରୁଆ ବାବବାଦି ବାରି ସିକ୍ୟାଗୁରୁ ଲେଖିଆର୍ଗେ । ଆକ୍ଟେଇଂନେ ବାନ୍ ଲେଖିଆର୍ଗେ, ବର୍ଣ୍ଣିବା, ଶିମୋନ ଜାଣ୍ଡେକେ ନିଗର ତାଗ୍‌ତେ ବାସଙ୍ଗ୍‌ଆର୍‌ଏ, କୁରୁଣୀ ଇନିନେ ରେମୁଆଁ ଲୁସିଅସ୍, ମନହେମ, ମେଁ ରାଜ୍ୟପାଲ୍ ହେରୋଦନେ ପରିବାରନ୍ନିଆ ମ୍ବାଲେଗେ । ବାରି ଶାଉଲ ।

^୨ ମେଇଂ ମାପ୍‌ରୁନେ ସେବା ବାରି ଉପାସ୍ ତିଜ୍ଠିଜ୍ଠିନେ ବେଲା ପବିତ୍ର ଆମ୍ବା ଆମେଇଂକେ ବାଲିର୍‌କେ “ନେଙ୍ଗ୍ ଆଣ୍ଡିନେ ସ୍ନେନ୍‌ସା ବର୍ଣ୍ଣିବା ବାରି ଶାଉଲ୍‌କେ ଖାମ୍‌କେ, ଆତେନ୍‌ସା ଆମେଇଂକେ ନେଙ୍ଗ୍‌ସା ଅଲ୍‌ଗା ଆଡିଙ୍ଗ୍ ।”

^୩ ବାବବାଦିଇଂ ଉପାସ୍ ବାରି ପାର୍‌ତନା ତିଜ୍ଠେ ଆତେନ୍ ମ୍ବାୟାନେ ଆଡ଼ାତ୍ରା ତ୍ରି ବଚେ ଆମେଇଂକେ ବାସଙ୍ଗ୍ କାମ୍‌ରେ ବେକେ ।

ସାଇପ୍ରସ୍‌ନିଆ ସେବା କାମ୍

^୪ ବର୍ଣ୍ଣିବା ବାରି ସାଉଲ୍ ପବିତ୍ର ଆମ୍ବା ବାଚେ ସେଲୁକିଆ ଇନିନ୍ନିଆ ଖେଆର୍‌କେ । ଆଡ଼ବା ମେଇଂ ଜାଆନ୍‌ନିଆ ତେଃତେ ସାଇପ୍ରସ୍ ଉପଦିପ୍ ପାକା ଖେଆର୍‌କେ ।

^୫ ଚାକ୍‌ରିଆରେଇଂ ସାଲାମି ସଅର୍‌ନିଆ ଖେଚାଚେ ଜିଉଦି ପାର୍‌ତନା ତୁଆଇଂନିଆ ଇସ୍‌ପର୍‌ନେ ସାମୁଆଁ ବାସଙ୍ଗ୍ ତିଜ୍ଠିଆର୍‌କେ । ଜହନ୍ ବାରି ମାର୍‌କ ମେଇଂ ଏତେ ଲେଖଚେ ସେବାକାମ୍‌ରେ ସଙ୍ଗ୍‌ତୁଡ଼୍, ତିଜ୍ଠିଆର୍‌ଡିଂଗେ ।

^୬ ମେଇଂ ସାଇପ୍ରସ୍ ଦ୍ଵିପ୍ ସାପାପାକା ଅଲେଙ୍ଗ୍ ଅଲେଙ୍ଗ୍‌ଚେ ପାଫ୍‌ନିଆ ଖେଚାଚେ ମୁଇଂ ଗୁନିଆକେ କେକେ ମେଁ ମୁଇଂ ଜିଉଦି ରେମୁଆଁ ବାରି ମେଁନେ ମ୍ବି ବର୍‌ ଜିସୁ ।

^୭ ମେଁ ଆତେନ୍ ସାସନ୍ କର୍‌ତା ସଗ୍‌ୟସ ପାଉଲ୍‌ନେ ମୁଇଂ ବନ୍ଧୁ ଲେଖଗେ । ସଗ୍‌ୟସ ମୁଇଂ ବୁଦିମାନ୍ ରେମୁଆଁ ଲେଖଗେ । ମେଁ ଇସ୍‌ପର୍‌ନେ ସାମୁଆଁ ଦ୍ଵିଗ୍‌ନ୍‌ସା ରାଜି ତିଜ୍ଠେ ବର୍ଣ୍ଣିବା ବାରି ଶାଉଲ୍‌କେ ଖାକେ ।

୮ ମାତର ଆତେନ୍ ମାୟାବି ଗ୍ରୀକ୍ ବ୍ଲାସାରେ ଆକ୍ଲେନେ ମ୍ନି ଅଲିମା ବର୍ଣ୍ଣବାକେ ବାରି ଶାଉଲକେ ଜାବର କସ୍ତୁ ବିକେ । ତାଗ୍ଲା ଆତେନ୍ ସାସନ୍ କର୍ତ୍ତାକେ କିସ୍ତୁକେ ବିସ୍ତବାସ୍ ତିଙ୍ଗ୍ନେବାନ୍ ଅଲ୍ଗା ଆଡିଙ୍ଗନ୍ସା ରେସ୍ତା ତିଙ୍ଗକେ ।

୯ ମାତର ଶାଉଲ ଜାନେ ଅଲ୍ଗା ମ୍ନି ପାଉଲ୍, ପବିତ୍ର ଆମ୍ବା ବାତେ ମାୟାବି ଅଲିମା ପାକା ମ୍ନା ମ୍ନା ଆଃମୁଆଁତେ ବାସଙ୍ଗକେ

୧୦ “ଏ ସୟତାନ୍ନେ ଉଂଡେ ! ନା ସାପା ନିମାଣ୍ଡା ବିସୟରେ ସତୁ ତିଙ୍ଗ୍ତେ ତଃଡିଆ ନାଡିଙ୍ଗକେ ! ନା ସାପା ରକମ୍ନେ କାମନ୍ନିଆ ତାଟ୍ ନାଲେଃକେ ବାରି କାଲାଆଃ ମାପୁରୁନେ ସଡ୍ ଗାଲିକେ ସିଦା ଆଃଡିଙ୍ଗନ୍ସା ନା କି ରେସ୍ତା ତିଙ୍ଗ୍ନାଡିଙ୍ଗ ।

୧୧ ଏବେ ନା ମାପୁରୁନେ ତ୍ରିବାନ୍ ତଣ୍ଡ ନାବାଏ । ନା କାନା ତିଙ୍ଗ୍ତେ ଉଡି ଗଣ୍ଡା ଜାକ ସ୍ଥିକେଲା ତାର୍କିଗ୍ କେନାୟା ଶୁ ।” ଆତେନ୍ ଦାପ୍ରେ ଅଲିମାନେ ମ୍ନୁଆଃ ଜାବର ତାଉଲଃନ୍ନିଆ ଗାଲେଃକେ ରକମ୍ ମେଁ ବାବେକେ ବାରି ମେଁନେ ତ୍ରି ସାତେ ଆଃଅଲେଙ୍ଗ୍ ତୁଂଝେନ୍ସା ମୁଇଂଜାକେ ତୁର୍ନ୍ସା ଲାଗେକେ ।

୧୨ ଆକେନ୍ କେତେ ସାସନ୍ କର୍ତ୍ତାନେ ବିସ୍ତବାସ୍ ଲାଗେକେ ତାଗ୍ଲା ମେଁ ମାପୁରୁନେ ସିକ୍ୟା ଅଁତେ ଇରିଆତୁଗ୍ ତିଙ୍ଗ୍ଝେକେ ।

ପିସିଦିଆନେ ଆନ୍ତିୟକିୟାନ୍ନିଆ ସେବା କାମ୍

୧୩ ପାଉଲ୍ ବାରି ମେଁନେ ସାଙ୍ଗ୍ଡେଇଂ ପାପୋ ନଗର୍କେ ଆନ୍ତାର୍ତେ ମ୍ନା କେଣ୍ଡିଆ ଗାଲିଆଡା ପଂପୁଲିୟାନେ ପର୍ଗାନ୍ନିଆ ପାଙ୍ଗ୍ଆକେ । ମାତର ଜହନ୍ ମାର୍କ ଆମେଇଂକେ ଆନ୍ତାର୍ତେ ଯିରୁସାଲାମ୍ ପାଙ୍ଗ୍ଆକେ ।

୧୪ ମେଇଂ ପର୍ଗାବନ୍ ଝେତେ ପିସିଦିଆନେ ଆଣ୍ଟିୟକିୟାନ୍ନିଆ ଝେରାଆକେ ବାରି ସାନ୍ତା କାଲା ପାର୍ତନା ତୁଆଇଂନ୍ନିଆ ଝେତେ କଆକେ ।

୧୫ ମସାନେ ନିୟମନ୍ନିଆ ବାରି ବାବବାଦିଇଂ ଗୁଆରକ୍ଲେ ପଡେକ୍ଲେ ଇଡିଙ୍ଗ୍ ପାର୍ତନା ତୁଆନେ ମ୍ନାନେତା ମେଇଂ ତାଗ୍ଲା ଆକେନ୍ ସାମୁଆଁ ବାଲିର୍ତେ ବେଆକେ “ବୟାଈଂ ଜଦି ରେମୁଆଁଇଂକେ ସାର୍ଦା

ଆଡ଼ିଙ୍ଗନେ ରକମ୍ ପେନେ ଜଦି ମୈନେ ଆମ୍ବେଡ଼ିଆନେ ଆଦେସ୍ ବିନେ ଲେଃକେ, ତେଲା ବାସଙ୍ଗପା ।”

୧୭ ପାଉଲ୍ ତଃଡ଼ିଆରେ ରେମୁଆଁଇଂକେ ବୁଙ୍ଗ୍ ଲେନ୍ସା ତ୍ରି ଆରାତ୍ରା ଆଃଡ଼ିଆରେ ବାସଙ୍ଗକେ: ଏ ଇଶ୍ରାଏଲ୍‌ନେ ରେମୁଆଁଇଂ ବାରି ଇସ୍ପରକେ ବୁଟ୍‌ଆର୍ ମ୍ୟାଃକ୍ରେ ରେମୁଆଁଇଂ ଦ୍ୱିଗ୍‌ପା ।

୧୭ ଇଶ୍ରାୟେଲୀୟ ଜାତିନେ ଇସ୍ପର ନେନେ ଅଃସେରେଇଂକେ ବାଟେ ବକେ ବାରି ମିସର୍ ଦେସ୍‌ନିଆ ମେଇଂ ବାସାଡ଼ିଙ୍ଗ୍ କେଲା ମୁଇଂ ମ୍ଲା ଜାତି ଆଡ଼ିଙ୍ଗକେ । ଇସ୍ପର ମୈନେ ମ୍ଲା ବପୁରେ ଆମେଇଂକେ ମିସର୍‌ବାନ୍ ଆତାର୍ ତୁଙ୍ଗ୍‌ପାଙ୍ଗକେ

୧୮ ବାରି ଚାଲିସ୍ ମୁଆଁ ଜାକ ବାଲିଲଃନ୍ନିଆ ମେଇଂନେ ବେବଆର୍‌କେ ସାମ୍ବାଲେକେ ।

୧୯ ପରମେସର୍ କିଶାନନ୍ନିଆ ଗୁ କ୍ଲିଗ୍ ବଂସକେ ନସ୍ ଆଡ଼ିଙ୍ଗରେ ମୈ ସ୍ତ୍ରିଙ୍ଗ୍ ରେମୁଆଁଇଂକେ ଆଡେନ୍ ଦେସ୍ ବିକେ ।

୨୦ ପାକାପାକି ଅଁଗହ୍ ପଚାସ୍ ମୁଆଁ ବିଡ୍‌ରେ ଆକେନ୍ ସାପା ଗର୍‌ନା ଗଟେଝେକେ । “ଏନ୍ ଇଡ଼ିଙ୍ଗ୍ ଶାମୁୟେଲ୍ ବାବବାଦିଇଂନେ ବେଲା ଜାକ ଇସ୍ପର ମେଇଂନେ ଆଡ଼ତ୍ରା ବିଚାର୍ କର୍ତ୍ତାଇଂକେ ବାଟେକେ ।

୨୧ ଉଡ଼ିବେଲା ମେଇଂ ମୁଇଂ ଇଃସାଙ୍ଗକେ ଚାଏଁଆର୍‌କେ । ପରମେସର୍ ଆମେଇଂକେ ଚାଲିସ୍ ମୁଆଁ ଜାକ ସାସନ୍ ତିଙ୍ଗନ୍‌ସା ବେଞ୍ଜାମିନ ବଂସନେ କାଶ୍‌ନେ ଉଂଡେ ଶାଉଲକେ ଇଃସାଙ୍ଗ୍ ଆଡ଼ିଙ୍ଗରେ ବିକେ ।”

୨୨ ତେନ୍ ଇଡ଼ିଂ ଇସ୍ପର ଆମେକେ ଇଃସାଙ୍ଗ୍ ଗାଦିବାନ୍ ଆଜରରେ ଦାଉଦକେ ମେଇଂନେ ଇଃସାଙ୍ଗ୍ ଆଡ଼ିଙ୍ଗକେ । ଇସ୍ପର ମୈ ବିସୟରେ ସାକି ବିଃବଗେ “ନେଙ୍ଗ୍ ତିରକମ୍‌ନେ ରେମୁଆଁଇଂକେ ବଲ୍ ବା ହ୍ରିଙ୍ଗକେ ଜେଶୀନେ ଉଂଡେ ଦାଉଦକେ ବାନେଲେକେ, ମୈ ନେନେ ମନ୍ ବିଡ୍‌ରେନେ ବୁଜେନେ ରେମୁଆଁ; ମୈ ସାପା ବିସୟରେ ନେନେ ଇକ୍‌ଚାରେ ସାପା କାମ୍ ତିଙ୍ଗ୍‌ଏ ।

୨୩ ଆକେନ୍ ଦାଉଦନେ ବଂସଦର୍ ଜିସୁକେ ଇସ୍ପର ମୈନେ ଆଦେସ୍ ଇସାବ୍‌ରେ ଇଶ୍ରାୟେଲୀୟ ଜାତିନେ ଆମ୍ବୁ_ଶ୍ଟ୍ରେ ଆଃଡ଼ିଙ୍ଗବକେ ।

୨୪ ☆ଜିସୁ ମେଁନେ କାମ୍ ଆରାମ୍ ଡିଙ୍ଗ୍ଲେ ସେନୁଗ୍ ଜହନ୍ ଇଣ୍ଡାୟେଲୀୟନେ ସାପା ରେମୁଆଁଇଁନେ ତାଗ୍ରା ବାସଙ୍ଗ୍ ତାଗ୍ତେ ବାସଙ୍ଗ୍କେ, ଆମେଇଁକେ ପାପ୍ବାନ୍ ମନ୍ ବଦଲେଚେ ଶ୍ରୁଆଦିକ୍ୟା ତୁଂଡ ପଡେଏ ।

୨୫ ☆ବାରି ଜହନ୍ ମେଁନେ ସେବା କାମ୍ ଆଃତାନେ ସେନୁଗ୍ ରେମୁଆଁଇଁକେ ସାଲ୍ୟାକୁକେ ‘ନେଙ୍ଗ୍ ବିସୟରେ ପେନେ ବାବନା ମେଃନେ ? ପେ ଆଜାକେ ଉର୍ ପେଲେକେ ନେଙ୍ଗ୍ ମେଁ ଶ୍ରୁ ମାତର୍ ଦ୍ରିଗ୍ପା ! ନେଙ୍ଗ୍ ଇଡିଙ୍ଗ୍ ଜା ପାଙ୍ଗ୍ଡିଙ୍ଗ୍କେ ନେଙ୍ଗ୍ ମେଁନେ ଞ୍ଚବାନ୍ ଜୁତା ତୁତଃନ୍ସା ଡିଗ୍ ସକଡ୍ ଶ୍ରୁ’

୨୬ ଅ ବୟାଁଇଁ ଅବ୍ରାହାମ୍ ବଂସନେ ଗୋଗିସିଆଃଇଁ ବାରି ପେ ବିଡରେବାନ୍ ପର୍ମେସର୍କେ ବୁଟଚେ ଲେଃମ୍ୟାକ୍ଲେ ରେମୁଆଁଇଁ ନେ ତାଗ୍ରା ଏନ୍ ଉଦାର୍ ଡିଙ୍ଗ୍ନେ ସାମୁଆଁ ବେବକେ ।

୨୭ ମାତର୍ ମେଁ ଜେ ଉଦାର୍ କର୍ତ୍ତା ଯିରୁସାଲାମ୍ନିଆ ବାସା ଡିଙ୍ଗ୍ଆର୍ଡିଙ୍ଗ୍ ବାରି ମେଇଁନେ ନେତାଇଁ ଆଡେନ୍ ମ୍ୟାଃ ଆଲେଃଆର୍ଗେ ଶ୍ରୁ ମେଇଁ କାଲାଆଃ ସାନ୍ତା କାଲା ବ୍ଲାଲିର୍ ଆଦ୍ରିଗ୍ମ୍ୟାଃକ୍ଲେ ବାବବାଦିଇଁନେ ସାମୁଆଁନେ ଅର୍ଡ ଦ୍ରିଗ୍ ଆଡିଆର୍ଗେ । ତେଲାଡିଗ୍ ଜିସୁକେ ଦସ୍ ବିଚେ ମେଇଁ ବାବବାଦିଇଁନେ ସାମୁଆଁକେ ପୁରା ଆଡିଙ୍ଗ୍କେ ।

୨୮ ☆ମେଇଁ ମେଁନେ ଗୁଏନେ ଡଣ୍ଡ ବିନେ ମେଃଡିଗ୍ ଦସ୍ ମାବାଚେ ଆମେକେ ବାଗୁଏଃ ବିଃନ୍ସା ପିଲାତକେ ବାସଙ୍ଗ୍କେ ।

୨୯ ☆ମେଁ ବିସୟରେ ସାପା ଗୁଆର୍ ବକ୍ଲେ ଗର୍ନାଇଁ ତାକ୍ଲେ ଇଡିଙ୍ଗ୍ ମେଇଁ ଆମେକେ କୁରୁସ୍ବାନ୍ ବୁନ୍ଧେ ଆଜୁଆର୍ଚେ ଗୁଡ୍ମୁ ଆରେଚେ ଆଡିବିଆକେ ।

୩୦ ମାତର୍ ପର୍ମେସର୍ ଆମେକେ ଗୁଏକ୍ଲେ ବାନ୍ ବାରି ମୁଇଁତର୍ ଆଡଡିଆକେ ।

୩୧ ☆ଗୁଲେସି ଜାକ ମେଁ ଏଚେ ଗାଲିଲୀବାନ୍ ଯିରୁସାଲାମ୍ ଖେ ଖିଗ୍

☆ ୧୩:୨୪ ମାର୍ଚ୍ଚ ୧:୪; ଲୁକ୍ ୩:୩. ☆ ୧୩:୨୫ ଜହନ୍ ୧:୨୦; ମାଡିଉ ୩:୧୧; ମାର୍ଚ୍ଚ ୧:୭; ଲୁକ୍ ୩:୧୭; ଜହନ୍ ୧:୨୭. ☆ ୧୩:୨୬ ମାଡିଉ ୨୭:୨୨,୨୩; ମାର୍ଚ୍ଚ ୧୫:୧୩,୧୪; ଲୁକ୍ ୨୩:୨୧-୨୩; ଜହନ୍ ୧୯:୧୫. ☆ ୧୩:୨୯ ମାଡିଉ ୨୭:୫୭-୬୧; ମାର୍ଚ୍ଚ ୧୫:୪୨-୪୭; ଲୁକ୍ ୨୩:୫୦-୫୨; ଜହନ୍ ୧୯:୩୮-୪୨. ☆ ୧୩:୩୧ ପ୍ରେରିତ୍ ୧:୩.

ଡିଙ୍ଗଲେମ୍ୟାଃକେ ରେମୁଆଁକେ ମେଁ ଆଃସୁଏଃକେ । ଏବେ ମେଇଁ
ଇସ୍ରାଏଲ୍ ରେମୁଆଁକେନେ ତାଗ୍ରା ମେଁନେ ସାକି ଲେଃଆକେ ।

୩୨ ନେନେ ଛା ଜାଇଁନେ ତାଗ୍ରା ପାର୍ମାନ୍ ତିଂକ୍ଲେ ବିସୟରେ ନେ
ଆପେକେ ଏନ୍ ନିମାଣ୍ଡାସାମୁଆଁ ଆଦ୍ରିଗ୍ ନେଡିଙ୍ଗକେ ଜେ

୩୩ ଇସପର୍ ଜିସୁକେ ଗୁଏକ୍ଲେ ବାନ୍ ଆତଡ଼ିଆରେ ମେଇଁନେ
ଉଂଡେ ନେ ସାପାରେ ନେଇଁନେ ଆଡାଡା ଆତାନ୍ ପାର୍ମାନ୍
ସମାନ୍ ଆଡିଙ୍ଗ ବକେ । ଦେକରକମ୍ ଦିତିୟ ଗାତସଂହିତାନ୍ନିଆ
ଗୁଆରବକେ: ପେ ନେନେ ଉଂଡେ ଏକେ ନେ ଆପେକେ ଜନମ୍
ନେବକେ ।

‘ନା ନେଙ୍ଗନେ ଉଂ

ଏକେ ନେଙ୍ଗ ନାନେ ଆବା ଶ୍ରିଙ୍ଗେ ।’

୩୪ ପରମେସର୍ ଜିସୁକେ ଗୁଏକ୍ଲେ ବାନ୍ ଆଃତଡ଼୍ୟାବକେ,

ଜେକ୍ରିକି ମେଁନେ ଗାଗଡ଼େ ବାରମ୍ପୁଇଂଡର୍ ମାଆଡିରେ ଚିନା ଆଡିଙ୍ଗ ।

ଆକେନ୍ ବିସୟରେ ମେଁ ବାସଙ୍ଗକେ

‘ନେଙ୍ଗ ଦାଉଦ ତାଗ୍ରା ପାର୍ମାନ୍ ତିଂକ୍ଲେ ଡିଙ୍ଗମ୍ପକ୍ଲେ ପବିତ୍ର ବାରି
ଅଃନାଡିଗ୍ ମାଗୁଞ୍ଜେନେ ଆସିରବାଦ୍ ଆପେକେ ମ୍ପିଏ ।’

୩୫ ସାସ୍ତରନେ ବାରମ୍ପୁଇଂ ଜାଗାନ୍ନିଆ ଗୁଆରବକେ,

‘ନା ନାନେ ବିସବାସ୍ ସେବକକେ ରାଃତ୍ୟାନ୍ନିଆ ଚିନାବାନା ଡିଙ୍ଗନ୍ସା
ଆନ୍ତାର ନାବି ଶ୍ରି ୟୁ ।’

୩୬ ଦାଉଦ ମେଁନେ ସାସନ୍ କେଲା ଇସପର୍ନେ ଉଦେସକେ ପୁରନ୍
ଡିଂରେ ଇଡ଼ିଙ୍ଗ ମେଁ ଗୁଏକେ ବାରି ଛା ଜାଇଁ ଏଡେ ରାଃତ୍ୟାମ୍ପୁନ୍ନିଆ
ଆତି ଆକେ । ମାତର୍ ମେଇଁନେ ଗାଗଡ଼େ ରାଡିଆମ୍ପୁନ୍ନିଆ ଚିନାବାନା
ଡିଙ୍ଗକେ ।

୩୭ ମାତର୍ ଇସପର୍ ଆଜାକେ ଗୁଏକ୍ଲେ ବାନ୍ ଆତଡ଼ିଆକେ ମେଁ
ମେଃଡିଗ୍ ରକମ୍ ଚିନା ବାନା ଆଡିଙ୍ଗକେ ଶ୍ରି ୟୁ ।

୩୮ ଏ ବୟାଁକ୍ ପେ ସାପାରେ ସଡ଼ ବାବରେ ମ୍ୟାନେ ଦରକାର୍
ଜେ ମୁଇଁ ମାପୁର୍ ଜିସୁନେବାନ୍ ନା ତାଗ୍ରା ପାପ୍ କେମାନେ ସାମୁଆଁ
ବାସଙ୍ଗବଆରକେ । ମୋଶାନେ ନିୟମବାନ୍ ଉଦାର୍ ବା ଆୟାକ୍ଲେ
ସାପାରେ ଆଡେନ୍ ଜିସୁନେ ତାଗ୍ରା ବିସବାସ୍ ତିଂନେ ବାନ୍ ଆଃ ଉଦାର୍
ବାଆରବ; ଆକେନ୍ ପେ ବୁଜେନେ ଦରକାର୍ ।

୩୯ ବାରି ମୋଶାନ୍ ନିୟମ୍ ବାନ୍ ଜା ସାପା ବିସୟରେ ପେ ମୁକ୍ତି
ବାରେ ଦାର୍ମିକ୍ ଗନିତ୍ ତିଙ୍ଗ୍ ପେୟାକେ ଶ୍ରୁ ହିସ୍ବାସ୍ ତିଙ୍ଗ୍ମ୍ୟାଃକ୍
ରେମୁଆଁ ସାପାରେ ମେବାନ୍ ଆତେନ୍ ସାପା ବିସୟରେ ମୁକ୍ତି ବାରେ
ଦାର୍ମିକ୍ ଗନିତ୍ ତିଙ୍ଗ୍ଆରଲେ ।

୪୦ ସାବ୍ଦାନ୍ ବାବବାଦିଇଂ ମୈ ବାସଙ୍ଗ୍ବଗେ ଆତେନ୍ ଜେକ୍ତିକି ପେ
ବିତ୍ରେ ମାଗଚେ ।

୪୧ ଏ ଅମାନି ରେମୁଆଁଇଂ ପେ ବକ୍ତୁଆ ତିଗ୍ ପେତିଙ୍ଗ୍ଏ ବାରି ଇଡ଼ିଙ୍ଗ୍
ଗୁଏନ୍ସା ପେଖେଏ;

ମାତର୍ ନେଙ୍ଗ୍ ପେ କେଲା ଦେକ୍ରକମ୍ ମୁଇଂ କାମ୍ ଶ୍ରିଙ୍ଗ୍ଏ’
ଜାଡିଗ୍ ଆପେକେ ଆଦ୍ରିଗ୍ରେ ବାସଙ୍ଗ୍ଲା ତିଗ୍
ପେ ବିସ୍ବାସ୍ ପେତିଙ୍ଗ୍ ଶ୍ରୁ”

୪୨ ପାଉଲ୍ ବାରି ବର୍ଣ୍ଣବା ପାର୍ତନା ତୁଆ ଆନ୍ତାର୍ରେ ଖେନେ ବେଲା
ପାଙ୍ଗ୍ନେ ସାନ୍ତା କାଲା ଆଣ୍ଡେ ପାଙ୍ଗ୍ରେ ଆକେନ୍ ସାପା ସାମୁଆଁ ବାରି
ଅଦିକ୍ ଆଦ୍ରିଗ୍ ନ୍ସା ଆମେଇଂକେ ରେମୁଆଁଇଂ ଗୁଆରି ତିଙ୍ଗ୍ଆରକେ
।

୪୩ ରେମୁଆଁଇଂ ପାର୍ତନା ତୁଆନ୍ନିଆ କୁକପାର୍ ତାକ୍ ଇଡ଼ିଙ୍ଗ୍
ଜିଉଦି ରେମୁଆଁ ବାରି ଜିଉଦି ଦର୍ମ୍ ଗୁଅନ୍ ତିଙ୍ଗ୍ଲେଆରକ୍ଲେ ବିନ୍ ଜାତି
ରେମୁଆଁଇଂ ପାଉଲ୍ ବାରି ବର୍ଣ୍ଣବାନେ ପ୍ଲା ଖେଆକେ ସିସ୍ଇଂ ମେଇଂ
ଏତେ ବାଲିରବାତାରେ ଇସ୍ପର୍ରେନେ ଅନୁଗ୍ରାଅରେ ଜିବନ୍ କାଚେ ନ୍ସା
ଆମେଇଂକେ ବାସଙ୍ଗ୍କେ ।

୪୪ ପାଙ୍ଗ୍ନେ ସାନ୍ତା କାଲା ସଅର୍ରେନେ ସାପାରେ ମାପୁରେନେ ବ୍ଲାଇର୍
ଦ୍ରିଗ୍ ନ୍ସା ରିସିଙ୍ଗ୍ ଆକେ ।

୪୫ ରେମୁଆଁ ଗଅଲି କେଚେ ଜିଉଦିଇଂ ରିସାଡିଙ୍ଗ୍ଆକେ ବାରି
ପାଉଲ୍ନେ ସାମୁଆଁରେ ବିରଦ୍ ତିଙ୍ଗ୍ରେ ଅପମାନ୍ ରକମ୍ନେ ସାମୁଆଁ
ବାସଙ୍ଗ୍ଆକେ ।

୪୬ ମାତର୍ ପାଉଲ୍ ବାରି ବର୍ଣ୍ଣବା ସାଆସ୍ରେ ବାସଙ୍ଗ୍ଆକେ
“ଇସ୍ପର୍ରେନେ ନିମାଣ୍ଡା ସାମୁଆଁ ପେ ତାଗ୍ରା ପର୍ତ୍ତୁମ୍ ବାସଙ୍ଗ୍ନେ
ଦର୍କାର୍ ଲେଃଗେ । ମାତର୍ ପେ ମାଡାନେ ଜିବନ୍ ବାନ୍ସା ନିଜେକେ
ଅଜଗ୍ୟ ବାବେଚେ ଆକ୍ଲେକେ ମନା ତିଂପେତିଂକେସା ନେ ଆପେକେ
ଆନ୍ତାର୍ରେ ବିନ୍ ଅଣଜିଉଦି ରେମୁଆଁ ତାଗ୍ରା ନେଖେଏ ।

୪୭ ମାପରୁ ଆନେକେ ଆକେନ୍ ଆଦେସ୍ ବିବକେ:
‘ନେଙ୍ଗ୍ ଆନାକେ ଅଣଜିଉଦି ରେମୁଆଁଇଂ ନସା ତାରକିଗସ ରକମ୍
ଆଡିଙ୍ଗ୍ମକେ ।

ତିତିକି ସର୍ତେ ମଞ୍ଚପୁର୍ ଉଦାର ବାଆର୍ସ ।’ ”

୪୮ ଅଣଜିଉଦି ରେମୁଆଁଇଂ ଆକେନ୍ ସାମୁଆଁ ଦ୍ଵିଗ୍ତେ ସାରଦା
ଡିଙ୍ଗ୍ଆକେ ବାରି ମାପରୁନେ ସାମୁଆଁ ନସା ପ୍ରସଂସା ଡିଙ୍ଗ୍ଆରକେ ।
ଜାଣ୍ଠେଇଂ ମାତାଙ୍ଗେ ଜିବନ୍ସା ପାଙ୍ଗ୍ଲେଆଗେ ଆତେନ୍ ରେମୁଆଁଇଂ
ମାପରୁନ୍ନିଆ ବିସ୍ବାସ୍ ଡିଙ୍ଗ୍ଆକେ ।

୪୯ ଆତେନ୍ ଏରିଆନେ ସାପା ଜାଗାନ୍ନିଆ ମାପରୁନେ ସାମୁଆଁ
ବେପ୍ରେ ଝେକେ ।

୫୦ ଜିଉଦିଇଂ ଜିଉଦି ଦର୍ମନେ ମ୍ନା ବଂସନେ ସେଲାମ୍ପୁଃ
ରେମୁଆଁଇଂକେ ବାରି ଇନିନେ ମ୍ନାଃ ରେମୁଆଁଇଂକେ ରିସା ତିଂତେ
ପୁଜା ଡିଙ୍ଗ୍ଆକେ । ମେଇଂ ପାଉଲ୍ ବାରି ବର୍ଣ୍ଣବା ବିରଦ୍ରେ ବିନ୍ରେ
ବାସଙ୍ଗ୍ବିଆକେ । ମେଇଂ ଆମେଇଂକେ ତାଡ୍ନା ଡିଙ୍ଗ୍ନେ ଆରାମ୍
ଡିଙ୍ଗ୍ଆକେ ବାରି ଆମେଇଂକେ ଆତେନ୍ ଏରିଆବାନ୍ ନୁଆଁ ବିଆରକେ
।

୫୧ ☆ପାଉଲ୍ ବାରି ବର୍ଣ୍ଣବା ଆତେନ୍ ରେମୁଆଁଇଂକେ ବିରଦ୍ରେ
ନିଜେ ନିଜେନେ ସ୍ତନେ ଦୁଲି ପାଃତେ ଇକନିୟ୍ ଇନିନ୍ନିଆ ଝେଆକେ ।

୫୨ ଆଣ୍ଟିୟକନେ ବିସ୍ବାସିଇଂ ପବିତ୍ର ଆମ୍ନା ବାତେ ବାରି
ସାରଦାରେ ଲେଃଆଗେ ।

୧୪

ଇକନିୟ୍ନିଆ ସେବା କାମ୍

୧ ଇକନିୟ୍ ତିଗ୍ ଦେତୁଆ ଗର୍ନା ଗଟେକେ ପାଉଲ୍ ବାରି ବର୍ଣ୍ଣବା
ପାରତନା ତୁଆଇଂ ଅରିଆ ଝେତେ ତେକ୍‌ରକମ୍ ବାବ୍ରେ ବାସଙ୍ଗ୍
ଡିଙ୍ଗ୍ଆରକେ ଜେ ଜାବର୍ ସଂକ୍ୟାରେ ଜିଉଦି ବାରି ଗ୍ରାକ୍ ରେମୁଆଁଇଂ
ଜିସୁ କିସ୍ତ ତାଗ୍ରା ବିସ୍ବାସ୍ ଡିଙ୍ଗ୍ଆକେ ।

☆ ୧୩:୫୧ ମାଡିଉ ୧୦:୧୪; ମାରକ ୭:୧୧; ଲୁକ ୯:୫; ୧୦:୧୧.

୨ ମାତର ଅବିସ୍‌ବାସି ଜିଉଦିଇଁ ଅଣଜିଉଦି ରେମୁଆଁଇଁନେ ମନକେ ଆତେନ୍ ବୟାଁଇଁନେ ବିରଦ୍‌ରେ ଦଦ୍ୟା ବାବ୍‌ନା ଆଃମ୍ୟାଃଆକେ ।

୩ ତେଲାଡିଗ୍ ପାଉଲ୍ ବାରି ବର୍ଣ୍ଣବା ଆଡ୍‌ଅରିଆ ଗୁଲେସି ଲେଃଆକେ ବାରି ମାପ୍‌ରୁନେ ବ୍ଲାଲିର୍ ସାଆସ୍ ସାତେ ପରଚାର୍ ଡିଙ୍ଗ୍‌ଆକେ । ଆମେଇଁକେ ବିଚେ ମାପ୍‌ରୁ ଚିନ୍ ଆରି କାବା ଡିଙ୍ଗ୍‌ନେ କାମ୍ ସାପା ଡିଙ୍ଗ୍‌କେ ବାରି ଅନୁଗ୍ରଅନେ ବ୍ଲାଲିର୍ ବିସୟ୍‌ରେ ସାକି ବିକେ ।

୪ ଇନିନେ ରେମୁଆଁଇଁ ମ୍ପାର୍ ବାଗ୍ ଡିଙ୍ଗ୍ ଝେଆକେ । ଉଡ୍‌ରୁଆ ଜିଉଦି ପାକା ବାରି ଉଡ୍‌ରୁଆ ସିସ୍‌ଇଁପାକା ।

୫ ଅଣଜିଉଦି ବାରି ଜିଉଦି ରେମୁଆଁଇଁ ମେଇଁ ଏତେ ଦଦ୍ୟା ବେବଆର୍ ଡିଙ୍ଗ୍‌ନେସା ବାରି ମେଇଁ ଆଡାଡା ବ୍ରି ଚୁନ୍‌ସା ନେତାଇଁ ଏତେ କୁଡେଆକେ ।

୬ ପାଉଲ୍ ବାରି ବର୍ଣ୍ଣବା ଆକେନ୍ ମ୍ୟାଃତେ ଲୁକାଅନିଆନେ ଲୁସ୍ତା ବାରି ଦର୍ବୀ ଇନିନ୍ନିଆ ବାରି ଆତେନ୍ ପିତୁର୍‌ପାକା ଲେଃକ୍ଲେ ଏରିଆପାକା ଲାଗ୍‌ଡାଆକେ ।

୭ ବାରି ମେଇଁ ଆଡ୍‌ଅରିଆ ମାପ୍‌ରୁନେ ନିମାଣ୍ଡାସାମୁଆଁ ପରଚାର୍ ଆରାମ୍ ଡିଙ୍ଗ୍‌ଆକେ ।

ଲୁସ୍ତା ବାରି ଦର୍ବୀ ଇନିନ୍ନିଆ ସେବା କାମ୍

୮ ଲୁସ୍ତା ଇନିନ୍ନିଆ ମୁଇଁ ଜନମ୍‌ବାନ୍ ଚଟା ମୁଇଁଜା ଲେଃଗେ ମେଁ ଅଃନାଡିଗ୍ ଅଲେଙ୍ଗ୍ ଯା ଆଡିଂଗେ ଶୁ ।

୯ ଆଡ୍‌ଅରିଆ କଚେ ପାଉଲ୍‌ନେ ପରଚାର୍ ଡିଙ୍ଗ୍‌ଡିଂକ୍ଲେ ବ୍ଲାଇର୍ ଅଁ ଡିଙ୍ଗ୍‌ଗେ । ପାଉଲ୍ ଆମେକେ ସାର୍‌ମୁଆଃ ସିଦା ଆଡିଙ୍ଗ୍‌ଚେ କେକେ ଜେ ମେଁ ନିମାଣ୍ଡା ଡିଙ୍ଗ୍‌ଇଁୟାଏ ଡାଗ୍‌ଚେ ମେଁନେ ବିସ୍‌ବାସ୍ ଲେଃଗେ ।

୧୦ ମେଁ ଝାସାର୍‌ଚେ ବାସଙ୍ଗ୍‌କେ “ପାଦ୍‌ଚ ଡିଙ୍ଗ୍‌ଆ ଲିଗ୍‌ଚେ ସିଦା ତୁଆଁ !” ଆଡ୍‌ବାନ୍ ଆତେନ୍ ରେମୁଆଁ ପୁଏଚେଆଁଚେ ପିତୁର୍ ପାକା ଅଲେଙ୍ଗ୍‌ନେ ମୁଲେକେ ।

୧୧ ଆଡ୍‌ଅରିଆ ପାଙ୍ଗ୍‌ଲେ ଆର୍‌କ୍ଲେ ରେମୁଆଁଇଁ ପାଉଲ୍‌ନେ ଆକେନ୍ କାମ୍ କେଚେ ମେଇଁନେ ଲୁକାୟନ୍ନିଆ ବ୍ଲାସାରେ କିରଚେ

ବାସଙ୍ଗଆକେ “ଦେବତାଲ୍ ରେମୁଆଁ ରୁପ୍ ସାତେ ନେ ତାଗ୍ରା ପାଙ୍ଗଲେଃଆକେ ।”

୧୨ ରେମୁଆଁଲ୍ ବର୍ଣ୍ଣବାକେ ଜିଅସ୍ ମାପରୁ ତାଗ୍ରତେ ବାସଙ୍ଗଆକେ ବାରି ପାଉଲ୍ ମ୍ନା ବନ୍ଧା ଡିଙ୍ଗଲେଃଲ୍ ଆମେଇଁକେ ହେରମିସ୍ ବା ବୁହସ୍ତୁଡି ଦେବତା ତାଗ୍ରତେ ବାସଙ୍ଗଆରକେ ।

୧୩ ଆତେନ୍ ସଅର୍ ସାମ୍ନେ ଆଃରେବକ୍ଲେ ଜିଅସ୍ ମନ୍ଦିରନେ ପୁଜାରି ସହରନେ କାପାଟ୍ ତାଗ୍ରା ଉଡିକ୍ଲିଗ୍ ଅରେଃକେ ସାରି ଆଚକ୍ତେ ତୁଙ୍ଗପାଙ୍ଗଆକେ । ପୁଜାରି ବାରି ରେମୁଆଁଲ୍ ପାଉଲ୍ ବାରି ବର୍ଣ୍ଣବାକେ ଆକେନ୍ ମାପରୁନେ ମ୍ନିରେ ଗୁଆଗନ୍ସା ଇକ୍ଟା ଡିଙ୍ଗଆଡିଡିଙ୍ଗେ ।

୧୪ ମାତର୍ ପ୍ରେରିତ୍ ସିସ୍ଲ୍ ପାଉଲ୍ ବାରି ବର୍ଣ୍ଣବା ଆକେନ୍ ସାମୁଆଁ ଦ୍ରିଗ୍ରତେ ନିଜେନେ ସକା ପାଟାଲ୍ ସେଗାର୍ ବିଆରକେ । ମେଁଲ୍ ରେମୁଆଁଲ୍ନେ ପାକା ଝିର୍ ଝେତେ କିରତେ ବାସଙ୍ଗନେ ମୁଲେଆକେ

୧୫ “ଏ ରେମୁଆଁଲ୍ ପେ ଦେକ୍ତରକମ୍ ମେଁସା ଡିଙ୍ଗପେଡିଙ୍ଗକେ ? ନେ ଡିଗ୍ର ପେ ରକମ୍ ମୁଲ୍ ରେମୁଆଁ । ନେ ଆପେକେ ମାପରୁ ସାମୁଆଁ ବାସଙ୍ଗ ନ୍ସା ପାଙ୍ଗନେଲେଃକେ । ଆପେକେ ଆକେନ୍ କାମ୍ ଶୁବୁନ ସାମୁଆଁବାନ୍ ସ୍ଲ ଲେଃତେ ଜିବନ୍ ପର୍ମେସର୍ନୁଆ ମନ୍ ଆଆଁଶ୍ଟେ ନ୍ସା ନେ ପାଙ୍ଗନେ ଲେଃକେ । ଆତେନ୍ ପର୍ମେସର୍ କିତଂଇନି ଦରତନି ଆରି ମ୍ନା କେଣ୍ଡିଆ ବାରି ଆଡ୍ ଅରିଆ ଲେଃଡିଂକ୍ଲେ ସାପା ବିସଏ ଆରେ ବକେ ।

୧୬ ମେଁ ନିଜର୍ ଇକ୍ଟାରେ ନିଜେନେ ଗାଲି ଝେନ୍ସା ଇସ୍ପର୍ ରେମୁଆଁଲ୍କେ ଆନ୍ତାର୍ ବିବଗେ ।

୧୭ ମାତର୍ ମେଁନେ ସାପା ନିମାଣ୍ଡା କାମ୍ବାନ୍ ମେଁ କାଲାଆଃ ମେଁନେ ତ୍ରିବାନ୍ ସୁଚନା ବିବକେ; ମେଁ କିତଂଇନିବାନ୍ ଶୁଆ ଆଗୁରଏ ଆରି ଟିକ୍ ବେଲା କିଆ ବିଃମ୍ୟାକେ ଚଙ୍ଗନେ ବିଃମ୍ୟାକେ ଆରି ସାର୍ଦାରେ ପେ ମନ୍ ଆନ୍ ମ୍ୟାଃକେ ।”

୧୮ ଆକେନ୍ ସାପା ସାମୁଆଁ ବାଲିରତେ ବେକ୍ଲେ ସିସ୍ଲ୍ ମେଃଡିଗ୍ ଆନେଙ୍ଗକେ ଗୁଆଗନ୍ସା ଆମେଇଁକେ ମନା ଡିଂ ଯାକେ ।

୧୯ ପିସିଦିଆନେ ଆଣ୍ଡିୟୋଖ ଆରି ଇକନିୟବାନ୍ ଉଡିରୁଆ ଜିଉଦି ପାଙ୍ଗଲେଃଆକେ ମେଁ ରେମୁଆଁଲ୍କେ ଝେବାସଙ୍ଗତେ ପାଉଲ୍କେ

ତ୍ରି ଏତେ ଚୁଆକେ । ମେଁ ଗୁଏଝେଗେ ଡାଗ୍‌ରେ ବାବେରେ ମେଇଁ
ଆମେକେ ସହର୍ ବାଏରେ ଉର୍‌ଗୁରେ ହୁଂଝେଆକେ ।

୨୦ ମାତର୍ ସିସ୍‌ଇଂ ପାଉଲ୍‌ନେ ପିତୁର୍‌ପାକା ଗେରେ ବିଲା ମେଁ
ତଡ଼ିଆରେ ସହର୍ ପାକା ଅଲେଙ୍ଗ୍ ଝେକେ । ତେନ୍ ମାର୍‌ତଡ଼େ ମେଁ
ଆରି ବର୍ଣ୍ଣବା ଏତେ ଦର୍ବୀ ସହର୍ ଝେଆକେ ।

ପାଉଲ୍ ଆରି ବର୍ଣ୍ଣବା ସିରିଆନେ ଆନ୍ତିକିୟାନ୍ନିଆ ଆଣ୍ଡେ
ପାଙ୍ଗ୍‌ଆକେ

୨୧ ପାଉଲ୍ ଆରି ବର୍ଣ୍ଣବା ଦର୍ବୀ ସଅର୍‌ନ୍ନିଆ ମାପରୁ ସାମୁଆଁ
ପରଚାର୍ ତିଂଆକେ । ଗୁଲେରୁଆ ଜିସୁନେ ସିସ୍ ତିଙ୍ଗ୍‌ଆକେ । ଇଡ଼ିଙ୍ଗ୍
ବର୍ଣ୍ଣବା ଆରି ପାଉଲ୍ ଲୁସ୍ତା ଇକନିୟ ଆରି ଆଣ୍ଟିୟୋଖ ଡାଗ୍ରା ଆଣ୍ଡେ
ଝେଆକେ ।

୨୨ ମେଇଁ ସିସ୍‌ଇଂନେ ମନ୍‌କେ ସାନ୍‌ତି ଆତିଙ୍ଗ୍‌କେ ବାରି
ବିସ୍‌ବାସ୍‌ରେ ତାଟ୍ ଲେଝନ୍‌ସା ଆନେଡ଼ିଆ ଆକେ । ମେଇଁ ବୁଦି
ବିରେ ବାଲିର୍‌କେ “ଇସ୍‌ପରନେ ରାଜିନ୍ନିଆ ଗାନ୍‌ସା ଆନେକେ
ଜାବର୍ ଦୁକ୍ କସ୍‌ ବାରେ ଅଲେଙ୍ଗ୍‌ନେ ତିଙ୍ଗ୍‌ଏ ।”

୨୩ ସାପା ମଣ୍ଡଲିନ୍ନିଆ ମ୍ବାନେତାଇଂକେ ସ୍ତ୍ରୀ ଆକେ । ମେଇଁ ଆକେନ୍
ଦର୍ମ ନେତା ନେତାଇଂନେ ଆଡ଼ଲା ଉପାସ୍ ପାର୍‌ତନା ତିଂଆକେ ।
ଆକେନ୍ ଦର୍ମ ନେତା ନେତାଇଂ ମାପରୁ ଜିସୁ ଡାଗ୍ରା ବିସ୍‌ବାସ୍ ତିଂ
ବଆର୍‌କେ । ତେନ୍‌ସା ପାଉଲ୍ ଆରି ବର୍ଣ୍ଣବା ଆମେଇଂକେ ମାପରୁ
ଡାଗ୍ରା ଅପେଃ ବିଆର୍‌କେ ।

୨୪ ପିସିଦିଆ ବିରେ ମେଇଁ ପଂପୁଲିୟାନ୍ନିଆ ପାଙ୍ଗ୍‌ଆକେ ।

୨୫ ଆଡ଼ଅରିଆ ପର୍ଗାନ୍ନିଆ ପରଚାର୍ ତିଂରେ ଆଡ଼ାଲିଆନୁଗ୍
ଝେଆକେ ।

୨୬ ଆଡ଼ବା ମେଇଁ ଶ୍ରିଆ ଗାଲି ବିରେ ଆଣ୍ଟିୟକନ୍ନିଆ ପାଙ୍ଗ୍‌ଆକେ
। ଆକେନ୍ ଆଣ୍ଟିୟକନ୍ନିଆ ବିସ୍‌ବାସିଇଁ ଆମେଇଂକେ ଆକେନ୍ କାମ୍
ତିଂନେସା ଇସ୍‌ପର୍ ଡାଗ୍ରା ଅନୁଗ୍ରାଅରେ ସମର୍‌ପିଡ଼ ତିଙ୍ଗ୍‌ରେ ଆତେନ୍
ଜାଗାବାନ୍ ତାର୍ ଲେଝଆଗେ ।

୨୭ ମେଇଁ ଆଣ୍ଟିୟକନ୍ନିଆ ଖେଟାଚେ ମଣ୍ଡଲିନେ ରେମୁଆଁଇଁକେ ରାସିଁକେ । ଇସପର୍ ମେଇଁ ଆଡ଼ାଡ଼ା ମେଁନେ ସାପା ତିଁ ବଆଗେ ଆରି ବିନ୍ ଅଣଜିଉଦିଇଁନେ ବିସବାସ ନସା ତିରକମ୍ ଗାଲି ର୫ବି୫ ବଗେ ଆଡେନ୍ ସାପା ଆମେଇଁକେ ଆମ୍ୟା୫କେ ।

୨୮ ଆଡ଼ଅରିଅ ବିସବାସିଇଁ ଏଡେ ମେଁ ଗୁଲେସି ଲେ୫ଗେ ।

୧୫

ଧିରୁସାଲାମନ୍ନିଆ ବିସବାସିଇଁନେ କୁକପାର୍

୧ ଜିଉଦା ପ୍ରଦେସବାନ୍ ଉଡ଼ିରୁଆ ରେମୁଆଁ ଆଣ୍ଟିଅକିଆନ୍ନିଆ ପାଙ୍ଗଚେ ମୋଶାନେ ନିୟମ୍ ଅନୁସାରେ ମେଇଁ ପବିତ୍ର ଆଡ଼ିଙ୍ଗାଲ ପରିତ୍ରାନ୍ ବା ଆୟାଆର୍ ଶୁ ଡ୍ରାଗ୍ରେ ବୟାଁଇଁକେ ସିକ୍ୟା ବିଆରକେ ।

୨ ଏନ୍ ବିସୟରେ ମେଇଁ ଏଡେ ପାଉଲ୍ ଆରି ବର୍ଣ୍ଣବାକେ ଜବର୍ କୁକ୍ତାକୁକ୍ତି ତିଁଲା ଏନ୍ ଉପାୟ ତିଁଆରକେ ଜେ ପାଉଲ୍ ବର୍ଣ୍ଣବା ଆରି ଆଣ୍ଟିୟକିଆନେ ବାରି ଉଡ଼ିରୁଆ ଧିରୁସାଲାମନ୍ନିଆ ଖେଚେ ବେନ୍ ସିସଇଁ ଆରି ମଣ୍ଡଲିନେ ମ୍ଲରେଇଁ ଏଡେ ଆକେନ୍ ବିସୟରେ ବୁଜା ସୁଜା ପେଡିଏ ।

୩ ମଣ୍ଡଲିଇଁ ଆମେଇଁକେ ଗାଲି ସାମୁଆଁରେ ବାଲିରଚେ ବେବିକ୍ଲେ ଇଡ଼ିଙ୍ଗ୍ ମେଇଁ ଫୈନିକୀୟା ଆରି ସମରିଆ ଗାଲି ଖେବେଲା ଅଣଜିଉଦିଇଁକେ ମନ୍ ବଦଲେଚେ ଇସପର୍ ତାଗ୍ରା ପାଁଲେଆକେ ଆଡେନ୍ ବିସୟରେ ଆମ୍ୟା୫ଆକେ । ଆକେନ୍ କବର୍ ଅଁଚେ ବୟାଁଇଁ ଜାବର୍ ସାରଦା ତିଁଆକେ ।

୪ ଇଡ଼ିଙ୍ଗ୍ ମେଇଁ ଧିରୁସାଲାମନ୍ନିଆ ପିଙ୍ଗଚାଚେ ମଣ୍ଡଲି ବାରି ପ୍ରେରିତ୍ ସିସ ଆରି ସେବକଇଁ ଆମେଇଁକେ ସାଲ୍ ଆକେ । ଇସପର୍ ମେଇଁନେବାନ୍ ତିଁବକ୍ଲେ କାମ୍ ବିସୟରେ ପାଉଲ୍ ଆରି ବର୍ଣ୍ଣବା ଆମେଇଁକେ ଆମ୍ୟା୫କେ ।

୫ ମାତର୍ ଫାରୁଶୀ ଦଲ୍ନେ ଉଡ଼ିରୁଆ ବିସବାସି ତଡ଼ିଆଚେ ବାସଙ୍ଗଆକେ “ଅଣଜିଉଦିଇଁକେ ପବିତ୍ର ତିଁନେ ଆରି ମୋଶାନେ ନିୟମ୍ ମାନେନ୍ସା ଆମେଇଁକେ ଆଦେସ୍ ବିନେ ଦରକାର ।”

୬ ଏନ୍ ବିସୟରେ ବାଲିର୍ ବାତାନସା ପ୍ରେରିତ୍ ସିସ୍ଲଂ ଆରି ସେବକଇଂ ମୁଇଂତୁଗ୍ ରିସିଂ ଆକେ ।

୭ ☆ଜାବର୍ ପର୍ ବାଲିର୍ ବାତାକ୍ଲେ ଇଡ଼ିଙ୍ଗ୍ ପିତର୍ ତୁଆଁରେ ବାଲିର୍କେ “ବୟାଁ ଆରି ତନାଇଂ ପେ ମ୍ୟାଃ ପେଲେଃକେ ଜେ ଗୁଲେସି ଅଃସେ ଇସ୍ପର୍ ଅଣଜିଉଦିଇଂନେ ତାଗ୍ରା ନିମାଣ୍ଡା ସାମୁଆଁ ପରତାର୍ ତିଂରେ ଆଡ଼ବା ମେଇଂନେ ବିସ୍ବାସ୍ ଆଡ଼ିଂନେ ନସା ପେ ବିତ୍ରେବାନ୍ ଆନେଙ୍ଗ୍କେ ସ୍ତ୍ରୀବକେ ।

୮ ବାରି ସାପାରେନେ ମନ୍ ବିତ୍ରେନେ ଚିନ୍ତା ମ୍ୟାଡ଼ିଂକ୍ଲେ ଅନ୍ତର୍ଯ୍ୟାମି ଇସ୍ପର୍ ଆନେକେ ଡିରକମ୍ ପବିତ୍ର ଆମ୍ବା ବିବକେ ଅଣଜିଉଦିଇଂକେ ଡିଗ୍ ଦେଡ଼ରକମ୍ ଦାନ୍ବିଚେ ମେଇଂକେ ପାକା ସାକି ବିଃବକେ ।

୯ ବାରି ମେଁ ନେଁତାଗ୍ରା ବାରି ମେଇଂନେ ବିତ୍ରେ ମେଃଡ଼ିଗ୍ ଏଡ଼ ବିଚାର୍ ମାବଚେ ବିସ୍ବାସ୍ ଏଡେ ମେଇଂନେ ଜିବନ୍କେ ପବିତ୍ର ଆଃଡ଼ିଙ୍ଗ୍ବକେ ।

୧୦ ତେଲ୍ଲା ଆଣ୍ଡିନେ ରିଗ୍ନ ତୁଂନେସା ନେନେ ଅସେନେ ଛା ଞ୍ଜାଇଂ ଆରି ନେ ଡିଗ୍ ମାନେଃ ନେୟାକେ ପେ ତ ଏବେ ବିସ୍ବାସିଇଂନେ ପ୍ଲା ଗାଗଡ଼େନ୍ନିଆ ଆଡେନ୍ ଲାଦେ ବିଚେ ମେଁସା ଇସ୍ପର୍କେ ପରିକ୍ୟା ତିଂନେନସା ଚାଏପେଡ଼ିଂକେ ?

୧୧ ଶୁ ଏନ୍ ଚିକ୍ ଶୁ । ମେଇଂ ଆଣ୍ଡିନେ ବିସ୍ବାସ୍ ତିଂରେ ଉଦାର୍ ବାଲେଃଆକେ, ନେ ଡିଗ୍ ଚିକ୍ ଦେଡ଼ରକମ୍ ବିସ୍ବାସ୍ ତିଂରେ ମାପୁରୁ ଜିସୁନେ ଅନୁଗ୍ରଥବାନ୍ ଉଦାର୍ ବାନେଲେଃକେ ।”

୧୨ ପାଉଲ୍ ଆରି ବର୍ଣ୍ଣବାନେବାନ୍ ଅଣଜିଉଦିଇଂନେ ବିତ୍ରେ ଇସ୍ପର୍ ଆଣ୍ଡିନେ ସାପା ଚିନ୍ ଆରି ଇରିଆଡୁଗ୍ନେ ବିସୟ ପୁରନ୍ ତିଂବଗେ ମେଇଂନେବାନ୍ ମେଁନେ ସାମୁଆଁ ଅଁରେ ଦଲ୍ଲନେ ସାପାରେ ବୁଙ୍ଗ୍ ଲେଃଆଗେ ।

୧୩ ମେଇଂ ବାଲିର୍ ଆତାକ୍ଲେ ଇଡ଼ିଙ୍ଗ୍ ଜାକୁର୍ ବାଲିର୍କେ “ଅ ବୟାଁ ତନାଇଂ ନିଙ୍ଗ୍ ସାମୁଆଁ ଦ୍ଵିଗ୍ପା !

୧୪ ଇସ୍ପର୍ ଡିରକମ୍ ଅନୁଗ୍ରଥ ଆଡ଼ିଂରେ ନିଜର୍ ମିନ୍ସା ଅଣଜିଉଦିଇଂନେ ବିତ୍ରେ ଉଡ଼ିରୁଆକେ ମେଇଂନେସା ସ୍ତ୍ରୀ ବକେ

ଶିମୋନ ଆଡେନ୍ ସାମୁଆଁ ଆବୁଜେ ବକେ ।

୧୫ ବାବବାଦିଇଂନେ ସାମୁଆଁ ଆକେନ୍ ପୁରାପୁରି ବାବରେ ମିସୁ ଡିଂକେ । ତିରକମ୍ କି ସାସ୍ତ୍ରନିଆ ଗ୍ଲୁଆର୍ ଲେଃକେ;

୧୬ ‘ମାପୁରୁ ବାଲିର୍ ଡିଂକେ

ଏନ୍ ଇଡିଙ୍ଗ୍ ନେଙ୍ଗ୍ ଆଣ୍ଡେ ମାଙ୍ଗ୍

ଆରି ଦାଉଦ୍ନେ ତିପଗ୍ ଲେଃକେ କୁଡିଆ ବାରି ମୁଇଂତର୍ ଶ୍ଟାରେଏ’
ଆରି ମେଁନେ ଦଂସ ଡିଂକେ ଜାଗା ବାରି ମୁଇଂତର୍ ଆରେତେ ଶ୍ଟା ତୁଆଁଏ ।

୧୭ ସାପା ରେମୁଆଁ ନେଙ୍ଗ୍ ତାଗ୍ରା ପାଙ୍ଗ୍ଆର୍ଏ ଆଣ୍ଡିନେ
ଅଣଜିଉଦିଇଂକେ ନେଙ୍ଗ୍ ତାଗ୍ରା ଆମିସୁନ୍ସା ୱା ମୁକେ
ମେଇଂ ସାପାରେ ମାପୁରୁନେ ତାଗ୍ତେ ବାସଙ୍ଗ୍ ଆର୍ଏ ।

୧୮ ମାପୁରୁ ଏନ୍ ସାମୁଆଁ ବାଲିର୍ବକେ ଜାଣ୍ଡେ କି ଅସେବାନ୍ ଆଃ
ଆକେନ୍ ସାମୁଆଁ ମେଁ ବାଲିର୍ତେ ଆଦ୍ରିଗ୍ବକେ ।”

୧୯ ଜାକୁବ୍ ବାରି ତିଗ୍ ବାଲିର୍ବକେ “ନେଙ୍ଗ୍ ବିଚାରରେ ଆକେନ୍ନେ
ଅଣଜିଉଦିଇଂ ଇସ୍ପର୍ ତାଗ୍ରା ଆଣ୍ଡେ ପାଙ୍ଗ୍ ଲେଃଆକେ ନେ
ଆମେଇଂକେ ଆରି ଅଇରାନ୍ ନେରାଡିଂ ଶ୍ଟୁ ।

୨୦ ମେଇଂ ଜେଡ୍ରିକି ମୁତ୍ କେ ମାନସିକ୍ ତିଂବମ୍ୟାଃକେ ମେଃଡିଗ୍
ଅପବିତ୍ର ଜିନିସ୍ ଆଚଙ୍ଗ୍ଆର୍ ଅଡାରେଗ୍ ପାପ୍ବାନ୍ ସ୍ଲୁ ଲେଃଆର୍ଏ
ଲୁଗ ଆଲିତେ ବାଗୁଏ ବଆର୍କେ ପସୁନେ ଚିଲି ଆଚଙ୍ଗ୍ଆର୍, ଏନ୍
ସାପା ବିସୟରେ ବାଲିର୍ତେ ମେଇଂନେ ତାଗ୍ରା ମୁଇଂ ଚିଟି ଉଲିଆ
ନେଗୁଆର୍ପା ।

୨୧ ତାଗ୍ଲା ଅସେବାନ୍ ସାତେ କାଲାଆଃ ସାନ୍ତା କାଲା ପାର୍ତନା
ତୁଆଇଂନ୍ନିଆ ମୋଶାନେ ନିୟମ୍ ଲଃଡିଂଆକେ ଆରି ସାପା ସହର୍ନ୍ନିଆ
ମେଁନେ ସାମୁଆଁ ପରଚାର୍ ଡିଂଡିଂକେ ।”

ଅଣଜିଉଦି ବିସ୍ବାସିଇଂନେ ତାଗ୍ରା ଉଲିଆ

୨୨ ଇଡିଙ୍ଗ୍ ପ୍ରେରିତ୍ ସିସ୍ଇଂ ଆରି ମ୍ଲାରେଇଂ ବାରି ମଣ୍ଡୁଲିନେ
ସାପାରେ ଦଲ୍ନେ ଉଡିରୁଆକେ ସ୍ତ୍ରିତେ ପାଉଲ୍ ଆରି ବର୍ଣ୍ଣବା ଏଡେ
ଆମେଇଂକେ ଆଣ୍ଡିୟକନ୍ନିଆ ବେନ୍ସା ରାଜି ଡିଂଆକେ । ବର୍ଗବା

ମୁଁରେ ସ୍ନାମୁଆଃ ଜିଉଦା ଆରି ଶୀଲା ବିସ୍ବାସିଇଂନେ ବିତ୍ରେ ଜାବର୍ ସନ୍ମାନ ବା ତିଂଆର୍ଗେ ।

୨୩ ବିସ୍ବାସିଇଂ ଆତେନ୍ ଚିଟି ଉଲିଆ ଆତେନ୍ ମ୍ବାୟାନେ ତ୍ରିନ୍ନିଆ ବେଆର୍କେ । “ଆଣ୍ଟିୟକ ସିରିଆ ଆରି ସିଲିଷୀଆନେ ଅଣଜିଉଦିଇଂନେ ବିତ୍ରେବାନ୍ ପାଙ୍ଗଲେଃଆର୍କ୍ସେ ବୟାଂକେ ପ୍ରେରିତ୍ ସିସ୍ଇଂ ଆରି ସେବକଇଂ ସାଲ୍ ତିଂ ଆର୍କେ ।

୨୪ ନେ ଅଁ ନେଲେଃକେ ଜେ ନେନେ ଦଲ୍ବାନ୍ ଉଡ଼ିରୁଆ ପେ ତାଗ୍ରା ଝେଚେ ମେଃନେ ବାସଙ୍ଗବଆର୍କେ ଆଡ଼ବା ମେଇଂ ଆପେକେ କସ୍ ଆରି ମନ୍କେ ତେରେପେତେ ଆତିଂବଆର୍କେ । ମାତର୍ ଏନ୍ ବିସ୍ୟରେ ନେ ଆମେଇଂକେ ମେଃଡ଼ିଗ୍ ଆଦେସ୍ ନେବିକେ ଶୁ ।

୨୫ ତେସା ନେ ସାପାରେ ମୁଇଂ ମନ୍ ତିଂଚେ ଉଡ଼ିରୁଆ କବର୍ ବିଶ୍ଟେକେ ସ୍ତ୍ରିଚେ ପେ ତାଗ୍ରା ବେନ୍ସା ରାଜି ତିଂନେଲେଃକେ । ମେଇଂ ନେନେ ନିଜର୍ କୁଟୁମ୍ ବର୍ଣ୍ଣବା ଆରି ପାଉଲ୍ ଏତେ ଝେଆର୍ଏ ।

୨୬ ଏନ୍ କୁଟୁମ୍ ମାପରୁ ଜିସୁ କିସ୍ତନେ ସେବାରେ ନିଜେନେ ଜିବନ୍କେ ବିଃ ଜଗ୍ଗାଗ୍ ବଆର୍କେ ।

୨୭ ନେ ଜିଉଦା ବାରି ଶୀଲାକେ ପେ ତାଗ୍ରା ବେତିଂକେ । ନେ ମେଃନେ ଗୁଆର୍ ନେବକେ ମେଇଂ ନିଜେ ନିଜେ ଆତେନ୍ ଆପେକେ ବାଲିରୁଆର୍ଏ ।

୨୮ ଉଡ଼ିକ୍ଲିଗ୍ ଦରକାର୍ ପଡ଼େନେ ନିୟମ୍ ଆନ୍ତାର୍ଚେ ପେ ଆଡ଼ାତ୍ରା ବାରି ମେଃଡ଼ିଗ୍ ଲିଗିଙ୍ ମାଲାଦେ ନସା ନେ ପବିତ୍ର ଆମ୍ବାନେବାନ୍ ଆଦେସ୍ ବାନେଲେଃକେ ।

୨୯ ଆତେନ୍ ଉଡ଼ିକ୍ଲିଗ୍ ନିୟମ୍ ତିଂଗେ; ମୁର୍ତ୍ତ୍ ଇଂନେ ଉଦେସ୍ରେ ବିବକ୍ସେ ମେଃଡ଼ିଗ୍ ଜିନିସ୍ ପେଚଙ୍ ଶୁ ମିଆଁ ପେଉଗ୍ ଶୁ ଲୁଗକେ ଆଲିଃଚେ ବାଗୁଏଃବକ୍ସେ ମେଃଡ଼ିଗ୍ ଜିବ୍ନେ ଚିଲି ପେଚଙ୍ ଶୁ ଆରି ଦଦ୍ୟା ପାପ୍ବାନ୍ ସ୍ଲ ଲାଲାପା । ଏନ୍ ସାପା କାମ୍ ମାତିଂଲା ପେନେ ମଙ୍ଗଲ୍ ତିଂଏ । ନେନେ ସାର୍ଲ ସାପା ଗ୍ରଅନ୍ ତିଂପା ।”

୩୦ ଆଣ୍ଟିନେ କବର୍ ବେଶ୍ଟେଇଂ ବେବଆର୍କେ ମେଇଂ ଆଣ୍ଟିୟକନ୍ନିଆ ଝେଚେ ବିସ୍ବାସିଇଂନେ ସାପା ଦଲ୍କେ ମୁଇଂନୁଗ୍ ରାସିଂଚେ ଏନ୍ ଉଲିଆ ବିଆର୍କେ ।

୩୧ ଆତ୍ମ ଅରିଆନେ ବିସ୍‌ବାସିଇଂ ଉଲିଆ ଡାଗ୍ରା ଗୁଆର୍‌ବକ୍ସେ ମ୍ନେଡ୍‌ଡିଆ ସାମୁଆଁ ପଡେରେ ଆମ୍ନେଡ୍‌ଡିଆ ତିଂଆରକେ ।

୩୨ ଜିଉଦା ବାରି ଶୀଲା ମେଇଂ ନିଜେ ବାବବାଦି ଲେଆଗେ ଆରି ମେଇଂ ଆଣ୍ଟିୟକନେ ବିସ୍‌ବାସିଇଂକେ ଗୁଲେ ପର୍ ଜାକ ସାମୁଆଁ ବିରେ ବୟାଈଂକେ ଆମ୍ନେଡ୍‌ଡିଆରେ ଡାଟ୍ ଆତିଂଆକେ ।

୩୩ ଆତ୍ମଅରିଆ ଉଡ୍‌ଡି ପର୍ ଜାକ ଲେଃକ୍ସେ ଇଡ୍‌ଡିଞ୍ ଡାଣ୍ଡେ ଆମେଇଂକେ ବେବଆଗେ ମେଇଂ ଡାଗ୍ରା ଆଣ୍ଡେ ଓ୍ବିଗ୍‌ନେସା ବୟାଈଂନେବାନ୍ ସାକ୍ତିରେ ଓ୍ବିଗ୍‌କେ ।

୩୪ ମାତର୍ ଶିଲା ଆତ୍ମଅରିଆ ଲେଃନସା ମନ୍ ତିଂକେ ।

୩୫ ପାଉଲ୍ ଆରି ବର୍ଣ୍ଣବା ଆଣ୍ଟିୟକନ୍ନିଆ ଉଡ୍‌ଡି ମୁଆଁ ଲେଃରେ ଗୁଲେରୁଆ ଏତେ କୁଡେଃଫାଡେଃରେ ମାପରୁ ସାମୁଆଁ ବାସଙ୍ଗ୍ ତିଂଆକେ ଆରି ସିକ୍ୟା ବିଆରକେ ।

ପାଉଲ୍ ଆରି ବର୍ଣ୍ଣବା ବିନେ ତିଂଝେଆକେ

୩୬ ଉଡ୍‌ଡିସି ଇଡ୍‌ଡିଞ୍ ପାଉଲ୍ ବର୍ଣ୍ଣବାକେ ବାଲିରକେ “ଦୁବା ନେ ଆଣ୍ଡେ ନେଓ୍ବିଗ୍ ସାପା ସଅର୍‌ନ୍ନିଆ ମୁଡ୍‌ଡି ବୟାଈଂକେ ମାପରୁନେ ସାମୁଆଁ ଆଡ୍‌ଡିଗ୍ ନେତିଂଗେ ଆମେଇଂକେ ନେଅବା ଆରି ମେଇଂ ଡିରକମ୍ ଲେଃଆକେ ନେରୁଜେ ।”

୩୭ ବର୍ଣ୍ଣବା ମେଇଂ ଏତେ ଜହନ୍ ମାରକ ମୁକ୍ସେ ସ୍ନାମୁଆଁ ରେମୁଆଁକେ ତୁଙ୍ଗ୍ ଝେନ୍‌ସା ରାଜି ତିଂଲେଃଆଗେ

୩୮ ☆ମାତର୍ ପାଉଲ୍ ଆମେକେ ତୁଂଝେନ୍‌ସା ରାଜି ଆତିଂକେ ଶ୍ଟ୍ଟ୍ ମାତର୍ ମେଁ ସିସେବାନ୍ ପଂପୁଲିୟାନ୍ନିଆ ମେଇଂ ଏତେ ଏନ୍ କାମ୍‌ନ୍ନିଆ ମିସୁ ମାଲେଃରେ ମେଇଂକେ ଆନ୍ତାରରେ ପାଙ୍ଗ୍ ଲେଃଆଗେ ।

୩୯ ତେନ୍‌ସା ଏନ୍ ବିସୟରେ ଜାବର୍ ଅଡ୍‌କା ଅଡ୍‌କି ତିଂରେ ମେଇଂ ମ୍ୟାୟା ଅଲ୍‌ଗା ତିଂ ଝେଆଗେ । ବର୍ଣ୍ଣବା ମାରକକେ ସାରେ ସାଇପ୍ରସ୍ ପାକା ଶ୍ଟିଆ ଗାଲି ବିରେ ଝେଆକେ ।

୪୦ ମାତର୍ ପାଉଲ୍ ଶୀଲାକେ ସିରେ ଆରି ବୟାଈଂନେବାନ୍ ମାପରୁନେ ଅନୁଗ୍ରଅରେ ସମପର୍ତ୍ତ ତିଂରେ ଓ୍ବିଗ୍‌ଆକେ ।

☆ ୧୫:୩୮ ପ୍ରେରିତ୍ ୧୩:୧୩.

୪୧ ମୈଁ ମଣ୍ଡଲିକଂକେ ତାଟ୍ ଆଡ଼ିଂରେ ସିରିଆ ଆରି କିଲିକିଆ ବିଚେ
ଝିଗିଆକେ ।

୧୭

ପାଉଲ୍ ବାରି ଶୀଲା ଏତେ ତିମତି ଝେକେ

୧ ପାଉଲ୍ ଦର୍ବୀ ଆରି ଲୁସ୍ତା ଇନି ପାକା ଝେଆକେ । ଆଡ଼ତେ ତିମତି
ମ୍ନିକ୍ସେ ମୁଇଁ କିସ୍ତାନ୍ ଲେଃରେ ତୁଆ ତିଂଗେ । ମୈଁ ମୁଇଁ କ୍ରିସ୍ଟୁ ବିସ୍ବାସି
ଜିଉଦି ରେମୁଆଁ ସେଲାମ୍ବୁସୁନେ ଉଂତେ । ମାତର୍ ମୈଁ ଆବାଡ଼େ ମୁଇଁ
ଗ୍ରୀକ୍ ରେମୁଆଁ ଲେଃରେ ।

୨ ଲୁସ୍ତା ଆରି ଇକନିୟନ୍ନିଆ ଲେଃକ୍ସେ ବୟାଁଇଁ ବିଡ଼ରେ ତିମତିନେ
ମାଣ୍ଡା ମ୍ନି ଲେଃରେ ।

୩ ପାଉଲ୍ ମୈଁ ଏତେ ତିମତିକେ ତୁଙ୍ଗ୍ଝେନ୍ସା ଚାଏଁକେ ତେନ୍ସା
ଆମେକେ ପବିତ୍ର ଆଡ଼ିଙ୍ଗିଆକେ । ଆକେନ୍ ଆଡ଼ିଙ୍ଗିନେ ତାଗଲା
ତିମତିନେ ଆବାଡ଼େ ଗ୍ରୀକ୍ ରେମୁଆଁ ଲେଃରେ ତାଗ୍ରେ ଆତେନ୍
ଏରିଆଇଁକେ ଲେଃରେ ତୁଆ ମ୍ୟାଃକ୍ସେ ଜିଉଦିଇଁ ମ୍ୟାଃଆକେ ।

୪ ବିନ୍ବିନ୍ ଇନିଇଁ ବିଚେ ଝେବେଲା ମୈଁଇଁ ବିସ୍ବାସିଇଁକେ
ସିରୁସାଲାମ୍ ତାଗ୍ରା ପ୍ରେରିତ୍ ସିସ୍ ଆରି ମ୍ନାରେଇଁ ଆଃରେକ୍ସେ ନିତି
ନିୟମ୍ ସାପା ଆବୁଜେଚେ ତେନ୍ ସାପା ମାନେନେ ନସା ବାଲିର୍ଆକେ
।

୫ ତେନ୍ସା ମଣ୍ଡଲିକଂ ବିସ୍ବାସରେ ଆରି ବପୁ ତିଂଆର୍କେ ବାରି
ଦିନ୍କେ ଦିନ୍ ସଂକ୍ୟାରେ ଜବର୍ ତିଂନେ ଲାଗେଆକେ ।

ମାସିଦନିଆ ଝେନ୍ସା ତ୍ରୟାନ୍ନିଆ ପାଉଲ୍ନେ ଦର୍ସନ୍

୬ ପବିତ୍ର ଆମ୍ନା ଆମେଇଁକେ ଆସିଆ ପ୍ରଦେସ୍ ପାକା ପର୍ଚାର୍
ତିଂନେ ଆଦେସ୍ ଆବି ଆକେ ତେସା ମୈଁଇଁ ଫୁଗିଆ ଆରି ଗାଲାତିୟ
ଏରିଆ ପାକା ଝେଆକେ ।

୭ ମିସିଆନେ ଏରିଆ ଝେଚାଚେ ବେଥ୍ନିଆ ପ୍ରଦେସ୍ ପାକା ଝେନ୍ସା
ତେଃତାର୍ ବେଲା ଜିସୁନେ ଆମ୍ନା ଆମେଇଁକେ ଆଦେସ୍ ଆବିକେ ଶ୍ଟୁ
।

୮ ତେନ୍ସା ମୈଁଇଁ ମିସିଆ ବିଡ଼ରେ ବିଚେ ଅଲେଙ୍ଗ୍ ଝେଚେ
ତ୍ରୋୟାନ୍ନିଆ ଝେଚାଆକେ ।

୯ ତେନ୍ ମିଡିଗ୍ ପାଉଲ୍ ମୁଇଂ ମୁସୁଡ଼ିଙ୍ଗ୍ ବାକେ ଜେ ମାସିଦୋନିଆନେ ମୁଇଂ ରେମୁଆଁ ତୁଆଁରେ ସାଲିଚେ ବାଲିର୍ ତିଙ୍ଗକେ “ମାସିଦୋନିଆ ପାଙ୍ଗ୍ରେ ଆନେକେ ସାଇଜ୍ୟ ତିଂ !”

୧୦ ପାଉଲ୍ ଆକେନ୍ ଦର୍ସନ୍ ବାକ୍ସେ ଦାପ୍ରେ ମାସିଦୋନିଆ ଖେନ୍ସା ନେ ତିଆର୍ ନେଡ଼ିଙ୍ଗକେ ଡାଗଲା ନେ ସଡ଼ ନେମ୍ୟାଃକେ ଇସ୍ପର୍ ଆତେନ୍ ରେମୁଆଁଇଂ ବିଡ଼ରେ ନିମାଣ୍ଡା ସାମୁଆଁ ବାଲିର୍ନେ ନ୍ସା ଆନେକେ ଝାବକେ ।

ଫିଲିପ୍ପୀନ୍ସିଆ ଲୁଦିଆନେ ମନ୍ ବଦଲେକେ

୧୧ ନେ ଜାଆଜ୍ ଏତେ ଡ୍ରୋୟା ଆନ୍ତାର୍ରେ ସାମଥ୍ୟାକିପାକା ନେଖେକେ ଆରି ତେନ୍ ଞ୍ସି ନିଆପଲ୍ଲିନ୍ସିଆ ନେଖେଚାକେ ।

୧୨ ଆଡ଼ବାନ୍ ନେ ମାସିଦୋନିଆ ଜିଲାନେ ମ୍ମା ଇନି ଫିଲିପ୍ପୀପାକା ନେଖେକେ । ଆକେନ୍ ଇନି ମୁଇଂ ରମିୟଇଂନେ ଲେଃଗେ । ନେ ଆଡ଼ତେ ମାଲେ ସି ନେଲେଃଗେ ।

୧୩ ସାନ୍ତା କାଲା ସ୍ତ୍ରି ଇନି ବାଏରେ ଲେଃକ୍ସେ ଲଣ୍ଡିଆ ଡାଗ୍ରା ନେଖେକେ । ନେ ନେଏଡେକେ ଆତେନ୍ ଜିଉଦିଇଂ ମିସେଚେ ପାର୍ଡନା ତିଂନେସା ମୁଇଂ ଟାନ୍ ଲେଃଏ । ନେ ଆଲ ନେକକେ ଆରି ଆଡ଼ତେ ରିସିଙ୍ଗ୍ ଲେଃକ୍ସେ ସେଲ୍ୟାମ୍ବୁଃ ରେମୁଆଁ ଏତେ ନେବାଲିର୍କେ ।

୧୪ ମେଇଂ ବିଡ଼ରେ ଥୁୟଚିରା ସଅରନେ କଡ଼େଆଁ ପାଟାଇ ସୁସଡ଼ିଂକ୍ସେ ଲୁଦିଆ ତେମ୍ବିକ୍ସେ ମୁଇଂ ସେଲ୍ୟାମ୍ବୁଃ ଲେଃଗେ । ମେଁ ଇସ୍ପର୍କେ ପାର୍ଡନା ତିଂତିଂଗେ ଆରି ପାଉଲ୍ ମେଃନେ ବାଲିର୍ ତିଂଗେ ଆତେନ୍ ମାଣ୍ଡା ଦ୍ରିଗ୍ସାଚେ ମାନେଃ ନ୍ସା ମାପୁରୁ ମେଁନେ ଜିବନ୍ ରଃବିଃକେ ।

୧୫ ମେଁ ଆରି ମେଁନେ ତୁଆଣ୍ଡେ ସାପାରେ ଶ୍ରିଆନ୍ସିଆ ତୁବନ୍ ତୁଂଡକ୍ସେ ଇଡ଼ିଙ୍ଗ୍ ଆମେକେ ସାଲିଚେ ବାଲିର୍କେ “ମାପୁରୁନେ ଡାଗ୍ରା ସଡ଼ରେ ନେଙ୍ଗ୍ନେ ବିସ୍ବାସ୍ ଲେଃକେ ଡାଗ୍ରେ ଜଦି ପେ ବିଚାରୁ ତିଙ୍ଗ୍ପେଡିଙ୍ଗକେ ତେଲା ପାଙ୍ଗ୍ରେ ନେଙ୍ଗ୍ ତୁଆ ଲାଲାପା ।” ମେଁ ଦେକ୍‌ରକମ୍ ବାବ୍ରେ ମେଁ ତୁଆ ଖେନ୍ସା ଆନେକେ ବାଲିର୍କେ ।

ଫିଲିପ୍ପୀନେ କଏଦ୍ ତୁଆନ୍ସିଆ ପାଉଲ୍ ଆରି ଶୀଲା

୧୭ ମେସୁଆ ନେ ପାରତନା ଜାଗା ଖେବେଲା ମୁଇଂ ଚାକରବୁଏଃକେ ନେକୁଡ଼େକେ । ମେଁ ବିତ୍ରେ ଲେଃକ୍ଲେ ବୁଡ୍ ଆମ୍ବାନେ ବପୁ ଏତେ ମେଁ ଅସେନେ ସାମୁଆଁ ବାଲିର ଯାଡ଼ିକ୍ଲେ । ମେଁ ରେମୁଆଁଇଂନେ ବାଗ୍ୟ ଏଜାତେ ମାଲିକ୍ଇଂନେସା ଜବର୍ ତାରୁ ରାସିକ୍ ଡିକ୍ଲେ ।

୧୮ ମେଁ ପାଉଲ୍ ଆରି ନେଇଂନେ ପ୍ଲ ପାକ୍ତେ ଖାସାରତେ ବାଲିରକେ, “ଆକେନ୍ ରେମୁଆଁଇଂ ସର୍ତେ ମ୍ୟାକ୍ଲେ ଇସ୍ପର୍ନେ ସେବକ । ପେ ଡିଡି ଉଦାର୍ ପେବାଏ ଏନ୍ ସାମୁଆଁ ମେଇଂ ବାଲିଡ଼ିକ୍ଲେ ।”

୧୯ ସେଲାମ୍ବୁସ୍ ମାଲେ ସି ସାତେ ତେକୁଆ ଡିକ୍ଲେକେ ସାରାସାରି ବେଲା ପାଉଲ୍ ଗିସେତେ ପ୍ଲ ପାକା ପୁଏତେ ବୁଡ୍ ଆମ୍ବାକେ ଦମକ୍ ବିତେ ବାଲିରକେ, “ଜିସୁ କିସ୍ଟନେ ମ୍ନିରେ ଆଦେସ୍ ବିଶ୍ଟିଂକେ ମେଁବାନ୍ ତାର ଲାଗ୍ତଲା” ଆଡେନ୍ ବେଲା ପ୍ରେତଆମ୍ବା ମେଁବାନ୍ ତାର ଲାଗ୍ତକେ ।

୨୦ ଉଡ଼ିବେଲା ମେଁନେ ମାଲିକ୍ଇଂ ଆକେନ୍ ସାପା କେଆରକେ । ମେଁଇଂ ମ୍ୟାଃଆରକେ ଜେ ମେଁଇଂ ଆରି ଆକେନ୍ ସେଲାବାନ୍ ତାରୁ ରାସିକ୍ନେ ଆସା ଶ୍ଟୁ । ତେସା ମେଇକ୍ ପାଉଲ୍ ଆରି ଶୀଲାକେ ସାତେ ଇନିନେ ମଜେ ଲେଃକ୍ଲେ ରୋମୀୟ ମ୍ନାନେତା ତାଗ୍ରା ଖା ତୁକ୍ପାକ୍ଆକେ

୨୧ ରୋମୀୟ ବିଚାର୍ ତିଂଶ୍ଟେ ତାଗ୍ରା ବାସକ୍ଆକେ, “ଆକେନ୍ ରେମୁଆଁଇଂ ଜିଉଦି ମେଇଂ ନେଁ ଇନି ଝିକ୍ଆ ଡିକ୍ଆରକେ ।

୨୨ ମେଁଇକ୍ନେ ନିୟମ୍ ବିରୁଦ୍ରେ ନିୟମ୍ ଆମ୍ୟାଃ ବିଃଡିଂଆରକେ । ନେ ରୋମୀୟ ରେମୁଆଁ ତେନ୍ସା ଆକେନ୍ ସାପା ନିୟମ୍ ଗ୍ରାନ୍ ତିଂ ନେୟା ଶ୍ଟୁ ଆଡେନ୍ଇଂ ନେ ମାନେଃ ନେୟା ଶ୍ଟୁ”

୨୩ ମାଲିକ୍ଇଂନେ ସାମୁଆଁ ସାତେ ଆଡ଼ତେ ଲେଃକ୍ଲେ ରେମୁଆଁଇଂ ପାଉଲ୍ ଆରି ସିଲାନେ ବିରୁଦ୍ରେ ତଃଡିଆଆକେ । ପାଉଲ୍ ଆରି ସିଲାଇଂନେ ସକା ପାଟାଇ ତତେ ଆମେଇଂକେ ତୁଡୁ ଏତେ ବଗ୍ନେ ନ୍ସା ମ୍ନାନେତା ଆଦେସ୍ ବିକେ ।

୨୪ ମେଇଂ ଜବର୍ ମାଡ୍ ଚଂକ୍ଲେ ଇଡ଼ିକ୍ ମେଇଂ କଏଦ୍ ତୁଆନ୍ତୁ ଆଗାଆକେ ଆରି ଆମେଇଂକେ କୁଚି ଲାଗ୍ତେ ଉର୍ଲେଃ ନ୍ସା କଏଦ୍ ଜାଗ୍ଝାଲିକ୍ନେ ଆଦେସ୍ ବିଆରକେ ।

୨୪ ଆକେନ୍ ଆଦେସ୍ ବାଆରରେ କଏଦ୍ ଜାଗୁଆଲ୍‌ଇଂ ଆମେଇଂକେ ମୁଇଂ ବିତ୍‌ରେ ତୁଆ ଆଗାରେ ମେଁ ମେଇଂନେ ସ୍ତକେ ମ୍ମା କର୍‌ଲାନିଆ ଗାଗ୍‌ଆକେ ।

୨୫ ସିଂତାର୍‌ବ ବେଲା ପାଉଲ୍ ଆରି ଶୀଲା ପାର୍‌ତନା ତିଂଆର୍‌ତିଂଗେ ଇସ୍‌ପର୍‌ନେ ମ୍ମିରେ ଅସ୍‌ମାର୍ ସାର୍ ତିଂଆର୍‌ଗେ ଆରି କଏଦ୍‌ଇଂ ଆକେନ୍ ଅତିଂଆର୍‌ଗେ ।

୨୬ ମାରିଆଃତୁଗ୍ ମ୍ମା ବୁଫିକମ୍ ତିଂକେ ଆରି ଜେଲ୍‌କାନାନେ ପାଣ୍ଡୁସୁନ୍ ବି ଲାଜୁର୍ ବିକେ । ସାଢେ ସାଢେ ସର୍‌ତେ କାପାଟ୍ ରଃଝେଗେ ଆରି ସର୍‌ତେ ଜେଲ୍‌ଇଂନେ ସିକ୍ଲି ପଏଟର୍ ଲଝେଗେ ।

୨୭ କଇଦ୍ ଜାଗୁଆଲ୍‌ଇଂ ମ୍ମି_ଆରେ ତଡ଼ିଆଆକେ ଆରି କଏଦ୍ ତୁଆନେ କାପାଟ୍ ସର୍‌ତେ ରଃଝେ କେତେ ବାବେଆକେ ଜେ କଏଦ୍‌ଇଂ ତିଆର୍‌ଗେ; ତେନ୍‌ସା ମେଁ ମେଇଂନେ କାଣ୍ଡା ଆତାର୍‌ତେ ଗୁଏଃ ନ୍‌ସା ଆରାମ୍ ତିଂଆର୍‌ତିଂଗେ ।

୨୮ ମାତର୍ ପାଉଲ୍ ଜବର୍ ଝାସାର୍‌ରେ ବାଲିର୍‌କେ “ପେ ମେଃଡ଼ିଗ୍ କେତି ଆତିଂଗେପା । ନେ ସର୍‌ତେରେ ଆକ୍‌କେ ନେଲେଃଝକେ !”

୨୯ କଏଦ୍ ଜାଗୁଆଲ୍‌ଇଂ କୁପିସ୍ ତୁଙ୍‌ପାଙ୍‌ଆକେ ଆରି ବିତ୍‌ରେ ଝିର୍‌ଗାରେ ବୁଟ୍ ବୁଟ୍‌ରେ ପାଉଲ୍ ଆରି ଶୀଲା ସ୍ତ ଆଲ୍ ଲଃଝେଆକେ ।

୩୦ ତେନ୍ ଇଡ଼ିଙ୍‌ ଆମେଇଂକେ ବାଏରେ ଝା ତୁଂତାର୍‌ରେ ସାଲିଆକୁଆକେ, “ମାପ୍‌ରୁଇଂ ! ଉଦାର୍ ବାନ୍‌ସା ଆନେକେ ମେଃ ତିଂ ପଡ଼େଏ ?”

୩୧ ମେଇଂ ବାଲିର୍‌କେ “ମାପ୍‌ରୁ ଜିସୁକେ ବିସ୍‌ବାସ୍ ପେତିଂଲା ପେନେ ତୁଆଣ୍ଡେ ସର୍‌ତେରେ ଉଦାର୍ ପେବାଏ”

୩୨ ତେନ୍ ଇଡ଼ିଙ୍‌ ମେଇଂ ଆମେଇଂକେ ଆରି ମେଇଂ ତୁଆନେ ବିନ୍ ସର୍‌ତେରେକେ ମାପ୍‌ରୁନେ ସାମୁଆଁ ବାଲିର୍‌ଆକେ ।

୩୩ ମିଡ଼ିଗ୍‌ନେ ଆତେନ୍ ବେଲା କଏଦ୍ ଜାଗୁଆଲ୍ ଆମେଇଂକେ ତୁଙ୍‌ଝେତେ ମେଇଂନେ ଚିନାବାନା ସର୍‌ତେ ତୁ ବିଆର୍‌କେ ବାରି ତୁଆଣ୍ଡେ ସର୍‌ତେରେ ଆତେନ୍ ବେଲା ତୁବନ୍ ତୁଂତଆକେ ।

୩୪ ଆତେନ୍ ଇଡ଼ିଙ୍‌ ମେଁ ପାଉଲ୍ ଆରି ଶୀଲାକେ ମେଇଂ ତୁଆ ଝା ତୁଙ୍‌ଝିଗ୍‌ରେ ଚଂନେ ବିଆର୍‌କେ । ଇସ୍‌ପର୍‌କେ ବିସ୍‌ବାସ୍ ତିଂଲେଃଝକେ

ନ୍ୟା ମୈ ଆରି ମେଇଂ ତୁଆନେ ସରତେରେ ଜିବନ୍ ବିତ୍ତରେ ସାର୍ଦା ତିଆର୍କେ ।

୩୫ ମାର୍ତତଡେ ଜିର୍ ରୋମୀୟ ନେତା ଚେଲାଇଂକେ ଆକେନ୍ ଆଦେସ୍ ବିଚେ ବେଆର୍କେ “ଆତେନ୍ ରେମୁଆଁଇଂକେ ଆନ୍ତାର୍ବିପା ।”

୩୬ ତେନ୍ସା କଏଦ୍ ଜାଗୁଆଲ୍ ପାଉଲ୍‌କେ ବାଲିର୍‌କେ “ମ୍ମା ନେତା ଆନାକେ ଆରି ଶୀଲାକେ ଆନ୍ତାର୍ ବିନ୍ସା ବାଲିର୍ ବେବକେ । ଏନ୍‌ବେଲା ପେ ସାନ୍ତିରେ ଆକ୍‌ବାନ୍ ଝିର୍ ପେୟାଏ ।”

୩୭ ତେଲା ପାଉଲ୍ ସନ୍ୟଇଂକେ ବାଲିର୍‌କେ “ମେଃଡିଗ୍ ବୁଲ୍ ତିନେବଲା ତିଗ୍ ମେଇଂ ରେମୁଆଁଇଂ ଟ୍ରୁ ଆନେକେ ବଗ୍‌କେ । ନେ ରୋମୀୟ ରେମୁଆଁ ଏଲେଣ୍ଡିଗ୍ ମେଇଂ ଆନେକେ ଗାଗ୍ ଆର୍କେ । ଅଃକେନ୍ ବେଲା ମେଇଂ ଆନେକେ ବୁଡିଚେ ଆନ୍ତାର୍ ବିନ୍ସା ଚାଏଁ ତିଆର୍କେ । ନେ ଆକେନ୍ ଆତିନେ ନେବିକେ ଶ୍ଟୁ ରୋମୀୟ ନେତା ନିଜେ ଆକ୍‌କେ ପାଙ୍ଗରେ ଆନେକେ ଆନ୍ତାର୍ ବିଲେ ।”

୩୮ ସନ୍ୟଇଂ ରୋମୀୟ ନେତାଇଂକେ ଆକେନ୍ ସାମୁଆଁ ବାଲିର୍‌ଆର୍କେ । ପାଉଲ୍ ଆରି ଶୀଲା ରୋମୀୟ ରେମୁଆଁ ତାଗ୍‌ଚେ ଅଁଚେ ମୈଇଂ ବୁଚମେଗ୍ ଆର୍କେ ।

୩୯ ତେନ୍ ଇଡିଙ୍ ଝେଚେ ମେଇଂ ତାଗ୍ରା ଗୁଆରି ତିଙ୍ ଆର୍କେ ଆରି ମେଇଂକେ କଏଦ୍ ତୁଆବାନ୍ ଆନ୍ତାର୍‌ଚେ ସିହର ଆନ୍ତାର୍ ତଲାପା ତାଗ୍‌ଚେ ବାଲିର୍‌କେ ।

୪୦ ପାଉଲ୍ ଆରି ଶୀଲା କଏଦ୍ ତୁଆ ଆନ୍ତାର୍‌ଚେ ଲୁଦିଆନେ ତୁଆ ଝେଆର୍କେ । ଆଡ୍‌ଚେ ମେଇଂ ବୟାଁଇଂ ଏଚେ କୁଡେଆର୍କେ ଆରି ମେଇଂକେ ସାର୍ଦା ଆତିଚେ ଆତେନ୍ ଚାନ୍ ଆନ୍ତାର୍‌ଚେ ଲାଗ୍‌ତଆର୍କେ ।



ତେସଲନିକିନ୍ନିଆ ସେବା କାମ୍

୧ ପାଉଲ୍ ଆରି ଶୀଲା ଆମ୍ପିପଲି ଆରି ଆପଲୋନ୍ନିଆ ଗାଲି ବିଚେ ଥେସଲନିକୀକେ ପିଙ୍‌ଚା ଆର୍କେ । ଆଡ୍‌ଅରିଆ ଜିଉଦିଇଂନେ ମୁଇଂ ପାର୍‌ତନା ତୁଆଇଂ ଲେଃଗେ ।

୨ ପାଉଲ୍ ମେଇଁ ନିୟମ୍ ଅନୁସାରେ ମେଇଁନେ ଡାଗ୍ରା ଖେକେ ବାରି ଝିଲ୍ଲିଗ୍ ସାନ୍ତା କାଲା ଜାକ ଦରମ୍ ସାସ୍ତ୍ରନେ ବ୍ଲାଲିର୍ ସାଚେ ଆମେଇଁକେ ଆଦେସ୍ ବିକେ ।

୩ ଦରମ୍ ସାସ୍ତ୍ର ଗୁଆରଚେ ଆରି ଆଃବୁଜେଚେ ପରମାନ୍ ତିଁକେ ଜେ କିସ୍ତନେ ଦୁକ୍‌ବାନେ ଆରି ଗୁଏଚେ ତଡ଼ିଆନେ ଦରକାର୍ ଲେଃଗେ । ପାଉଲ୍ ବାଲିର୍କେ “ମୁଡ଼ି ଜିସୁନେ ସାମୁଆଁ ନେଇଁ ବାଲିର୍ ଶ୍ରିଁକେ ମେଁ ଆଡେନ୍ ମସିହ ।”

୪ ମେଇଁ ବିତ୍‌ରେ ଉଡ଼ିରୁଆ ଆକେନ୍ ଆବୁଜେଚେ ରାସିଙ୍ଗ୍‌ଚେ ପାଉଲ୍ ଆରି ଶୀଲାଇଁ ଏଡେ କୁଡେଆକେ; ତେତୁଆ ସତ୍ ପରମେସର୍‌କେ ପାର୍‌ତନା ତିଁଆର୍‌ତିଁକ୍ଲେ ଗୁଲେ ଗ୍ରୀକ୍ ରେମୁଆଁ ବାରି ଗୁଲେ ନିମାଣ୍ଡା ସେଲାମ୍‌ସୁଃଇଁ ତିଗ୍ ମେଇଁ ଏଡେ ମିସୁଆକେ ।

୫ ଏଲେଡିଗ୍ ଜିଉଦିଇଁ ଇଂସା ତିଁଆକେ ଆରି ଉଡ଼ିରୁଆ ଦଦ୍ୟା ରକମ୍‌ନେ ରେମୁଆଁଇଁକେ ରାସିଂଚେ ସର୍‌ଚେ ଇନିପାକା ଆଅଁ ବିଆର୍‌କେ । ମେଇଁ ପାଉଲ୍ ଆରି ଶୀଲାକେ ତୁରଚେ ରେମୁଆଁଇଁ ଡାଗ୍ରା ତୁଙ୍ଗପାଙ୍ଗ୍ ନସା ଜେସନ୍ ତେମ୍‌କ୍ଲେ ମୁଇଁ ରେମୁଆଁ ତୁଆକେ ଗେରେଆକେ ।

୬ ଏଲେଣ୍ଡିଗ୍ ଆଡ଼ଅରିଆ ପାଉଲ୍ ଆରି ଶୀଲାକେ ମାଅବାଚେ ମେଇଁ ଜେସନ୍ ଆରି ବିନ୍ ଉଡ଼ିରୁଆ ବୟାଁଇଁକେ ଇନିବାନ୍ ଇନିନେ ନେତାଇଁ ଡାଗ୍ରା ଗୁ ତୁଙ୍ଗ୍‌ଖେଚେ ଖାସାରଚେ ବାଲିର୍‌ଆକେ “ଏନ୍ ରେମୁଆଁଇଁ କ୍ଲିଗ୍ ମଞ୍ଚ୍‌ପୁରକେ ଉଲ୍‌ଟା ପାଲ୍‌ଟା ଆଃତିଁଆର୍‌ତିଁକେ ! ଏବେ ଆକ୍‌ମେଇଁ ନେଁ ଇନି ପାଙ୍ଗ୍‌ଲେଃ ଆକେ ।

୭ ଜେସନ୍ ଆମେଇଁକେ ମେଁ ତୁଆ ବକେ । ଜିସୁନେ ମ୍ପିରେ ଆର୍‌ମୁଇଁଜା ଇଃସାଙ୍ଗ୍ ଲେଃକେ ଡାଗ୍‌ଚେ ବାଲିର୍‌ଚେ ମେଇଁ କାଇସରନେ ସର୍‌ଚେ ନିଅମ୍ ମାନେଃ ଆତିଁଆର୍‌କେ ।”

୮ ଆକେନ୍ ସାମୁଆଁ ବାଲିର୍‌ଚେ ମେଇଁ ରେମୁଆଁକେ ଆରି ଇନି ନେତାଇଁ ବିତ୍‌ରେ ଜବର୍ ଝିଙ୍ଗ୍‌ଆରିଙ୍ଗ୍‌ଆ ଡାରକେ ।

୯ ଇନି ନେତାଇଁ ଜେସନ୍ ଆରି ବିସ୍‌ବାସିଇଁବାନ୍ ଡାବୁ ତୁଙ୍ଗ୍‌ଖିଗ୍‌ଚେ ଆମେଇଁକେ ଜାମିନରେ ଆନ୍ତାର୍ ବିଆର୍‌କେ ।

ବେରିଆନ୍ନିଆ ସେବା କାମ୍

୧୦ ମିଡ଼ିଗ୍‌କ୍ଲେ ଦାପ୍ତେ ବୟାଁଇଂ ପାଉଲ୍ ଆରି ଶୀଲାକେ ବେରିଆ ପାକା ବେବିଆକେ । ମେଇଂ ଆଡ଼ଅରିଆ ଝେଚାଚେ ଜିଉଦିଇଂନେ ପାର୍ତନା ତୁଆ ଡାଗ୍ରା ଝେଆକେ ।

୧୧ ଥେସଲନିକୀନେ ରେମୁଆଁଇଂକେ ବାଦୁଲ୍‌ରେ ଆଡ଼ନେ ରେମୁଆଁଇଂ ଜବର୍ ଦୟାବାନ୍‌ଶ୍ଟ୍ରେ ଲେଃଆର୍‌ଗେ । ମେଇଂ ଜବର୍ ସାରଦାରେ ସିସ୍‌ଇଂନେ ପ୍ରସନ୍ ଅଆକେ ଆରି ପାଉଲ୍‌ନେ ସଡ଼୍ ବ୍ଲାଲିର୍ ମେଃନେ ଆଡେନ୍ ମ୍ୟାନ୍‌ସା ଦିନ୍‌କେ ଦରମ୍ ସାସ୍ତ୍ର ଲଆକେ ।

୧୨ ମେଇଂ ବିଡ଼ରେ ଜବର୍ ବିସ୍‌ବାସ୍ ତିଆକେ । ଗୁଲେରେ ସମ୍ରାଡ଼ ଗ୍ରୀକ୍ ସେଲାମ୍‌ଏଇଂ ଆରି ଜିର୍‌ବଏଃ ରେମୁଆଁଇଂ ତିଗ୍ ବିସ୍‌ବାସ୍ ତିଆକେ ।

୧୩ ଏଲେଣ୍ଡିଗ୍ ଉଡ଼ିବେଲା ଥେସଲନିକୀ ଜିଉଦିଇଂ ମ୍ୟାଃଆକେ ଜେ ବେରିଆ ଡ୍ରୁଗୁ ଶ୍ଟିଗ୍ ପାଉଲ୍ ଇସପର୍‌ନେ ସାମୁଆଁ ବାଲିର୍ ତିଆରକେ ମେଇଂ ଆଡ଼ତେ ପାଙ୍ଗ୍‌ଚେ ଝିଙ୍ଗ୍‌ଆନେ ନ୍‌ସା ରେମୁଆଁଇଂକେ ବାସଙ୍ଗ୍‌ଆକେ ।

୧୪ ଅଃଡେନ୍ ବେଲା ବୟାଁଇଂ ପାଉଲ୍‌ଇଂକେ କେଣ୍ଡିଆ ଡାଗ୍ରା ବେବିଆକେ; ମାଡର୍ ଶୀଲା ଆରି ତିମତି ମ୍ବାୟା ବେରିଆଡ୍ରୁଗୁ ଲେଃଝେଆର୍‌ଗେ ।

୧୫ ପାଉଲ୍‌ଇଂକେ ତୁଙ୍ଗ୍‌ଝେକ୍ଲେ ରେମୁଆଁଇଂ ମେଁ ଏତେ ଆଥେନ୍‌ସ୍ ଜାକ ଝେଆକେ । ଆଡ଼ବାନ୍ ମେଇଂ ବେରିଆ ପାକା ଆଣ୍ଡେଚେ ଶୀଲା ଆରି ତିମତିଇଂକେ ବାଲିର୍‌ଆକେ ମେଇଂ ଗିଆ ପାଉଲ୍‌ଇଂ ଏତେ ମିସୁ ବିଃପା ଡାଗ୍‌ଚେ ପାଉଲ୍ ଆଦେସ୍ ବିକେ ।

ଆଥେନ୍‌ସ୍‌ନିଆ ପାଉଲ୍‌ନେ ସେବା କାମ୍

୧୬ ଆଥେନ୍‌ସ୍‌ନିଆ ଶୀଲା ଆରି ତିମତିଇଂକେ ଉର୍ ଲେଃକ୍ଲେ ବେଲା ଇନିନ୍‌ନିଆ ସଇତାନ୍ ମୁର୍‌ତିରେ ବରତି ତିଂଲେଃକ୍ଲେ ପାଉଲ୍ କେଚେ ଜାବର୍ ଆମ୍‌ନିଆ ଗାବ୍‌ରା ତିଂଝେକେ ।

୧୭ ଡେନ୍‌ସା ମେଁ ପାର୍ତନା ତୁଆ ଡ୍ରୁଗୁ ଜିଉଦିଇଂ ଏତେ ଇସପର୍‌ନେ ପାର୍ତନା ତିଂଶ୍ଟ୍ରେ ଅଣଜିଉଦିଇଂ ଏତେ ଆକେନ୍ ସାମୁଆଁ ଦିନ୍‌କେ

୨୫ ନେ ମେଇଁ ନ୍‌ସା ସ୍ନେଚେ ଆମେଇଁକେ ବିଃ ଯାକେ ସୁଗୁଆ ମେଃଶ୍ରିଗ୍ ସାମୁଆଁ ଆଚାଏଁ ଶୁଃ ମାତର୍ ମେଁ ସର୍ତେରେ ଜିବନ୍, ଜିବନ୍‌କ୍ଷେଡିଆ ଆରି ସର୍ତେ ଦରକାର୍‌ନେ ବିସୟ ବିବକେ ।

୨୬ ମୁଇଁ ରେମୁଆଁବାନ୍ ମେଁ ସର୍ତେ ରେମୁଆଁ ବଂସକେ ଆଃରେବକେ ଆରି ମେଁନେ ସାମୁଆଁରେ ମେଇଁ ମଞ୍ଚପୁରନେ ସର୍ତେ ଚାନ୍‌ଡ୍ରୁ ଲେଃଡିଂକେ । ଉଡିବେଲା ଜାଣ୍ଟେ ଆଣ୍ଡିଡାଗ୍ରା ଲେଃଏ ମୁଲେବାନ୍ ଇସପର୍ ଆତେନ୍ ତିଆର୍ ତିଂବକେ ।

୨୭ ମେଁନେ ଉଦେସ୍ ଲେଃରେ ସାପାରେ ତିଡିକି ଆମେକେ ତୁରଚେ ଅବାଆର୍‌ଏ । ଏଲେଡିଗ୍ ବାସଙ୍‌ନେ ଖେଲା ଇସପର୍ ଜା ଡାଗ୍ରାବାନ୍ ତିଗ୍ ସୁ ଆଖେ ଶୁ ।

୨୮ ଡାଗ୍ରା ନେ ମେଁ ଏତେ ଲେଃନେଡିଂକେ ମେଁ ଏତେ ଅଲେଙ୍ଗ୍ ନେଡିଂକେ

ବାରି ମେଁ ଡାଗ୍ରା ନେଁନେ ଶ୍ରିୟା ଲେଃକେ ।

ପେ ବିଡରେବାନ୍ ଉଡିରୁଆ ଗୁଆର୍‌ରେ ତିଗ୍ ଆକେନ୍ ବାଲିର୍‌ବକେ ଜେ

“ନେ ଶ୍ରିଗ୍ ମେଇଁନେ ଉଙ୍‌ଡେ ।”

୨୯ “ନେ ଇସପର୍‌ନେ ଉଂ ତିଂନେଲେଃକେ ସା ରେମୁଆଁଇଁନେ କୁଲିବୁଡିନ୍‌ସା ଆଃରେକ୍ ମୁରତି ଡାଗ୍‌ଚେ ବାବେ ଶୁ ହାରି ସୁନା ଡାବୁ କି ରୁପା ଡାବୁ କି ମୁଲ୍ୟବାନ୍ ବି ସୁଗୁଆ ବୁଜେନେ ନେନେ ଟିକ୍ ଶୁ ।

୩୦ ରେମୁଆଁଇଁ ଇସପର୍‌କେ ଆମ୍ୟାକ୍ ବେଲା ମେଁ ଦସ୍ ସା ଆବଗେ ଶୁ ଏଲେଶ୍ରିଗ୍ ଏବେ ମେଁ ସର୍ତେ ପାକା ସର୍ତେରେକେ ମେଇଁନେ ପାପ୍ ଗାଲିବାନ୍ ଆଣ୍ଟେ ପାଙ୍‌ନ୍‌ସା ବାଲିର୍ ତିଂଆକେ ।

୩୧ ମେଁ ମେସୁଆ ଆଃରେବକେ । ତେନ୍ କାଲା ମେଇଁନେ ସ୍ତ୍ରୁ ରେମୁଆଁଇଁ ଏତେ ସର୍ତେ ଦର୍ତନି ନ୍ୟାୟ ବିଚାର୍ ତିଂଏ । ତେନ୍ ରେମୁଆଁଇଁ ଗୁଏକ୍‌ବାନ୍ ଆଃତଡିଆକ୍ ନ୍‌ସା ମେଁ ଆକେନ୍ ସାମୁଆଁନେ ସର୍ତ ସାପାରେକେ ସାକି ବିଃବଆର୍‌କେ ।”

୩୨ ପାଉଲବାନ୍ ଗୁଏଚେ ତଃଡିଆକ୍‌ବାନ୍ ତଡ୍ୟାକ୍ ସାମୁଆଁ ଅଁଚେ ମେଇଁ ବିଡରେ ଉଡିରୁଆ ଆମେଇଁକେ ଲୁଆଃଆକେ, ଏଲେଡିଗ୍ ବିନ୍ ରେମୁଆଁ ବାଲିର୍‌କେ “ନାବାନ୍ ଆକେନ୍ ସାମୁଆଁକେ ନେ ବାରି ମୁଇଁତର୍ ଅଁନେ ଚାଏଁନେଡିଂକେ ।”

୩୩ ଦେହରକମ୍ ପାଉଲ୍ କୁକପାର୍ବନ୍ ତାର ଲାଗତଗେ ।

୩୪ ତାୟୋନିସିଅସ୍ ମିକ୍ସେ ଜନି କପାର୍ବନେ ମୁଇଂ ରେମୁଆଁ ଦାମାରୀ ନାମ୍ନି ମୁଇଂ ସେଲାମ୍ବୁୟୁଃ ଆରି ଉଡ଼ିରୁଆ ବିସ୍ବାସ୍ ତିଆକେ ଆରି ମେଇଂ ଏତେ ମିସୁ ବିଆରକେ ।

୧୮

କରିଛିନ୍ନିଆ ପାଉଲ୍‌ନେ ସେବା କାମ୍

୧ ଆକେନ୍ ଇଡ଼ିଂ ପାଉଲ୍ ଆଥେନ୍ସ୍ ଆନ୍ତାର୍ରେ କରିଛି ପାକା ଲାଗତଗେ ।

୨ ଆଡ଼ତେ ମେଁ ପନ୍ତସ୍‌ନ୍ନିଆ ଶ୍ରିଆ କୁମାକ୍ସେ ବେଲା ଆକିଲା ତେମ୍ନିକ୍ସେ ମୁଇଂ ଜିଉଦିକେ କୁଡ଼େକେ ଇଃସାଙ୍ଗ୍ କୁଡ଼ିୟସ୍ ସର୍ତେ ଜିଉଦିକଂକେ ରୋମ୍ ଆନ୍ତାର୍‌ନ୍‌ସା ବାଲିର୍ ବକ୍ସେନ୍‌ସା ମେଁ ଉଃଡ଼ି ଦିନ୍ ଆଲ୍ ମେଁନେ କୁନେଃଡ଼େ ପ୍ରିୟା ଏତେ ଇଟାଲୀବାନ୍ ପାଙ୍ଗଲେଃଆରକେ ।

୩ ପାଉଲ୍ ଆମେଇଂକେ ଆସୁଏନ୍‌ସା ଝେରେ ମେଇଂ ଏତେ ଲେଃଝେଆରକେ, ତେନ୍‌ସା ମେଃଃଣ୍ଡିର୍ ମେଇଂ ସୁଗା କୁଡ଼ିଆ ଆଃରେରେ ତୁଆ ଲେଃଡ଼ିଂଆରକେ । ତାଗ୍ଲା ମେଇଂ ତମ୍ ଆରେଣ୍ଡେ ।

୪ ଜିଉଦି ବାରି ଗ୍ରୀକ୍ ରେମୁଆଁକଂନେ ମନ୍‌କେ ମାପ୍‌ରୁ ତାଗ୍ରା ବିସ୍ବାସ୍ ଆଡ଼ିଙ୍ଗ୍‌ଆରକ୍ସେ ନ୍‌ସା ସର୍ତେ ସାନ୍ତା କାଲା ମେଁ ପାର୍ତନା ତୁଆନ୍ତଗୁ ବାଲିର୍ ବାତା ତିଆର୍ ତିଂଗେ ।

୫ ଶୀଲା ଆରି ତିମତି ମାସିଦୋନିଆବାନ୍ ଝିଗ୍‌କ୍ସେ ଇଡ଼ିଂ ପାଉଲ୍ ଜିଉଦିକଂ ତାଗ୍ରା ଜିସୁନେ ମାଣ୍ଡା ସାମୁଆଁ ବାଲିର୍ ନ୍‌ସା ଜବର୍ ଦିନ୍ ଲେଃଗେ । ବାରି ମେଁ ଜିସୁକେ କିସ୍‌ଟ ତାଗ୍ରେ ସାକି ବିଃକେ ।

୬ ଏଲେଣ୍ଡିର୍ ମେଇଂ ଉଡ଼ିବେଲା ଆମେଇଂକେ କସ୍‌ଟ ବିଃଆରକେ ଆରି ନାନା ରକମ୍‌ନେ ସାମୁଆଁ ବାଲିର୍ ଆରକେ ଗିତେନ୍ ବିରୁଦ୍‌ରେ ପାଉଲ୍ ନିଜେନେ ସକା ତାଣ୍ଡିରେ ମେଁ ବାଲିର୍‌କେ “ଜଦି ପେ ନାସେ ପେଝେଏ ତେଲା ଆକେନ୍ ନେଂନେ ଦସ୍ ଶୁୁ ନେଙ୍ଗ୍ ସାପା ଚେସ୍‌ଟା ତି ଆତାମ୍‌କେ । ନେଙ୍ଗ୍ ଏବାନ୍ ଅଣଜିଉଦିକଂନେ ତାଗ୍ରା ଝେଣ୍ଡିଂକେ ।”

୭ ତେନ୍‌ସା ମେଁ ଆମେଇଂକେ ଆନ୍ତାର୍ରେ ଇସ୍‌ପର୍‌ନେ ପାର୍ତନା ତିଂମାଃଃକ୍ସେ ତିତସ୍ ଯୁସ୍ ତେମ୍ନିକ୍ସେ ମୁଇଂ ଅଣଜିଉଦିକଂନେ ତୁଆ

ଲେଖକେଆରଗେ । ଯୁସ୍ତୁଇଁ ତୁଆ ଇନି ପାରତନା ତୁଆ ଡାଗ୍ରା
ଲେଖଗେ ।

୮ ପାରତନା ତୁଆନେ ମ୍ଲାନେତା କ୍ରିସ୍ତସ୍ ଆରି ମେଇଁନେ ତୁଆଣ୍ଡେ
ସର୍ତ୍ତେରେ ମାପରୁ ଡାଗ୍ରା ବିସ୍ବାସ୍ ତିଁ ଆକେ ଆରି କରନ୍ତୁନେ ଆରି
ଉଡ଼ିରୁଆ ପାଉଲ୍‌ନେ ଗ୍ୟାନ୍ ଅଁଚେ ବିସ୍ବାସ୍ ତିଁଆକେ ଆରି ତୁବନ୍
ତୁଁତ ଆକେ ।

୯ ମେଁସୁଆ ମିଡ଼ିଗ୍ ପାଉଲ୍ ମୁଇଁ ମୁଃସୁଡ଼ିଁ କେକେ ଜେ,
ମୁସୁଡ଼ିଁନିଆ ମାପରୁ ଆମେକେ ବାଲିରକେ, “ଆବ୍‌ଗେ, ବାଲିର
ବାସିଙ୍ଗାଈଲା, ଆଡ଼ବାନ୍ ବୁଁ ଆଲେଖଗେ

୧୦ ଡାଗ୍ରାଲା ନେଙ୍ଗ୍ ପେ ଏତେ ନ୍‌ଲେଖକେ । ଜାଣ୍ଡେଡ଼ିଗ୍ ପେନେ
କ୍ୟତି ତିଁଆୟାଆର୍ ଶୁଁ ଡାଗ୍ରାଲା ଆକେନ୍ ଇନିନିଆ ନେଙ୍ଗ୍‌ନେ ଜବର୍
ରେମୁଆଁ ଲେଖକେ ।”

୧୧ ତେନ୍‌ସା ପାଉଲ୍ ଆଡ଼ତେ ଇସ୍‌ପର୍‌ନେ ସାମୁଆଁ ବିସ୍‌ୟରେ ବୁଦି
ବିଚେ ମେମୁଆଁ ଗୁ ଆକେ ଲେଖଆରଗେ ।

୧୨ ଗାଲିୟୋ ଆଖାୟାନେ ରୋମୀୟ ସାସନ୍ ତିଙ୍ଗ୍‌ଣ୍ଡେ ଲେଖକେ
ବେଲା ଜିଉଦିଇଁ ମୁଇଁତୁଗ୍ ରିସିଙ୍ଗ୍‌ଚେ ପାଉଲ୍‌କେ ସାଃଆରଚେ
ବିଚାର ତୁଆ ତୁଙ୍ଗ୍‌କେଆକେ ।

୧୩ ମେଇଁ ବାଲିରକେ “ଆକେନ୍ ରେମୁଆଁନେ ନିୟମ୍
ବିରୁଦ୍‌ରେ ଇସ୍‌ପର୍‌ନେ ପାରତନା ତିଁନେନ୍‌ସା ରେମୁଆଁଇଁକେ
ଆଃମ୍ୟାଃତିଆରକେ ।”

୧୪ ପାଉଲ୍ ମ୍ଲାଇର୍‌ଏ ଡାଗ୍ରାକେ ବେଲା ଗାଲିୟୋ ଜିଉଦିଇଁକେ
ବାଲିରକେ, “ଜଦି ଆକ୍‌କେ ମେଃଡ଼ିଗ୍ ଦସ୍ ବା ଅପରାଦ୍‌ନେ ସାମୁଆଁ
ଲେଖଏ, ତେଲା ନା ଆଡ଼ାଡ଼ା ବୁଁ ଲେଖଚେ ନା ସାମୁଆଁ ଅଁଚେ ବାଲିର
ବାଡ଼ା ପାଡ଼ିଁ ।

୧୫ ମାତର୍ ପେ ବିଦିନିଆ ଗୁଆରବକେ ବ୍ଲାଲିର୍ ଆରି ମ୍ଲି ବିରୁଦ୍‌ରେ
ଆକେନ୍ କିରମର ତିଁଲେଖଗେସା ପେ ନିଜେ ନିଜେ ଆକ୍‌କେନେ
ସମାଦାନ୍ ତିଁପା । ଏନ୍ ସାପା ବିସ୍‌ୟରେ ନେଙ୍ଗ୍ ମେଃଡ଼ିଗ୍ ବିଚାର
ନାଡ଼ିଁ ଶୁଁ”

୧୬ ଅଃକେନ୍ ବାଲିରଚେ ମେଁ ଆମେଇଁକେ ବିଚାର ତୁଆ
ବେବିଃଆରଗେ ।

୧୭ ମେଇଂ ସର୍ତ୍ତେରେ ପାରତନା ତୁଆନେ ମ୍ଲାନେତା ସସ୍ଥିନାକେ ସାଚେ ବିଚାର୍ ତୁଆ ଡାଗ୍ରା ବଗ୍‌ଆରକେ । ମାତର୍ ଗାଲିୟୋ ଅଃତେନ୍ ସାପା ସାମୁଆଁ ବିତ୍‌ରେ ମନ୍ ଆବିଃକେ ଶୁ ।

ପାଉଲ୍ ଆନ୍ତିୟକନ୍ନିଆ ଆଣ୍ଟେକେ

୧୮ ପାଉଲ୍ କରନ୍ନିଅନେ ବୟାଈଂ ଏତେ ଗୁଲେଦିନା ବାସାକେ । ତେନ୍ ଇଡିଂ ଆମେଇଂକେ ଆନ୍ତାର୍‌ଚେ ପ୍ରିସ୍ନା ବାରି ଆକ୍ତିଲାଇଂ ଏତେ ସିରିଆ ପାକା ଶୁଆ ଜାଆଜନ୍ନିଆ ଖେଆରକେ । ସେଂକ୍ରିୟାବାନ୍ ଶୁଆ ଗାଲି ବିଃଚେ ଖେନେ ବେଲା ମେଁନେ ନିୟମ୍ ଇସାବ୍‌ରେ ମେଁ ମେଁନେ ବାଆଃ ଆଃକୁଆରକେ ।

୧୯ ମେଇଂ ଏଫିସିୟ ଖେଚାକ୍ନେ ଇଡିଙ୍ଗ୍ ପାଉଲ୍ ପ୍ରିସ୍ନା ବାରି ଆକ୍ତିଲାକେ ବେବିଃଆରକେ । ମେଁ ଆଡ୍‌ଅରିଆନେ ପାରତନା ତୁଆ ଅରିଆ ଖେଚେ ଜିଉଦିଇଂ ଏତେ ଦର୍ମ ବିସୟ୍‌ରେ ବାଲିର୍ ବାତା ଆରକେ ।

୨୦ ରେମୁଆଁଇଂ ଆମେକେ ଆରି ଜାବର୍ ଦିନ୍ ଲେନ୍‌ସା ବାଲିର୍ ଆରକେ ମାତର୍ ମେଁ ରାଜି ଆଡିଂକେ ଶୁ ।

୨୧ ମେଁ ଖେକେଲା ବାଲିର୍‌କେ “ଜଦି ଇସପ୍‌ଚେନେ ଇକ୍‌ଚା ଡିଂଏ, ତେଲା ନେଙ୍ଗ୍ ବାର୍‌ମୁଇଂତର୍ ପେ ଡାଗ୍ରା ମ୍ଲାଇଂଏ ।” ତେନ୍ ଇଡିଂ ମେଁ ଶୁଆ ଗାଲି ବିଚେ ଏଫିସିୟବାନ୍ ତାର୍‌ଖେକେ ।

୨୨ କାଈସରିୟାନ୍ତୁଗୁ ଖେଚାଚେ ଆଡ୍‌ବାନ୍ ମେଁ ଯିରୁସାଲାମ୍‌ପାକା ଖେକେ ଆରି ମଣ୍ଡଲିଇଂକେ ସାର୍‌ଲଚେ ଆଣ୍ଟିୟକ ପାକା ଖେଆରକେ ।

୨୩ ଆଡ୍‌ତେ ଉଡିସି ଲେଃକ୍ନେ ଇଡିଂ ମେଁ ଆରି ଅଲେଙ୍ଗ୍ ଅଲେଙ୍ଗ୍‌ଚେ ଗାଲାଡିୟ ଆରି ଫୁରିଆ ଏରିଆ ବିଚେ ଖେଆକେ ଆରି ଗାଲିନ୍ନିଆ ବିସ୍‌ବାସିଇଂକେ ମେଇଂନେ ବିସ୍‌ବାସ୍‌ରେ ଡାଡ୍ ଡିଂନେସା ସାର୍‌ଦା ଆଡିଂଆରକେ ।

ଏଫିସସ୍ ଆରି କରନ୍ନିନ୍ନିଆ ଆପଲ୍ଲେ

୨୪ ଆପଲ୍ଲେ ମୁକ୍ନେ ମୁଇଂ ଜିଉଦି ଆଡ୍‌ଅରିଆ ଲେଃଗେ । ମେଁନେ ଜନମ୍ ଡିଂକ୍ନେ ଜାଗା ଆଲେକ୍‌ଜାଣ୍ଡିଆ; ମେଁ ଏଫିସିୟ ସହର୍‌ନ୍ନିଆ ପାଂକେ । ମେଁ ମୁଇଂ ଜାବର୍ ନିମାଣ୍ଡାଃ ବକ୍ତା ଲେଃଗେ । ଦରମ୍ ସାସ୍‌ରନ୍ନିଆ ମେଁନେ ଜାବର୍ ଗିଆନ୍ ଲେଃଗେ ।

୨୫ ଆକେନ୍ ଜିସୁ ମାପରୁନେ ଗାଲି ବିସୟରେ ବୁଦି ବାଲେଃଗେ, ବାରି ଆମ୍ବରେ ତଃଡିଆତେ ଜିସୁନେ ବିସୟ ପୁରାପୁରି ବାବରେ ବାସଙ୍ଗେ ବୁଦି ବିଃଡିଂଗେ ମାତର୍ ଏନ୍ ବିସୟରେ ମେଁ କେବଲ୍ ଜହନ୍ନେ ଶ୍ରିଆଦିକ୍ୟା ବିସୟରେ ମ୍ୟାଃଲେଃଗେ ।

୨୬ ମେଁ ପାର୍ତନା ତୁଆନ୍ନିଆ ସାହାସ୍ ଏତେ ସାମୁଆଁ ବାଲିରକେ । ମାତର୍ ପ୍ରିୟା ଆରି ଆକ୍ଲିଲା ମେଇଂନେ ସାମୁଆଁ ଅଁଚେ ଆମେଇଂକେ ନିଜର୍ ତୁଆ ତୁଂଝିଗକେ ଆରି ଆଡୁଅରିଆ ଆମେକେ ଇସପରନେ ଗାଲି ସାମୁଆଁ ଆମେଇଂକେ ଆରି ନିମାଣ୍ଡା ବାବରେ ଆବୁଜେକେ ।

୨୭ ମେଁ ଆଖାୟା ଦେସପାକା ଝେନ୍ସା ଇକଟା ତିଂକ୍ଲେନ୍ସା ବୟାଁଇଂ ଆମେଇଂକେ ସାରଦା ବିଚେ ଆମେଇଂକେ ଗ୍ରଥନ୍ ତିଂନେନ୍ସା ସିସଇଂକେ ଗୁଆରକେ । ମେଁ ଏତେ ଝେଟାଚେ ଜାଣ୍ଡେ ବିସ୍ବାସ୍ ତିଂଆରକେ ଇସପରନେ ଅନୁଗ୍ରଥ ଏତେ ମେଇଂନେ ଜବର୍ ସାଇଜ୍ୟା ତିଂଆରକେ ।

୨୮ ମେଁନେ ତାଗଲା ଜିସୁ ଜେ କିସଟ ଆକେନ୍ ଦର୍ମସାସ୍ତର୍ ଏତେ ପରମାନ୍ ତିଂଚେ ମେଁ ବାଲିରନେ ବପୁ ଏତେ ଜିଉଦିଇଂନେ ଜୁକ୍ତି ସରଚେ ବନ୍ଦ ଆଡିଂବି ଆରକେ ।

୧୯

ଏଫିସୟନ୍ନିଆ ପାଉଲ୍

୧ ଆପଲ୍ଲୋ କରନ୍ତିନ୍ନିଆ ଲେଃକ୍ଲେ ବେଲା ପାଉଲ୍ ମଜିରେନେ ଏରିଆ ବିଚେ ଅଲେଙ୍ଗ୍ ଝେଚେ ଏଫିସୟ ଇନିପାକା ପାଙ୍ଗ୍ଚେ ଉଡିକ୍ଲିଗ୍ ସିସଇଂକେ କେକେ

୨ ମେଇଂ ଆମେଇଂକେ ସାଲିଆକୁକେ ବିସ୍ବାସ୍ ତିଂବେଲା ପେ ପବିତ୍ର ଆମ୍ବା ବାପେଲେଃକେ ? ମେଇଂ ଆମେକେ ବାଲିରଆକେ ଶ୍ରି ପବିତ୍ର ଆମ୍ବା ଜେ ଲେଃକେ ଆତେନ୍ ଅଃନାଡିଗ୍ ଅଁ ନେଲେଃକେ ଶ୍ରି ।

୩ ତେନ୍ସା ମେଁ ସାଲିଆକୁକେ ତେଲା ପେ ଆଣ୍ଡିଅରିଆ ତୁବନ୍ ଗ୍ରଥନ୍ ପେଡିଂକେ ? ମେଇଂ ବାଲିରଆକେ “ଜହନ୍ନେ ତୁବନ୍ ।”

୪ ✨ତେଲା ପାଉଲ୍ ବାଲିରକେ ଜହନ୍ ମନ୍ ବଦ୍ଲେଃନେ
ତୁବନ୍ନିଆ ତୁବନ୍ ବିଃକେ କ୍ଳେ ଇଡ଼ିଂ ଜାଣ୍ଟେ ପାଙ୍ଗ୍ଆରଏ,
ମେଇଂ ଡାଗ୍ରା ବା ଜିସୁ ଡାଗ୍ରା ବିସ୍ବାସ୍ ତିଂନେ ପଡ଼େଏ ଡାଗ୍ତେ
ରେମୁଆଁଇଂକେ ବାଲିରଡ଼ିଂଗେ ।

୫ ମେଇଂ ଆକେନ୍ ଅଁତେ ମାପୁରୁ ଜିସୁ ମ୍ନିରେ ତୁବନ୍ ତିଂଆକେ

୬ ଆରି ପାଉଲ୍ ମେଇଂ ଆଡ଼ାଡ଼ା ଛିବରେ ଆନ୍ତାର ବିକେ ପବିତ୍ର
ଆମ୍ ମେଇଂ ଆଡ଼ାଡ଼ା ଗାଞ୍ଜେଆକେ ଆରି ମେଇଂ ବିନ୍ବିନ୍ ସାମୁଆଁରେ
ନ୍ନାଲିର ବାସଙ୍ଗନେ ବାରି ବାବବାନି ତିଗ୍ ବାସଙ୍ଗସା ଲାଗେକେ ।

୭ ମେଇଂ ସର୍ତେରେ ପାକାପାକି ଗମ୍ବାରୁଆ ଙ୍ଗିରେ
ଲେଃଆରଗେ ।

୮ ଇଡ଼ିଙ୍ଗ୍ ମେଁ ପାରତନା ତୁଆନ୍ନିଆ ଗାତେ ଙ୍ଗି ଆକେ ଜାକ
ସାହାସ୍ ଏତେ ଇସ୍ପରନେ ରାଜି ବିସ୍ମୟରେ ବାଲିରତେ ବିସ୍ବାସ୍
ଆଡ଼ିଙ୍ଗନ୍ସା ଚେସ୍ଗା ତିଂଆକେ ।

୯ ମାତର୍ ମେଇଂନେବାନ୍ ଉଡ଼ିରୁଆ କଟିନ୍ ମନ୍ ରେମୁଆଁ
ଲେଃଆରଗେ । ମେଇଂ ବିସ୍ବାସି ଆଡ଼ିଂଆକେ ଶୁ ମେଇଂ ଦଲ୍ନେ
ସାପାରେ ସାମ୍ନାରେ ମାପୁରୁନେ ଗାଲି ସାମୁଆଁରେ ଜାବର୍ ଦଦିଆ
ନ୍ନାଲିର ବାଲିରଆକେ । ତେସା ପାଉଲ୍ ଆମେଇଂକେ ଆନ୍ତାରତେ
ବିସ୍ବାସିଇଂକେ ସାତେ କାଲାଆଃ ଚିରାନସ୍ ତୁଆନ୍ନିଆ ବାଲିରନେ
ମୁଲେଆକେ ।

୧୦ ତେକୁଆ ମ୍ବାର୍ ମୁଆଁ ଜାକ ଝେକେ; ଆଡ଼ତେ ଆସିଆଣ୍ଟେ ଜିଉଦି
ଆରି ଗ୍ରୀକ୍ ରେମୁଆଁ ସର୍ତେ ମାପୁରୁନେ ସାମୁଆଁ ଅଁଆକେ ।

ସ୍ବେବାନେ ଗତେଇଂ

୧୧ ଆରି ଇସ୍ପର୍ ପାଉଲ୍ନେ ଛି ଏତେ ଆଡ଼ିଂକ୍ଲେ ଇରିୟାତୁଗ୍ନେ
କାମ୍ ଆଡ଼ିଂବି ତିଂଗେ ।

୧୨ ତେକରକମ୍ ମେଁ ଗାଗ୍ଡେବାନ୍ ଉର୍ମାଲ୍ ଆରି ସକା ରଗିଇଂ
ଡାଗ୍ରା ତୁଙ୍ଗ୍ପାଙ୍ଗ୍ଲା ମେଇଂ ଡାଗ୍ରା ରଗ୍ ଆନ୍ତାର ଝେଡ଼ିଂଗେ ଆରି ଦୁଷ୍ଟ
ଆମ୍ ଆଇଂ ତାର ଲାଗ୍ଡତିଂଗେ ।

✨ ୧୯:୪ ମାତିଉ ୩:୧୧; ମାର୍କ ୧:୪,୭,୮; ଲୁକ୍ ୩:୪,୧୭; ଜହନ୍ ୧:୨୭,୨୭.

୧୩ ମାତର ଅଲେଙ୍ଗ ରେମୁଆଁ ଜିଉଦିଇଂ ବୁଡୁଡ଼ିଆଇଂବାନ୍ ଉଡ଼ିକ୍ଲିଗ୍ ରେମୁଆଁଇଂ ତିଗ୍ ଦୁଷ୍ଟ ଆମ୍ବା ସାକ୍ଲେ ରେମୁଆଁଇଂ ଆଡ଼ାଡ଼ା ମାପରୁ ଜିସୁନେ ମ୍ନି ସାଚେ ସେଆଁରେ ଆଆଡ଼ାର ନସା ଚେସଟା ତିଂଆକେ ମେଇଂ ବାଲିରଆକେ, “ମୁଡ଼ି ଜିସୁନେ ମ୍ନିରେ ପାଉଲ୍ ବାସଙ୍ଗତିଂକେ, ନେଙ୍ଗ୍ ଆନାକେ ମେଁ ମ୍ନିରେ ଆଦେସ୍ ବିଣ୍ଟିଂକେ ।”

୧୪ ଆରି ସ୍ଲୋବା ମ୍ନିକ୍ଲେ ମୁଇଂ ଜିଉଦି ରେମୁଆଁନେ ମ୍ନା ପୁଜାରିଇଂନେ ଗୁକ୍ଲିଗ୍ ଉଂଇଂ ଡେକୁଆ ତିଂନେ ଚେସଟା ତିଂଆରତିଂଗେ ।

୧୫ ଆଡ଼ତେ ଦୁଷ୍ଟ ଆମ୍ବାଇଂ ଉତର ବିକେ, ନିଂ ଜିସୁକେ ମ୍ୟାଲ୍ଲେ୪କେ ଆରି ପାଉଲ୍‌କେ ଶ୍ରିଗ୍ ମ୍ୟାଲ୍ଲେ୪କେ; ମାତର ପେ ସାପାରେ ଜାଣ୍ଡେ ?

୧୬ ଆତେନ୍ ବେଲା ଦୁଷ୍ଟ ଆମ୍ବା ସାଲେ୪କ୍ଲେ ରେମୁଆଁ ମେଇଂ ଆଡ଼ାଡ଼ା ପୁଏଚେ ମେଁ ମ୍ନାୟାକେ ଆ୪ଲ୍‌୪ଚେ ଆମେଇଂକେ ଏନ୍‌ତି ବଗ୍‌କେ ଜେ ମେଇଂ ନାଙ୍ଗ୍‌ଲାଚେ ଆରି ଚିନାବାନାଚେ ତେନ୍ ତୁଆବାନ୍ ତାର୍‌ଚେ ଲାଗ୍‌ଡ଼ଆକେ ।

୧୭ ଆକେନ୍ ସାମୁଆଁ ଏଫିସିୟନ୍‌ନିଆ ବାସା ତିଂଆରକ୍ଲେ ରେମୁଆଁଇଂ ଜିଉଦି ଆରି ଗ୍ରୀକ୍ ରେମୁଆଁ ସରତେରେ ମ୍ୟାଚେ ବୁଟମେଗ୍ ଆକେ । ଆରି ମାପରୁ ଜିସୁନେ ମ୍ନି ମ୍ନା ଡିଙ୍ଗ୍‌କେ ।

୧୮ ଆରି ବିସବାସିଇଂନେ ବିଡ଼ରେବାନ୍ ଜବର୍‌ରେ ପାଙ୍ଗ୍‌ଚେ ନିଜର୍ ନିଜର୍ କାମ୍ ଆସୁଏଆକେ ଆରି ବାଲିରନେ ଆରାମ୍ ତିଂଆକେ ।

୧୯ ଆରି ଜାଦୁ କାମ୍ ତିଂନେ ଉଡ଼ିରୁଆ ନିଜର୍ ନିଜର୍ ବଇ ତୁଂପାଙ୍ଗ୍‌ଚେ ମୁଇଂତୁଗ୍ ବଚେ ସରତେରେ ସାମ୍‌ନେ ଆ୪ଗି ବି୪ଆକେ; ମେଇଂ ଆତେନ୍ ସରତେନେ ତାରୁ ହିସାବ୍ ତିଂଚେ ଆତେନ୍ ପଚାସ୍ ଅଜାର୍ ତାରୁ ତାଗ୍‌ଚେ ଗୁଆରଆକେ ।

୨୦ ଡେକରକମ୍ ମାପରୁନେ ସାମୁଆଁ ମ୍ନା ବପୁରେ ଉଡ଼ାଡ଼ିଂନେ ଲାଗେକେ । ଆରି ଜିତେନେ ଲାଗେକେ ।

ଏଫିସିୟନ୍‌ନିଆ କିରମର

୨୧ ଆକେନ୍ ସରତେ ସାମୁଆଁ ତାକ୍ଲେ ଇଡ଼ିଙ୍ଗ୍ ପାଉଲ୍ ମାସିଦୋନିଆ ଆରି ଆଖାୟା ବିଚେ ଯିରୁସାଲାମ୍ ପାକା ୱେନ୍‌ସା ମନେ ବାବେଆକେ ଆଡ଼ତେ ୱେକ୍ଲେ ଇଡ଼ିଙ୍ଗ୍ ମେଁ ବାସଙ୍ଗକେ “ଆନେଙ୍ଗ୍ ରୋମ୍ ପାକା ୱେନେ ପଡ଼େଏ ।”

୨୨ ବାରି ଜାଣେଇଁ ମେଁନେ ସେବା ଡିଙ୍ଗନେ ଲେଃଆରକେ ମେଇଁ ବିତ୍ତରେ ତିମତି ଆରି ଏରାଷ୍ଟ୍ର ଆକେନ୍ ମ୍ୟାୟାକେ ମାସିଦୋନିଆ ପାକା ବେବିଚେ ମେଁ ନିଜେ ଉଡି ମୁଆଁ ଜାକ ଆସିଆନ୍ତରୁ ଲେଃଆରକେ ।

୨୩ ଅଃତେନ୍ ବିତ୍ତରେ ଆକେନ୍ ମାପରୁ ଆସୁଏବକ୍ଲେ ଗାଲି ସାମୁଆଁ ତୁଙ୍ଗ୍‌ଖେଚେ ଏଫିସିନ୍ନିଆ ବୟଙ୍କାର ମ୍ବା ଝିଙ୍ଗିଆ ଡଡିଆକେ ।

୨୪ ତାଗ୍‌ଲା ଦିମିତ୍ରିୟ ମ୍ବିକ୍ଲେ ମୁଇଁ ରୁପାଆରେଣ୍ଡେ ଆର୍ଡେମୀ ଦେବୀନେ ମାନ୍ଦିରନେ ରୁପା ମୁରତି ଆରେଡିଂଆରକେ ଆକେନ୍ ବେପାରବାନ୍ ଆଃରେଣ୍ଡେ ଜବର୍ ଲାବ୍ ବାଡିଂଆରକେ ।

୨୫ ମେଁ ଆମେଇଁକେ ଆରି ତେନ୍ ବେପାରନେ ରେମୁଆଁଇଁକେ ଝାଚେ ବାଲିରକେ, “ଆଦେସଇଁ ଆକେନ୍ ବେପାରବାନ୍ ନେ ଦନ୍ ନେବାଏ ତାଗିଚେ ପେ ମ୍ୟାପେଲେଃକେ ।

୨୬ ଆରି ଡିଏଚେ ଆରେକ୍ଲେ ଦେବ୍‌ତାଇଁ ଇସ୍‌ପର୍ ଶୁ ତାଗ୍ ବାଲିରଚେ ‘ଆକେନ୍ ପାଉଲ୍ ମାତର୍ ଏଫିସିୟନ୍ନିଆ ଶୁ ମାତର୍ ସର୍ତେ ଆସିଆନ୍ନିଆ ଜବର୍ ରେମୁଆଁଇଁକେ ବାସଙ୍ଗ୍ ଡିଙ୍ଗିନେ ଆକେନ୍ ପେଇଁ କିକେ ପେଡିଙ୍ଗିକେ ଆରି ଅଁ ପେଡିଂକେ ।’

୨୭ ଆକ୍‌କେ ଜେ ମୁଇଁ ନେନେ ଆକେନ୍ ବେପାରନେ ଦଦ୍ୟା ମ୍ବି ତିଂନେ ଲେଃକେ, ଆତେନ୍ ଶୁ ଏଲେଡିଗ୍ ଆଣ୍ଡିନେ ମହାଦେବୀ ଆର୍ଡେମୀଇଁକେ ସର୍ତେ ଆସିଆ ଆରି କ୍ଲିଗ୍ ଦରତି ଜାକ ପୁଜା ତିଂଆରଡିଂକେ ମେଇଁନେ ମାନ୍ଦିର ଡିଗ୍ ତାଆଁ ତିଂଲେଃକ୍ଲେ ଆରି ଆର୍ଡେମୀ ଦେବୀନେ ଇଜଡ୍ ନସ୍ ଡିଏ ।”

୨୮ ଆକେନ୍ ସାମୁଆଁ ଅଁଚେ ମେଇଁ ଜବର୍ ଗିସେଚେ ଝାସାରଚେ ବାଲିରକେ “ଏଫିସିୟଇଁନେ ଆର୍ଡେମୀ ମ୍ବା ଦେବୀ ମ୍ବା ଲେଃକେ ।”

୨୯ ଅଃକେନ୍‌ରେ ଇନି ଝିଙ୍ଗିଆଃରେ ବର୍ଡି ତିଂଖେଚେ ଆରି ମେଇଁ ରିସିଂଚେ ପାଉଲ୍‌ନେ ଏଚେ ଝେଣ୍ଡେ ମାସିଦୋନିଆନେ ଗାୟ ଆରି ଆରିଷ୍ଟାଃର୍ସକେ ସାଚେ ଜବର୍ ଝିରଚେ ଜୁଦ୍ ଟାନ୍ନିଆ ଝିର ଝେକେ ।

୩୦ ଆକେନ୍ ପାଉଲ୍ ରେମୁଆଁଇଁନେ ବିତ୍ତରେ ଗ୍ଗାନେ ଇକ୍‌ଟା ତିଂକେ ଏଲେ ସିସଇଁ ଆମେକେ ଗ୍ଗାନେ ଆବିକେ ଶୁ ।

୩୧ ଆରି ଆସିଆନେ ମ୍ବା ଟାକ୍‌ରିଆଇଁ ବିତ୍ତରେ ଡିଗ୍ ଉଡିରୁଆ ମେଇଁନେ ସାଙ୍ଗ୍ ଲେଃଲା ରେମୁଆଁ ବେଚେ ଜୁଦ୍ ଟାନ୍ନେ କଣ୍ଡା ବିତ୍ତରେ ମାବ୍‌ଟଚେ ଗ୍ଗାନ୍‌ସା ଆମେକେ ଗୁଆରି ଡିଙ୍ଗି ଆରକେ ।

୩୨ ଅଃତେନ୍ ବେଲା ଜାଣ୍ଟେ ଜାଣ୍ଟେ ଆକେନ୍ ସାମୁଆଁ ଜାଣ୍ଟେ ଜାଣ୍ଟେ ବା ଆତେନ୍ ସାମୁଆଁ ବାଲିର୍ରେ ଖାସାର୍ ତିଂ ଆର୍ତ୍ତିଂଗେ ମାତର୍ କୁକପାର୍ ଝିଙ୍ଗାଆଃରେ ବର୍ତ୍ତି ତିଂଝେଗେ ଆରି ମେଇଂ ଜେ ମେଃନ୍ସା ମିସୁ ଲେଃଆକେ ଆତେନ୍ ସାଃଗାରେ ମ୍ୟାଃ ଆଲେଃଆର୍ରେ ।

୩୩ ରେମୁଆଁଇଂ ବିତ୍ରେବାନ୍ ଉଡ୍ଡିରୁଆ ବାଲିର୍ଆରକେ ଜେ ଆଲେକ୍ଜାଣ୍ଡାରକେ ଆଃକେନ୍ସା ଦାଇ, ତାଗ୍ଲା ଜିଉଦିଇଂ ଆମେକେ ସେନୁଗ୍ ଆତୁଆଁ ବଆର୍ରେ । ଆଲେକ୍ଜାଣ୍ଡାର୍ ତ୍ରି ଟେକେଟେ ଆମେଇଂକେ ବୁଂଲେନ୍ସା ଚିନା ବିକେ ଆରି ବିସ୍ବାସିଇଂକେ ଆକୁଡେଟେ ବ୍ଲାଲିର୍ ବିଟେ ଆଦ୍ରିଗ୍ନେସା ଚେସ୍ଟା ତିଂକେ ।

୩୪ ମାତର୍ ମେଁ ମୁଇଂ ଜିଉଦି ତାଗ୍ରେ ଉଡ୍ଡିବେଲା ମେଇଂ ମ୍ୟାଃଆରକେ, ଅଃତେନ୍ ବେଲା ସର୍ତ୍ତେରେ ମୁଇଂତର୍ରେ ମ୍ପାର୍ ଗଣ୍ଟା ଜାକ ଖାସାର୍ ଆରକେ, ଏଫିସିୟଇଂନେ ଆର୍ଡେମା ମ୍ପାଃଦେବୀ ଲେଃକେ ।

୩୫ ଇଡିଙ୍ଗ୍ ସହର୍ ଗୁମୁସ୍ତା ରେମୁଆଁ ସାପାରେକେ ଆବୁଜେଟେ ବାଲିର୍ରେ ଅ ଏଫିସିୟ ରେମୁଆଁଇଂ ଏଫିସ ସହର୍ ଜେ ମ୍ପା ଦେବୀ ଆର୍ଡେମା ଆରି କିତଂଇନି ବାନ୍ ଲଲେକ୍ସେ ପ୍ରତିମାନେ ମନ୍ଦିର୍ନେ ପୁଜାରି ଆକେନ୍ ଜାଣ୍ଟେଃ ଆମ୍ୟାକେ ?

୩୬ ଜାଣ୍ଟେଃ ଆକେନ୍ ମିର୍ ବାଲିର୍ ଆୟା ଶୁ । ତେନ୍ସା ପେ ସର୍ତ୍ତେରେ ବୁଂବିପା ମେଃଡିଗ୍ ମାମ୍ୟାଃ କୁଟା ଆସ୍ଲେଗେପା ।

୩୭ ଏନ୍ ରେମୁଆଁଇଂ ମନ୍ଦିର୍ବାନ୍ ମେଃଡିଗ୍ ଆଡଙ୍ଗା ଆରକେ ଶୁ କି ଦେବିନେ ବିରୁଦ୍ରେ ମେଃଡିଗ୍ ନିନ୍ସା ସାମୁଆଁ ଆବାଲିର୍ ଆରକେ ଶୁ ଏଲେଡିଗ୍ ନା ଆକ୍ଲେଇଂକେ ସାଟେ ତୁଂପାଂନାବ ।

୩୮ ତେନ୍ସା ଜଦି ଜାଣ୍ଟେନେ ବିରଦ୍ରେ ଦିମିଡ୍ରିୟନେ ଆରି ମେଇଂନେ ସାଙ୍ଗ୍ ସ୍ଲେରେନେ ମେଃଡିଗ୍ ସାମୁଆଁ ଲେଃଏ, ତେଲା ବିଚାର୍ ତୁଆ ରଃବକେ ଆରି ସାସନ୍ ରେମୁଆଁଇଂ ଲେଃକେ; ମେଇଂ ନିଜର୍ ନିଜର୍ ବିରଦ୍ରେ ଅବାଲିର୍ ଆରକେ ।

୩୯ ଆରି ଜଦି ପେନେ ବିନ୍ ମେଣ୍ଡିଗ୍ ବାଲିର୍ନେ ଲେଃଏ, ତେଲା ନିୟ୍ମ୍ ଲସାବ୍ରେ ତାଆଁ କୁକପାର୍ନ୍ନିଆ ମେଁନେ ନିଷ୍ପତି ତିଂଏ ।

୪୦ ଏଲେ ଏକ୍ସେ ସଡ୍ ଝିଙ୍ଗାଆ ତୁଙ୍ଗାପାଙ୍ଗ୍ରେ ନେ ବିରଦ୍ରେ ଅବାଲିର୍ନେ ଜାବର୍ କସ୍ ଲେଃକେ; ନେ ଆକେନ୍ ଝିଙ୍ଗାଆନେ

ମେଃଃଶ୍ରିଗ୍ କାରନ୍ ଆସୁଏ ନେୟା ଶୁ ।

୪୧ ଏନ୍ ସାପା ବ୍ଲାଲିର୍ ବାଲିର୍ତେ ମେଁ ରେମୁଆଁଇଁକେ ଆବୁଠେ କୁକପାର୍ ଆଡାକେ ।

୨୦

ମାକିଦନିଆ ଆରି ଆକାୟାପାକା ଯାତ୍ରା

୧ ତେନ୍ ଝିଙ୍ଗାଆ ବୁଂକ୍ଲେ ଇଡ଼ିଙ୍ଗ୍ ପାଉଲ୍ ସିସ୍ଇଂକେ ତୁଆ ଝାଚେ ମେଇଁକେ ସାରଦା ବିକେ ଆରି ମେଇଁବାନ୍ ଝିଗ୍ନେ ବାଲିର୍ତେ ମାସିଦୋନିଆ ପାକା ଝେନ୍ସା ଝିଗ୍ ଆରକେ ।

୨ ତେନ୍ ସର୍ତେ ଏରିଆ ବିଚେ ଅଲେଙ୍ଗ୍ ଝିଗ୍ରେ ମେଁ ସିସ୍ଇଂକେ ଜବର୍ ସାରଦା ଆଡ଼ିଙ୍ଗ୍ ଇଡ଼ିଙ୍ଗ୍ ଗ୍ରୀସ୍ ପାକା ଝେ ଆରକେ ।

୩ ମେଁ ଆଡ଼ତେ ଝିଆକେ ଲେଃଚେ ଉଡ଼ିବେଲା ଜାଆଜନ୍ନିଆ ଡେଃଚେ ସିରିଆ ପାକା ଝେନ୍ସା ଆରାମ୍ ତିଙ୍ଗ୍ ଆରକେ ଅଃତେନ୍ ବେଲା ଜିଉଦିଇଁ ମେଇଁ ବିସ୍ୟରେ ବାଗୁଏଃ ନସା ମେଁ ମାସିଦୋନିଆ ବିଚେ ଝିଗ୍ନେସା ମନ୍ ତିଂକେ ।

୪ ବେରିୟାନ୍ନିଆ ବାସା ଲେଃକ୍ଲେ ପୁରନେ ଉଙ୍ଗ୍ଡେ ସୋପାତ୍ର, ଡେସଲନିକିୟନେ ଆରିଷ୍ଟାର୍ଗସ୍ ଆରି ସେକୁନ୍ ଦର୍ବାନେ ଗାୟ, ଆସିଆ ଦେସନେ ତୁଖ୍ କ ଆରି ତ୍ରୁଫିମ ବାରି ତିମତି ମେଁ ଏଡେ ଝେଆକେ ।

୫ ଆକ୍ମେଇଁ ସର୍ତେ ପର୍ତୁମ୍ ଝେଚେ ଡ୍ରୋୟାନ୍ତ୍ରୁ ଆନେକେ ଉର୍ଡିଂଆରଗେ ।

୬ ଆରି କମିରସୁନ୍ୟ ରୁଟି ପାଣ୍ଟୁୟୁଃ ଇଡ଼ିଙ୍ଗ୍ ନେଁ ଜାଆଜନ୍ତ୍ରୁ ଡେଃଚେ ଫିଲିପ୍ପୀବାନ୍ ନେଝିଗ୍କେ ଆରି ମାଲ୍ ଦିନ୍ ବିଡ଼ରେ ଡ୍ରୋୟାନ୍ତ୍ରୁ ମେଇଁ ଡାଗ୍ରା ନେପିଙ୍ଗ୍ଟାକେ; ଆଡ଼ ଡାଗ୍ରା ନେ ଗୁ ଦିନ୍ ନେଲେଃଗେ ।

ଡ୍ରୋୟାରେ ପାଉଲ୍ନେ ସାରାସାରି ଯାତ୍ରା

୭ ସାନ୍ତାନେ ମୁଲ୍ଦିନ୍ ଉଡ଼ିବେଲା ନେ ରୁଟି ପାକ୍ଟିନେ କୁଡ଼େ ନେଲେଃକେ ଅଃତେନ୍ ବେଲା ପାଉଲ୍ ମାର୍ତଡ଼େ ଝିଗ୍ଏ ଡାଗ୍ଲେ ବେଲା ମେଇଁକେ ବାଲିର୍କେ ଆରି ସିଂଡାର୍ବ ଜାକ ମ୍ବା ବାସଣ ବିକେ ।

୮ ଆଣ୍ଠିନେ ଆଡ଼ାଡ଼ା ମହଲାନେ ବାକ୍ରାନ୍ତିଆ ନେ ମିସୁ ନେଲେଃଗେ ଆଡ଼ ଅରିଆ ଜବର୍ କୁପିସ ଲେଃଗେ

୯ ଆରି ଇଉଟିକସ୍ ମିକ୍ସେ ମୁଇଂ ଜିରେ ଜର୍କା ଆଡ଼ାଡ଼ା କଲେଃଗେ, ଆମେକେ ଜବର୍ ଲେମୁଆଃ ପାଂଡିଂଗେ; ଆରି ପାଉଲ୍ ଉପଦେସ୍ ଜବର୍ ରେ ଆଡିଂବିଲା ମେଁ ତୁଲେଗ୍ ବିଲା ଙ୍ଗି ମହଲାବାନ୍ ଆଲ ଲଃଝେଗେ ଆରି ଆମେକେ ଆଃତଡ଼ିଆ ବେଲା ମେଁ ଗୁଏଃଝେଗେ ତାଗ୍ତେ ମ୍ୟାଃଆରକେ ।

୧୦ ଅଃତେନ୍ ବେଲା ପାଉଲ୍ ଆଲ ଜାର୍ତେ ମେଁ ଆଡ଼ାଡ଼ା ଲଃତେ ଆମେକେ କଣ୍ଡୁତେ ବାଲିରକେ, “ଆଅଃଗେପା, ତାଗ୍ଲା କିମେନ୍ତୁ ଜିବନ୍ ଲେଃକେ ।”

୧୧ ଇଡ଼ିଙ୍ଗ୍ ମେଁ ଆଡ଼ାଡ଼ା ଝେତେ ରୁଟି ପାକ୍ତିତେ ଚଂଆକେ ଆରି ତାରାନେ ଜାକ ମେଇଂ ଏତେ ଜବର୍ ବାଲିରବାତାତେ ତାର୍ ଝେକେ ।

୧୨ ଆରି ମେଇଂ ଆତେନ୍ ଗଡ଼େଅକେ ଜିବନ୍ ଲେଃକେ କେତେ ମେଁ ତୁଆ ତୁଂଝେଆରକେ ଆରି ଜାବର୍ ସାନ୍ତି ବାଆରକେ ।

ତ୍ରୋୟାବାନ୍ ମିଲୀଟସ୍ ଝେକେ

୧୩ ମାତର୍ ନେ ସିସେ ଶ୍ରିଆଃ ଜାଆଜ୍ ଡ୍ରୁ ଡେଃତେ ଆସସ୍ତ୍ରୁ ନେଝେକେ ଆଡ଼ବାନ୍ ନେ ପାଉଲ୍କେ ତୁଙ୍ଗ୍ ଝେନ୍ସା ନେଏତେକେ ତାଗ୍ଲା ମେଁ ନିଜେ ତୁବଃ ଅଲେଙ୍ଗ୍ତେ ଝେନ୍ସା ଇକ୍ତା ତିଂକେ ତେତୁଆ ତିଂବ ଆରଗେ ।

୧୪ ଉଡ଼ିବେଲା ମେଁ ଆନେକେ ଆସସ୍ତ୍ରୁଆ କୁଡ଼େକେ ନେ ଆମେକେ ଜାଆଜ୍ନିଆ ଆଃତେଃତେ ମିତିଲିନୀନ୍ତ୍ରୁ ନେପାଂକେ ।

୧୫ ଆରି ଆଡ଼ବାନ୍ ଜାଆଜ୍ ରତେ ନେ ମାର୍ତଡ଼େ ଖୁଅସ ତାଗ୍ଲା ନେଝେତାକେ ମ୍ପାର୍ ଦିନକେ ସାମ୍ନିଆ ଜାଆଜ୍ ନେରାତାକେ ଆରି ଦେକ୍କେ ଙ୍ଗଡ଼େ ମିଲୀଟସ୍ ନେଝେତାକେ ।

୧୬ ମେଁନେ ତାଗ୍ଲା ଆସିଆନ୍ତିଆ ତିଡ଼ିରକମ୍ ପାଉଲ୍କେ ବେଲା କାଟେନେ ଆପଡ଼େ ଶ୍ରିଆକେନ୍ସା ମେଁ ଏଫିସିୟ ଆନ୍ତାର୍ ଝିଗ୍ନେ ବାବେ ତିଂକେ । ଜଦି ତିଙ୍ଗ୍ପାରେ ତ ପେଣ୍ଟିକ୍ଷ୍ କେଲା ଯିରୁସାଲାମ୍ ପାଙ୍ଗନ୍ସା ମେଁ ତେରେପେତେ ତିଂଡିଂଗେ ।

ଏପିସିୟ ମଣ୍ଡଲିନେ ନେତାଈକେ ପାଉଲ୍ନେ ଝିଗ୍ନେ ବ୍ଲାଲିର୍

୧୭ ମିଳାଟସ୍‌ବାନ୍ ମେଁ ଏଫିସିୟାପାକା ରେମୁଆଁ ବେରେ ମଣ୍ଡୁଲିନେ ମ୍ନାରେଇଁକେ ନିଜର୍ ଛୁଗୁ ତୁଆ ଖାଆରକେ ।

୧୮ ମେଇଁ ପିଂଚାଲା ପାଉଲ୍ ବାଲିରକେ, “ଆସିଆ ପ୍ରଦେସ୍‌ଛୁ ଝେଟାନେ ପରତୁମ୍ ଦିନାବାନ୍ ନେଇଁ ଡିରକମ୍ ପେଇଁ ବିଡ୍‌ରେ ଜାବର ବେଲା ପେ ଏଡେ ଆକଟେ ମ୍‌କେ । ଆଡେନ୍ ପେ ମ୍ୟାୱାଃପେଲେକେ ।

୧୯ ମାପରୁ ଜିଉଦିଇଁନେ ଜଜନା ଆନେଇଁ ଆଣ୍ଡିନେ ସାପା ଦୁକ୍ କସ୍‌ଟ ବଗେନେ ପଡେଏ ଆଡେନ୍ ବିଡ୍‌ରେ ନେଇଁ ଇସ୍‌ପରନେ ସେବକ୍ ରକମ୍ ଅଁରେ ଦରମ୍ ଏଡେ ନେଇଁନେ କାମ୍ ତିଂମ୍‌କେ ।

୨୦ ପେ ମ୍ୟାୱା ପେଲେକେ ଜେ ନେଇଁ ରେମୁଆଁଇଁନେ ତାଗ୍ରା ବାସଇଁ ତିଂକେଲା ବାରି ପେ ତୁଆଇଁତାଗ୍ରା ବ୍ନାଲିର୍ ବାଲିର୍ ବେଲା ପେନେ ଉପକାର୍ ତିଂନେ ରକମ୍ ମେଃଡିଗ୍ ସାମୁଆଁ ବାଲିର୍ନେସା ମନା ତିଂ ଆଡିଂଗେ ଶୁ ।

୨୧ ଜିଉଦି ଆରି ଗ୍ରୀକ୍ ରେମୁଆଁ ସାପାରେକେ ନେଇଁ ଚେଡନା ସାମୁଆଁ ଆଦିଗ୍ ଶିଂଗେ ଜେ ମେଇଁ ପାପ୍ ଗାଲିବାନ୍ ଆଣ୍ଡେ ପାଙ୍ଗ୍‌ରେ ଇସ୍‌ପର ଆଡାତ୍ରା ମନ୍ ବଦ୍‌ଲେରେ ବାରି ମାପରୁ ଜିସୁ ତାଗ୍ରା ବିସ୍‌ବାସ୍ ତିଂଆର୍ଏ ।

୨୨ ଏବେ କେଲା ନେଇଁ ଆମ୍‌ନାନ୍ନିଆ ବାଦ୍ୟ ତିଂରେ ଯିରୁସାଲାମ୍ ପାକା ଝେ ଶିଂକେ ମେଁ ଆଡ୍‌ଡେ ନେଇଁସା ମେଃମେଃ ତିଂଏ, ଆଡେନ୍ ନେଇଁ ନ୍ନାମ୍ୟାୱାଃକେ ଶୁ ।

୨୩ ନେଇଁସା ଜା ସିକ୍ଲି ଏଡେ ଆଗାଗ୍‌ରେ ଆରି ଦୁକ୍ ବାଏ ଆକେନ୍ ପବିତ୍ର ଆମ୍‌ ଇନି ଇନି ଆନେଇଁ ବାଲିର୍ ଅଲେଇଁତିଂକେ ।

୨୪ ✨ମାତର୍ ନେଇଁସା ନେଇଁ ଜିବନ୍‌କେ ନେଇଁ ତାଆଁ ବାବେ ଶିଂକେ । ଇସ୍‌ପରନେ ଅନୁଗ୍ରା ବିସ୍‌ୟରେ ମାପରୁ ଜିସୁ ଆଣ୍ଡିନେ ବ୍ନାଲିର୍ ବାଲିର୍ନେସା ଆନେଇଁ ଦାଇଡ୍ ବିବକେ, ଆଡେନ୍ ପୁରନ୍ ଆଡିଂରେ ନେଇଁନେ ବାସଇଁ କାମ୍ ଶ୍ଟାଡାଏ, ଅଃକେନ୍ ଆଃ ନେଇଁନେ ଇକଟା ।”

୨୫ ଆରି ଏବେ କେଲା ଜା ବିଡ୍‌ରେ ନେଇଁ ଇସ୍‌ପରନେ ରାଜି ବିସ୍‌ୟରେ ବାଲିର୍ ବାଲିର୍ ଅଲେଇଁ ଶିଂ ଡେକ୍ ରକମ୍ ଜେ ପେ ସର୍‌ଡେ ଆରି ନେଇଁନେ ସାର୍‌ମୁଆଃ ପେକେ ତାଗ୍‌ରେ ମ୍ୟା ଛେ ।

୨୭ ଆକେନ୍‌ସା ନେଙ୍ଗ୍ ଜେ ସର୍ତ୍ତେରେନେ ମିଆଁନେ ଦାଇଡ଼ବାନ୍ ମ୍ୱ_କେ, ଆକେନ୍ ନେଙ୍ଗ୍ ଏକେ ଆପେକେ ସାକି ବିଣ୍ଡି ।

୨୮ ନେଙ୍ଗ୍ ଇସପର୍‌ନେ ସର୍ତ୍ତେ ସାମୁଆଁ ଆପେକେ ଆମ୍ୟାନ୍‌ସା ଇଡ଼ିଙ୍ଗ୍ ନ୍ନାଲେଗେଣ୍ଡୁ ।

୨୯ ପେନେ ନିଜର୍ ନିଜର୍ ସାମୁଆଁ ଆରି ଆଣ୍ଡିନେ ମଣ୍ଡଲିକେ ଇସପର୍ ନିଜର୍ ମିଆଁ ଏଡେ ବିଆର୍‌ବକେ, ମେଇଁନେ ଆଡେନ୍ ମଣ୍ଡଲିକେ ଲାଲନ୍ ପାଲନ୍ ତିଁନେସା ପବିତ୍ର ଆମ୍ବା ଆଡେନ୍ ସାପା ଗିମିଃ ମାନ୍ଦା ବିଡ଼ରେ ଆପେକେ ନେତା ସୁଗୁଆ ଆଡୁଆଁ ବକେ ମେଇଁ ବିସୟରେ କେତେ ଲାଃଲାପା ।

୩୦ ନେଙ୍ଗ୍ ଉ଼ିଗ୍‌କ୍ଲେ ଇଡ଼ିଙ୍ଗ୍ କ୍ଲୁଇଁ ଜେ ପେ ବିଡ଼ରେ ଗାତେ ଗିମିଃ ମାନ୍ଦାଇଁକେ ଆତିନାଆବାନା ଆର୍‌ଏ ।

୩୧ ଆରି ପେ ବିଡ଼ରେ ତିଗ୍ ରେମୁଆଁ ତଃଡ଼ିଆତେ ସିସ୍‌କିଁକେ ନିଜର୍ ନ୍‌ସା ପ୍ଲା ପାକା ଗୁଃ ଡୁଙ୍ଗ୍‌କ୍ସେନେ ନ୍‌ସା ଉଲ୍‌ଟା ସାମୁଆଁଇଁ ବାଲିର୍‌କେ ଆକେନ୍ ନେଙ୍ଗ୍ ମ୍ୟାଃକେ ।

୩୨ ଏବେ ପେ ଉର୍ ଲାଃଲାପା ଆରି ନେଙ୍ଗ୍ ଙ୍ଗି ମୁଆଁ ଜାକ ଙ୍ଗିର୍ ଲମ୍‌ଡିଗ୍ ତେଃମୁଆଃ ଆଲକ୍ସେ ଏଡେ ସର୍ତ୍ତେ ରେମୁଆଁ ଚେତା ବିନ୍‌ନେସା ଜେ ଇଡ଼ିଙ୍ଗ୍ ନ୍ନାଃଡିଁକେ, ଆକେନ୍ ମ୍ୟାଃଲାଃଲାପା ।

୩୩ ଏବେ ନେଙ୍ଗ୍ ଆପେକେ ଇସପର୍‌ନେ ତାଗ୍ରା ଆରି ମେଁନେ ଅନୁଗ୍ରାଅନେ ସାମୁଆଁ ତାଗ୍ରା ସର୍ପେ ବିଃ ଟ୍ରିଙ୍ଗ୍‌କେ ମେଁ ଆପେକେ ବପୁ ଆଡିଁନେସା “ଆରି ପବିତ୍ର ଆଃଡିଙ୍ଗ୍‌ନେ ସାପାରେନେ ବିଡ୍ରେ ଅଦିକାର୍ ବିନ୍‌ସା ଇକ୍‌ଟା କ୍ଲେକେ ।

୩୩ ନେଙ୍ଗ୍ ଜାନେ ରୁପା କି ସୁନା କି ସକାପାଟାଇ ଲବ୍ ତିଁନାଲେଗେ

୩୪ ଆକେନ୍ ମ୍ପାର୍ କ୍ରି ଜେ ନେଙ୍ଗ୍‌ନେ ଆରି ନେଙ୍ଗ୍ ସାଙ୍ଗାଡିଙ୍ଗ୍‌ନେ ଅବାର୍ ପୁରନ୍ ଆଡିଁନ୍‌ସା ସେବା ମ୍ପାଡିଁ, ଆକେନ୍ ପେ ନିଜେ ମ୍ୟାଃପା

୩୫ ତେକ୍‌ରକମ୍ ସ୍ଲେତେ ବପୁ ଶ୍ଟୁ ଶ୍ଟୁକେ ସାଇଜ୍ୟ ନେଡିଁପା ଆରି ‘ବାନେ ବାନ୍ ବିବିଃନେ ଅରିଆ ଜବର୍ ସାର୍‌ଦା ଲେଃଏ’, ମାପୁର୍ ଜିସୁ ନିଜେ ଆକେନ୍ ମେଁ ସାମୁଆଁ ବାସଙ୍ଗ୍‌ବକେ, ଆଡେନ୍ ମନେ ତିଁନେ ପେନ୍‌ସା ଜା ଦର୍‌କାର୍, ଆକେନ୍ ସର୍ତ୍ତେ ବିସୟରେ ନେଙ୍ଗ୍ ଆପେକେ ଗାଲି ଆସୁଏଃମ୍‌କେ ।”

୩୭ ଆକେନ୍ ସର୍ତ୍ତେ ସାମୁଆଁ ବାଲିରତେ ମେଁ ଞ୍ଚ ପାଙ୍ଗ୍ତେ ସର୍ତ୍ତେରେ ଏତେ ପାର୍ତନା ତିଂକେ ।

୩୮ ଆରି ମେଇଂ ସର୍ତ୍ତେରେ ଜବର୍ ଅଆରତେ ପାଉଲ୍‌କେ ଲୁଗ ସାତେ ଆମେକେ ବୈନ୍ତା ଆରକେ ।

୩୯ ବାରି ମେଇଂ ମେଁନେ ସାର୍‌ମୁଆଃ ଆରି ଆକେ ଆର୍ ଶୁ ଛାଗ୍‌ତେ ମେଁ ଆଣ୍ଡିନେ ସାମୁଆଁ ବାଲିରକେ ଜବର୍ ତେନ୍‌ସା ଦୁକ୍ ତିଂ ଆରକେ ଇଡ଼ିଙ୍ଗ୍ ମେଇଂ ଆମେକେ ଶୁଆଃ ଜାଆଜ୍ ଜାକ ଖେଆରକେ ।

୨୧

ପାଉଲ୍ ଯିରୁସାଲାମ୍ ଖେକେ

୧ ମେଇଂନେ ବିଦାୟ୍ ତୁଙ୍ଗ୍‌ତେ ଇଡ଼ିଙ୍ଗ୍ ନେ ଜାଆଜ୍‌ନ୍ନିଆ ତେଃତେ ସିଦା କୋସ୍‌ନ୍ନିଆ ନେପାଙ୍ଗ୍‌କେ ଆତେନ୍ ମାର୍‌ତଡ଼େ ରୋଡ୍‌ସ୍‌ନ୍ନିଆ ନେପିଙ୍ଗ୍‌ଚାକେ ବାରି ଆଡ୍‌ବାନ୍ ପାତାରାନ୍ନିଆ ନେପାଙ୍ଗ୍‌କେ ।

୨ ଆଡ୍‌ଅରିଆ ଫୈନିକୀୟା ପାକା ଖେତିଂକ୍ଲେ ମୁଇଂ ଶୁଆ ଜାଆଜ୍‌ନ୍ନିଆ ତେଃତେ ନେଖେକେ ।

୩ ତେନ୍ ଇଡ଼ିଙ୍ଗ୍ ସାଇପ୍‌ସ୍ ଇନି ନ୍ନାତିଂକ୍ଲେ ମୁଇଂ ଜାଗାନ୍ନିଆ ନେଖେଚାକେ । ଆଡ୍‌ବାନ୍ ମୋଃନେ ଦକିନ୍ ଦିଗ୍ ବିଚେ ନେ ସିରିଆପାକା ନେଖେକେ । ନେ ଟାୟର୍ ସହର୍‌ନ୍ନିଆ ଶୁଆଃ ଜାଆଜ୍‌ବାନ୍ ନେଜାରକେ ତାଗ୍‌ଲା ଆକେନ୍ ଜାଆଜ୍‌ବାନ୍ ଜିନିସ୍ ଆଜାର୍‌ନେ ଲେଃଃଗେ ।

୪ ଆଡ୍‌ଅରିଆ ନେ ଉଡ଼ିରୁଆ ବିସବାସିଇଂକେ କେଚେ ମେଇଙ୍ଗ୍ ଏତେ ମୁଇଂ ସାନ୍ତା ନେଲେଃଃଗେ । ପବିତ୍ର ଆମ୍‌ନେ ଆଦେସ୍ ବାଚେ ମେଇଂ ପାଉଲ୍‌କେ ଯିରୁସାଲାମ୍ ଖେନ୍‌ସା ମନା ତିଂଆରକେ ।

୫ ମାତର୍ ମେଇଂ ଏତେ ମୁଇଂ ସାନ୍ତା ଖେକ୍ଲେ ଇଡ଼ିଙ୍ଗ୍ ନେ ଆମେଇଂକେ ଆନ୍ତାରତେ ନେନେ ଗାଲିପାକା ନେଖେକେ । ଆନେକେ ବିଦାୟ୍ ବିନ୍‌ସା ମେଇଂ ସାପାରେ ନିଜେନେ ସେଲାମ୍‌ସୁଃ ଆରି ଗଡ଼େଇଂ ଏତେ ସହର୍ ବାଏରେ ଲେକ୍ଲେ ମ୍ଲ କେଶୁଆ ଆଡ୍‌ ଜାକ ପାଙ୍ଗ୍‌ଆକେ । ଆଡ୍‌ଅରିଆ ନେ ସାପାରେ ତେଙ୍ଗ୍‌ଚେ ପାର୍ତନା ନେଡ଼ିଂକେ ।

୬ ତେନ୍ ଇଡ଼ିଂ ନେ ଆମେଇଂକେ ବିଦାୟ୍ ବିଚେ ଶୁଆଃ ଜାଆଜ୍‌ନ୍ନିଆ ନେଗାକେ ଆରି ମେଇଂ ନିଜର୍ ତୁଆ ଝିଗ୍‌ଆରକେ ।

୭ ନେ ଗାୟରବାନ୍ ଜାଆନ୍ନିଆ ଯାତ୍ରା ତିଂରେ ତାଲମେଇନ୍ନିଆ ନେପିଙ୍ଗଟାକେ ବାରି ବୟାଁଇଂକେ ସାରଲରେ ମୁଇଂ ଦିନା ମେଇଙ୍ଗ ଏଡେ ନେଲେଃଗେ ।

୮ ✱ମାର୍ତତଡେ ନେ ଆଡେନ୍ ଜାଗା ଆନ୍ତାରରେ କାଇସରିୟା ନେଖେଟାକେ । ଆଡ଼ଅରିଆ ନେ ବାସଙ୍ଗ ତିଙ୍ଗ୍ଣେ ଫିଲିପ୍ପିନେ ତୁଆ ନେଲେଃଗେ ଯିରୁସାଲାମନ୍ନିଆ ସେବକ ରକମ୍ ମନନିଡ଼ ତିଙ୍ଗ୍ଲେକ୍ଲେ ଗୁ ରୁଆବାନ୍ ମେଁ ମୁଇଂଜା ଲେଃଗେ ।

୯ ମେଁନେ ଅଁଣ୍ଡୁଆ ବିହେ ମାଡିକ୍ଲେ ସେଲା ଇସପରନେ ବାବବାନି ବାସଙ୍ଗତିଂ ଆରଗେ ।

୧୦ ✱ନେ ଆଡ଼ଅରିଆ ଗୁଲେ ଦିନା ଲେକ୍ଲେ ଇଡ଼ିଙ୍ଗ୍ ଜିଉଦା ପ୍ରଦେସବାନ୍ ଆଗାବ ମିକ୍ଲେ ମୁଇଂ ବାବବାଦି ଆଡ଼ଅରିଆ ପାଂକେ ।

୧୧ ମେଁ ନେଡାଗ୍ରା ପାଙ୍ଗରେ ପାଉଲ୍ଲନେ ନ୍‌ସାନ୍ନିଆ ଗାଗ୍‌ନେ ତୁଆଲ୍ ତୁଂଡ଼ଆରକେ, ଆଡ଼ବା ମେଁ ନିଜେନେ ତ୍ରି ବାରି ଞ୍ଚ ଗାଗ୍‌ରେ ବାଲିରକେ “ପବିତ୍ର ଆମ୍ବା ଆନେଙ୍ଗକେ ଆମ୍ବାଃତିଂକେ ଜେ ଆକେନ୍ ତୁଆଲ୍ ଗାଗମ୍ବାଃକ୍ଲେ ଅଦିକାରିକେ ଯିରୁସାଲାମନ୍ନିଆ ଜିଉଦିଇଂ ଦେକ୍‌ରକମ୍ ଗାଗ୍‌ରେ ଆମେକେ ଅଣଜିଉଦିଇଂନେ ତ୍ରି ଡାଗ୍ରା ସରପେ ବିଃଆରୁଏ ।”

୧୨ ଏନ୍ ଅଁରେ ନେ ଆରି ଆଡ଼ଅରିଆ ଲେଃମ୍ବାକ୍ଲେ ବିନ୍‌ରେ ପାଉଲ୍ଲକେ ଯିରୁସାଲାମନ୍ନିଆ ମାଖେନ୍‌ସା ଗୁଆରି ତିଙ୍ଗ୍ ଆରକେ ।

୧୩ ମାଡର ପାଉଲ୍ ଉଡର ବିକେ, “ପେ ଏନ୍ ମେଁ ତିଂ ପେତିଂକେ ମେଁସା ଦେକ୍‌ରକମ୍ ଅଁରେ ନେଙ୍ଗ୍ ଜିବନ୍‌କେ ଦୁକ୍ ଆଃତିଂପେତିଂକେ ? ଜିସୁନେ ମି ନ୍‌ସା ଯିରୁସାଲାମନ୍ନିଆ ମାଡର ଗାଗ୍ ନ୍‌ସା ଶ୍ଟୁ ମ୍ବାଡର ମାପୁରୁ ଜିସୁ ଆଡ଼ଲା ଗୁଏଃନସା ତିଗ୍ ନେଙ୍ଗ୍ ତିଆର ତିଂଲ୍ଲେକେ ।”

୧୪ ନେ ଆମେକେ ଆଦ୍ରିଗ୍ ମାୟାରେ ଆଡ଼ବା ବୁଙ୍ଗ୍ ଲେଃଗେ ନେବାଲିରକେ, “ମାପୁରୁନେ ଇକ୍‌ଟା ପୁରନ୍ ତିଂଲେ ।”

୧୫ ଆଡ଼ଅରିଆ ଉଡ଼ିସି ଝେକ୍ଲେ ଇଡ଼ିଙ୍ଗ୍ ନେ ନେନେ ଜିନିସ୍ ସାମାନ୍‌ଇଂ ସଜେରେ ଯିରୁସାଲାମ୍ ପାକା ନେଖେକେ ।

୧୬ କାଇସରିୟାନେ ଉଡ଼ିରୁଆ ସିସ୍ ଆରି ସାଇପ୍ରସନେ ମନାସୋନ ମିକ୍ଲେ ମୁଇଂ ବିସ୍‌ବାସି ତିଗ୍ ନେ ଏଡେ ଝେକେ । ମନାସୋନନେ ତୁଆ

ନେ ଲେଖନେ ନିୟମ୍ ଆରମେ ବଆରଗେ ।

ଜାକୁବ୍ ଏତେ ପାଉଲ୍ ମିସୁକେ

୧୭ ନେ ଯିରୁସାଲୀମ୍ ନିଆ ନେଖେଟାକେ ଆନେକେ ବୟାଁଇଁ
ସାରଦାରେ ସାଲ୍ ଆମ୍ୟାଃଆରକେ ।

୧୮ ତେନ୍ ମାରତଡେ ପାଉଲ୍ ନେ ଏତେ ଜାକୁବ୍ କେନ୍ସା
ଖେଆରକେ; ସେବକଇଁ ଆଡ଼ଅରିଆ ପିଙ୍ଗଟାଲେ ଆରଗେ ।

୧୯ ପାଉଲ୍ ଆମେଇଁକେ ଜୁଆର୍ ବେଟ୍ ଡିଙ୍ଗଟେ ମେଁନେ କାମ୍
ବାନ୍ ଇସପର୍ ଅଣଜିଉଦିଇଁନେ ବିଡ଼ରେ ମେଁ ତିଁବଗେ; ମେଁନେ
ମୁଇଁ ପୁରାପୁରି ବାବ୍ରେ ଆମ୍ୟାଃବିଃଆରକେ ।

୨୦ ମେଁନେ ସାମୁଆଁ ଦ୍ଵିଗ୍ଲେ ଇଡିଙ୍ଗ୍ ମେଇଁ ସାପାରେ ଇସପର୍କେ
ପ୍ରସଂସା ତିଁ ଆରକେ । ତେନ୍ ଇଡିଁ ମେଇଁ ବାଲିର୍ ଆକେ “ବୟାଁ
ପାଉଲ୍ ନାଁ ତ କେନାଡିଁକେ, ଡିରକମ୍ ଏବେ ଅଜାର୍ ଅଜାର୍
ସଂକ୍ୟାରେ ଜିଉଦିଇଁ ମାପୁରୁ ଜିସୁ ଡାଗ୍ରା ବିସବାସ୍ ତିଁଆରଡିଁକେ
ଆରି ମେଇଁ ନିୟମ୍ ଆଡ଼ାଡ୍ରା ଡିଗ୍ ଜାବର୍ ସାରଦାରେ ଲେଖଆରକେ
।

୨୧ ମେଇଁ କବର୍ ବାଲେଃଆରକେ ଜେ ନା ଅଣଜିଉଦିଇଁନେ
ଦେସ୍ ନିଆ ବାସା ତିଁଆରକେ ଜିଉଦିଇଁକେ ମୋଶାନେ ନିୟମ୍
ଆଡ଼ାନ୍ସା ଆସିକେ ପେଡିଁ । ପେ ଆମେଇଁକେ ମେଇଁନେ
ଗଡେଅଇଁନେ ପବିତ୍ର ମାରାଃଡିଁନେ ନ୍ସା ଆରି ଜିଉଦିଇଁନେ
ନିୟମ୍ ମାମାନେଃ ନ୍ସା ଆଃସିକେ ପେଡିଁକେ ।

୨୨ ନା ଆକ୍ଅରିଆ ପିଙ୍ଗଟା ନେଲେଃକେ ଡାଗ୍ଟେ ମେଇଁ
ଡିଲ୍ଲାଡିଗ୍ ଅଁ ଆରସ । ତେଲା ମେଃ ନେଡିଁଏ ?

୨୩ ନେ ଚାଏଁ ନେଡିଁକେ ନା ମୁଇଁ କାମ୍ ତିଁ । ଆକ୍ଅରିଆ ଲେକ୍
ଅଁଶୁଆ ରେମୁଆଁ ଇସପର୍ ଡାଗ୍ରା ତ୍ରି ଟେକେ ବଆରକେ ।

୨୪ ମେଇଙ୍ଗ୍ ଏତେ ଖେଲା । ଶୁଟିକରଣ ନିୟମ୍ ପାଲନ୍ ନିଆ
ମେଇଙ୍ଗ୍ ଏତେ କୁଡେଟେ ମେଇଁନେ ବାଆଃ କୁଆର୍ ନ୍ସା କର୍ତ୍ତ ବିଃପା
। ଏନ୍ବାନ୍ ସାପାରେ ବାବେ ଆରସ୍ ଜେ ମେଇଁ ପେ ବିସୟ୍ରେ
ଜା ସାପା ଅଁଲେଃଆକେ ଆତେନ୍ ମିର୍ । ମେଇଁ କେଆରସ୍ ଜେ
ପେ ନିଜର୍ ନିଜର୍ ଜିବନ୍ରେ ମସାନେ ନିୟମ୍ ମାନେଃଟେ ଚଲେ
ପେଡିଁକେ ।

୨୫ ☆ନେ ଅଣଜିଉଦି ବିସ୍ବାସି ରେମୁଆଁଙ୍କେ ଚିଟି ଉଲିଆ ଗୁଆରନେଡ଼ିଂକେ ଜେ ନେନେ ନିସ୍ତତି ଇସାବରେ ମେଇଂ ମୁଉଁ ପୁଜାଅରିଆ ଛି ଟେକେବକ୍ଲେ ଜିନିସ୍ ଆଚଂଆର ଶ୍ରୁ ମିଆଁ ଆଉଗ୍ଆର ଶ୍ରୁ ଲୁଗଃ ଲିଃଗରେ ଆଗୁଏବକ୍ଲେ ପସୁନେ ଚିଲି ଆଚଂଆରଲେ ଆରି ଦଦ୍ୟା ପାପ୍ବାନ୍ ସ୍ଲ ଲେଃଆରଲେ ।”

୨୬ ତେନ୍ ଆମାରତଡ଼େ ପାଉଲ୍ ଆଡେନ୍ ଅଁ ଶ୍ରୁଆ ଏଡେ ଶୁଚିକରଣ ନିୟମ୍ ପାଲେ ଆରକେ । ତେନ୍ ଇଡ଼ିଂ ମେଁ ମନ୍ଦିରନ୍ନିଆ ଝେରେ ପବିତ୍ର ଡ଼ିନେ କାମ୍ ଅଃନା ଡାଏ ଆରି ଉଡ଼ି ବେଲା ଗିମିଃ ମିଆଁ ବିଃଆରଏ, ଆଡେନ୍ ଆମ୍ୟାଃଆରକେ ।

ପାଉଲ୍ ମନ୍ଦିର ବିତ୍ରେ ଗେରେଆରକେ

୨୭ ପବିତ୍ର ଡ଼ିନେ କାମ୍ନେ ଗୁ ଦିନା ଡାକ୍ଲେ ଇଡ଼ିଙ୍ଗ୍ ଆସିଆ ପ୍ରଦେସ୍ନେ ଉଡ଼ିରୁଆ ଜିଉଦି ମନ୍ଦିରନ୍ନିଆ ପାଉଲ୍କେ କେଆରକେ । ମେଇଂ ଆଡ଼ଅରିଆ ମୁଇଂନୁଗ୍ ରିସିଂଲେକ୍ଲେ ରେମୁଆଁଙ୍କେ ଅବାଃଲିରରେ ପାଉଲ୍କେ ସାଃଆରକେ ।

୨୮ ମେଇଂ କିରରେ ବାଲିର୍ ଆରକେ “ଏ ଇଶ୍ରାଏଲ୍ନେ ବୟାଁଇଂ ଆନେକେ ସାଇଜ୍ୟ ଡ଼ିପା ! ଆକେନ୍ ରେମୁଆଁ ପିତୁରପାକା ଝେରେ ଇସ୍ରାଏଲ୍ନେ ରେମୁଆଁଙ୍କଂନେ ବିରଦ୍ରେ ମୋଶାନେ ନିୟମ୍ ଆରି ଏନ୍ ମନ୍ଦିର ବିରଦ୍ରେ ଗ୍ୟାନ୍ ବିଶ୍ତିଂ । ବାରି ଏବେ ମେଁ ଉଡ଼ିରୁଆ ଗ୍ରୀକ୍ ରେମୁଆଁଙ୍କେ ମନ୍ଦିର ଡାଗ୍ରା ହୁଙ୍ଗ୍ପାଂରେ ଏନ୍ ପବିତ୍ର ଜାଗାକେ ଅସ୍ତୁଚି ଆଡ଼ିବ ଆରକେ ।”

୨୯ ☆ମେଇଂ ସହରନ୍ନିଆ ଏଫିସିୟନେ ତ୍ରଫିମକେ ପାଉଲ୍ ଏଡେ କେଲେଃଗସା ବାବେଆରକେ ଜେ ପାଉଲ୍ ଆମେକେ ମନ୍ଦିରନ୍ନିଆ ହୁଂଝେବକ୍ଲେ ।

୩୦ ଗୁଲେ ସହରପାକା ଉଡ୍ରା ଡ଼ିଂଝେଗେ ରେମୁଆଁଙ୍କଂ ମୁଇଂ ମାଡ଼ରେ ଝିର୍ ହୁଂଝେଆରକେ ଆରି ମେଇଂ ପାଉଲ୍କେ ସାଚେ ମନ୍ଦିର ବାଏରେ ଉରଗୁ ହୁଂପାଙ୍ଗ୍ ଆରକେ ଆରି ଆଡେନ୍ ଦାପ୍ରେ କାପାଟ୍ ସାପା ବନ୍ଦ୍ ଡ଼ିଂଝେଗେ ।

୩୧ ଆରି ମେଇଁ ଆମେକେ ବାଗୁଏଃ ବିଃନ୍‌ସା ରେସ୍‌ଟା ତିଂଆରକେ
ଗୁଲେ ଯିରୁସାଲାଇମ୍ କିରମର ତିଂତଂଗେ ତାଗ୍‌ରେ ସନ୍‌ସଦଲ୍‌ନେ ମୁଇଁ
ସ ସେନାପତିଇଁନେ ତାଗ୍ରା କବର ବିଆରକେ

୩୨ ଆଡ଼ବା ମେଁ ଆଡେନ୍ ଦାପ୍ରେ ସନ୍‌ସ ଆରି ମୁଇଁ ଶହନେ
ନେତା ମୁଇଁସ ସନ୍‌ସଇଁନେ ନେତାଇଁକେ ସାତେ ମେଇଁ ତାଗ୍ରା ଝିର୍
ତୁଂଝେଆରକେ । ମେଇଁ ମୁଇଁ ଶହ ସେନାପତି ଆରି ସନ୍‌ସଇଁ
କେତେ ପାଉଲ୍‌କେ ବାରି ମାବଗ୍‌ରେ ଆନ୍ତାର ବିଆରକେ ।

୩୩ ଆଡେନ୍‌ବେଲା ମୁଇଁ ଶହ ସେନାପତି ତାଗ୍ରା ପାଙ୍ଗ୍‌ରେ
ଆମେକେ ମ୍ପାର୍ତି ସିକ୍ଲିଏତେ ଗାଗ୍‌ନ୍‌ସା ଆଦେସ୍ ବିଃଆକେ ବାରି “ମେଁ
ଜାଣ୍ଡେ ଆରି ମେଁ ମେଁ ତିଙ୍ଗ୍‌ବକେ ?” ତାଗ୍‌ରେ ସାଲିଆକୁଆରକେ ।

୩୪ ରେମୁଆଁ ଗହଲିବାନ୍ ଜା ଉଡ଼ି ରକମ୍‌ନେ ସାମୁଆଁ ବାଲିରରେ
ଝାସାର ଆରକେ ଦେକ୍‌ରକମ୍ କିରମର ତିଂକେ ଜେ ସେନା ନେତା
ସଡ଼ ଗର୍‌ନା ମେଁନେ ମେଃଡିଗ୍ ବୁଜେ ଆୟାକେ ଶୁୁ । ତେସା ମେଁ
ପାଉଲ୍‌କେ ସନ୍‌ସ ତୁଆ ବିଡ଼ରେ ତୁଂଝେନ୍‌ସା ସେନିକ୍‌ଇଁକେ ଆଦେସ୍
ବିଆରକେ ।

୩୫ ମେଇଁ ଆମେକେ ତୁଂଝେରେ ସନ୍‌ସ ତୁଆନେ ପାଆର୍ ତାଗ୍ରା
ଝେଚାନେ ବେଲା ଆମେକେ ଗେରେ ଲେକ୍‌କେ ରେମୁଆଁଗଣ୍ଡୁଇଁ
ଏନ୍ତି କିରମର ତିଂଆରକେ ଜେ ସନ୍‌ସଇଁ ପାଉଲ୍‌କେ ତୁଙ୍ଗ୍‌ରେ
ତୁଂଡ଼ଆରକେ ।

୩୬ ରେମୁଆଁଇଁ ସାପାରେ ମେଁ ପ୍ଲା ପାଙ୍ଗ୍‌ରେ ଝାସାରରେ
ବାସଙ୍ଗ୍‌ତିଂଆରଗେ “ଆମେକେ ବାଗୁଏ ବିଃପା ।”

ପାଉଲ୍ ଜିବନ୍ ଅପେଃକେ

୩୭ ସନ୍‌ସଇଁ ପାଉଲ୍‌କେ ପ୍ରାସାଦ୍ ବିଡ଼ରେ ତୁଂଝେନେ ବେଲା ମେଁ
ସେନାଇଁନେ ନେତାକେ ବାଲିରକେ, “ଆନା ନେଙ୍ଗ୍ ମେଁ ତିଗ୍ ବାସଙ୍ଗ୍
ୟାଲେଃ ?” ସେନାଇଁନେ ନେତା ସାଲିଆକୁକେ, “ନା ତ ଗ୍ରାକ୍ ବାସା
ବାଲିର ନାତିଂକେ ।

୩୮ ତେଲା ନା ମେଁନେ ଆଡେନ୍ ମିସରନେ ରେମୁଆଁ ଶୁୁ ଜା
ଉଡ଼ିମୁଆଁ ଅଃସେ ସରକାରନେ ବିରୁଦ୍‌ରେ କୁଦ୍ ତିଂବଗେ ଆରି ଅଁ
ଅଜାର୍ ତାକୁ ସାତେ ବାଲିଲଃନ୍ନିଆ ଝେଲେଃଆରଗେ ।”

୩୯ ପାଉଲ୍ ଉତର ବିକେ “ସିଲିଷୀଆନେ ତାଷ୍ଟି ସ୍ପନ୍ନିଆ ଜନମ୍ ତିଲେକ୍ସେ ନେଙ୍ଗ୍ ମୁଇଁ ଜିଉଦି ରେମୁଆଁ ମୁଇଁ ମ୍ମା ସହର୍ନେ ନାଗରିକ । ଏନ୍ ରେମୁଆଁଇଁକେ ଆଦ୍ରିଗ୍ରେ ବାଲିର୍ ନସା ଦୟା ତିଂରେ ଆନେଙ୍ଗ୍ ଆଦେସ୍ ବିଲା ।”

୪୦ ସେନାପତି ଆମେକେ ଆଦେସ୍ ବିଲା ପାଉଲ୍ ପାଆର୍ ଆଡାଡା ତୁଆଁରେ ରେମୁଆଁଇଁକେ ବୁଙ୍ଗ୍ଲେଃ ନସା ତ୍ରି ଆତଡ଼ିଆରେ ବାଲିର୍କେ । ମେଇଁ ବୁଙ୍ଗ୍ଲେ ଇଡ଼ିଙ୍ଗ୍ ପାଉଲ୍ ଏବ୍ରୀ ବ୍ଲାସାରେ ବାଲିର୍କେ ।

୨୨

୧ “ବୟା ବାରି ତକ୍ରାରେଇଁ ପେ ସାର୍ମୁଆଃ ତାଗ୍ରା ନିଜେ ପାକାବାନ୍ ନେଙ୍ଗ୍ ମେଃନେ ବାସଙ୍ଗ୍ରିଁ ଅଃତେନ୍ ଦ୍ରିଗ୍ପା !”

୨ ମେଇଙ୍ଗ୍ ଏତେ ମେଁ ଏବ୍ରୀ ବ୍ଲାସାରେ ସାମୁଆଁ ବାସଙ୍ଗ୍ନେ ଅଁରେ ମେଇଁ ବାରି ବୁଙ୍ଗ୍ ଆରଗେ ଆରି ପାଉଲ୍ ବାଲିର୍ନେ ମୁଲେଃକେ ।

୩ ✧ “ନେଙ୍ଗ୍ ମୁଇଁ ଜିଉଦି ରେମୁଆଁ ସିଲିଷୀଆନେ ତାଷ୍ଟି ସ୍ପଡାଗ୍ରା ନେଙ୍ଗ୍ନେ ଜନମ୍ ମାତର୍ ନେଙ୍ଗ୍ ଯିରୁସାଲାମ୍ନିଆ ଲାଲନ୍ ପାଲନ୍ ତିଙ୍ଗ୍ଲେଗେ ବାରି ଗମଲିଏଲ୍ନେ ମୁଇଁ ଗଡ଼େଅ ଲେଃଗେ । ନେନେ ତ୍ରା ଜ୍ଞାଇଁନେ ନିୟମ୍ ନେଙ୍ଗ୍ ସଡ଼ ବାବରେ ସିକ୍ୟା ବାଲ୍ଲେକେ ବାରି ପେ ରକମ୍ ଇସପର୍ତାଗରା ଜାବର୍ ସାର୍ଦାରେ ଲ୍ଲେଗେ ।

୪ ✧ ନେଙ୍ଗ୍ ଆକେନ୍ ଗାଲି ତୁର୍ ଅଲେଙ୍ଗ୍ ମ୍ୟାଃକ୍ସେ ରେମୁଆଁଇଁନେ ଆଡାଡା ଅତ୍ୟାଚାର୍ ତିଂରେ ଆମେଇଁକେ ଜିବନ୍ରେ ବାଗୁଏ ବିମ୍ବ୍ରେ । ସେଲାମ୍ବୁଃ ଆରି ଙ୍ଗିରେ ସାପାରେକେ ବନ୍ଦି ଆଡ଼ିଂରେ କଏଦ୍ ତୁଆନ୍ନିଆ ଆଗା ନେବଗେ ।

୫ ନେଙ୍ଗ୍ନେ ଆକେନ୍ ସାମୁଆଁ ଜେ ସଡ଼ ମ୍ମା ପୁଜାରି ବାରି ମ୍ମା କୁକପାର୍ନେ ସାପାରେ ଆକେନ୍ ସାକି ଲେଃଆକେ । ଏନ୍ ରେମୁଆଁଇଁକେ ବନ୍ଦି ଆଡ଼ିଂରେ ବାରି ସିକିଲି ଏତେ ଗାଗ୍ରେ ଡଣ୍ଡୁ ବିନ୍ସା ଯିରୁସାଲାମ୍ନିଆ ସାରେ ତୁଙ୍ଗ୍ପାଁନେସା ନେଙ୍ଗ୍ ମ୍ମା ପୁଜାରିବାନ୍ ପରିଚୟ୍ ଉଲିଆ ତୁଂଝେରେ ଦାମାସ୍ସ୍ପଡାଗ୍ରା ଲେକ୍ସେ ଜିଉଦି ବୟାଇଁତାଗ୍ରା ଡ଼ଞ୍ଜେକେ ।”

✧ ୨୨:୩ ପ୍ରେରିତ୍ ୫:୩୪-୩୯. ✧ ୨୨:୪ ପ୍ରେରିତ୍ ୮:୩; ୨୨:୯-୧୧.

ପାଉଲ୍ ମୈନେ ମନ୍ ପରିବର୍ତ୍ତନ ସାମୁଆଁରେ ବାଲିରକେ
(ପ୍ରେରିତ୍ ୯:୧-୧୯; ୨୭:୧୨-୧୮)

୨ “ନେଙ୍କ ଯାତ୍ରା ତିଂରେ ଉଡ଼ିବେଲା ଦାମାସ୍କସ୍ତାଗ୍ରା ତିଂଶ୍ରିଙ୍ଗେ ପ୍ରାୟ ସ୍ଥି ବେଲା କିତଂଇନିବାନ୍ ମୁଇଂ ତାରକିଗସ୍ ଉଲୁସ୍ତେ ନେଙ୍କ ପିତୁରପାକା ତାରକିଗ୍ ତିଂକେ ।

୩ ନେଙ୍କ ତୁବତାଗ୍ରା ମୁଗ୍ଗିଚେ ଲ୫ ଜୁଏ୪ଏ ଆରି ନେଙ୍କ ନସା ଏନ୍ ଇଲ୍‌ଏ ଡ଼କେ, ‘ଶାଉଲ୍ ଶାଉଲ୍ ! ନା ମୈସା ଆନେଙ୍କ୍ ଗୁରନା ତିଂନାତିଂକେ ?’

୮ ନେଙ୍କ ସାଲିଆଙ୍କୁକକେ ‘ମାପୁରୁ ନାଁ ଜାଣେ୪ ?’ ମୈ ଆନେଙ୍କକେ ବାଲିରକେ ନାଁ ଆଜାକେ ଗୁରନା ତିଂନାତିଂକେ, ନେଙ୍କ୍ ଆତେନ୍ ନାଜରିତନେ ଜିସୁ ।

୯ ନେଙ୍କ୍ ଏତେ ଲେ୪ତିଂକ୍ଲେ ରେମୁଆଁଇଂ ଆତେନ୍ ତାରକିଗସ୍ କେଆରକେ, ମାତରୁ ନେଙ୍କ୍ ଏତେ ବ୍ଲାଇର୍ ବାଲିର୍ ତିଂକ୍ଲେ ରେମୁଆଁନେ ଇଲ୍‌ଏ ଦ୍ରିଗ୍ ଆୟାଆରକେ ଶୁ ।

୧୦ ନେଙ୍କ୍ ମିଟାରେକେ ‘ମାପୁରୁ ନେଙ୍କ୍ ମୈ ଶ୍ରିଙ୍‌ଏ ?’ ମାପୁରୁ ଆନେଙ୍କ୍ ବାଲିରଲେ ‘ତୃଡ଼ିଆ ଦାମାସ୍କସ୍ ଝେଲା ଇସପର ନା ଆଡ଼ଲା ଆଣ୍ଡିନେ କାମ୍ ବି୪ ବକେ ଆଡ଼ଅରିଆ ଆନାକେ ଆତେନ୍ ଆ୪ଅଁ ବିଏ ।’

୧୧ ଗୌରବ୍‌ମୟ ତାରକିଗ୍‌ନେ ତାତିରେ ନେଙ୍କ୍ କାନା ତିଂ ଝେକ୍ଲେଗେ । ଆତେନ୍‌ସା ନେଙ୍କ୍‌ନେ ସଙ୍କ୍‌ସାତିଇଂ ନେଙ୍କ୍ ତ୍ରି ସାଚେ ଆନେଙ୍କକେ ଦାମାସ୍କସ୍ତାଗ୍ରା ତୁଂଝେଆକେ ।”

୧୨ “ଆତେନ୍ ସହର୍‌ନ୍ନିଆ ହନନାୟ୍ ମିକ୍ଲେ ମୁଇଂ ଦାମ୍‌କ୍ ରେମୁଆଁ ଲେ୪ଗେ । ମୈ ନେନେ ନିୟମ୍ ପାଲନ୍ ତିଂତିଂଗେ ଆରି ଆଡ଼ଅରିଆ ବାସା ତିଂଆରକ୍ଲେ ଜିଉଦିଇଂ ସାପାରେ ଆମେକେ ଜାବର୍ ସନ୍‌ମାନ୍ ବିତିଂଆରକେ ।

୧୩ ମୈ ନେଙ୍କ୍ ତାଗ୍ରା ପାଙ୍ଗ୍‌ଚେ ନେଙ୍କ୍ ତାଗ୍ରା ତୁଆଁଚେ ବାଲିରକେ ‘ବୟାଁ ଶାଉଲ୍ ନାନେ କେନେ ବପୁ ଆଣ୍ଡେ ପାଙ୍ଗ୍‌ଲେ । ଟିକ୍ ଆତେନ୍ ଦାପ୍ରେ ନେଙ୍କ୍ ବାର୍‌ମୁଇଂତର୍ କେୟାନେ ବପୁ ବାଚେ ଆମେକେ କେକେ ।’”

୧୪ ମୈ ବାଲିରକେ “ନେନେ ଛା ଞାଇଂନେ ମାପୁରୁ ଆନାକେ ମେଇଂ ଇକ୍‌ଚା ମ୍ୟା୪ନ୍‌ସା ମେଇଂ ଦାର୍‌ମିକ୍ ସେବକଇଂକେ କେନ୍‌ସା ବାରି

ମେଇଁ ସାମୁଆଁ ଅଁନ୍‌ସା ମନନିତ୍ ତିଂବଆରକେ ।

୧୫ ତାଗ୍ଲା ପେ ମେଝନେ କେପେଲେକେ ଆରି ଅଁପେଲେକେ ଆଡେନ୍ ସାପାରେ ତାଗ୍ଲା ବାଲିର୍ ନ୍‌ସା ପେ ମେଝନେ ସାକି ପେଡିଂଏ ।

୧୬ ବାରି ମେସା ନିଅଲ୍ ଆଡିଂପେଡିଂ ? ପାଙ୍ଗ୍‌ଲାପା ଶୁଆନ୍ନିଆ ତୁବନ୍ ତୁଂଡଲାପା ବାରି ମେଁନେ ମ୍ଲିରେ ପାର୍ତନା ଡିଙ୍ଗ୍‌ଲା ପାପ୍ ସାପା ଗଃଡିଆ ଜଗ୍‌ଲାଗ୍ ।”

ଅଣଜିଉଦିଇଂନେ ତାଗ୍ଲା ବାସଙ୍ଗ୍ ତିଂନେସା ପାଉଲ୍‌ନେ ବ୍ଲାଲିର୍

୧୭ “ନେଙ୍ଗ୍ ଯିରୁସାଲାମ୍ ଆଣ୍ଡେ ଝିଗ୍‌ରେ ଆଡ୍‌ଅରିଆନେ ମନ୍ଦିରନେ ପାର୍ତନା ତିଂଣିଂନେ ବେଲା

୧୮ ମାପ୍‌ରୁନେ ଦର୍‌ସନ୍ କେକେ । ମେଁ ଆନେଙ୍ଗ୍ ବାଲିର୍‌କେ ‘ଜିଆ ଯିରୁସାଲାମ୍ ଆନ୍ତାର୍‌ରେ ଲାଗ୍‌ତଲା ତାଗ୍ଲା ଆକ୍‌ଅରିଆନେ ରେମୁଆଁଇଂ ନେଙ୍ଗ୍ ବିସୟ୍‌ରେ ନାନେ ସାକି ଗ୍ରାଅନ୍ ଆଡିଂଆର୍ ଶୁ ।’

୧୯ ନେଙ୍ଗ୍ ଉତର୍ ମ୍ଲିକେ ‘ମାପ୍‌ରୁ’ ନେଙ୍ଗ୍ ପାର୍ତନା ତୁଆଇଂନ୍ନିଆ ଝେରେ ନାତାଗ୍ଲା ବିସ୍‌ବାସ୍ ତିଂଆର୍‌ଡିଂକ୍ଲେ ରେମୁଆଁଇଂକେ ତିରକମ୍ ବନ୍ଦି ଆଡିଂବଆର୍‌ଗେ ଆରି ବାଗୁଏବ ଆର୍‌ଗେ ଆକେନ୍ ମେଇଂ ନିମାଣ୍ଡା ବାବ୍‌ରେ ମ୍ୟାଃଲେଆରକେ ।

୨୦ ବାରି ଉଡିବେଲା ନାନେ ସାକି ସ୍ତ୍ରୀମାନକେ ବାଗୁଏ ଆରକେ ନେଙ୍ଗ୍ ନିଜେ ଆଡ୍‌ଅରିଆ ଲେଗେ; ଆମେକେ ଜିବନ୍‌ରେ ବାଗୁଏ ବିନ୍‌ସା ନେଙ୍ଗ୍ ଏଡେ ଲେଃଡିଂକ୍ଲେ ରେମୁଆଁଇଂ ଆଃମ୍ୟାଃ ବିଃମ୍‌ଗେ ଆରି ମେଇଂ ବାଗୁଏରେଇଂକେ ନିଜେ ନିଜେନେ ସକାଇଂକେ ଉର୍ ଲେଗେ ।

୨୧ ମାପ୍‌ରୁ ଆନେଙ୍ଗ୍ ବାଲିର୍‌କେ ‘ଝେଲା’ ନେଙ୍ଗ୍ ଆନାକେ ଗୁଲେ ସ୍ଲୁ ଅଣଜିଉଦିଇଂନେ ତାଗ୍ଲା ମ୍ଲେଏ ।”

୨୨ ପାଉଲ୍ ଆକେନ୍ ସାମୁଆଁ ବାଲିର୍‌ନେ ଜାକ ରେମୁଆଁଇଂ ମନ୍ ଦିଆନ୍ ଦ୍ରିଗ୍‌ଆର୍‌ଡିଂଗେ ମାତର୍ ତେନ୍ ଇଡିଂ ମେଇଂ ଝାସାର୍‌ରେ ବାଲିର୍ ଆରକେ “ଆମେକେ ମଞ୍ଚ୍‌ପୁର୍‌ବାନ୍ ଆତାର୍ ବିଃପା ! ଆମେକେ ବାଗୁଏଃ ବିଃପା ! ମେଁ ବୁଆନେ ଆରି ଦର୍‌କାର୍ ଶୁ ।”

୨୩ ମେଇଂ ଝାସାର୍ ତିଂଆର୍‌କେ ସକା ପାଟାଇ ଆଉଡେ ତିଂଆର୍‌ଗେ ବାରି ଆରାତ୍ରା ଦୁଲି ଜଗ୍‌ଲାଗ୍ ତିଂଆର୍‌ଗେ ।

୨୪ ପାଉଲ୍‌ଙ୍କେ ସନ୍ୟ ଭୁଆ ବିତ୍‌ରେ ତୁଂଝେନ୍‌ସା ରୋମୀୟ ସେନାପତି ସନ୍ୟଲଂକେ ଆଦେସ୍ ବିକେ ଆରି ଜିଉଦିଲ୍ ମେଁସା ମେଁ ବିରଦ୍‌ରେ ଦେକ୍‌ରକମ୍ ଖାସାର୍ ତିଂଆରଗେ ଆଡେନ୍ ମ୍ୟାଃନ୍‌ସା ଆମେକେ ଚାମୁକ୍ ଏଡେ ବଗନ୍‌ସା ଆଦେସ୍ ବିଆରକେ ।

୨୫ ମାତର୍ ମେଲ୍ ଆମେକେ ଗାଗ୍‌ନେ ବେଲା ପାଉଲ୍ ଆଡ୍‌ଅରିଆ ଲେଃଶ୍ଟ୍ରେକେ ମୁଇଁ ଚାକିରିଆକେ ବାଲିରକେ “ମେଃଡିଗ୍ ଅପରାଦ୍‌ରେ ଏ ଜାକ ବିଚାର୍ ମାଡିଂରେ ମୁଇଁ ରୋମୀୟ ଜିଂରେକେ ଚାମୁକ୍ ଏଡେ ବଗ୍‌ନେ ମେଁନେ ଆଇନ୍‌ନେ ନିୟମ୍ ?”

୨୬ ଆକେନ୍ ଅଁରେ ସ୍ଲେରେ ଝେରେ ସନ୍ୟନେତା ବାଲିରକେ, “ନା ମେଃନେ ତିଂ ନାଡିଂକେ ? ଏନ୍ ରେମୁଆଁ ଜେ ମୁଇଁ ରୋମୀୟ ଜିଂରେ !”

୨୭ ସନ୍ୟନେତା ପାଉଲ୍ ଡାଗ୍ରା ଝେରେ ସାଲିଆକୁକେ “ନା ମେଃନେ ମୁଇଁ ରୋମୀୟ ଜିଂରେ ?” ପାଉଲ୍ ଉତର୍ ବିକେ, “ଅଃଅଁ !”

୨୮ ସେନାପତି ବାଲିରକେ “ନେଙ୍ଗ୍ ମୁଇଁ ରୋମୀୟ ଜିଂରେ ତିଂନେସା ଗୁଲେ ଡାବୁ ବିମ୍‌ଗେ ।” ପାଉଲ୍ ବାଲିରକେ “ମାତର୍ ନେଙ୍ଗ୍ ଜନମ୍‌ବାନ୍ ରୋମୀୟ ।”

୨୯ ପାଉଲ୍ ମୁଇଁ ରୋମୀୟ ଜିଂରେ ଡାଗ୍‌ରେ ମ୍ୟାଃକ୍ ଇଡିଙ୍ଗ୍ ଆମେକେ ପ୍ରଗ୍ ସାଲ୍ୟାଃକ୍ ନ୍‌ସା ଝେଡିଂକ୍ ରେମୁଆଁଇଁ ଜିଆ ଜିଆ ଆମେକେ ଆଡ୍‌ରରେ ଲାଗ୍‌ଡଆରକେ । ସନ୍ୟନେତା ତିଗ୍ ଆମେକେ ଗାଗ୍‌ରେ ବଗ୍‌ନେସା ଆଦେସ୍ ବିବଲା ମେଁ ତିଗ୍ ବୁଟ୍‌ମେଗ୍ ଝେଗେ ।

ମ୍ଲା କୁକପାରନ୍ନିଆ ପାଉଲ୍

୩୦ ଜିଉଦିଲ୍ ପାଉଲ୍‌ନେ ବିରଦ୍‌ରେ ମେଃନେ ଦସ୍ ସାଆରଡିଂଗେ । ଆଡେନ୍ ସଡ୍‌ବାବ୍‌ରେ ମ୍ୟା ନ୍‌ସା ସନ୍ୟଲଂନେ ନେତା ସାପାରେ ତେନ୍ ମାରତଡେ ପାଉଲ୍‌ଙ୍କେ ବନ୍ଦିବାନ୍ ରଃବିରେ ମ୍ଲା ପୁଜାରି ବାରି ସାପା ମ୍ଲା କୁକପାରନ୍ନିଆ ମିସୁରେ ପାଙ୍ଗ୍ ନ୍‌ସା ଆଦେସ୍ ବିକେ । ତେନ୍ ଇଡିଙ୍ଗ୍ ପାଉଲ୍‌ଙ୍କେ ତୁଂଝେରେ ମେଲ୍‌ନେ ସାମ୍‌ନେ ଆଡୁଆଁ ଆକେ ।

୨୩

୧ ପାଉଲ୍ ମ୍ଲା କୁକପାର୍ ପାକା ମୁଇଁ ଲୟ୍‌ରେ କେରେ ବାଲିରକେ, “ଏ ଇସ୍ରାଏଲ୍‌ନେ ବୟ୍‌ଇଁ ! ଏ ଜାକ ଇସ୍‌ପର୍ ଡାଗ୍ରା ତିରକମ୍

ବାବରେ ବୁଆ ଡିକେଃ ନୁକେ ଆଡେନ୍ ବିସୟରେ ନେଙ୍ଗନେ ବୁଦି ପୁରାପୁରି ନିର୍ମଳ ।”

୨ ଆକେନ୍ ସାମୁଆଁ ଦ୍ଵିଗ୍ତେ ମ୍ଫାପୁଜାରି ହନନୀୟ ପାଉଲ୍‌ନେ ସାର୍ମୁଆଃଅରିଆ ଚାପଡ୍ ବଗ୍‌ନେସା ପାଉଲ୍ ଡାଗ୍ରା ତୁଆଁଲେକ୍ଫେ ରେମୁଆଁଇଁକେ ଆଦେସ୍ ବିକେ ।

୩ ☆ପାଉଲ୍ ହନନୀୟାକେ ବାଲିରକେ, “ଅ କପଟିଇଁ ଇସପର୍ ଆନାକେ ଡିଲାଡିଗ୍ ବଗ୍‌ଏ । ଯେ ମୁଇଁ ମ୍ଫାର୍ କାନ୍ତ୍ ରକମ୍ ଜା ଆଡାଡା ତୁଲୁଏ ବାନା ବଗ୍‌ବଆରକେ । ନାଁ ନିୟମ୍ ଇସାବରେ ନେଙ୍ଗନେ ବିଚାର ଡିଙ୍ଗ୍‌ନେସା କନାଲେଃକେ ମାଡର୍ ନିୟମ୍ ବିରୁଦ୍‌ରେ ଆନେଙ୍ଗକେ ବଗ୍‌ନେସା ଆଦେସ୍ ବିନାବକେ । ଆକେନ୍ ମଶାନେ ନିୟମ୍ ବିରୁଦ୍‌ରେ କାମ୍ ଡିଙ୍ଗ୍ ନାଡିଁକେ ।”

୪ ପାଉଲ୍ ଡାଗ୍ରା ଲେଃକ୍ଫେ ରେମୁଆଁଇଁ ଆମେକେ ବାଲିରୁଆକେ “ନା ଇସପର୍‌ନେ ମ୍ଫା ପୁଜାରିକେ ଅପମାନ୍ ଡିଁନାଡିଁକେ !”

୫ ପାଉଲ୍ ଉଡର୍ ବିକେ, “ଏ ଇସ୍ରାଏଲ୍‌ନେ ବୟାଁଇଁ ମେଁ ମ୍ଫା ପୁଜାରି ଡାଗ୍‌ତେ ନେଙ୍ଗ୍ ମ୍ୟାଃନାଲେଃଗେ । ଦର୍ମସାସ୍ତ୍ରନ୍ନିଆ ଗୁଆର୍ ବକେ ‘ନାନେ ନିଜର୍ ରେମୁଆଁଇଁକେ ନେଡା ବିସୟରେ ଦଦିଆ ସାମୁଆଁ ବାସଙ୍ଗନେ ନିମାଣ୍ଡା ଶୁ ।’ ”

୬ ☆ଜିଉଦିଇଁନେ ଦଲ୍‌ନ୍ନିଆ ଉଡିରୁଆ ଫାରୁଶୀ ଆରି ଉଡିରୁଆ ସାଦୁକୀ ଲେଃଗ୍ଫେ କେଚେ ପାଉଲ୍ ମ୍ଫା କୁକପାର୍‌ନ୍ନିଆ ଝାଚେ ବାସଙ୍ଗକେ, “ଏ ଇସ୍ରାଏଲ୍‌ନେ ବୟାଁଇଁ ନେଙ୍ଗ୍ ମୁଇଁ ଫାରୁଶୀ ଆରି ନେଙ୍ଗ୍‌ନେ ଆବା ଡିଗ୍ ଫାରୁଶୀ ଲେଃଗେ । ନେଙ୍ଗ୍ ରେମୁଆଁଇଁ ଗୁଏଚେ ଡଡିଆନେ ଆସା ଡିଁମ୍ୟାଃଆରକେ । ଏନ୍ ବିସ୍‌ବାସ୍ ନସା ନେଙ୍ଗ୍ ଏକେ ଆକଅରିଆ ଏନ୍ ବିଚାରନ୍ନିଆ ପାଙ୍ଗ୍‌ଲେଃକେ ।”

୭ ପାଉଲ୍ ଦେକ୍‌ରକମ୍ ବାଲିରନେ ଦାପ୍ରେ ଫାରୁଶୀ ଆରି ସାଦୁକୀଇଁନେ ବିଡ୍‌ରେ ଜାବର୍ ବାଲିର୍ ବାଡା ଡିଁଆରକେ । ଆଡେନ୍ କୁକପାର୍ ମ୍ଫାର୍ ବାଗ୍‌ରେ ବାଗ୍ ଡିଁଝେଗେ ।

୮ ☆ସ୍ବାଦୁକୀଇଂ ବିସ୍ବାସ୍ ତିଂମ୍ୟାଃଆରକେ ଜେ ଗୁଏଚେ ତଃଡ଼ିଆ ଆୟାଆର୍ ଶ୍ରୁ କି ମେଃଡ଼ିଗ୍ କିତଂ ଦୁଡ୍ ବାରି ଆମ୍ବିଲଂନେ ଞ୍ଚିୟା ଡିଗ୍ ଶ୍ରୁ ମାତର୍ ଏଲେଡିଗ୍ ଫାରୁଶୀଇଂ ଆକେନ୍ ଞ୍ଚିଲ୍ଲିଗ୍ ବିସ୍ବୟରେ ବିସ୍ବାସ୍ ତିଂମ୍ୟାଃଆରକେ ।

୯ ଆତେନ୍ସା ଜିଉଦିଇଂ ଜାବର୍ କିରମର ତିଂଆରକେ । ଫାରୁଶୀ ଦଲ୍ଲନ୍ନିଆ ଉଡ଼ିରୁଆ ଦରମ୍ ଗୁରୁ ତୁଆଁଚେ ପାଉଲ୍ଲନେ ନ୍ସା ଜୁକ୍ତି ତିଂଆରକେ । ମେଇଂ ବାଲିର୍ ଆରକେ “ନେ ଆକେନ୍ ରେମୁଆଁନେ ମେଃଡ଼ିଗ୍ ବୁଲ୍ କେନେଡିଂକେ ଶ୍ରୁ ଡିଞ୍ଫଏ ତ ମେଃଡ଼ିଗ୍ ଆମ୍ବିଲେଃ କିତଂ ଦୁଡ୍ ଏନ୍ ରେମୁଆଁ ଏତେ ବାଲିର୍ ବାତା ତିଂବଗେ ।”

୧୦ ଲେଃଗା ଲେଃଗା କିରମର ମ୍ବା ତିଂଝେଗେ । ସେନାନେତା ବାବେକେ ଜେ ତିଞ୍ଫଲେଃଏ ତ ରେମୁଆଁଇଂ ପାଉଲ୍ଲକେ ମେତଗ୍ ମେତଗ୍ ଆଃଡିଞ୍ଫ ବିଃଆରଏ ତାଗ୍ଚେ ବୁଟମେଗଚେ ପାଉଲ୍ଲକେ ମେଇଂନେ ତାଗ୍ରାବାନ୍ ତୁଞ୍ଫପାଂଚେ ସନ୍ୟଇଂ ଲେଃଡିଞ୍ଫଆରକେ ତୁଆ ବିଡ୍ରେ ତୁଞ୍ଫଝେନ୍ସା ସନ୍ୟଇଂକେ ଆଦେସ୍ ବିକେ ।

୧୧ ଆତେନ୍ ମିଡିଗ୍ ମାପରୁ ପାଉଲ୍ଲନେ ତାଗ୍ରା ତୁଆଁଚେ ବାଲିର୍କେ “ଆପ୍ଚଗେ ନାମ ! ନା ଆକ୍ଅରିଆ ଯିରୁସାଲାମ୍ନିଆ ନେଞ୍ଫସା ସାକି ବିନାବକେ । ରୋମ୍ଅରିଆ ଡିଗ୍ ନା ସତେଆ ଦେଡ୍ରେକମ୍ ସାକି ନାବିଃଏ ।”

ପାଉଲ୍ଲକେ ବାଗୁଏଃ ନ୍ସା ଜଜନା

୧୨ ବାରି ମାର୍ତତଡେ ଞ୍ଚିରନ୍ନୁଗ୍ ଉଡ଼ିରୁଆ ଜିଉଦି ମୁଇଂତୁଗ୍ ରାସିଂଚେ ମୁଇଂ ଜଜନା ତୁର୍ ଆକେ । ପାଉଲ୍ଲକେ ମାବାଗୁଏଃ ଜାକ ମେଇଂ ଉଗ୍ ଞ୍ଚିଆଡିଂଆର୍ ଶ୍ରୁ ତାଗ୍ଚେ ପାରମାନ୍ ତିଂଆରକେ ।

୧୩ ମୁଇଂକୁଡି ରୁଆବାନ୍ ଜାବର୍ ରେମୁଆଁ ଆକେନ୍ ଜଜନା ତିଂବଆରଗେ ।

୧୪ ମେଇଂ ଝେଚେ ମ୍ବା ପୁଜାରି ବାରି ଜିଉଦି ନେତାଇଂକେ ବାଲିର୍କେ “ପାଉଲ୍ଲକେ ମାବାଗୁଏଃ ଜାକ ମେଃଡ଼ିଗ୍ ମାତଞ୍ଫନ୍ସା ନେ ମୁଇଂ ପାରମାନ୍ ତୁଞ୍ଫତ ନେବକେ ।

☆ ୨୩:୮ ମାଡିଉ ୨୨:୨୩; ମାରକ ୧୨:୧୮; ଲୁକ୍ ୨୦:୨୭.

୧୫ ତେନ୍‌ସା ମେଁ ବିସୟରେ ଜାବର୍ ସତ୍ ସାମୁଆଁ ମ୍ୟାଃନେ ଆଲଟାଲ୍ ଆଃମ୍ୟାଃରେ ମ୍ଲ କୁକପାର୍ ସେଃମ୍‌ନିଆ ବାରି ପେ ଡାଗ୍ରା ପାଉଲ୍‌କେ ବାରି ମୁଇଁତର୍ ତୁଙ୍‌ପାଂନେସା ରୋମୀୟ ସେନାନେତା ନିବେଦନ ତିଂପା । ମାତର୍ ମେଁ ଆକ୍‌ଅରିଆ ପାଂନେ ସେନୁଗ୍ ଗାଲିବ ଅରିଆ ନେ ଆମେକେ ବାଗୁଏଃ ନସା ତିଆର୍ ନେଲେଃ ।”

୧୬ ମାତର୍ ପାଉଲ୍‌ନେ ବାଞ୍ଜା ଆକେନ୍ ଜଜନା ସାମୁଆଁ ଦ୍ରିଗ୍‌ରେ ସନ୍‌ସ ତୁଆ ବିତ୍‌ରେ ଝେରେ ପାଉଲ୍‌କେ ଆକେନ୍ ଆଃମ୍ୟାଃକେ ।

୧୭ ପାଉଲ୍ ମୁଇଁ ରୋମୀୟ ଅଦିକାରିକେ ଝାତେ ବାଲିରକେ “ଏନ୍ ଜିଂରେକେ ସନ୍‌ସନେତା ଡାଗ୍ରା ତୁଙ୍‌ଝେଲାପା ମେଁ ଆମେଇଁକେ ମେଃଡିଗ୍ ବାସଙ୍‌ନେ ଲେଃକେ ।”

୧୮ ତେଲା ସେନା ଅଦିକାରି ଆମେକେ ସେନାନେତା ଡାଗ୍ରା ତୁଂଝେଗେ ବାରି ବାଲିରକେ “ବନ୍ଦି ପାଉଲ୍ ଆକେନ୍ ଜିଂରେକେ ନା ଡାଗ୍ରା ବେବକେ । ମେଁ ଆନାକେ ମେଃଡିଗ୍ ବାସଙ୍‌ନେ ଚାଏଁ ତିଂକେ ।”

୧୯ ସେନାଇଁନେ ନେତା ଜିଂରେନେ ତ୍ରି ସାତେ ସୁନ୍‌ସାନ୍ ଜାଗାନ୍ନିଆ ତୁଂଝେରେ ସାଲିଆକୁକେ, “ନା ଆନେଙ୍‌କେ ମେଃଃନେ ବାସଙ୍‌ନେ ଚାଏଁନାତିଂ ?”

୨୦ ଜିଂରେ ବାଲିରକେ “ଜିଉଦି କର୍ତ୍ତୁପକ୍ଷଇଁ ରାଜି ତିଂଆର୍ ଲେଃକେ ଜେ ମ୍ଲ କୁକପାର୍ ପାଉଲ୍‌ନେ ବିସୟରେ ଜାବର୍ ସତ୍ ସାମୁଆଁ ମ୍ୟାଃନସା ରାଜି ତିଂଆର୍ ତିଂକେ ଡାଗ୍‌ରେ ନାଲେରେ ଆମେକେ ମ୍ଲ କୁକପାର୍‌ନିଆ ତୁଙ୍‌ଝେନ୍‌ସା ଆନାକେ ଗୁଆରି ତିଂଆର୍ଏ ।

୨୧ ମାତର୍ ମେଇଁନେ ସାମୁଆଁ ଆଦ୍ରିଗ୍‌ପା ନାମ; ଡାଗ୍ରା ମୁଇଁକୁଡିବାନ୍ ଜାବର୍ ରେମୁଆଁ ଆମେକେ ମାବାଗୁଏ ଜାକ ଆଚଙ୍‌ ଆଉର୍ ଆର୍ ଶ୍ଟୁ ଡାଗ୍‌ରେ ପାର୍‌ମାନ୍ ତୁଂତରେ ଉର୍‌ରେ ଲେଃଆର୍‌କେ । ଏବେ ମେଇଁ ପେନେ ନିସ୍ପତିକେ ଉର୍ ଲେଃଆର୍‌କେ ।”

୨୨ “ପେ ଆନେଙ୍‌କେ ଏନ୍ ଆମ୍ୟାଃପେବକେ ଡାଗ୍‌ରେ ଆଜାକେ ତିଗ୍ ପେବାସଙ୍ ଶ୍ଟୁ ।” ସେନାଇଁନେ ନେତା ଏନ୍ ବାସଙ୍‌ରେ ଜିଂରେକେ ବେବିଃକେ ।

ପାଉଲ୍‌କେ ଦେସ୍ ସାସନ୍‌ଶ୍ଟେ ଫେଲିକ୍‌ସ୍‌ନେ ଡାଗ୍ରା ବେବିକେ

୨୩ ସେନାନେତା ମ୍ବାୟା ସେନାପତିକେ ଛାତେ ବାଲିରକେ “ଏ ମିଡିଗ୍ ନଟା ବେଲା କାଈସରିୟାପାକା ଝେନ୍ସା ମ୍ବାର୍ସ ଅଲେଙ୍ଗ୍ନେ ସନ୍ୟ ସତୁରି ରୁଆ ଗଡ଼ାରେ ମ୍ବାର୍ସ ଚାବୁକ୍ ସାଲେକ୍ନେଶ୍ଚେକେ ତିଆର୍ ଆଡ଼ିଂପା ।

୨୪ ପାଉଲ୍ ଝେନେ ଗାଲି ଆଡ଼ଲା ଉଡ଼ି ଗଡ଼ା ବିଷପା ବାରି ନିରାପଦରେ ଆମେକେ ରାଜ୍ୟପାଲ୍ ଫେଲିକ୍ସ୍ ତାଗ୍ରା ତୁଂଝେଲାପା ।”

୨୫ ସେନାନେତା ଦେକ୍‌ରକମ୍ ମୁଇଂ ଚିଟି ଉଲିଆ ଗୁଆରକେ:

୨୬ “ମାନ୍ୟବର୍ ରାଜ୍ୟପାଲ୍ ଫେଲିକ୍ସ୍‌କେ କ୍ଲୁଡିୟ୍ସ୍ ଲିସିଅସ୍‌ନେ ନମସ୍କାର୍ ।

୨୭ ଜିଉଦିଇଂ ଏନ୍ ରେମୁଆଁକେ ସାଃତେ ଆମେକେ ବାଗୁଏଃ ନ୍‌ସା ତିଆର୍ ତିଲେ ଆରଗେ । ମେଁ ମୁଇଂ ରୋମୀୟ୍ ଜିରେ ତାଗ୍ରତେ ମ୍ୟାଃଲା, ନେଙ୍ଗ୍ ନେଙ୍ଗ୍‌ନେ ସନ୍ୟଇଂନେ ବାନ୍ ଆମେକେ ରକ୍ୟା ଶ୍ରାଡ଼ିଙ୍ଗ୍‌କେ ।

୨୮ ମେଇଂନେ ବିରଦ୍‌ରେ ମେଁ ମୋଃ ଦସ୍ ତିଂବଗେ ଆତେନ୍ ମ୍ୟାଃନ୍‌ସା ନେଙ୍ଗ୍ ଆମେକେ ମେଇଂନେ ମ୍ବା କୁକପାରନ୍ନିଆ ତୁଂଝେକେ ।

୨୯ ମାତର୍ ମେଁ ସିକ୍ଲି ଏତେ ଆଗାଗ୍ରତେ ଗୁଏନେ ତଣ୍ଡ କି ଜେଲ୍ ତଣ୍ଡ ବାନେସା ଦେଡ୍ ରକମ୍ ମୋଃଡିଗ୍ କାମ୍ ଆଡ଼ିଂକେ ତାଗ୍ରତେ ନେଙ୍ଗ୍ ମ୍ୟାଏ । ମେଁ ବିରୁଦ୍‌ରେ ତିଂବକ୍ନେ ବୁଲ୍ ସାପା ମୋଗାନେ ନିୟ୍ମ୍ ଇସାବ୍‌ରେ ।

୩୦ ମାରିୟାଃତୁଗ୍ ନେଙ୍ଗ୍ ଆମେକେ ବାଗୁଏଃ ନ୍‌ସା ଜଜ୍‌ନା ତିଂବଆରକ୍ନେ କବର୍ ମ୍ବାକେ । ତେସା ନେଙ୍ଗ୍ ଆମେକେ ଜିଆ ଜିଆ ନା ତାଗ୍ରା ବେମ୍ବିକେ । ନେଙ୍ଗ୍ ମେଁନେ ମାବିଃଶ୍ଚେକେ ମ୍ବାଲିରକେ ଜେ ମେଇଂ ନା ତାଗ୍ରା ଦାବି ତିଂଆରଲେ ।”

୩୧ ସନ୍ୟଇଂ ଆତେନ୍ ଆଦେସ୍ ଇସାବ୍‌ରେ ପାଉଲ୍‌କେ ଆତେନ୍ ମିଡିଗ୍ରବଆ ଆକ୍ତିପଚ୍ଚିସନ୍ନିଆ ଆଝେଚା ବିଆରକେ ।

୩୨ ତେନ୍ ମାର୍ତତଡ୍ଡେ ଅଲେଙ୍ଗ୍ ପାଙ୍ଗ୍‌ନେ ସନ୍ୟଇଂ ପର୍ସାଦନ୍ନିଆ ଆଶ୍ଚେ ଝେଆରକେ ଆରି ଗଡ଼ାନ୍ନିଆ ଝେଲେଃଆରକ୍ନେ ସନ୍ୟଇଂ ।

୩୩ ପାଉଲ୍‌କେ ତୁଙ୍ଗ୍‌ଝେତେ କାଈସରିୟାନ୍ନିଆ ଝେଚା ଆରକେ । ଆଡ଼ଅରିଆ ସେନାନେତାଇଂନେ ଚିଟି ଉଲିଆ ଏତେ ପାଉଲ୍‌କେ

ରାଜ୍ୟପାଲକେ ଦାଇତ୍ ବିଷଆରକେ ।

୩୪ ରାଜ୍ୟପାଲ୍ ଚିଚି ଉଲିଆ ପଡେରେ ପାଉଲକେ ଆଣ୍ଟିନେ ଦେସ୍‌ବାନ୍ ପାଙ୍ଗନାଲେଃକେ ତାଗ୍‌ରେ ସାଲିଆକୁଆରକେ । ପାଉଲ୍ ସିଲିଷୀଆନେ ତାଗ୍‌ରେ ମ୍ୟାଃରେ

୩୫ ମେଁ ବାଲିରକେ, “ନାନେ ଦାବି ତିଂନେ ରେମୁଆଁଇଂ ଝେଚାକ୍ଲେ ଇଡ଼ିଙ୍ଗ୍ ନେଙ୍ଗ୍ ନା ସାମୁଆଁ ହିଗ୍‌ଏ ।” ତେନ୍ ଇଡ଼ିଂ ପାଉଲକେ ହେରୋଦନେ ଇଃସାଙ୍ଗ୍‌ନେ ତୁଆନ୍ନିଆ ବନ୍ଦି ଆଃତିଂରେ ବନ୍‌ସା ଆଦେସ୍ ବିଃକେ ।

୨୪

ପାଉଲ୍ ଆଡ଼ାଡ଼ା ଜିଉଦିଇଂନେ ନିନ୍ଦା

୧ ମାଲ୍‌ସି ଇଡ଼ିଙ୍ଗ୍ ମ୍ଲ ପୁଜାରି ହନନାୟ୍ ଉଡ଼ିରୁଆ ଜିଉଦି ନେତା ବାରି ତର୍ଭୁଲସ୍ ମିକ୍ଲେ ମୁଇଂ ଅକିଲ୍ ଏତେ ସିସେରିଆ ଝେଆରକେ । ମେଇଂ ପେଲିକ୍‌ସ୍‌ନେ ତାଗ୍ରା ପିଂଚାରେ ପାଉଲ୍‌ନେ ବିରଦ୍‌ରେ ମେଇଂନେ ଦାବି ଆଃମ୍ୟାଆରକେ ।

୨ ତେନ୍ ଇଡ଼ିଙ୍ଗ୍ ପାଉଲକେ ଆଡ଼ଅରିଆ ଆଝାଆରକେ ବାରି ତର୍ଭୁଲସ୍ ପୁରାପୁରି ବାବ୍‌ରେ ମେଇଂନେ ଦାବି ଉଲିଆଃଇଂ ଦର୍ସେବିଃକେ: ମ୍ଲ ମଇମା ଫେଲିକ୍‌ସ୍ ନାଁ ଏଃତେ ନେ ଜେ ଉଡ଼ି ସାକ୍ତିରେ ବାସା ତିଂନେତିଂ ବାରି ନେ ଦେସ୍‌ନେ ମଙ୍ଗଲ୍ ଆଡ଼ଲା ଗୁଲେ ସଂସାର୍ ରକମ୍ କାମ୍ ତିଂନେବ ।

୩ ସାପା ଜାଗାନୁଗ୍ ଆରି କାଲାଆଃ ନେ ଆକ୍ଲେକେ ସାର୍ଲ୍ ତିଂନେତିଂ ନେ ନା ତାଗ୍ରା ବିସବାସ୍ ବାବ୍‌ରେ ବଲ୍ ବାନେତିଂକେ ।

୪ ଆତେନ୍ ମେଃଡ଼ିଗ୍ ତିଂଲେ ନେଙ୍ଗ୍ ନାନେ ଜାବର୍ ସମୟ୍ ତୁଂତନେ ଚାଏନାତିଂକେ ଶୁଆତେନ୍‌ସା ନା ଦୟା ତିଂରେ ନେନେ ଆତେନ୍ ପୁରା ବିବରଣି ଦ୍ରିଗ୍‌ନେସା ନେଙ୍ଗ୍ ଗୁଆରେ ଶିଂ ।

୫ ଏନ୍ ରେମୁଆଁ ମୁଇଂ ଝିଙ୍ଗ୍‌ଆଃରିଙ୍ଗ୍‌ଆଃ ରକମ୍‌ନେ ରେମୁଆଁ । ମେଁ ଦରତନିନେ ସାପାପାକା ଅଲେଙ୍ଗ୍‌ରେ ଜିଉଦିଇଂକେ ଅସାକ୍ତି ଆତିଂନେସା ବାଲିର ତିଂକେ । ମେଁ ନାଜରିତିୟ୍ ମାନ୍ଦାନେ ମୁଇଂ ନେତା ।

୬ ମେଁ ନେଁନେ ମନ୍ଦିରକେ ଅପବିତ୍ର ଆଡ଼ିନେ ଚେସଟା ତିନେବେଲା ନେ ଆମେକେ ଗେରେ ନେବିକେ । ବାରି ମୋଶାନେ ନିୟମ୍ ଇସାବରେ ଆକ୍ସେକେ ବିଚାର୍ ତିନେ ଇକଟା ନେଡ଼ିକେ ।

୭ ମାତର୍ ମୁଇଁସ ସନୱଇଁନେ ନେତା ଲୁସିୟା ପାଙ୍ଗ୍ରେ ବୟଙ୍କାର୍ ବାଗୁଏଃନେ ବେଲା ଆକ୍ସେକେ ନେ ତ୍ରିବାନ୍ ଗୁରାଙ୍ଗ୍ଡକେ ।

୮ ଆରି ଆକେନ୍ ପ୍ରସନ୍ ତିଂଣ୍ଡେଇଁକେ ନିଜର୍ ସାମ୍ନେ ତୁଆଁନ୍ସା ଆଦେସ୍ ବିଆରକେ । ଏନ୍ ଜା ସାପା ବିସୟରେ ନେ ଆକ୍ସେ ବିରୁଦ୍ରେ ଦାବି ତିନେବକେ ନା ନିଜେ ଆକ୍ସେକେ ସାଲିଆକୁଲା ଆଡେନ୍ ସାପା ମ୍ୟାଃ ନାୟାଏ ।

୯ ଜିଉଦିଇଁ ତିଗ୍ ଦାବି ଉଲିଆଃ ତାଗ୍ରା କୁଡେଚେ ଆକେନ୍ ସାପା ସାମୁଆଁ ସଡ୍ ତାଗ୍ରେ ବାଲିରଆରକେ ।

ପେଲିକ୍ସ୍ ତାଗ୍ରା ପାଉଲ୍ ଜିବନ୍ ଅପେଃକେ

୧୦ ତେନ୍ ଇଡିଙ୍ଗ୍ ସାସନ୍ ନେତା ପାଉଲ୍କେ ସାମୁଆଁ ବାଲିରନେସା ମ୍ନୟାଃ ବଗଲା ପାଉଲ୍ ବାଲିରକେ: ନେଙ୍ଗ୍ ମ୍ୟାଃନେକେ ଜେ ଜାବର୍ ମୁଆଁ ସାଚେ ନା ଏନ୍ ଜାତିନେ ବିଚାରପତି ତିଙ୍ଗ୍ ନାଲେଃକେ ତେସା ନା ତାଗ୍ରା ଆମ୍ ଅପେଃନେ ନେଙ୍ଗ୍ ନସା ଉଡି ମେଡିଆ ।

୧୧ ନା ନିଜେ ଅନ୍ମାନ୍ ତିଲା ମ୍ୟାଃ ନାୟାଏ ଜେ ତିଲେଃଏ ଗମ୍ଭାରସି ଆଲ ବିଡ୍ରେ ନେଙ୍ଗ୍ ଯିରୁସାଲ୍ୟାମ୍ନିଆ ପାର୍ତନା ତି ନସା ଝେନେଗେ ।

୧୨ ମେଇଁ ଆନେଙ୍ଗ୍କେ ମନ୍ଦିରନ୍ନିଆ ବା ମେଃଡିଗ୍ ପାର୍ତନା ତୁଆଇଁନ୍ନିଆ ବା ସହର୍ନ୍ନିଆ ଜା ଏଡେ ତିଗ୍ ଅଡ୍କା ଅଡ୍କି ତିନେ ବା ରେମୁଆଁ ରାସିନେ ଆକେକେ ଶୁ ।

୧୩ ଏନ୍ ରେମୁଆଁଇଁ ନେଙ୍ଗ୍ ବିରଦ୍ରେ ଆଣ୍ଡିନେ ଦାବି ତିଆର୍ ତିକେ ମେଁନେ ପାରାମାନ୍ ମେଇଁ ବିଃ ଆୟାଆର୍ ଶୁ ।

୧୪ ମାତର୍ ନେଙ୍ଗ୍ ମୁଇଁ ସାମୁଆଁ ଆପେକେ ବାଲିର ଶ୍ରିକେ ଆଣ୍ଡିନେ ଗାଲିକେ ମେଇଁ ମିର୍ ତାଗ୍ରେ ବାସଙ୍ଗ୍ତିଆରଗେ ଆଡେନ୍ ଗାଲିକେ ନେଙ୍ଗ୍ ତୁରଚେ ନେଙ୍ଗ୍ ନେନେ ଗ୍ରାଞ୍ଜାଇଁନେ ଇସ୍ପରକେ ପାର୍ତନା ତିଶ୍ରିକେ ମାତର୍ ନେଙ୍ଗ୍ ତିଗ୍ ମସାନେ ନିୟମ୍ ଆରି ବାବଦାଦିଇଁନେ ଉଲିଆନ୍ନିଆ ଗୁଆର୍ବକ୍ସେ ସାପା ସାମୁଆଁ ବିସ୍ବାସ୍ ତିଶ୍ରିକେ ।

୧୫ ଏନ୍ ରେମୁଆଁଇଁ ସୁଗା ନେଙ୍ଗ ଡିଗ୍ ମାପରୁ ତାଗ୍ରା ଏନ୍ ଆସା ଲେଃକେ ଜେ ଦାର୍ମିକ୍ ରେମୁଆଁ ଆରି ଅଦାର୍ମିକ୍ ରେମୁଆଁ ସାପାରେ ଗୁଏଚେ ତଡ଼ିଆ ଆର୍ଏ ।

୧୬ ତେସା ଇସ୍ପର୍ ଆରି ରେମୁଆଁଇଁନେ ତାଗ୍ରା ନିମାଣ୍ଡା ବୁଦି ବାବ୍ରେ ବେବଆର୍ ତିଁନେସା ନେଙ୍ଗ କାଲାଆଃ ଜିବନ୍ ବିଚେ ଚେସ୍ଟା ତିଁଣ୍ଟି ।

୧୭ ✽“ଗୁଲେ ମୁଆଁ ସାଚେ ଯିରୁସାଲାମ୍ ବାନ୍ ସ୍ଲଲେଃକ୍ସେ ଇଡ଼ିଙ୍ଗ୍ ନେଙ୍ଗ୍ନେ ନିଜେ ରେମୁଆଁଇଁ ନସା ଉଡ଼ି ତାବୁ ତୁଂଝେନ୍ସା ଆରି ଗିମିଃ ମିଆଁ ବିଃ ନସା ନେଙ୍ଗ୍ ଆଡ଼ଅରିଆ ଝେଲ୍ଲେଃଗେ ।

୧୮ ନେଙ୍ଗ୍ ମନ୍ଦିରୁଆ ନେଙ୍ଗ୍ ନିଜେକେ ପବିତ୍ର ଆତିଁନେସା ଝେଲ୍ଲେଗେ । ଶୁଚିକରଣ ପାଣ୍ଡୁ ତାକ୍ସେ ଇଡ଼ିଙ୍ଗ୍ ଉଡ଼ିରୁଆ ଜିଉଦିଇଁ ଆଡ଼ଅରିଆ ଆନେଙ୍ଗ୍କେ କେଆର୍କେ ନେଙ୍ଗ୍ ଆଡ଼ଅରିଆ ମେଃଡିଗ୍ ଝିଙ୍ଗ୍ଆଃ ରିଙ୍ଗ୍ଆ ନାରାଃଡାରକେ ଶୁକ୍ ନେଙ୍ଗ୍ ଏତେ ମେଃଡିଗ୍ ରେମୁଆଁ ଆଲେଃଗେ ଶୁ ।

୧୯ ଆତେନ୍ ବେଲା ଆସିଆନେ ଉଡ଼ିରୁଆ ଜିଉଦି ଆଡ଼ଅରିଆ ଲେଆର୍ଗେ । ଜଦି ମେଇଁ ନେଙ୍ଗ୍ ବିରଦ୍ରେ ମେଃଡିଗ୍ ଆପତି ଲେଃଏ ତେଲା ମେଇଁ ନା ତାଗ୍ରା ପାଙ୍ଗ୍ରେ ଦାବି ପାତିଆର୍ ।

୨୦ ଶୁଲ୍ଲା ନେଙ୍ଗ୍ ଅନାବେଲା ମ୍ଲା କୁକପାର୍ ସାମ୍ନାନୁଆ ତୁଆଁ ଲ୍ଲେଗେ ନେଙ୍ଗ୍ ଆଣ୍ଡିନେ ଅପରାଦ୍ରେ ଦସ୍ ତିଁଲ୍ଲେକେ, ଆତେନ୍ ଆକ୍ଅରିଆ ଲେଙ୍ଗ୍ ଏନ୍ ରେମୁଆଁଇଁ ବାସଙ୍ଗ୍ଲେ ।

୨୧ ✽ବାରି ନେଙ୍ଗ୍ ମୁଇଁ ସାମୁଆଁ ବାଲିର୍ ମ୍ଲଗେ: ମେଇଁନେ ସାମ୍ନାନୁଆ ତୁଆଁଲେ ଆର୍କ୍ସେ ବେଲା ନେଙ୍ଗ୍ ତାବ୍ ବାବ୍ରେ ବାଲିର୍ ମ୍ଲଗେ ‘ଗୁଏଚେ ତଡ଼ିଆ ଆର୍ଏ ତାଗ୍ରେ ନେଙ୍ଗ୍ ବିସ୍ବାସ୍ ତିଁଲ୍ଲେଲା’ ଏକେ ପେବାନ୍ ବିଚାର୍ ତିଁଣ୍ଟିକେ ।”

୨୨ ଫେଲିକ୍ସ୍ ଜିସୁ କିସ୍ଟନେ ଗାଲି ବିସ୍ପରେ ନିମାଣ୍ଡା ବାବ୍ରେ ମ୍ୟାଲେଲା ଆଃଅଁନେ ବନ୍ଦ୍ ଆତିଁବିଚେ ବାଲିର୍କେ “ସେନାନେତା ଲିସିସ୍ ପିଙ୍ଗ୍ଟାଲା ନେଙ୍ଗ୍ ପେନେ ବିଚାର୍ ଶିଁଏ ।”

୨୩ ପେଲିକ୍ସ୍ ମୁଇଁସ୍ ସନ୍ୟଇଁନେ ନେତା ସାମୁଆଁରେ ପାଉଲ୍କେ ଗାଗ୍ରେ ବନେସା ଆଦେସ୍ ବିକେ । ମୈ ଆମେକେ ନିଜର୍

✽ ୨୪:୧୭ ପ୍ରେରିତ୍ ୨୧:୧୭-୨୮. ✽ ୨୪:୨୧ ପ୍ରେରିତ୍ ୨୩:୭.

ବନ୍ଧିନିଆ ବଚେ ମୁକ୍ତି ବିନ୍ଧା ତିଗ୍ ଆଦେସ୍ ବିକେ । ପାଉଲ୍ଲନେ କୁଟୁମ୍ବଲ୍ ଜଦି ମେଇଂ ଡାଗ୍ରା ମେଠଡିଗ୍ ଦରକାର୍ ଲେଠକ୍ ଜିନିସ୍ ତୁଙ୍ଗ୍ପାଂଆରୁଏ, ତେଲା ମେଇଂକେ କସ୍ଟୁ ମାବିନ୍ଧା ତିଗ୍ ମେଁ ଆତେନ୍ ମୁଇଂସ୍ ସନ୍ଧ୍ୟଇଂନେ ନେତାକେ ଆଦେସ୍ ବିଠକେ ।

ଫେଲିକ୍ସ୍ ଆରି ଦୁସିଲାନେ ଡାଗ୍ରା ପାଉଲ୍

୨୪ ଉଡ଼ିଦିନା ଇଡ଼ିଙ୍ଗ୍ ଫେଲିକ୍ସ୍ ମେଁନେ କୁନେଡେ ଦୁସିଲାନେ ତୁଙ୍ଗ୍ପାଂକେ । ମେଁ ଜିଉଦି ଲେଠଗେ । ଫେଲିକ୍ସ୍ ପାଉଲ୍ଲକେ ଖାଚେ ମେଁ ବାନ୍ କିସ୍ତ ଜିସୁ ଡାଗ୍ରା ବିସ୍ବାସ୍ ବିସୟରେ ଦ୍ରିଗ୍କେ ।

୨୫ ମାତର ପାଉଲ୍ ଉଡ଼ିବେଲା ଦାର୍ମିକ୍ ସାମୁଆଁ ଆମ୍ବାସଂଯମ ବାରି ପାଂଡିଂକ୍ ବିଚାର୍ ବିସୟରେ ବାଲିରକେ, ଆତେନ୍ବେଲା ପେଲିକ୍ସ୍ ବୁଟ୍ ଖେଗେ । ପେଲିକ୍ସ୍ ବାଲିରକେ “ଏବେ ନା ଖେଲା । ନେଙ୍ଗ୍ନେ ବେଲା ପିଙ୍ଗ୍ରାଲା ନେଙ୍ଗ୍ ଆନାକେ ଉଝାଏ ।”

୨୬ ମାତର ପେଲିକ୍ସ୍ ପାଉଲ୍ ଏତେ ସାମୁଆଁ ବାଲିରନେ ବାରି ମୁଇଂ ସାମୁଆଁ ଲେଠଗେ । ମେଁ ଆସା ତିଂବଗେ ଜେ ପାଉଲ୍ ଆମେକେ ଡାବୁ ବିଏ । ତେସା ମେଁ ପାଉଲ୍ଲକେ ଗୁଲେତର ଡଃଝାଚେ ବାଲିରତିଂଗେ ।

୨୭ ମାତର ଦେକରକମ୍ ମ୍ବାର୍ମୁଆଁ ତିଂଖେଗ୍ ଇଡ଼ିଙ୍ଗ୍ ପକ୍ ମ୍ବ ଫେଷ୍ଟସ୍ ସାସନ୍ କର୍ତ୍ତା ତିଂକେ । ଫେଲିକ୍ସ୍ ଆରି ସାସନ୍ କର୍ତ୍ତା ପଦ୍ଧିଆ ଆଲାଗେ ଶୁ । ତେସା ଫେଲିକ୍ସ୍ ଜିଉଦିଇଂକେ ସାନ୍ତି ଆତିଂନେସା ପାଉଲ୍ଲକେ ବନ୍ଧି ଅବସ୍ତାରେ ଆଠ କଇଦ୍ ତୁଆନ୍ଧିଆ ବଚେ ଲାଗଡକେ ।

୨୫

ମ୍ବାଇଠସାଙ୍ଗ୍ କାଇସରନେ ଡାଗ୍ରା ପାଉଲ୍ଲନେ ଗୁଆରି

୧ ଇଡ଼ିଙ୍ଗ୍ ଫେଷ୍ଟସ୍ ସାସନ୍ ନେତା ତିଂକେ । ମେଁ ଆତେନ୍ ଦେସ୍ନିଆ ଜିରସି ଲେଠଗେ ବାରି ଇଡ଼ିଙ୍ଗ୍ କାଇସରିୟାବାନ୍ ଯିରୁସାଲାମ୍ ଖେକେ ।

୨ ଆଡ଼ଅରିଆ ମ୍ବା ପୁଜାରି ଆରି ଜିଉଦି ନେତାଇଂ ବାରି ମୁଇଂତର ପାଉଲ୍ ବିରୁଦ୍ରେ ଆବେଦନ୍ ତିଂ ଆରକେ ।

୩ ମେଇଂ ପାଉଲ୍‌କେ ଯିରୁସାଲାମ୍ ବେବିନ୍‌ସା ପେଷ୍ଟ୍‌ସ୍‌କେ ଅନୁଗ୍ରଥ ପାର୍ତନା ତିଙ୍ଗ୍ ଆରକେ । ତାଗ୍ଲା ମେଇଂ ଆମେଇଂକେ ଗାଲିବ ବାଗୁଏନେ ଜଜନା ତିଂବଆରଗେ ।

୪ ଫେଷ୍ଟ୍‌ସ୍ ବାଲିରକେ “ପାଉଲ୍‌କେ ମୁଇଂ ବନ୍ଦି ରକମ୍ ଆତିଙ୍ଗ୍‌ତେ କାଇସରିୟାନ୍ନିଆ ବଆରକେ ବାରି ଦାପ୍ରେ ନେଙ୍ଗ୍ ଆଡ଼ଅରିଆ ଆଣ୍ଡେ ଉଞ୍ଜିଗ୍‌ଏ ।

୫ ଜଦି ମେଁ ମେଃଡିଗ୍ ଦସ୍ ତିଂବଏ ତେଲା ନାନେ ନେତାଇଂ ନେଙ୍ଗ୍ ଏତେ ସିସେରିଆନ୍ନିଆ ଝେଲେଃକେ ବାରି ନେଙ୍ଗ୍ ବିରୁଦ୍‌ରେ ମେଇଂନେ ଦାବି ତୁଙ୍ଗ୍‌ପାଙ୍ଗ୍‌ଆରଲେ ।”

୬ ତେନ୍ ଇତିଂ ଫେଷ୍ଟ୍‌ସ୍ ମେଇଂ ଏତେ ମା ଗୁଆ ଦିନ୍ ଲେଃତେ କାଇସରିୟା ଝେକେ । ମାର୍ତତଡେ ମେଁ ବିଚାର୍ ଆସନ୍‌ନିଆ କକେ ବାରି ପାଉଲ୍‌କେ ପାଙ୍ଗ୍ ନସା ଝାଉଙ୍ଗ୍ ବେକେ ।

୭ ପାଉଲ୍ ପାଙ୍ଗ୍‌କେ ଇତିଙ୍ଗ୍ ଯିରୁସାଲାମ୍‌ବାନ୍ ମୁଡିନେ ଜିଉଦିଇଂ ପାଙ୍ଗ୍‌ଲେଃଆରକେ, ମେଇଂ ମେଇଂନେ ପିତୁର୍‌ପାକା ଗେରେ ବିଆରକେ । ମେଇଂ ମେଇଂନେ ବିରୁଦ୍‌ରେ ଗୁଲେ ଦାବି ତିଂଆରକେ । ମାତର୍ ମେଇଂ ଏନ୍ ସାପା ପର୍‌ମାନ୍ ତିଙ୍ଗ୍‌ନେ ରାଜି ଆତିଙ୍ଗ୍‌ଆରକେ ଶ୍ଟୁ ।

୮ ପାଉଲ୍ ଜିବନ୍ ଆମ୍ବୁନେ କେତେ ଉତର୍ ବିକେ, “ନେଙ୍ଗ୍ ଜିଉଦିଇଂନେ ନିୟମ୍ କି ମାନ୍ଦିର୍ କି କାଇସର୍‌ନେ ବିରୁଦ୍‌ରେ ମେଃଡିଗ୍ ଦସ୍ ନ୍ନାତିଂକେ ଶ୍ଟୁ ।”

୯ ମାତର୍ ଫେଷ୍ଟ୍‌ସ୍ ଜିଉଦିଇଂନେ ନିଜର୍ ଉଂଡେ ତିଙ୍ଗ୍‌ନେ ରାଜି ତିଙ୍ଗ୍‌ତେ ପାଉଲ୍‌କେ ସାଲିଆକୁକେ “ନା ନେଙ୍ଗ୍ ବାନ୍ ଏନ୍ ଦାବି ବିସୟରେ ବିଚାର୍ ତିଂ ନସା ଯିରୁସାଲାମ୍ ଝେନ୍‌ସା ଚାଏଁପେତିଂକେ କି ?”

୧୦ ପାଉଲ୍ ବାଲିରକେ, “ନେଙ୍ଗ୍ ଏବେ କାଇସର୍‌ନେ ବିଚାର୍ ଆସନ୍ ତାଗ୍ଲା ତୁଆଁ ନ୍ଲେଃକେ । ଆକ୍‌ଅରିଆ ଆଃ ନେଙ୍ଗ୍‌ନେ ବିଚାର୍ ତିଂଏ । ନେଙ୍ଗ୍ ଜିଉଦିଇଂନେ ଆଡ଼ାଡ଼ା ମେଃଡିଗ୍ ଅନ୍‌ମାୟ୍ ନ୍ନାତିଂକେ ଶ୍ଟୁ ଆକେନ୍ ନାଁ ମାଃନାଲେଃକେ ।

୧୧ ନେଙ୍ଗ୍ ଜଦି ମେଃଡିଗ୍ ଦସ୍ ତିଂମ୍‌ଏ ଆରି ଗୁଏନେ ଡଣ୍ଡ ବାନ୍‌ସା ମେଃଡିଗ୍ କାମ୍ ତିଂମ୍‌ଏ ତେଲା ନେଙ୍ଗ୍ ଗୁଏନେସା ରାଜି ନ୍ଲେଃକେ । ମାତର୍ ଏନ୍ ଦାବି ତିଂଣ୍ଡେଇଂନେ ସାମ୍‌ଆରେ ସଡ଼ ଆଲେଃ ତେଲା

ଆନେଙ୍ଗ ଜା ତିଗ୍ ମେଇଁନେ ତ୍ରିଅରିଆ ଆଃସା ବିଃ ଆୟା ଶୁ ଓ ତେସା ନେଙ୍ଗ କାଇସର୍ ତାଗ୍ରା ବିଚାର୍ ତିଁନେସା ପାର୍ତନା ପେଡିଙ୍ଗକେ ।”

୧୨ ଫେଷ୍ଟସ୍ ମେଇଁନେ ଆଦେସ୍ ବିଶ୍ରେଇଁ ଏତେ ଏନ୍ ବିସୟରେ ବାଲିର୍ ଆରକେ । ମେଁ ବାଲିର୍କେ “ନା କାଇସର୍ ତାଗ୍ରା ପାର୍ତନା ତିଙ୍ଗନାବକେ । ତେସା ନା ମେଇଁ ତାଗ୍ରା ନାଝେଏ ।”

ଆଗ୍ରାପା ଆରି ବର୍ଣ୍ଣାସ୍ ତାଗ୍ରା ପାଉଲ୍

୧୩ ଉଡ଼ିସି ଇଡ଼ିଙ୍ଗ ଆଗ୍ରାପା ଇଃସାଙ୍ଗ୍ ଆରି ରାନି ବର୍ଣ୍ଣାସ୍ ଫେଷ୍ଟସ୍ ଏତେ କୁଡେନ୍ସା କାଇସରିୟା ସହର୍ ଝେକେ ।

୧୪ ମେଇଁ ଆଡ଼ଅରିଆ ଜାବର୍ ଦିନା ଲେଃଆରକେ । ଫେଷ୍ଟସ୍ ଇଃସାଙ୍ଗ୍ନେ ସେନୁଗ୍ ପାଉଲ୍ନେ ଦାବି ବିସୟରେ ବାଲିର୍କେ, ମେଁ ଆମେକେ ବାଲିର୍କେ “ଆକ୍ଅରିଆ ମୁଇଁନା ରେମୁଆଁ ଲେଃକେ । ଫେଲିକ୍ସ୍ ଆମେକେ ବନ୍ଦି ଆଡ଼ିଠେ ବକେ ।

୧୫ ନେଙ୍ଗ୍ ଯିରୁସାଲମାମନ୍ନିଆ ଲେଃନେ ବେଲା ମ୍ଲା ପୁଜାରିଇଁ ଆରି ଜିଉଦିଇଁନେ ମ୍ଲାନେ ନେଙ୍ଗ୍ତାଗ୍ରା ମେଁ ବିରୁଦ୍ରେ ଦାବି ତିଁବଆରଗେ । ମେଇଁ ମେଁନେ ଗୁଏନେ ଡଣ୍ଡ ଚାଏଁତିଆରଗେ ।

୧୬ ନେଙ୍ଗ୍ ଆମେଇଁକେ ଉତର୍ ମ୍ଲିକେ ‘ଉଡ଼ିବେଲା ମେଃଡିଗ୍ ରେମୁଆଁ ମେଃଡିଗ୍ ବୁଲ୍ ନସା ଦାବି ତିଁଏ ମେଁ ନିଜେ ଦାବି ତିଁଶ୍ରେଇଁନେ ସାମ୍ନା ସାମ୍ନି ମାଡ଼ିଙ୍ଗ୍ ଜାକ’ ବାରି ନିଜର୍ ବିରୁଦ୍ରେ ପାଙ୍ଗ୍ଲେଃକେ ଦାବି ଉଲିଆନେ ଉତର୍ ମାବିଃ ଜାକ ରୋମାୟଇଁ ଆଡେନ୍ ରେମୁଆଁକେ ବିନ୍ ଆଜାକେ ବିଚାର୍ ତିଁନେସା ଆବିଆର୍ ଶୁ ।

୧୭ ମେଇଁ ଆକ୍ଅରିଆ ପାଙ୍ଗ୍ନେ ଇଡ଼ିଙ୍ଗ୍ ନେଙ୍ଗ୍ ବେଲା ତଙ୍ଗାର୍ ଆରାଡ଼ିଠେ ତେନ୍ ମାର୍ତଡ଼େ ବିଚାର୍ ତୁଆନ୍ନିଆ କକେ ଆରି ରେମୁଆଁକେ ବିଡ଼ରେ ତୁଙ୍ଗ୍ପାଙ୍ଗ୍ନେସା ଆଦେସ୍ ମ୍ଲିକେ ।

୧୮ ମେଁ ପାକା କୁଡେଲେଃକେ ରେମୁଆଁଇଁ ମେଁ ବିରୁଦ୍ରେ ବାଲିର୍ ନସା ତୁଆଁ ଆରକେ ମାତର୍ ମେଇଁ ତିରକମ୍ ଦାବି ଉଲିଆଃ ତୁଙ୍ଗ୍ପାଙ୍ଗ୍ ଆର୍ଏ ତାଗ୍ତେ ନେଙ୍ଗ୍ ମନେ ତିଁଲ୍ଲେଗେ ଆଡେନ୍ ମେଁଇଁ ତିଁଆୟା ଆର୍ ଶୁ ।

୧୯ ମେଇଂ କେବଲ୍ ନିଜେନେ ଦର୍ମ ବିସୟରେ ବାରି ଜିସୁ ମ୍ନିକ୍ସେ ମୁଃଡ଼ି ଗୁଏଃରେକେ ପାଉଲ୍ ଜିବନ୍ ତିଂଲେଃକେ ଡାଗ୍ରେ ଦାବି ତିଂଆର୍ଡ଼ିକେ, ମେଁ ବିସୟ୍ ତୁଙ୍ଗ୍ତରେ ଜୁଙ୍ଗା ଜୁଙ୍ଗି ତିଂଆର୍ଡ଼ିକେ ।

୨୦ ଏନ୍ ସାପା ବିସୟ୍ ବାରି ପୁରାପୁରି ବାବ୍ରେ ମ୍ୟାଃନସା ମେଁନେ ତିଂଲା ତିଂଏ ମେଃଡ଼ିଗ୍ ଉପାୟ୍ ମାତୁରରେ ଏନ୍ ଦାବିନ୍ନିଆ ବିଚାର୍ ତିଂ ନସା ପାଉଲ୍ ଯିରୁସାଲାମ୍ ଝେଲେ ଡାଗ୍ରେ ନେଙ୍ଗ୍ ଆମେକେ ନସାଲ୍ୟାଃକୁକେ ।

୨୧ ମାତର ପାଉଲ୍ ନିଜେ ଇଃସାଙ୍ଗ୍ନେ ବିଚାର୍ ବାନ୍ ରକ୍ୟା ବାନ୍ସା ପାର୍ତନା ତିଙ୍ଗକେ । ତେସା କାଇସର ଡାଗ୍ରା ବେ ଜାକ ଆମେକେ ବନ୍ଦି ଆଡ଼ିଂରେ ବନ୍ସା ନେଙ୍ଗ୍ ଆଦେସ୍ ବିମ୍ବକେ ।”

୨୨ ଆଗ୍ରୀପା ଫେଷ୍ଟସ୍ କେ ବାଲିରକେ “ନେଙ୍ଗ୍ ନିଜେ ଏନ୍ ରେମୁଆଁନେ ସାମୁଆଁ ଦ୍ଵିଗ୍ନେ ଚାଏଁଣ୍ଡିଂକେ ।” ପେଷ୍ଟସ୍ ଉତର୍ ବିଃକେ, “ଞ୍ଜଃଡେ ନାଁ ମେଁନେ ସାମୁଆଁ ଦ୍ଵିଗ୍ ।”

୨୩ ଆମାର୍ତଡେ ଆଗ୍ରୀପା ବାରି ବଣ୍ଟି ସ୍ ସନ୍ୟଇଂନେ ମ୍ନାନେତା ବାରି ସହ୍ରେନେ ମ୍ନା ମ୍ନା ରେମୁଆଁଇଂ ଏଡେ ନିମାଣ୍ଡା ବାବ୍ରେ ପାଙ୍ଗ୍ରେ ବିଚାର୍ନାନ୍ନିଆ ଗାଆରକେ । ଫେଷ୍ଟସ୍ନେ ବାସଙ୍ଗ୍ନେ ସାମୁଆଁରେ ପାଉଲ୍କେ ବିଡ୍ରେ ତୁଙ୍ଗ୍ପାଙ୍ଗ୍ଆରକେ ।

୨୪ ଫେଷ୍ଟସ୍ ବାଲିରକେ “ଇଃସାଙ୍ଗ୍ ଆଗ୍ରୀପା ବାରି ପାଙ୍ଗ୍ଲେଃଆରକେ ମ୍ନାରେନେ କୁଦା ପେଇଂ ଏନ୍ ମୁଡ଼ି ରେମୁଆଁକେ କିକେପେଡ଼ିଂକେ ମେଁ ବିରୁଦ୍ରେ ଆକ୍ଅରିଆ ଲେଃଆରଡ଼ିଂକେ ବାରି ଯିରୁସାଲାମ୍ନିଆ ଲେଃଡ଼ିଂକେ ଜିଉଦିଇଂ ନେଙ୍ଗ୍ଡାଗ୍ରା ଦାବି ତିଂବଆରକେ । ମେଁନେ ବାରି ବୁଆନେ ଟିକ୍ ଶୁଡାଗ୍ରେ କିର ତିଂଆରକେ ।

୨୫ ମାତର ମେଁ ଗୁଏନେ ତଣ୍ଡ ବାନେ ସୁଗୁଆ ତିଂବକ୍ସେ ମେଃଡ଼ିଗ୍ ବୁଲ୍ କାମ୍ ନେଙ୍ଗ୍ ନ୍ନାକେକେ ଶୁ । ମେଁ ନିଜେ ମ୍ନା ଇଃସାଙ୍ଗ୍ ଡାଗ୍ରା ବିଚାର୍ ତିଙ୍ଗନ୍ସା ପାର୍ତନା ନେଡ଼ିଙ୍ଗ୍ଲା ନେଙ୍ଗ୍ ଆମେକେ ବେନ୍ସା ରାଜି ଶ୍ଵିଙ୍ଗକେ ।

୨୬ ମାତର ମେଁ ବିସୟ୍ରେ ପୁରାପୁରି ବାବ୍ରେ ମ୍ନା ଇଃସାଙ୍ଗ୍କେ ଗୁଆରନେସା ନେଙ୍ଗ୍ ଅରିଆ ମେଃଡ଼ିଗ୍ ଶୁ । ତେସା ନେଙ୍ଗ୍ ଆମେକେ ପେ ଡାଗ୍ରା ଆରି ଅ ମାପରୁ ଆଗ୍ରୀପା ଦୟା ତିଂରେ ନା ଡାଗ୍ରା ତୁଙ୍ଗ୍ପାଙ୍ଗ୍

ବକେ । ତିଡ଼ିକି ମେଁନେ ସାମୁଆଁ ନିମାଣ୍ଡା ବାବ୍ରେ ତୁରକ୍ଲେ ଇଡ଼ିଙ୍ଗ୍
ନେଙ୍ଗ୍ ମେଠଡ଼ିଗ୍ ଗୁଆର୍ ଇୟାଏ ।

୨୭ ତାଗ୍ଲା ମୁଇଁ ବନ୍ଦି ବିରୁଦ୍ରେ ଲେଠକ୍ଲେ ଦାବି ଉଲିଆଇଁ ନିମାଣ୍ଡା
ବାବ୍ରେ ଆରାଠଦର୍ସେଲା ମ୍ଲା ଇଠସାଙ୍ଗ୍ ତାଗ୍ଲା ବେ ଯା ଆଡ଼ି ଶୁ
ତାଗ୍ରେ ନେଙ୍ଗ୍ ମନେ ତିଂଣ୍ଡିଂକେ ।”

୨୭

ଆଗ୍ରିପାନେ ତାଗ୍ଲା ପାଉଲ୍ଲନେ ଜିବନ୍ ଅପେଠନେ

୧ ଆଗ୍ରିପା ପାଉଲ୍ଲକେ ବାଲିରକେ “ଆନାକେ ନା ପାକାବାନ୍
ମେଁନେ ବାଲିରନେସା ଆଦେସ୍ ନେବିକେ ।” ପାଉଲ୍ଲ ଡି ଲିଙ୍ଗ୍ରେ
ନିଜେକେ ଅପେଠରେ ବାଲିରକେ ।

୨ “ଇଠସାଙ୍ଗ୍ ଆଗ୍ରିପା ! ଜିଉଦିଇଁ ଆନେଙ୍ଗ୍ ଜା ସାପା ବିସୟ୍ରେ
ଦାବି ତିଂବଆରକେ ମେଁ ବିରୁଦ୍ରେ ନା ତାଗ୍ଲା ନେଙ୍ଗ୍ ନିଜକେ
ଅପେନେସା ବେଲା ବାଲ୍ଲେଠଲା ଏକେ ନେଙ୍ଗ୍ ନିଜକେ ବାଗ୍ୟବାନ୍
ମନେ ତିଂଣ୍ଡିଂକେ

୩ ତାଗ୍ଲା ଜିଉଦିଇଁନେ ନିତି ନିୟମ୍ ଆରି ବାସଙ୍ଗ୍ନେ ସାମୁଆଁ
ବିସୟ୍ରେ ନାଁ ନିମାଣ୍ଡା ବାବ୍ରେ ମ୍ୟାଠନାଲେଠକେ । ସାଲ୍ ଶୁଁକେ ନା
ସାହାସ୍ ସାତେ ନେଙ୍ଗ୍ ସାମୁଆଁ ଦ୍ରିଗ୍ ।”

୪ “ଗଡ଼େଅବାନ୍ ନେଙ୍ଗ୍ ତିରକମ୍ ରୁଆ ତିକେଠ ଲ୍ଲେକେ ଆତେନ୍
ଜିଉଦିଇଁ ମ୍ୟାଲେଠଆକେ । ସେନ୍ନୁଗ୍ ନିଜେନେ ଦେସନ୍ନିଆ
ତେନ୍ନିଡ଼ି ଯିରୁସାଲାମନ୍ନିଆ ନେଙ୍ଗ୍ ତିରକମ୍ ମ୍ଲୁଆ ଲ୍ଲେକେ ମେଇଁ
ଆତେନ୍ ମ୍ୟାଲେଠଆକେ ।

୫ ନେଙ୍ଗ୍ ଜେ ସେନ୍ନୁଗ୍ବାନ୍ଆ ଫାରୁଶୀ ତିଙ୍ଗ୍ରେ ଜିବନ୍ କାଟେକେ
ନେଙ୍ଗ୍ ଦର୍ମନେ ସାପାବାନ୍ ନୈଷ୍ଟିକ ଦଲ୍ଲନେ ସଦସ୍ୟ ଲ୍ଲେଗେ ।
ମେଇଁ ଆକେନ୍ ମ୍ୟାଠଲେଆରକେ ଶୁଲ୍ଲା ଇକ୍ତା ତିଂଲା ମେଇଁ ଏନ୍
ବିସୟ୍ରେ ସାକି ତିଗ୍ ବିଠଆର୍ଏ ।

୬ ଇସ୍ପର୍ ନେନେ ଡ୍ରା ଝାଈଁକେ ଆଣ୍ଡିନେ ପାର୍ମାନ୍ ବିବ ଆରଗେ
ଆଡ଼ବା ନେଙ୍ଗ୍ନେ ଆସା ଲେଠଗେସା ଏକେ ନେଙ୍ଗ୍ ଆକ୍ଅରିଆ
ବିଚାର୍ ତିଂନେସା ତୁଆଁ ଲ୍ଲେକେ ।

୭ ନେ ଜାତିନେ ଗମ୍ଭୀର ଜାତି କାଲାଆଃ ମାପୁରୁକେ ପୁଜା ତିଂଚେ ଆତେନ୍ ମୁଇଂ ବିସୟ୍ ବାନ୍‌ସା ଆସା ତିଂଆରୁତିଂକେ । ଅ ଇଃସାଙ୍ଗ୍ ନେଙ୍ଗ୍‌ନେ ଆତେନ୍ ଆସା ନ୍‌ସା ନିଂ ଜିଉଦିଇଂ ଆନେଙ୍ଗ୍‌କେ ଦସି ଆତିଂଆରୁତିଂକେ ।

୮ ମାପୁରୁ ମୁଡ଼ି ଗୁଏଃରେକେ ଆଃତଡ଼ିଆ ତିଂଆରୁତିଂକେ ଏନ୍ ବିଚାରୁନ୍ନିଆ ବିସ୍‌ବାସ୍ ତିଂନେ ବଲ୍ ଶୁଭାଗ୍‌ଚେ ଯେ ମେସା ଏତେ ଯେତିଂକେ ?”

୯* “ନାଜରିତିୟ୍ ଜିସୁନେ ମ୍ନି ବିରୁଦ୍‌ରେ ନିଂନେ ଗୁଲେ କାମ୍ ତିଂନେ ଜେ ଦରକାର୍ ଆକେନ୍ ନିଂ ନିଜେ ଇକ୍‌ଚା ତିଂନେଃଃଗେ ।

୧୦ ଯିରୁସାଲାମ୍ ଅରିଆ ନେଙ୍ଗ୍ ଦେଡ଼ରକମ୍ ଶ୍ରିଂକେ । ମ୍ନା ପୁଜାରିଇଂନେବାନ୍ ଅଦିକାର୍ ଉଲିଆ ତୁଂଝେଚେ ଇସ୍‌ପରନେ ଦାର୍‌ମିକ୍ ରେମୁଆଁଇଂନେବାନ୍ ଗୁଲେରେକେ କଇଦ୍ ତୁଆନ୍ନିଆ ଶ୍ଵାଃଗାକେ ଆରି ଆମେଇଂକେ ଗୁଏନେ ତଣ୍ଡ ବିନେ ବେଲା ନେଙ୍ଗ୍ ମେଁନେ ପାକା ନେଃଃଗେ ।

୧୧ ଗୁଲେତର୍ ପାରତନା ତୁଆଇଂ ଡାଗ୍ରା ନେଙ୍ଗ୍ ଆମେଇଂକେ ତଣ୍ଡ ବିମ୍‌କେ ଆରି ମେଇଂନେ ବିସ୍‌ବାସ୍ ବାନ୍ ଅଲ୍‌ଗା ଆତିଂନେସା ଚେସ୍‌ଚା ଚାଲେବକେ । ନେଙ୍ଗ୍ ମେଇଂନେ ଆଡ଼ାଡ଼ା ଅଃକେନ୍ ରିସା ତିଂନେଃଃଗେ ଜେ ମେଇଂନେ ଆଡ଼ାଡ଼ା ବାଗୁଏଃ ନ୍‌ସା ବିଦେସ୍ ଆରି ସହର୍‌ପାକା ତିଗ୍ ଝେକ୍‌କେଗେ ।”

ନିଜେ ବଦ୍‌ଲେନେ ବିସୟ୍‌ରେ ପାଉଲ୍ ବାସଙ୍ଗ୍‌କେ

(ପ୍ରେରିତ୍ ୯:୧-୧୯; ୨୨:୬-୧୭)

୧୨ “ଏନ୍ ଉଦେସ୍‌ରେ ମ୍ନା ପୁଜାରିଇଂବାନ୍ ଅଦିକାର୍ ଉଲିଆ ଆରି ଆଦେସ୍ ସାଲିଆଚେ ନେଙ୍ଗ୍ ଦାମାସ୍କସ୍ ଝେକ୍‌କେଗେ ।

୧୩ ଅ ଇଃସାଙ୍ଗ୍ ମାରିୟାତୁଗ୍ ମେସୁଆ ସ୍ଥିବେଲା ଇଃସାଙ୍ଗ୍ ଗାଲି ଆଡ଼ାଡ଼ା ନେଙ୍ଗ୍ ସ୍ଥି ତାରାସ୍‌ବାନ୍ ମୁଇଂ ଜାବର୍‌ସୁଆ ତୁଆତିଂକେ ରକମ୍ ତାରାସ୍ କେକେ କିତଂଇନିବାନ୍ ଆତେନ୍ ତାରାସ୍ ପାଙ୍ଗ୍‌ଚେ ନେଙ୍ଗ୍‌ନେ ଆରି ନେଙ୍ଗ୍ ଏତେ ପାଙ୍ଗ୍‌ତିଂଆରୁକ୍‌କେ ରେମୁଆଁଇଂନେ ପିତୁର୍‌ପାକା ତାରାସ୍ ବିକେ ।

☆ ୨୭:୯ ପ୍ରେରିତ୍ ୮:୩; ୨୨:୪,୫.

୧୪ ନେ ସାପାରେ ତୁବନ୍ନିଆ ନେଲକେ । ଆତେନ୍‌ବେଲା ନେଙ୍ଗ୍ ଏବ୍ରୀ ବ୍ଲାସାରେ ମୁଇଁ ସାମୁଆଁ ଆନେଙ୍ଗ୍ ବାଲିରନେ ହିଗକେ, ‘ଗାଉଲ୍ ଗାଉଲ୍ ନା ଆନେଙ୍ଗ୍‌କେ ମେନ୍‌ସା ତାଡ଼ନା ବିନାଡ଼ିଙ୍ଗ୍‌କେ ? ଗ୍ରେୱନେ ସୁଲ୍ ଗଜିଆପାକା ଲାଡ଼ ବଗ୍‌ନେ ନାଁ ଆଡ଼ଲା ଅସମ୍ବଦ ପାଉଲ୍ ବୁଲ୍ କାମ୍ ତିନେ ଝେବେଲା ମାପୁରୁ ଆମେକେ ତାଞ୍ଜିକେ ।’ ”

୧୫ ନେଙ୍ଗ୍ ନ୍‌ସାଲିଆକୁକେ “ମାପୁରୁ ନାଁ ଜାଣ୍ଟେୱ ?” ମେଁ ବାଲିରକେ “ନେଙ୍ଗ୍ ଆତେନ୍ ଜିସୁ ଆଜାକେ ନାଁ ତାଡ଼ନା ତିନାଡ଼ିକେ ।

୧୬ ନାଁ ଏବେ ତୁଆଁ । ନେଙ୍ଗ୍ ଆନାକେ ମୁଇଁ ସେବାଣ୍ଟେ ରକମ୍ ସିନେସା ନାଁ ସାମୁଆଁ ଶ୍ଟାସୁଏକେ । ନାଁ ନେଙ୍ଗ୍ ବିସୟରେ ମେୱନେ କେନାଲାଏକେ ଆରି ଆଣ୍ଟିନେ ନେଙ୍ଗ୍ ଆନାକେ ଶ୍ଟାୱସୁଏୱ, ନାଁ ଆଡ଼ନେ ସାକି ନାଡ଼ିଏ ।

୧୭ ମୁଡ଼ି ଜିଉଦି ଆରି ଅଣଜିଉଦି ରେମୁଆଁଲନେ ତାଗ୍ରା ନିଂ ଆନାକେ ମେୱ ମେଇଁନେବାନ୍ ନିଂ ଆନାକେ ରକ୍ୟା ଶ୍ଟିଏ ।

୧୮ ନା ଆତେନ୍ ରେମୁଆଁଲକେ ସଡ଼ ଗାଲି ନାରାୱସୁଏୱ ଆରି ଆମେଇଁକେ ତାକିଗ୍‌ବାନ୍ ତାରକିଗ୍‌ନ୍ନିଆ ତୁଙ୍ଗ୍ ପେପାଙ୍ଗ୍ । ନା ଆମେଇଁକେ ସଇତାନ୍‌ନେ ବପୁବାନ୍ ସୁ ତୁଙ୍ଗ୍‌ଝେଟେ ପରମେସର୍ ତାଗ୍ରା ତୁଂପେପାଏ । ତେଲା ଆୱ ମେଇଁନେ ପାପ୍‌ବାନ୍ କେମା ତିଏ । ଜାଣ୍ଟେଇଁ ଆନେଙ୍ଗ୍ ବିସବାସ୍ ତିଂରେ ପବିତ୍ର ତିଲେଆରକେ ମେଇଁନେ ବିଡ଼ରେ ମେଇଁ ଜାଗା ବାଆରଏ ।”

ନିଜର୍ କାମ୍ ବିସୟରେ ପାଉଲ୍ ବାସଙ୍ଗକେ

୧୯ ପାଉଲ୍ ବାଲିରକେ, “ଅ ମ୍ଲା ଇୱସାଙ୍ଗ୍ ଆଗ୍ରାପା ନେଙ୍ଗ୍ କିତଂବାନ୍ ଦର୍‌ସନ୍ ବାଲ୍ଲେକେ । ଆତେନ୍ ଅମାନି ନାଡ଼ିକେ ଶ୍ଟୁ ।

୨୦ *ନେଙ୍ଗ୍ ସେନୁଗ୍ ଦାମାସ୍‌ସ୍ ସହର୍‌ଅରିଆ ଇଡ଼ିଙ୍ଗ୍ ଯିରୁସାଲାମ୍ ଅରିଆ ସାପା ଜିଉଦା ପ୍ରଦେସ୍ ଆରି ଅଣଜିଉଦି ଦେସ୍‌ଇଁତାଗ୍ରା ତିଗ୍ ବାସଙ୍ଗ୍ ଶ୍ଟିକେ । ନେଙ୍ଗ୍ ଆମେଇଁକେ ମନେ ଏତେରେ ଇସପର୍ ତାଗ୍ରା ପାଁନେସା ମ୍ଲାସଙ୍ଗକେ । ମେଇଁନେ ଜିବନ୍ ବଦଲେ ନ୍‌ସାୱ ସଡ଼ କାମ୍ ତିନେସା ତିଗ୍ ମ୍ଲାସଙ୍ଗକେ ।

୨୧ ଆତେନ୍‌ସା ମନ୍‌ଦିରୁଅରିଆ ଲେୱକେଲା ଜିଉଦିଇଁ ଆନେଙ୍ଗ୍‌କେ ବନ୍ଦି ଆଡ଼ିଆରକେ ବାରି ବାଗୁଏୱ ନ୍‌ସା ଚେସ୍‌ଟା ତିଆରକେ ।

✧ ୨୭:୨୦ ପ୍ରେରିତ୍ ୯:୨୦,୨୮,୨୯.

୨୨ ମାତର ଆନେଙ୍କ ପରମେସ୍ଵର ସାଇଜ୍ୟ ଡିଂକେ । ମେଁ ଏଠାକ ଆନେଙ୍କେ ସାଇଜ୍ୟ ଡିଂରାଙ୍କିପାଂଡିଂକେ । ଆତେନ୍‌ସା ନେଙ୍କ ଏକେ ତାଆଁ ମ୍ବା ସାପାରେ ତାଗ୍ରା ସମାନ୍ ବାବ୍‌ରେ ନେଙ୍କନେ ସାକି ବିଃନ୍‌ସା ତୁଆଁ ନ୍ଲେକେ । ବାବ୍‌ବାଦିଇଂ ଆରି ମୋଶା ମେଁନେ ଗଟେଏ ତାଗ୍ରତେ ବାଲିର୍ ବଆରଗେ, ନେଙ୍କ ଟିକ୍ ଆତେନ୍ ସାମୁଆଁ ବାଲିର୍ ଶ୍ରିଂକେ ।

୨୩ ☆ମେଇଂ ବାଲିର୍‌ବକେ କିସ୍‌ଟ ଗୁଏଃଏ ବାରି, ଗୁଏଃଟେ ତଃଡିଆଲେକ୍ଲେ ପର୍‌ତୁମ୍ ରେମୁଆଁ ତିଂଏ ମୋଶା ଆରି ବାବ୍‌ବାଦିଇଂ ବାଲିର୍‌ବକେ ମାତର୍ କିସ୍‌ପିଉଦି ଆରି ଅଣଜିଉଦିଇଂକେ ଉଦାର୍‌ନେ ତାରକିଗ୍ ଆଃସୁଏଃଏ ।”

୨୪ ପାଉଲ୍ ଆମ୍ବା ରକ୍ୟା ନ୍‌ସା ଏନ୍ ସାପା ସାମୁଆଁ ବାଲିର୍‌ନେ ବେଲା ଫେଷ୍ଟସ୍ ଝାସାର୍‌ତେ ବାଲିର୍‌କେ, “ପାଉଲ୍ ନାଁ ବାୟା । ଜାବର୍ ପାଟ୍ ଲଃନାଲେଃଗେସା ନାଁ ବାୟା ତିଂଝେନାଲେଃକେ ।”

୨୫ ପାଉଲ୍ ଆକେନ୍ ଅଁଟେ ଉତର୍ ବିକେ ଅ ମାପ୍‌ରୁ ଫେଷ୍ଟସ୍ “ନେଙ୍କ ବାୟା ଶ୍ରି ମୁଣିମା ! ନେଙ୍କ ମେଃନେ ବାସଙ୍‌ଶ୍ରିଂକେ ଆତେନ୍ ସଡ୍ ଆରି ପାର୍‌ମାନ୍ ତିଂଟେ ସାମୁଆଁ ବାସଙ୍‌ଶ୍ରିଂକେ ।

୨୬ ଇଃସାଙ୍‌ ଅଗ୍ରିପା ନା ଆକେନ୍ ସାପା ବିସୟ୍ ମ୍ୟା ନାଲେଗେସା ନେଙ୍କ ନା ସାମନେ ଆକେନ୍ ବ୍ଲାଲିର୍ ବାସଙ୍‌ନେ ସାହାସ୍ ତିଂଶ୍ରିଂକେ ! ନେଙ୍କ ସଡ୍ ବାବ୍‌ରେ ମ୍ୟାଃଲେକେ ଜେ ଆକେନ୍ ସାପା ବିସୟ୍ ନା ଅଁ ନାଲେଃକେ ତାଗ୍ଲା ମାମ୍ୟାଃଲେକେ ଜାଗା ଅରିଆ ବୁଡିଟେ ଆକେନ୍ ବିସୟ୍ ସାପା ଆଗଟେକେ ଶ୍ରି ।

୨୭ ଇଃସାଙ୍‌ ଆଗ୍ରୀପା ନା ବାବ୍‌ବାଦିଇଂକେ ବିସ୍‌ବାସ୍ ତିଂନାଡିଂକେ ତ ? ନେଙ୍କ ମ୍ୟାଃଲେକେ ନା ବିସ୍‌ବାସ୍ ତିଂନାମ୍ୟାଃକେ !”

୨୮ ଆଗ୍ରୀପା ପାଉଲ୍‌କେ ଉତର୍ ବିକେ, “ଏନ୍ ଇକୁଡା ବେଲା ବିଡ୍‌ରେ ନା ମେଃନେ ଆନେଙ୍କକେ କିସ୍‌ଟିୟାନ୍ ଆଡିଂନାବିଏ ତାଗ୍ରତେ ବାବେ ନାଡିଂକେ ?”

୨୯ ପାଉଲ୍ ଉତର୍ ବିଃକେ, “ଇକୁଡା ବେଲା ତିଂଲେ ଶ୍ରିଲ୍ଲା ଜାବର୍ ବେଲା ତିଂଲେ ଇସ୍‌ପର୍‌ଅରିଆ ନେଙ୍କନେ ଅଃକେନ୍ ଆଃ ପାର୍‌ତନା ନା ଆରି ଏକେ ନେଙ୍କନେ ସାମୁଆଁ ଦ୍ରିଗ୍‌ଲେ ଆର୍‌କ୍ଲେ ସାପାରେ ନେଙ୍କ

ରକମ୍ ତିଆରଲେ ସତ୍ତରେ ଦେକ୍‌ରକମ୍ ସିଲ୍ଲି ଏତେ ଆଗାଗ୍‌ଆରଲେ
ତାଗ୍‌ତେ ନେଙ୍ଗ୍ ବାଲିର୍ ନାତିଂକେ ଶ୍ରୁ”

୩୦ ତେନ୍ ଇଡ଼ିଂ ଇଃସାଙ୍ଗ୍ ସାସନ୍ ନେତା ଆରି ବଣ୍ଟି ସ୍ ବାରି ବିନ୍
ସାପାରେ ଝେନ୍‌ସା ତଃଡ଼ିଆଆରକେ ।

୩୧ ମେଇଂ ଝେନେ ବେଲା ମେଇଂମେଇଂ ବିତ୍ତରେ ବାଲିର୍ ଆକେ
“ଏନ୍ ରେମୁଆଁ ଦେକ୍‌ରକମ୍ ମେଃଡ଼ିଗ୍ କାମ୍ ଆତିଂକେ ଶ୍ରୁ କ୍ଳା ଆଡ଼ଲା
ମେଁ ଗୁଏନେ ତଣ୍ଟ ବାଏ ବାରି ସିଲ୍ଲି ଏତେ ଆଗାଗ୍‌ତେ ବନ୍ଦି ତିଂଏ ।”

୩୨ ଆଗ୍ରାପା ଦେଷ୍ଟସକେ ବାଲିର୍‌କେ, “ଜଦି ଏନ୍ ରେମୁଆଁ
କାଈସରନେ ତାଗ୍ରା ଗୁଆରି ତିଆବ ପାତିଂ, ତେଲା ଆମେକେ ନେ
ମୁଲ୍ଲି ନେପାବି ।”

୨୭

ରୋମ୍‌ନିଆ ପାଉଲ୍‌କେ ତୁଙ୍ଗ୍‌ଝେକେ

୧ ନେ ଇଟାଲୀପାକା ଶ୍ରୁଆଗାଲି ବିଚେ ନେଝେଏ ତାଗ୍‌ତେ
ନେବାବେଲା ପାଉଲ୍ ଆରି ବିନ୍ ଉଡ଼ିରୁଆ ବନ୍ଦିଇଂ “ଇଃସାଙ୍ଗ୍
ସେନାଦଲ୍” ମିକ୍ଳେ ମୁଇଂ ରୋମାୟ୍ ସନ୍‌ସ ବାହିନିନେ ସେନାପତି
ୟୁଲିୟସ୍‌ନେ ତ୍ରିଅରିଆ ଦାରା ପଡ଼େଆକେ ।

୨ ନେ ଆସିଆ ଦେସ୍‌ନେ କେଶ୍ରୁଆ ଆଡ଼ାପାକାନେ ତାଆଁ ତାଆଁ
ବନ୍ଦିଇଂ ତାଗ୍ରା ଝେନ୍‌ସା ଜଜ୍‌ନା ତିଂବଗ୍ଲେ ଆଦ୍ରାମୁଡ଼ିୟମ୍‌ନେ ମୁଇଂ
ଶ୍ରୁଆଃ ଜାଆଜ୍‌ଅରିଆ ଯାତ୍ରା ନେତିଂକେ । ଆରିଷ୍ଟାର୍ଗସ୍ ମିକ୍ଳେ
ତେସଲ୍‌ନିକିୟ୍ ସହର୍‌ନେ ମୁଇଂ ମାସିଦୋନିଆ ରେମୁଆଁ ନେ ଏତେ
ଲେଃଗେ ।

୩ ତେନ୍ ମାର୍‌ତଡ଼େ ନେ ସିଦନ୍ ଅରିଆ ନେଝେଚାକେ । ଯୁଲିୟସ୍
ପାଉଲ୍‌ନେ ଆଡ଼ାତ୍ରା ଦୟା ଆସୁଏ ତିଂଗେ । ପାଉଲ୍‌ନେ ସାଙ୍ଗ୍‌ଇଂବାନ୍
ମେଇଂନେ ଦରକାର୍ ଲେଃଝେ ଜିନିସ୍‌ପତରଈଂ ସାପା ରାଃସିଂନେ
ଉଦେସ୍‌ରେ ଆମେଇଂକେ ଅବାନ୍‌ସା ମେଁ ପାଉଲ୍‌କେ ଆଦେସ୍ ବିକେ
।

୪ ତେନ୍ ଇଡ଼ିଂ ନେ ସିଦନ୍ ସହର୍ ନେଆନ୍ତାରକେ । ଆତେନ୍ ବେଲା
ଆଃଡ଼ାଃ କେଶ୍ରୁଆଃ ଝେଡ଼ିଆ ପାଙ୍ଗ୍‌ତିଂଗେ । ତେସା ନେ ସାଈପ୍ରସ୍
ଉପଡ଼ିପ୍ ତାଗ୍ରା ବିଚେ ନେଝେକେ ।

* ତେନ୍ ଇଡ଼ିଂ ନେ କିଲିକିଆ ଆରି ପଂପୁଲିୟା କେଣ୍ଡିଆ ଆଡ଼ା ଆଡ଼ା
 ଝେତେ ଲୁକିଆ ଦେସ୍‌ନେ ମାଏରା ସହର୍‌ଅରିଆ ନେଝେଚାକେ ।

୨ ଆଡ଼ଅରିଆ ଯୁଲିଆ ଆଲେକଜାଣ୍ଡିଆନେ ଶ୍ରିଆଃ ଜାଆଜ୍ ମୁଇଂ
 ଇଟାଲାପାକା ଝେଡ଼ିଂନେ ଅବାକେ । ମେଁ ଆନେକେ ଆଡ଼ଅରିଆ
 ଆଃଡେବିଃକେ ।

୩ ନେ ଗୁଲେସି ଜାକ ଲେଃଗା ଲେଃଗା ଯାଡ଼ା ଡିଂଚେ ଜାବର୍
 କସ୍ତୁରେ ଜ୍ଞାଦ ସହର୍ ତାଗ୍ରା ନେଝେଚାକେ ଆଃଡ଼ାଃ କେଣ୍ଡିଆଃ
 ଝେଡ଼ିଆ ସା ନେ ଆତେନ୍ ଦିଗ୍‌ପାକା ବାରି ତାନୁଗ୍ ଝେନେୟାକେ
 ଶ୍ରି ଡେସା କ୍ରିଟ ଦ୍ଵୀପନେ ଦକିନ୍ ପାକାନେ ଆଡ଼ଆଲ ଏରିଆ
 ବିଚେ ସାଲମୋନୀ ତାଗ୍ରା ବିଃଚେ କ୍ରୀତନେ ପୁଣ୍ଡେନେ ତୁଆ ତାଗ୍ରା
 ନେଝେଚାଃକେ ।

୮ ନେ କେଣ୍ଡିଆ ଆଡ଼ା ଆଡ଼ା ଜାବର୍ କସ୍ତୁରେ ଲାସିଆ ସହର୍‌ନେ
 ସୁନ୍‌ର ବନ୍‌ର୍ ମିକ୍ସେ ଜାଗାନ୍ନିଆ ନେଝେଚାକେ ।

୯ ନେ ଆଡ଼ଅରିଆ ଗୁଲେସି ନେଲେଃଗେ । ଜିଉଦିଇଂନେ ଉପାସ୍
 ପାଣ୍ଡୁ ତାଲେଲା ଆତେନ୍ ବେଲା କେଣ୍ଡିଆ ଗାଲିବିଚେ ଝେନେ ପାଗ୍
 ବିପଦ୍ ଗଟେନେ ପାଙ୍ଗ୍‌ଡିଂଗେ । ତେସା ପାଉଲ୍ ମେଇଂକେ ସାବଦାନ୍
 ଆଡ଼ିଂଚେ ବାଲିର୍‌କେ ।

୧୦ “ଅ ବୟାଈ ! ନେଙ୍ଗ୍ ବାବେଣ୍ଡିଂକେ ଜଦି ନେ ଆକ୍‌ବାନ୍ ବାରି
 ଶ୍ରିଆତାଗ୍ରା ଯାଡ଼ା ଆରାମ୍ ନେଡ଼ିଙ୍ଗ୍‌ଏ ତେଲା ବିପଦ୍ ଗଟେଏ । ଆଡ଼ବା
 ଶ୍ରିଆଃ ଜାଆଜ୍ ବାରି ଜିନିସ୍‌ପତର୍‌ଇଂ ନସ୍ ଡିଂଏ । ଝେଡ଼ିଙ୍ଗ୍‌କ୍ସେ
 ରେମୁଆଁନେ ଡିଗ୍ ଜିବନ୍‌କେ ବିପଦ୍ ଗଟେଏ ।”

୧୧ ମାତର୍ ସେନାପତି ପାଉଲ୍‌ନେ ସାମୁଆଁ ସଡ଼ ଆମାନେଚେ
 ଜାଆଜ୍‌ନେ ଚାଲେଣ୍ଡେ ଆରି ଜାଆଜ୍‌ନେ ମାଲିକ୍‌ନେ ସାମୁଆଁ ସାଃକେ
 ।

୧୨ ରାସଃଦିନ୍ କଟେନ୍‌ସା ବନ୍‌ର୍ ସୁବିଦା ସୁଜଗ୍ ଆଲେଃଗେ ଶ୍ରି
 ମେଃଡିଗ୍ ରକମ୍ ଫେନିକ୍‌ସ୍‌ନିଆ ଝେଚାଚେ ଆଡ଼ଅରିଆ ରାସଃକିଗ୍
 କଟେନ୍‌ସା ଆଡ଼ବା ଜାଆଜ୍ ଆନ୍ତାର୍‌ବିଲା ଉଃଡ଼ିଉଃଡ଼ି ରେମୁଆଁ
 ଆମେକେ ବାଲିର୍‌କେ ଆତେନ୍ ଫେନିକ୍‌ସ୍ କ୍ରିତୀନେ ମୁଇଂ ବନ୍‌ର୍
 ଆତେନ୍ ଉଃଉର୍ ପୁର୍ବ ଆରି ଦକିନ୍ ପୁର୍ବ ପାକା ଲେଃଗେ ।

କେଣ୍ଡିଆ ଝେଡ଼ିଆ

୧୩ ଉଡ଼ିବେଲା ଦକିନ୍‌ବାନ୍ ଦିରେ ଝେଡ଼ିଆ ପାଂକେ ଯାତ୍ରିଇଂ ଆକେନ୍ କେଚେ ଏନ୍ ମୁଇଂ ନିମାଣ୍ଡା ଚିନା ତାଗ୍‌ଚେ ଏତେଆରକେ ଆରି ଲଙ୍ଗର୍ ତଚେ ଉଡ଼ିସ୍ଥ ଜାକ ଝେନେ ତିଂଏ କ୍ରିଚନେ କେଣ୍ଡିଆ ଆଡ଼ା ଆଡ଼ା ଅଲେଙ୍ଗ୍ ଆମୁଲେଆକେ ।

୧୪ ମାତର୍ ଇକ୍କୁଡ଼ା ବେଲା ଇଡ଼ିଙ୍ଗ୍ ମାରିୟାତୁଗ୍ ପାଗ୍ ବଲ୍ଲେ ଝେକେ । “ଉଉର ପୂର୍ବ ଯ” ମିକ୍ଲେ ଝେଡ଼ିଆ ଦ୍ଵୀପ ପାକା ବୟଙ୍ଗାର୍ ସାରସାଗାଚେ ପାଙ୍ଗ୍‌ଚେ ଜାଆଜକେ କେଣ୍ଡିଆ ମଜେ ଚମେଗ୍ ତୁଂଡକେ ।

୧୫ ଜାଆଜ୍ ଝେଡ଼ିଆ ଡିଙ୍ଗ୍‌ଲା ମୁଇଂତୁଗ୍ ଆତୁଆଁଲା ନେ ଆମେକେ ତୁଙ୍ଗ୍‌ତ୍ୟାଃ ଝେନ୍‌ସା ଆନ୍ତାର ନେବିକେ ।

୧୬ ତେନ୍ ଇଡ଼ିଂ ନେ କ୍ଲାଉଦ୍ ମିକ୍ଲେ ଉପଦ୍ଵିପ୍ ଆଡ଼ାପାକା ତରା ଚାଲେ ନେକେକେ । ଆଡ଼ଅରିଆ ମୁଇଂ ଜିବନ୍ ଆମ୍‌ନେ ତରାବାନ୍ ଜାବର୍ କସ୍ତରେ ନେ ତରା ଆଡ଼ାତ୍ରା ଆଃତଡ଼ିଆ ନସା ଚେସଟା ନେଡ଼ିଙ୍ଗକେ ।

୧୭ ତରା ଆଃଚାଲେରେଇଂ ଆମେକେ ଜାଆଜ୍ ଆଡ଼ାତ୍ରା ଆଃତଡ଼ିଆକେ ବାରି ଗେଏଃ ଏତେ ତାଟାମ୍ ବାବ୍‌ରେ ଜାଆଜ୍ ଏତେ ଗାଗ୍‌ବିଆରକେ । ଆତେନ୍ ଜାଆଜ୍ ଲିବିଆ କେଣ୍ଡିଆ ଆଡ଼ାନେ ସ୍ତ୍ରୀ ବିତ୍‌ରେ ଗାଝେଏ ତାଗ୍‌ଚେ ବୁଟମେଗ୍‌ଚେ ତରା ଆଚାଲେରେଇଂ ପାଲ ତଃବିଃଚେ ଜାଆଜକେ ଝେଡ଼ିଆ ଏତେ ଝେଲେ ତାଗ୍‌ଚେ ଆନ୍ତାର ବିଆରକେ ।

୧୮ ତେନ୍ ମାର୍‌ତଡ଼େ ମେଇଂ ବୟଙ୍ଗାର୍ ଝେଡ଼ିଆ ଗୁରିଆ ପାଂଡିଂଲା ମେଇଂ ଜାଆଜ୍ ବାନ୍ ଜିନିସ୍ ପତରୁଇଂ ଶ୍ଵିଆଃ ଅରିଆ ଜଗ୍‌ଲିଗ୍ ବିଆରକେ

୧୯ ତେନ୍ ମାର୍‌ତଡ଼େ ଜାଆଜନେ ଉଡ଼ି ଆବାକ୍ଲେ ଜିନିସ୍‌ଇଂ କେଣ୍ଡିଆ ବିତ୍‌ରେ ଜଗ୍‌ଲ୍ଲାଗ୍ ବିଆରକେ ।

୨୦ ଗୁଲେସି ସାଚେ ନେ ସ୍ତ୍ରୀ କି ଚାଂକୁଆ କିକେ ନେୟାକେ ଶ୍ଵ ବୁାରି ମାଲେ ଝେଡ଼ିଆ ପାଙ୍ଗ୍‌ଲା ସାରାସାରି ନେ ଉଦାର୍ ବାନେ ସାପା ଆସା ସ୍ଥୁଅ ଝେକେ ।

୨୧ ସାପାରେ ଜାବର୍ ଦିନା ମାଚଂଚେ ଲେଃଝେ ଇଡ଼ିଙ୍ଗ୍ ପାଉଲ୍ ଯାତ୍ରୀଇଂନେ ବିତ୍‌ରେବାନ୍ ତୁଆଁଚେ ବାଲିରକେ “ବୟାଂ ପେ ନେଙ୍ଗ୍ ସାମୁଆଁ ଇସାବ୍‌ରେ କ୍ରିଚବାନ୍ ଜାଆଜ୍ ପେଆନ୍ତାର ନେନେ ଏନ୍ ଦୁକ୍

ପାଗଟେ ପାଡ଼ିଲ୍ ।

୨୨ ମାତର୍ ଏବେ ନେଙ୍ଗ୍ ଆପେକେ ଗୁଆରି ତିଂଣ୍ଟିଂକେ ପେଇଂ
ସାଆସ୍ ସାପା । ପେ ବିଡ଼ରେବାନ୍ ମୁଇଂଜାନେ ଡିଗ୍ ଜିବନ୍ ଆଖେ ଶ୍ଟୁ
ମାତର୍ ଜାଆଜ୍ ନସ୍ଟ ତିଂଖେଏ ।

୨୩ ନେଙ୍ଗ୍ ମୁଡ଼ି ଇସ୍ପରକେ ପୁଜା ତିଂଣ୍ଟିଂକେ ତୁଗୁଆ ମିଡ଼ିଗ୍
ମେଁନେ ମୁଇଂ କିତଂ ଦୁଡ଼ ନେଙ୍ଗ୍ ତାଗ୍ରା ପାଙ୍ଗ୍ରେ ବାଲିରକେ

୨୪ ପାଉଲ୍ ନା ଆବ୍ଟଗେ ନାମ । ନା ଡିଲାଡିଗ୍ କାଇସରନେ
ତାଗ୍ରା ନାଡୁଆଁଏ । ନା ଆଡ଼ାଡ଼ା ମାପ୍ତୁ ଦୟା ଲେଃଗେସା ନା ଏତେ
ଖେଆରତିଂକ୍ଲେ ସାପାରେନେ ଜିବନ୍ ମେଁ ରକ୍ୟା ଆଃଡିଂବକେ ।

୨୫ ତେନ୍ସା ବୟାଈଂ ସାଆସ୍ ସାପା ! ତାଗ୍ରା ନେଙ୍ଗ୍ ଇସ୍ପର୍
ତାଗ୍ରା ବିସ୍ବାସ୍ ତିଂଣ୍ଟିଂକେ ଆନେଙ୍ଗ୍ ମେଃନେ ବାଲିରବକେ ଟିକ୍
ଦେଡ଼ରକମ୍ ଗଟେଏ ।

୨୬ ମାତର୍ ନେ ତାନୁଗ୍ ଖେରେ ମୁଇଂ ଦ୍ଵାପଅରିଆ ନେଖେଟାଏ ।”

୨୭ ଖେଡ଼ିଆଃ ଗୁରିଆ ପାଙ୍ଗ୍ନେ ଗୋଅଁ ଦିନ୍ ତେନ୍ବେଲା
ମଜେମିଡ଼ିଗ୍ କେଲା ନେନେ ଜାଆଜ୍ ଆଦ୍ରିୟା କେଣ୍ଡିଆଃ ତାଗ୍ରା
ଖେଡ଼ିଂଗେ । ନେନେ ତରା ତାଇବରଇଂ ଡିଲାଡିଗ୍ କେଣ୍ଡିଆ ଆଡ଼ା
ତେପିଂଟାକେ ତାଗ୍ରେ ମନେ ବାବେ ଆରକେ ।

୨୮ ମେଇଂ ମାପେରେ ମ୍ୟାଃଆରକେ ଆଡ଼ଅରିଆ ଶ୍ଟିଆନେ ସ୍ତ୍ରୀ ୪୦
ମିଟର୍ । ବାରି ଇକୁଡ଼ା ଇଡ଼ିଙ୍ଗ୍ କେଆରକେ ଜେ ଶ୍ଟିଆନେ ସ୍ତ୍ରୀ ୩୦
ମିଟର୍ କମେ ଖେଲେଃକେ ।

୨୯ ମେଇଂ ବୁଟମେଗ୍ ଆରକେ ଜେ କାଲେ ଜାଆଜ୍ ତୁଙ୍ଗ୍ତ୍ୟାଃ
ତୁଙ୍ଗ୍ତ୍ୟାଃରେ ବ୍ରିଅରିଆ ଖେରାଃଟିଆ ବିଃଏ । ତେସା ମେଇଂ
ଜାଆଜ୍ନେ ପ୍ଲାପାକା ଅଁ କ୍ଲିଗ୍ ଲଙ୍ଗର ଖ୍ଲାଗ୍ରେ ଉଡ଼ିବେଲା ତାରାଏ
ଆଡେନ୍ ଉରଲେ ଆରଗେ ।

୩୦ ତେନ୍ ଇଡ଼ିଂ ତରା ତାଇବରଇଂ ଜାଆଜ୍ବାନ୍ ଜାର୍ରେ ଖେନ୍ସା
ରେସ୍ଟା ତିଂଆରକେ । ଜାଆଜ୍ନେ ସେପାକା ଆରି ଉଡ଼ିକ୍ଲିଗ୍ ଲଙ୍ଗର୍
ନେଲ୍ଲଗ୍ ଡାଗ୍ରେ ଜଟେଟେ ମେଇଂ ଜାଆଜ୍ ଆଡ଼ାଡ଼ା ଲେଃକ୍ଲେ
ତରାକେ ବୁନ୍ଦେ ଟମେଗ୍ ବିଆରକେ ।

୩୧ ମାତର୍ ପାଉଲ୍ ସେନାପତି ବାରି ସନ୍ଧ୍ୟାକେ ବାଲିରକେ
“ତାଇବରଇଂ ଜାଆଜ୍ଅରିଆ ଆଲେଲା ପେନେ ଆରି ଉଦାର୍ ବାନେ
ଆସା ଶ୍ଟୁ”

୩୨ ତେସା ସନ୍ୟଇଂ ତରାନେ ଗେଏଃକେ ସିତଗ୍ ବିଚେ ଶ୍ରିଆଃ ଏତେ
ତୁଙ୍ଗତ୍ୟାଃ ଝେଲେ ତାଗ୍ରେ ଆନ୍ତର୍ ବିଃଆରକେ ।

୩୩ ତେପାରନେ ଚିକ୍ ସେନୁଗ୍ ପାଉଲ୍ ସାପାରେକେ ଚଙ୍ଗନେସା
ଗୁଆରି ତିଂକେ । ମୈ ବାଲିରକେ “ଇର୍ଷ୍ୟ ଗୋଅଁ ଦିନ୍ ତିଂତିଂକେ ପେଇଂ
ମୋଃଡିଗ୍ ପେଚଙ୍ଗକେ ଶ୍ରି ।

୩୪ ସାର୍ଲ୍ ଶ୍ରିଂକେ, ଏବେ ଇତୁଡ଼ା ଚଙ୍ଗପା ବୁଆ ଲେଃନେ ନ୍ସା ଏନ୍
ଆଃ ଜିବ୍କା । ଆପ୍ଟଗ୍ପା ନାମ । ପେନେ ବାଆବାନ୍ ମୁଇଂଡିଗ୍
ଉଗ୍ବ ବାରି ନସ୍ଟ ଆଡିଙ୍ଗ୍ ଶ୍ରି ।”

୩୫ ଏନ୍ ବାଲିରଚେ ପାଉଲ୍ ଇସ୍ପରକେ ଦନ୍ୟବାଦ୍ ବିଚେ ରୁଚି
ଚିକ୍ଚିଚେ ଚଙ୍ଗକେ ।

୩୬ ଆଡବା ସାପାରେ ସାର୍ଦା ତିଂଚେ ରୁଚି ଚଂଆରକେ ।

୩୭ ଆତେନ୍ବେଲା ଜାଆଜ୍ ଅରିଆ ମ୍ପାରସ ଛସ୍ତୁରି ରେମୁଆଁ
ଲେଆରଗେ ।

୩୮ ସାପାରେ ଚଂ ତାକ୍ଲେ ଇଡିଙ୍ଗ୍ ଜାଆଜକେ ଉସାସ୍ ଆଡିଂନେସା
ଆଡଅରିଆ ଲେଃକ୍ଲେ ସାପା ଗହମ୍ କେଶ୍ରିଆ ବିଡ୍ରେ ଜଗ୍ଲୁଗ୍
ବିଆରକେ ।

ଜାଆଜ୍ ପାକ୍ଚିଝେକେ

୩୯ ମାର୍ତତଡେ ଞ୍ଚିର୍ କେଶ୍ରିଆ ଆଡାନେ ଆଣ୍ଡିନେ ଜାଗା ଅରିଆ
ମେଇଂ ପିଙ୍ଗ୍ଟା ଆରକେ ଆତେନ୍ ତରା ଆଃଚାଲେଶ୍ଚେଇଂ ମ୍ୟାଃ
ଆୟାଆରକେ ଶ୍ରି ମାତର୍ ମେଇଂ କେଆରକେ ଜେ ଆତେନ୍ ମୁଇଂ
ଉପସାଗରନେ ବାଲିଲଃ ଲେଃକ୍ଲେ ମୁଇଂ କୁରୁ କେଚେ ଆଡଅରିଆ
ଜାଆଜ୍ ଆଲାଗେନ୍ସା ସାଲ୍ୟାଃକୁକେ ।

୪୦ ତେସା ଲଙ୍ଗର୍ ଗେଏଃ ସାପା ସିତଗ୍ ବିଚେ ଆତେନ୍ ସାପା
କେଶ୍ରିଆ ଆଲ୍ ତିପଗ୍ଲେ ତାଗ୍ରେ ଆନ୍ତର୍ ବିଆରକେ । ବାରି
ମଙ୍ଗରନେ ଗେଏଃ ତଃଚେ ସାମ୍ନା ଅରିଆ ଗାଗ୍ବକ୍ଲେ ପିଆଲକେ
ଜଗ୍ ବିଃଆରକେ । ତେଲା ଝେଡିଆ ଏତେ ଟମେଗ୍ରେ ଜାଆଜ୍
କେଶ୍ରିଆ ଆଡ଼ା ପାକା ଝେକେ ।

୪୧ ମାତର୍ ଜାଆଜ୍ ମ୍ପାକ୍ଲିଗ୍ କେଶ୍ରିଆନେ ମଜେ ଅରିଆ ମୁଇଂ
ବାଲିଚଡ଼ା ଅରିଆ ଆଚିଆକେ । ଆତେନ୍ ଜାଆଜ୍ନେ ସିସେନେ ଜିନିସ୍

ପାକ୍‌ଚି ଝେକେ ବାରି ପ୍ଲା ପାକାନେ ଜିନିସ୍ ଲଉଡ଼ି ମାଡ଼ରେ ମେତଗ୍ ମେତଗ୍ ତିଂଝେକେ ।

୪୨ ବନ୍ଦିଇଂ ମାରିଆଃତୁଗ୍ କେଣ୍ଡିଆ ଆଡ଼ ଝାଣ୍ଡିଆ ଝାଣ୍ଡିଆ ଲାଗ୍‌ତଆର୍‌ଏ ତାଗ୍‌ରେ ଆତେନ୍ ବାବେରେ ଆମେଇଂକେ ବାଗୁଏଃ ବିଃନ୍‌ସା ସନ୍ୟଇଂ ବିଚାର୍ ତିଂଆରକେ ।

୪୩ ମାତର୍ ମୁଇଂସ ସନ୍ୟଇଂନେ ନେତା ପାଉଲ୍‌କେ ରକ୍ୟା ତିଙ୍ଗ୍‌ନେ ଚାଏଁତିଂକେ । ତେସା ସନ୍ୟଇଂକେ ଆଦେସ୍ ବିକେ । ପଙ୍ଗ୍‌ରେ ମ୍ୟାଲେକ୍ସେ ସାପାରେକେ ଶ୍ରିଆଃଅରିଆ ପୁଏଃତେ ଝାଣ୍ଡିଆଃ ଝାଣ୍ଡିଆଃତେ କେଣ୍ଡିଆ ଇନ୍‌ମେତାନେ ତୁବନ୍ନିଆ ଝେଲାପା

୪୪ ବାରି ସୁଆନେ ପାଟା ଆରି ଜାଆଜ୍‌ନେ ମେଃଡ଼ିଗ୍ ପାକ୍‌ଚିକ୍ସେ ମେତାଃ ସାଃତେ ତୁଙ୍ଗ୍‌ତ୍ୟାଃନ୍‌ସା ବିନ୍‌ରେକେ ବାଲିରକେ । ଦେକ୍‌ରକମ୍ ବାବ୍‌ରେ ନେ ସାପାରେ ନିରାପଦ୍‌ରେ ଝେତେ କେଣ୍ଡିଆ ଆଃଡ଼ା ତୁବନ୍ନିଆ ଝେତାକେ ।

୨୮

ମାଲ୍‌ଟା ଦିପ୍‌ନ୍ନିଆ ପାଉଲ୍

୧ ନିରାପଦ୍‌ରେ କେଣ୍ଡିଆ ଆଡ଼ା ଝେତେ ନେକେକେ ଜେ ନେଁ ମାଲ୍‌ଟା ଦିପ୍‌ନ୍ନିଆ ନେଝେତାକେ ।

୨ ଆଡ଼ଅରିଆନେ ଗ୍ରାକ୍ ସାମୁଆଁ ଆବାସକ୍‌କ୍ସେ ରେମୁଆଁଇଂ ନେ ଆଡ଼ାତ୍ରା ବଲ୍ ବାନେ ବିଆରକେ । ଆତେନ୍‌ବେଲା ଶ୍ରିଆ ଗୁରତେ ଜାବର୍ ରାସଃ ତିଂଗେ । ତେସା ମେଇଂ ସୁଆ ଆଡୁଆତେ ଆନେକେ ସାଲ୍‌ଆରକେ ।

୩ ପାଉଲ୍ ମୁଇଂ ଗ୍ଲାଗ୍ ସୁଆ ସୁଆନ୍ନିଆ ଲ୍ଲାଗ୍‌ନେ ବେଲା ଆଡ଼ବା ମୁଇଂ ବୁବ ତାରକେ ଆରି ସୁଆ ଗରମ୍‌ବାନ୍ ରକ୍ୟା ବାନ୍‌ସା ମେଁ ତ୍ରି ଆଡ଼ାତ୍ରା ତେଃତେ ଆଡ଼ଅରିଆ ଝେ ଲେଃଃଗେ ।

୪ ଆଡ଼ଅରିଆ ଲେତିଂଆରକ୍ସେ ଆଦିବାସିଇଂ ପାଉଲ୍‌ନେ ତ୍ରି ଅରିଆ ଝେତିଂକ୍ସେ ବୁବଃକେ କେତେ ମେଇଂମେଇଂ ବିଡ଼ରେ ବାଲିର୍ ବାତା ଆରକେ “ଏନ୍ ରେମୁଆଁ ମୁଇଂ ସତେଆ ରେମୁଆଁ ବାଗୁଏଣ୍ଡେ କେଣ୍ଡିଆବାନ୍ ରକ୍ୟା ବାଲାଡ଼ିଗ୍ ଦର୍ମ ଆକ୍ସେକେ ବୁଆନ୍‌ସା ଆବି ଶ୍ରି ।”

୫ ମାତର ପାଉଲ ତ୍ରିକେ ଆଜୁରଚେ ବୁବଃକେ ସୁଆ ଅରିଆ ଜଗ୍ଲଗ୍ ବିକେ । ଆଡ଼ବା ଆମେକେ ମେଃଡ଼ିଗ୍ ନସ୍ତ ଆଡ଼ିକେ ଶ୍ରୁ
|

୬ ପାଉଲନେ ଗାଗଡ଼େ ପଂଖେଏ ଶ୍ରୁଲ୍ଲା ମେଁ ଗୁଏଚେ ଆଲ ଲଃଝେଏ ଡାଗଚେ ମେଇଂ ଉଡ଼ିପର ଜାକ ଉରୁଆରକେ । ମାତର ଗୁଲେପର ଜାକ ଉରଚେ ଉଡ଼ିବେଲା କେଆରକେ ଜେ ପାଉଲକେ ମେଃଡ଼ିଗ୍ ନସ୍ତ ଆରାଃଡ଼ିକେ ଶ୍ରୁ ଫୁଇଂ ନିଜେ ନିଜେ ମନ୍ ବଦଲେଚେ ବାଲିର୍ ଆରକେ “ଏନ୍ ରେମୁଆଁ ମୁଇଂ ମାପରୁ ।”

୭ ଆତେନ୍ ଜାଗାନେ ଡାଗ୍ରା ପୁଲ୍ଲିୟସ୍ ମିକ୍ନେ ଆତେନ୍ ଦ୍ରୀପନେ ମ୍ଲାଃ ରେମୁଆଁନେ ତୁଆ ଆରି ଜାଗା ଲେଃଗେ । ମେଁ ଆନେକେ ସାର୍ଲକେ ଆରି ନେ ଜିରସି ଦିନ୍ ଜାକ ମେଁନେ କୁଲାରେ ନେଡ଼ିକେ ।

୮ ଆତେନ୍ ବେଲା ପୁଲ୍ଲିୟସନେ ଆବାଡ଼େ ଆଃସି ଲେଃଗେ ଆରି ଜାଡ଼ା ରଗ୍ ଆସାଚେ ତୁଲେଗ୍ ଲେଃଗେ ବାରି ପାଉଲ୍ ବିଡ଼ରେ ମେଁ ଡାଗ୍ରା ଝେଚେ ପାରତନା ଡ଼ିକେ ବାରି ମେଁ ଆଡ଼ାଡ଼ା ତ୍ରି ବଚେ ଆମେକେ ନିମାଣ୍ଡା ଆଡ଼ିକେ ।

୯ ଏନ୍ ଗର୍ନା ଇଡ଼ିଙ୍ଗ୍ ଦ୍ରୀପନେ ରଗିଇଂ ସାପାରେ ପାଉଲ୍ ଡାଗ୍ରା ପାଙ୍ଗଚେ ନିମାଣ୍ଡା ଡ଼ିଆରକେ ।

୧୦ ମେଇଂ ଆନେକେ ଗୁଲେ ଜିନିସ୍ ବିଆରକେ ଆରି ନେ ଆଡ଼ବା ଜାଆଜ୍ ଅରିଆ କଚେ ଝେନେବେଲା ନେନେ ଝେନେ ଗାଲିଆଡ଼ଲା ଦରକାର ଲେଃଝେ ଜିନିସ୍ ଇଂ ସାପା ମେଇଂ ତୁଙ୍ଗ୍ ପାଙ୍ଗଚେ ଜାଆଜ୍ ଡାଗ୍ରା ବଚେ ଝେଆରକେ ।

ମାଲ୍ଟାବାନ୍ ରୋମ୍

୧୧ ଆଲେକ୍ ଜାଣ୍ଡିଆ ବାନ୍ ପାଙ୍ଗଲେଃଝେ “ମୁଗ୍ଲ ଦେବତା” ମିକ୍ନେ ମୁଇଂ ଶ୍ରୁଆ ଜାଆଜ୍ ମାଲ୍ଟା ଦିପ୍ଲିଆ ରାସଃକିଗ୍ କାଚେ ନେବକେ । ଦିପ୍ଲିଆ ଞ୍ଜି ଆକେ ଲେଃଝେ ଇଡ଼ିଙ୍ଗ୍ ନେ ଆତାନ୍ ଶ୍ରୁଆ ଜାଆଜ୍ ଦିପ୍ଲିଆ କଚେ ବାରି ନେଝେକେ ।

୧୨ ନେ ଆଡ଼ଅରିଆ ସେନୁଗ୍ ସିରାକୁସ୍ ସହର୍ନିଆ ଝେଚାଚେ ଆଡ଼ଅରିଆ ଜିରସି ନେଲେଃଝେ ।

୧୩ ଆଡ଼ବାନ୍ ଡାଚଚେ ନେ ରିଜିୟମ୍ ସହର୍ନିଆ ନେଝେଚାକେ । ତେନ୍ ମାରତଡ଼େ ଦକିନ୍ ଝେଡ଼ିଆ ପାଙ୍ଗକେ ଆରି ବାରସି ଇଡ଼ିଙ୍ଗ୍ ପୁଡ଼ିଅଲି ସହର୍ନିଆ ନେଝେଚାକେ ।

୧୪ ଆଡ଼ଅରିଆ ନେ ବୟାଁଙ୍କେ ନେଅବାକେ । ମେଇଙ୍ଗ୍ ଏତେ ମୁଇଁଂସାନ୍ତା ଲେନ୍‌ସା ଗୁଆରି ତିଂଆରକେ । ତେନ୍ ଇଡ଼ିଂ ନେ ରୋମ୍ ଅରିଆ ନେପିଂଚାକେ ।

୧୫ ବୟାଁଇଂ ନେନେ କବର୍ ବାଚେ ଆତାନ୍ ଜାଗା ବାନ୍ ଆପୀୟନେ ସାନ୍ତା ବାରି “ଞ୍ଜିଲ୍ଲିଗ୍ ବାଡ଼ା ତୁଆ” ଜାକ ଆନେକେ ଅବାନ୍‌ସା ପାଂଲେଆରଗେ । ବାରି ପାଉଲ୍ ଆମେଇଂକେ କେଚେ ଇସ୍‌ପର୍‌କେ ଦନ୍‌ସବାଦ୍ ଡିଙ୍ଗ୍‌ଚେ ସାଆସ୍ ବାକେ ।

ରୋମ୍ ଇନିନ୍‌ନିଆ ପାଉଲ୍

୧୬ ତେନ୍ ଇଡ଼ିଂ ନେ ରୋମ୍ ନେଖେକେ ପାଉଲ୍‌କେ ରୋମ୍‌ଅରିଆ ମୁଇଁଂଜା ଲେନ୍‌ସା ଆଦେସ୍ ମିଲେକେ । ମାତର୍ ମେଁ ତାଗ୍ରା ମୁଇଁଂ ସନ୍‌ସ କାଲାଆଃ ଉର୍‌ଚେ ଲେଃଗେ ।

୧୭ ପାଉଲ୍ ଜିର୍‌ସି ଇଡ଼ିଙ୍ଗ୍ ଜିଉଦି ନେତାଇଂ ଖାଆରକେ ମେଇଂ ମୁଇଁଂନୁଗ୍ ରିସିଂକ୍ଲେ ଇଡ଼ିଙ୍ଗ୍ ମେଁ ଆମେଇଂକେ ବାଲିର୍‌କେ “ଇସ୍ରାଏଲ୍‌ନେ ବୟାଁଇଂ ନେଙ୍ଗ୍ ଜଦି ନେ ରେମୁଆଁଇଂନେ ବିରୁଦ୍‌ରେ ବାନେ ଛାଞ୍ଜାଇଂନେ ନିୟମ୍ ବିରୁଦ୍‌ରେ ମେଃଡିଗ୍ ତିଂନାବଗେ ଶୁ ତେଲ୍‌ଡିଗ୍ ଆନେଙ୍ଗ୍ ଯିରୁସାଲାମ୍‌ନିଆ ବନ୍ଦି ଆତିଂଚେ ରୋମୀୟଇଂନେ ଅରିଆ ଆସା ପେବିକେ ।

୧୮ ରୋମୀୟଇଂ ଆନେଙ୍ଗ୍‌କେ ଗୁଲେ ପ୍ରସନ୍ ସାଲିଆକୁଆରକେ । ମାତର୍ ମେଇଂ ନେଙ୍ଗ୍ ଅରିଆବାନ୍ ଗୁଏନେ ଡଣ୍ଟ ବାନେ ମେଃଡିଗ୍ ଦସ୍ ଆବା ଆରକେ ଶୁ ତେସା ମେଇଂ ଆନେଙ୍ଗ୍‌କେ ଆନ୍ତାର୍ ବିନ୍‌ସା ଚାଏଆରକେ ।

୧୯ ✱ମାତର୍ ଜିଉଦିଇଂ ଏନ୍ ନିଷ୍ପତିରେ ଆପତି ତିଂଆରକେ । ତେସା ନେଙ୍ଗ୍ କାଲସର୍ ତାଗ୍ରା ନିବେଦନ୍ ତିଂନେସା ବାଦ୍ୟ ଶ୍ରିଂକେ । ନେଙ୍ଗ୍‌ନେ ମାତର୍ ନିଜର୍ ରେମୁଆଁଇଂନେ ବିରୁଦ୍‌ରେ ମେଃଡିଗ୍ ଆପତି ଡିଙ୍ଗ୍‌ନେ ଦାବି ଶୁ ।

୨୦ ଆତେନ୍‌ସା ନେଙ୍ଗ୍ ପେଇଂ ଏତେ ବାଲିର୍‌ବାତା ତିଂନେସା ସାଲ୍ ଶ୍ରିଙ୍ଗ୍‌କେ । ସଡ଼ ବାବ୍‌ରେ ଜା ଆଡ଼ାତ୍ରା ଇଗ୍ରାୟେଲୀୟନେ ରେମୁଆଁଇଂ ଆସା ବଚେ ପାଂତିଂଆରକେ ମେଇଂ ନ୍‌ସା ଏକେ ନେଙ୍ଗ୍ ସିଲ୍ଲି ଏତେ ଆଗାଗ୍ ମ୍‌କେ ।”

୨୧ ମେଇଁ ବାଲିର ଆରକେ “ନେ ଜିଉଦା ପ୍ରଦେସ୍‌ବାନ୍ ନା ବିସୟରେ ମେଃଡ଼ିଗ୍ ଚିଚି ଉଲିଆ ନେବାକେ ଶ୍ରୁ କ୍ରି ନାନେ କବର୍ ଡୁଙ୍ଗ୍‌ଖେରେ ନା ବିସୟରେ ମେଃଡ଼ିଗ୍ ଦାବି ତିଂରେ ବାଲିରନେସା ନେ ବୟାଁଇଁ ବିତ୍‌ରେବାନ୍ ଜା ଆକ୍‌ଅରିଆ ଆପାଂକେ ଶ୍ରୁ ।

୨୨ ଆତେନ୍ ଆନ୍ତାରପା ନେ ନାନେ ମତାମତ୍ ଦ୍ଵିଗ୍‌ନେସା ଚାଏଁ ନେଡ଼ିଂକେ ଡାଗ୍ଲା ସାପାରେ ନା ଦଲ୍ ବିରୁଦ୍‌ରେ ସାମୁଆଁ ବାଲିର ଆର୍ ତିଂକେ ।”

୨୩ ତେସା ମେଇଁ ମେଡାଗ୍ଲା ପାଂନେସା ମୁଇଁ ତାରିକ୍ ବାତେ ଆରକେ । ଜାବର୍ ସଂକ୍ୟାରେ ରେମୁଆଁଇଁ ମେଁ କାଲାଆଃ ଲେଃନେ ଚାନ୍ ଅରିଆ ପାଆରକେ । ପାଉଲ୍ ଆମେଇଁକେ ଇସ୍‌ପର୍‌ନେ ରାଜି ବିସୟରେ ପର୍‌ମାନ୍ ବିତେ ସାପା ସାମୁଆଁ ଆଦ୍ଵିଗ୍ ବିକେ । ମେଁ ଞ୍ଜିର ବାନ୍ ଲମ୍‌ଡ଼ିଗ୍ ଜାକ ମୋଶାନେ ନିୟମ୍ ଆରି ବାବବାଦିଇଁନେ ସାସ୍ତ୍ରବାନ୍ ଜିସୁନେ ବିସୟରେ ଆଦ୍ଵିଗ୍‌ରେ ଆମେଇଁକେ ବିସ୍‌ବାସ୍ ଆଡ଼ିଂନେସା ଚେସ୍‌ଟା ତିଂକେ ।

୨୪ ମେଇଁନେ ବାନ୍ ଉଡ଼ିରୁଆ ଜିଉଦା ପାଉଲ୍ ସାମୁଆଁରେ ବିସ୍‌ବାସ୍ ତିଂଆରକେ ମାତର୍ ଉଡ଼ିରୁଆ ଜିଉଦା ଅବିସ୍‌ବାସ୍ ତିଂଆରକେ ।

୨୫ ମେଇଁ ଇଡ଼ିଂ ମେଇଁମେଇଁ ବିତ୍‌ରେ ବାଲିରବାତାତେ ଲାଗ୍‌ଡ଼ଆରକେ । ଆତେନ୍‌ବେଲା ପାଉଲ୍ ଆମେଇଁକେ ବାଲିରକେ “ପବିତ୍ର ଆମ୍ବା ବାବବାଦି ଯିଶାଇୟ ବାନ୍ ପେଇଁନେ ଛାଞ୍ଜାଇଁକେ ସତ୍ ସାମୁଆଁ ବାଲିର ବଆରଗେ ।

୨୬ ମେଁ ବାଲିରକେ

ଏନ୍ ରେମୁଆଁଇଁ ତାଗ୍ଲା ଝେଲା ବାରି ଆମେଇଁକେ ବାଲିରପା
ଜେ ପେ ପେଦ୍ଵିଗ୍‌ଏ ମାତର୍ ପେବୁଜେ ଶ୍ରୁ ।

ବାରି, ପେଇଁ କେ କେଚେଃ ପେକେଏ, ମାତର୍ ମେଃଡ଼ିଗ୍
ପେବୁଜେ ଶ୍ରୁ ।

୨୭ ଡାଗ୍ଲା ଏନ୍ ରେମୁଆଁଇଁନେ ଜିବନ୍ ବୁଟକେ, ମେଇଁ ଲୁଗ୍ ଏତେ
କସ୍‌ରେ ଅଁ ଆରକେ,
ମେଇଁ ନିଜେ ନିଜେନେ ମୁଆଃ ଲୁଗ୍ ତାଙ୍ଗ୍‌ତା ବିଃବଆରକେ,
ଆତେନ୍ ତିଂଆଲେଃଲା
ମେଇଁ ମୁଆଃ ପାକେଆର୍

ବାରି ନ୍ଲୁଗ୍ ବିଚେ ପାଅଁ ଆର୍ ।

ମେଇଂନେ ବୁଦିନ୍ନିଆ ବୁଜେନେ ବପୁ ପାଲେଃ;

ମେଇଂ ଇସ୍ପର୍ନେ ଗାଲି ପାକା ପାଞ୍ଜେଆର୍

ବାରି ନେଙ୍ଗ୍ ଆମେଇଂକେ ନିମାଣ୍ଡା ଖାରାତିଂ । ”

୨୮ ପେଇଂ ମ୍ୟାଃପା ଜେ ଇସ୍ପର୍ନେ ଏନ୍ ଉଦାର୍
ଅଣଜିଉଦିଇଂନେ ଡାଗ୍ରା ବେବକେ ପେଇଂ ଆକେନ୍ ମ୍ୟାଃପା ମେଇଂ
ଆଡେନ୍ ଦ୍ଵିଗ୍ ଆର୍ଏ ବାରି ଗୁଅନ୍ ତିଂଆର୍ଏ ।

୨୯ ବାରି ମେଁ ଏନ୍ସାପା ସାମୁଆଁ ବାଲିରଲ୍ଲା ଜିଉଦିଇଂ
ମେଇଂମେଇଂ ବିଡ଼ରେ ବାଲିରବାତାଚେ ଲାଗ୍ଡଆରକେ ।

୩୦ ପାଉଲ୍ ବାରମୁଆଁ ଜାକ ନିଜେନେ ବାଡ଼ା ହୁଆ ଲେଃଗେ ।

୩୧ ଉଡ଼ିରୁଆ ପାଉଲ୍କେ କେନ୍ସା ପାଂତିଂଆର୍ଗେ ମେଁ
ସାପାରେକେ ସାର୍ଲତିଂକେ ଆରି ପାଉଲ୍ କୁଲାକୁଲି ବାବ୍ରେ ସାଆସ୍
ଏଡେ ମାବ୍ଗଟେ ମେଁ ଇସ୍ପର୍ନେ ରାଜି ବିସ୍ପ୍ରେ ବାସଙ୍ଗଟେ
ମାପ୍ପୁରୁ ଜିସୁ କିସ୍ପଟେ ବିସ୍ପ୍ରେ ସିକ୍ୟା ବିଃକେ ।

ସତ୍ ଗାଳି
The New Testament in the Gata' language of India: ସତ୍
ଗାଳି (Bible)

copyright © 2020 The Word for the World International

Language: Didayi (Gata')

Contributor: The Word for the World International

ସତ୍ ଗାଳି
ଯୀଶୁ ମାତ୍ରେନେ ନି ନିଅମ୍, 2020

The Gata Didayi Testament Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-09

PDF generated using Haiola and XeLaTeX on 18 Mar 2025 from source files dated 9 Apr 2023

cd536811-9eb4-56d5-9546-afaca24c958c